

அங்கு³த்தரனிகாயே

பஞ்சகனிபாத-அட்ட²கதா²

1. பட²மபண்ணாஸகங்

1. ஸேக²ப³லவக்³கோ³

1. ஸங்கி²த்தஸுத்தவண்ணனா

1. பஞ்சகனிபாதஸ்ஸ பட²மே ஸத்தன்னங் ஸேகா²னங் ப³லானீதி ஸேக²ப³லானி. ஸத்³தா⁴ப³லாதீ³ஸு அஸ்ஸத்³தி⁴யே ந கம்பதீதி ஸத்³தா⁴ப³லங். அஹிரிகே ந கம்பதீதி ஹிரீ³ப³லங். அனொத்தப்பே ந கம்பதீதி ஒத்தப்ப³லங். கோஸஜ்ஜே ந கம்பதீதி விரியப³லங். அவிஜ்ஜாய ந கம்பதீதி பஞ்ஞாப³லங். தஸ்மாதி யஸ்மா இமானி ஸத்தன்னங் ஸேகா²னங் ப³லானி, தஸ்மா.

2. வித்த²தஸுத்தவண்ணனா

2. து³தியே காயது³ச்சரிதேனாதிஆதீ³ஸு உபயோக³த்தே² கரணவசனங், ஹிரீயிதப்³பா³னி காயது³ச்சரிதாதீ³னி ஹிரீயதி ஜிகு³ச்ச²தீதி அத்தோ². ஒத்தப்பனித்³தே³ஸே ஹெத்வத்தே² கரணவசனங், காயது³ச்சரிதாதீ³ஹி ஒத்தப்பஸ்ஸ ஹேதுபு⁴தேஹி ஒத்தப்பதி பா⁴யதீதி அத்தோ².

ஆரத்⁴விரியோதி பக்³க³ஹிதவிரியோ அனோஸக்கிதமானஸோ. பஹானாயாதி பஹானத்தா²ய. உபஸம்பதா³யாதி படிபா⁴த்தா²ய. தா²மவாதி விரியதா²மேன ஸமன்னாக³தோ. து³ஹபரக்கமோதி தி²ரபரக்கமோ. அனிக்கி²த்தது⁴ரோ குஸலேஸு த⁴ம்மேஸுதி குஸலேஸு த⁴ம்மேஸு அனோரோபிதது⁴ரோ அனோஸக்கிதவிரியோ.

உத³யத்த²கா³மினியாதி பஞ்சன்னங் க²ந்தா⁴னங் உத³யவயகா³மினியா உத³யஞ்ச வயஞ்ச படிவிஜ்ஜி²துங் ஸமத்தா²ய. பஞ்ஞாய ஸமன்னாக³தோதி விபஸ்ஸனாபஞ்ஞாய சேவ மக்³க³பஞ்ஞாய ச ஸமங்கி³பு⁴தோ. அரியாயாதி விக்க²ம்ப⁴னவஸேன ச ஸமுச்சே²த³வஸேன ச கிலேஸேஹி ஆரகா டி²தாய பரிஸுத்³தா⁴ய. நிப்³பே³தி⁴காயாதி ஸா ச அபி⁴னிவிஜ்ஜ²னதோ நிப்³பே³தி⁴காதி வச்சதி, தாய ஸமன்னாக³தோதி அத்தோ². தத்த² மக்³க³பஞ்ஞா ஸமுச்சே²த³வஸேன அனிப்³பித்³த⁴புப்³பங் அப்பதா³லிதபுப்³பங்

லோபு⁴க்க²ந்த⁴ங் தோ³ஸக்க²ந்த⁴ங் மோஹக்க²ந்த⁴ங் நிப³பி³ஜ்ஜ²தி
பதா³லேதீதி நிப³பே³தி⁴கா, விபஸ்ஸனாபஞ்ஞா தத³ங்க³வஸேன நிப³பே³தி⁴கா,
மக்³பஞ்ஞாய படி³லாப⁴ஸங்வத்தனதோ தப³பி³பஸ்ஸனா நிப³பே³தி⁴காதி
வத்துங் வட்டதி. ஸம்மா து³க்க²க்க²யகா³மினியாதி இதா⁴பி மக்³பஞ்ஞா
ஸம்மா ஹேதுனா நயேன வட்டது³க்க²ஞ்ச கிலேஸது³க்க²ஞ்ச கே²பயமானா
க³ச்ச²தீதி ஸம்மா து³க்க²க்க²யகா³மினீ நாம, விபஸ்ஸனாபஞ்ஞா
தத³ங்க³வஸேன வட்டது³க்க²ஞ்ச கிலேஸது³க்க²ஞ்ச கே²பயமானா க³ச்ச²தீதி
து³க்க²க்க²யகா³மினீ. து³க்க²க்க²யகா³மினியா வா மக்³பஞ்ஞாய படி³லாபா⁴ய
ஸங்வத்தனதோபேஸா து³க்க²க்க²யகா³மினீதி வேதி³தப்³பா³. இதி இமஸ்மிங்
ஸுத்தே பஞ்ச ப³லானி மிஸ்ஸகானேவ கதி²தானி, ததா² பஞ்சமே.

6. ஸமாபத்திஸுத்தவண்ணனா

6. ச²ட்டே² அகுஸலஸ்ஸ ஸமாபத்தீதி அகுஸலத⁴ம்மஸ்ஸ
ஸமாபஜ்ஜனா, தேன ஸத்³தி⁴ங் ஸமங்கி³பா⁴வோதி அத்தோ². பரியுட்டா²ய
திட்ட²தீதி பரியோனந்தி⁴த்வா திட்ட²தி.

7. காமஸுத்தவண்ணனா

7. ஸத்தமே காமேஸு லளிதாதி வத்து²காமகிலேஸகாமேஸு லளிதா
அபி⁴ரதா. அஸிதப்³யாப⁴ங்கி³ந்தி திணலாயனஅஸிதஞ்சேவ
திணவஹனகாஜஞ்ச. குலபுத்தோதி ஆசாரகுலபுத்தோ. ஓஹாயாதி பஹாய.
அலங் வசனாயாதி யுத்தங் வசனாய. லப்³பா⁴தி ஸுலபா⁴ ஸக்கா
லபி⁴துங். ஹீனா காமாதி பஞ்சன்னங் நீசகுலானங் காமா. மஜ்ஜி²மா காமாதி
மஜ்ஜி²மஸத்தானங் காமா. பணீதா காமாதி ராஜராஜமஹாமத்தானங் காமா.
காமாத்வேவ ஸங்க²ங் க³ச்ச²ந்தீதி காமனவஸேன காமேதப்³பவஸேன ச
காமாஇச்சேவ ஸங்க²ங் க³ச்ச²ந்தி. வுத்³தோ⁴ ஹோதீதி மஹல்லகோ ஹோதி.
அலங்பஞ்ஞாதி யுத்தபஞ்ஞா. அத்தகு³த்தோதி அத்தனாவ கு³த்தோ
ரக்கி²தோ, அத்தானங் வா கோ³பேதுங் ரக்கி²துங் ஸமத்தோ². நாலங்
பமாதா³யாதி ந யுத்தோ பமஜ்ஜிதுங். ஸத்³தா⁴ய அகதங் ஹோதீதி யங்
ஸத்³தா⁴ய குஸலேஸு த⁴ம்மேஸு காதுங் யுத்தங், தங் ந கதங் ஹோதி.
ஸேஸபதே³ஸுபி ஏஸேவ நயோ. அனபெக்கோ² தா³னாஹங், பி⁴க்க²வே,
தஸ்மிங் பி⁴க்கு²ஸ்மிங் ஹோமீதி ஏவங் ஸத்³தா⁴தீ³ஹி காதப்³பங் கத்வாவ
ஸோதாபத்திப²லே பதிட்டி²தே தஸ்மிங் புக்³கலே அனபெக்கோ² ஹோமீதி
தஸ்ஸேதி. இமஸ்மிங் ஸுத்தே ஸோதாபத்திமக்³கோ³ கதி²தோ.

8. சவனஸுத்தவண்ணனா

8. அட்ட²மே ஸத்³த⁴ம்மேதி ஸாஸனஸத்³த⁴ம்மே. அஸ்ஸத்³தோ⁴தி
ஓகப்பனஸத்³தா⁴ய ச பக்க²ந்த³னஸத்³தா⁴ய சாதி த்³வீஹிபி ஸத்³தா⁴ஹி

விரஹிதோ. சவதி நப்பதிட்டா²தீதி இமஸ்மிங் ஸாஸனே கு³ணேஹி சவதி, பதிட்டா²துங் ந ஸக்கோதி. இதி இமஸ்மிங் ஸுத்தே அப்பதிட்டா²னஞ்ச பதிட்டா²னஞ்ச கதி²தங்.

9. பட²மஅகா³ரவஸுத்தவண்ணனா

9. நவமே நாஸ்ஸ கா³ரவோதி அகா³ரவோ. நாஸ்ஸ பதிஸ்ஸோதி அப்பதிஸ்ஸோ, அஜெட்ட²கோ அனீசவுத்தி. ஸேஸமெத்த² புரிமஸதி³ஸமேவ.

10. து³தியஅகா³ரவஸுத்தவண்ணனா

10. த³ஸமே அப⁴ப்³போ³தி அபா⁴ஜனங். வுத்³தி⁴ந்தி வட்³டி⁴ங். விருள்ஹிந்தி விருள்ஹமூலதாய நிச்சலபா⁴வங். வேபுல்லந்தி மஹந்தபா⁴வங். ஸேஸங் ஸப்³ப³த்த² உத்தானமேவாதி.

ஸேக²ப³லவக்³கோ³ பட²மோ.

2. ப³லவக்³கோ³

1. அனநுஸ்ஸுதஸுத்தவண்ணனா

11. து³தியஸ்ஸ பட²மே புப்³பா³ஹங், பி³க்க²வே, அனநுஸ்ஸுதேஸு த³ம்மேஸு³தி அஹங், பி³க்க²வே, புப்³பே³ அனநுஸ்ஸுதேஸு சதுஸு ஸச்சத³ம்மேஸு. அபி³ஞ்ஞாவோஸானபாரமிப்பத்தோ படிஜானாமீதி சதுஸு ஸச்சேஸு சதுஹி மக்³கே³ஹி ஸோளஸவித³ஸ்ஸ கிச்சஸ்ஸ கரணேன அபி³ஜானித்வா வோஸானபாரமிங் ஸப்³பே³ஸங் கிச்சானங் நி³டி²தத்தா கதகிச்சபா³வங் பாரங் பத்தோ படிஜானாமீதி மஹாபோ³தி³பல்லங்கே அத்தனோ ஆக³மனீயகு³ணங் த³ஸ்ஸேதி. ததா²க³தஸ்ஸாதி அட்ட²ஹி காரணேஹி ததா²க³தஸ்ஸ. ததா²க³தப³லானீதி யதா² தேஹி க³ந்தப்³பங், ததே²வ க³தானி பவத்தானி ஞாணப³லானி. ஆஸப³ங் டா²னந்தி ஸெட்ட²ட்டா²னங். ஸீஹனாத³ந்தி அபீ³தனாத³ங். ப்³ரஹ்மசக்கந்தி ஸெட்ட²சக்கங். பவத்தேதீதி கதே²தி.

2. கூடஸுத்தவண்ணனா

12. து³தியே ஸேக³ப³லானீதி ஸேகா²னங் ஞாணப³லானி. அக்³க³ந்தி உத்தமங். ஸேஸப³லானி கோ³பானஸியோ கூடங் விய ஸங்க³ண்ஹாதீதி ஸங்கா³ஹிகங். தானேவ ப³லானி ஸங்ஹதானி கரோதீதி ஸங்கா³தனியங்.

3. ஸங்கி²த்தஸுத்தவண்ணனா

13. ததியே தத்த² முட்ட²ஸ்ஸச்சே ந கம்பதீதி ஸதிப³லங். உத்³த³ச்சே ந கம்பதீதி ஸமாதி³ப³லங்.

4. வித்த²தஸுத்தவண்ணனா

14. சதுத்தே² ஸதினேபக்கேனாதி எத்த² நேபக்கங் வுச்சதி பஞ்ஞா, ஸா ஸதியா உபகாரகபா³வேன க³ஹிதா.

5. த³ட்ட²ப்³பு³ஸுத்தவண்ணனா

15. பஞ்சமே ஸவிஸயஸ்மிங்யேவ லோகியலோகுத்தரத³ம்மே கதே²துங் கத்த² ச, பி³க்க²வே, ஸத்த³தா³ப³லங் த³ட்ட²ப்³பு³ந்திஆதி³மாஹ. யதா² ஹி சத்தாரோ ஸெட்டி²புத்தா, ராஜாதி ராஜபஞ்சமேஸு ஸஹாயேஸு “நக்க²த்தங் கீளிஸ்ஸாமா”தி வீதி²ங் ஓதிண்ணேஸு ஏகஸ்ஸ ஸெட்டி²புத்தஸ்ஸ கே³ஹங் க³தகாலே இதரே சத்தாரோ துண்ஹீ நிஸீத³ந்தி, கே³ஹஸாமிகோவ “இமேஸங் கா²த³னியங் போ³ஜனீயங் தே³த², க³ந்த³மாலாலங்காராதீ³னி தே³தா²”தி

கேஹே விசாரேதி. து³தியத்தியசதுத்த²ஸ்ஸ கேஹங் க³தகாலே இதரே சத்தாரோ துண்ஹீ நிஸீத³ந்தி, கேஹஸாமிகோவ “இமேஸங் கா²த³னீயங் போ⁴ஜனீயங் தே³த², க³ந்த⁴மாலாலங்காராதீ³னி தே³தா²”தி கேஹே விசாரேதி. அத² ஸப்³பச்சா² ரஞ்ஞோ கேஹங் க³தகாலே கிஞ்சாபி ராஜா ஸப்³பத்த² இஸ்ஸரோ, இமஸ்மிங் பன காலே அத்தனோ கேஹேயேவ “இமேஸங் கா²த³னீயங் போ⁴ஜனீயங் தே³த², க³ந்த⁴மாலாலங்காராதீ³னி தே³தா²”தி விசாரேதி, ஏவமேவங் ஸத்³தா⁴பஞ்சமேஸு ப³லேஸு தேஸு ஸஹாயேஸு ஏகதோ வீதி²ங் ஓதரந்தேஸு விய ஏகாரம்மணே உப்பஜ்ஜமானேஸுபி யதா² பட²மஸ்ஸ கேஹே இதரே சத்தாரோ துண்ஹீ நிஸீத³ந்தி, கேஹஸாமிகோவ விசாரேதி, ஏவங் ஸோதாபத்தியங்கா³னி பத்வா அதி⁴மொக்க²லக்க²ணங் ஸத்³தா⁴ப³லமேவ ஜெட்ட²கங் ஹோதி புப்³பங்க³மங், ஸேஸானி தத³ன்வயானி ஹோந்தி. யதா² து³தியஸ்ஸ கேஹே இதரே சத்தாரோ துண்ஹீ நிஸீத³ந்தி, கேஹஸாமிகோவ விசாரேதி, ஏவங் ஸம்மப்பதா⁴னானி பத்வா பக்³க³ஹலக்க²ணங் வீரியப³லமேவ ஜெட்ட²கங் ஹோதி புப்³பங்க³மங் , ஸேஸானி தத³ன்வயானி ஹோந்தி. யதா² து³தியஸ்ஸ கேஹே இதரே சத்தாரோ துண்ஹீ நிஸீத³ந்தி, கேஹஸாமிகோவ விசாரேதி, ஏவங் ஸதிபட்டா²னானி பத்வா உபட்டா²னலக்க²ணங் ஸதிப³லமேவ ஜெட்ட²கங் ஹோதி புப்³பங்க³மங், ஸேஸானி தத³ன்வயானி ஹோந்தி. யதா² சதுத்த²ஸ்ஸ கேஹே இதரே சத்தாரோ துண்ஹீ நிஸீத³ந்தி, கேஹஸாமிகோவ விசாரேதி, ஏவங் ஜா²னவிமொக்கே² பத்வா அவிக்கே²பலக்க²ணங் ஸமாதி⁴ப³லமேவ ஜெட்ட²கங் ஹோதி புப்³பங்க³மங், ஸேஸானி தத³ன்வயானி ஹோந்தி. ஸப்³பச்சா² ரஞ்ஞோ கேஹங் க³தகாலே பன யதா² இதரே சத்தாரோ துண்ஹீ நிஸீத³ந்தி, ராஜாவ கேஹே விசாரேதி, ஏவமேவ அரியஸச்சானி பத்வா பஜானநலக்க²ணங் பஞ்ஞாப³லமேவ ஜெட்ட²கங் ஹோதி புப்³பங்க³மங், ஸேஸானி தத³ன்வயானி ஹோந்தீதி ஏவமித⁴ பஞ்ச ப³லானி மிஸ்ஸகானி கதி²தானி. ச²ட்ட²ங் உத்தானத்த²மேவ. ஏவங் புரிமவக்³கே³ ச இத⁴ ச அட்ட²ஸு ஸுத்தேஸு ஸேக²ப³லானேவ கதி²தானி. கரண்ட³கோலவாஸீ மஹாத³த்தத்தே²ரோ பனாஹ - “ஹெட்டா² சதூஸு ஸுத்தேஸு ஸேக²ப³லானி கதி²தானி, உபரி சதூஸு அஸேக²ப³லானீ”தி.

7. பட²மஹிதஸுத்தவண்ணனா

17. ஸத்தமே ஸீலாத³யோ மிஸ்ஸகாவ கதி²தா. விமுத்தீதி அரஹத்தப²லவிமுத்தியேவ. விமுத்திஞாணத³ஸ்ஸனங் பச்சவெக்க²ணஞாணங், தங் லோகியமேவ.

8-10. து³தியஹிதஸுத்தாதி³வண்ணனா

18-20. அட்ட²மே து³ஸ்ஸீலோ ப³ஹுஸ்ஸுதோ கதி²தோ, நவமே
அப்பஸ்ஸுதோ து³ஸ்ஸீலோ, த³ஸமே ப³ஹுஸ்ஸுதோ கீ²ணாஸவோதி.

ப³லவக்³கோ³ து³தியோ.

3. பஞ்சங்கி³கவக்³கோ³

1. பட²மஅகா³ரவஸுத்தவண்ணனா

21. ததியஸ்ஸ பட²மே அஸபா⁴க³வுத்திகோதி அஸபா⁴கா³ய விஸதி³ஸாய ஜீவிதவுத்தியா ஸமன்னாக³தோ . ஆபி⁴ஸமாசாரிகங் த⁴ம்மந்தி உத்தமஸமாசாரபூ⁴தங் வத்தவஸேன பஞ்ஞத்தஸீலங். ஸேக²ங் த⁴ம்மந்தி ஸேக²பண்ணத்திஸீலங். ஸீலானீதி சத்தாரி மஹாஸீலானி. ஸம்மாதி³ட்டி²ந்தி விபஸ்ஸனாஸம்மதி³ட்டி²ங். ஸம்மாஸமாதி⁴ந்தி மக்³க³ஸமாதி⁴ஞ்சேவ ப²லஸமாதி⁴ஞ்ச. இமஸ்மிங் ஸுத்தே ஸீலாதீ³னி மிஸ்ஸகானி கதி²தானி.

2. து³தியஅகா³ரவஸுத்தவண்ணனா

22. து³தியே ஸீலக்க²ந்த⁴ந்தி ஸீலராஸிங். ஸேஸத்³வயேபி ஏஸேவ நயோ. இமே பன தயோபி க²ந்தா⁴ மிஸ்ஸகாவ கதி²தாதி.

3. உபக்கிலேஸஸுத்தவண்ணனா

23. ததியே ந ச பப⁴ஸ்ஸரந்தி ந ச பபா⁴வந்தங். பப⁴ங்கு³ சாதி பபி⁴ஜ்ஜனஸபா⁴வங். அயோதி காளலோஹங். லோஹந்தி ட²பெத்வா இத⁴ வுத்தானி சத்தாரி அவஸேஸங் லோஹங். ஸஜ்ஜந்தி ரஜதங். சித்தஸ்ஸாதி சாதுபூ⁴மககுஸலசித்தஸ்ஸ. தேபூ⁴மகஸ்ஸ தாவ உபக்கிலேஸா ஹொந்து, லோகுத்தரஸ்ஸ கத²ங் ஹொந்தீதி? உப்பஜ்ஜிதுங் அப்பதா³னேன. யத³க்³கே³ன ஹி உப்பஜ்ஜிதுங் ந தெ³ந்தி, தத³க்³கே³னேவ தே லோகியஸ்ஸபி லோகுத்தரஸ்ஸபி உபக்கிலேஸா நாம ஹொந்தி. பப⁴ங்கு³ சாதி ஆரம்மணே சுண்ணவிசுண்ணபா⁴ஹுபக³மனேன பி⁴ஜ்ஜனஸபா⁴வங். ஸம்மா ஸமாதி⁴யதி ஆஸவானங் க²யாயாதி ஆஸவானங் க²யஸங்கா²தஸ்ஸ அரஹத்தஸ்ஸ அத்தா²ய ஹேதுனா காரணேன ஸமாதி⁴யதி. எத்தாவதா சித்தங் விஸோதெ⁴த்வா அரஹத்தே பதிட்டி²தங் கீணாஸவங் த³ஸ்ஸேதி. இதா³னிஸ்ஸ அபி⁴ஞ்ஞாபடிவேத⁴ங் த³ஸ்ஸெந்தோ யஸ்ஸ யஸ்ஸ சாதிஆதி³மாஹ. தங் உத்தானத்த²மேவாதி.

4. து³ஸ்ஸீலஸுத்தவண்ணனா

24. சதுத்தே² ஹதுபனிஸோதி ஹதஉபனிஸ்ஸயோ ஹதகாரணோ. யதா²பூ⁴தஞாணத³ஸ்ஸனந்தி நாமருபபரிச்சே²த³ஞாணங் ஆதி³ங் கத்வா தருணவிபஸ்ஸனா. நிப்³பி³தா³விராகோ³தி நிப்³பி³தா³ ச விராகோ³ ச . தத்த² நிப்³பி³தா³ ப²லவவிபஸ்ஸனா, விராகோ³ மக்³கோ³. விமுத்திஞாணத³ஸ்ஸனந்தி ப²லவிமுத்தி ச பச்சவெக்க²ணஞாணஞ்ச.

5. அனுக்³க³ஹிதஸுத்தவண்ணனா

25. பஞ்சமே ஸம்மாதி³ட்டி²தி விபஸ்ஸனாஸம்மாதி³ட்டி².
சேதோவிமுத்திப²லாதிஆதீ³ஸு சேதோவிமுத்தீதி மக்³க³ப²லஸமாதி³ட்டி².
பஞ்ஞாவிமுத்தீதி ப²லஞாணங். ஸீலானுக்³க³ஹிதாதி ஸீலேன அனுக்³க³ஹிதா
அனுரக்கி²தா. ஸுதானுக்³க³ஹிதாதி பா³ஹுஸச்சேன அனுக்³க³ஹிதா.
ஸாகச்சா²னுக்³க³ஹிதாதி த³ம்மஸாகச்சா²ய அனுக்³க³ஹிதா.
ஸமதா²னுக்³க³ஹிதாதி சித்தேகக்³க³தாய அனுக்³க³ஹிதா.

இமஸ்ஸ பனத்த²ஸ்ஸ ஆவிபா³வத்த²ங் மது³ரம்ப³பீஜங் ரோபெத்வா
ஸமந்தா மரியாத³ங் ப³ந்தி³த்த²வா காலானுகாலங் உத³கங் ஆஸிஞ்சித்வா
காலானுகாலங் மூலானி ஸோதெ³த்த²வா காலானுகாலங் பதிதபாணகே
ஹாரெத்வா காலானுகாலங் மக்கடஜாலங் லுஞ்சித்வா அம்ப³ங் படிஜக்³க³ந்தோ
புரிஸோ த³ஸ்ஸேதப்³போ³. தஸ்ஸ ஹி புரிஸஸ்ஸ மது³ரம்ப³பீஜரோபனங்
விய விபஸ்ஸனாஸம்மாதி³ட்டி² த³ட்ட²ப்³பா³, மரியாத³ப³ந்த³னங் விய
ஸீலேன அனுக்³க³ண்ணஹனங், உத³காஸேசனங் விய ஸுதேன
அனுக்³க³ண்ணஹனங், மூலபரிஸோத³னங் விய ஸாகச்சா²ய
அனுக்³க³ண்ணஹனங், பாணகஹரணங் விய
ஜா²னவிபஸ்ஸனாபாரிபந்தி²கஸோத³னவஸேன ஸமதா²னுக்³க³ண்ணஹனங்,
மக்கடஜாலலுஞ்சனங் விய ப³லவவிபஸ்ஸனானுக்³க³ண்ணஹனங், ஏவங்
அனுக்³க³ஹிதஸ்ஸ ருக்க²ஸ்ஸ கி²ப்பமேவ வட்³டி³த்த²வா ப²லப்பதா³னங் விய
இமேஹி ஸீலாதீ³ஹி அனுக்³க³ஹிதாய மூலஸம்மாதி³ட்டி²யா கி²ப்பமேவ
மக்³க³வஸேன வட்³டி³த்த²வா சேதோவிமுத்திபஞ்ஞாவிமுத்திப²லப்பதா³னங்
வேதி³தப்³ப³ங்.

6. விமுத்தாயதனஸுத்தவண்ணனா

26. ச²ட்டே² விமுத்தாயதனானீதி விமுச்சனகாரணானி. யத்தா²தி யேஸு
விமுத்தாயதனேஸு. ஸத்தா² த³ம்மங் தே³ஸேதீதி சதுஸச்சத³ம்மங்
தே³ஸேதி. அத்த²படிஸங்வேதி³னோதி பாளிஅத்த²ங் ஜானந்தஸ்ஸ.
த³ம்மபடிஸங்வேதி³னோதி பாளிங் ஜானந்தஸ்ஸ. பாமோஜ்ஜந்தி தருணபீதி.
பீதீதி துட்டா²காரபூ³தா ப³லவபீதி. காயோதி நாமகாயோ. பஸ்ஸம்ப³தீதி
படிப்பஸ்ஸம்ப³தி. ஸுக²ங் வேதே³தீதி ஸுக²ங் படிப³தி. சித்தங்
ஸமாதி³யதீதி அரஹத்த²ப²லஸமாதி³னா ஸமாதி³யதி. அயஞ்ஹி தங்
த³ம்மங் ஸுணந்தோ ஆக³தா³தட்டா²னே ஜா²னவிபஸ்ஸனாமக்³க³ப²லானி
ஜானாதி, தஸ்ஸ ஏவங் ஜானதோ பீதி உப்பஜ்ஜதி. ஸோ தஸ்ஸா பீதியா
அந்தரா ஓஸக்கிதுங் ந தெ³ந்தோ உபசாரகம்மட்டா²னிகோ ஹுத்வா
விபஸ்ஸனங் வட்³டெ³த்த²வா அரஹத்தங் பாபுணாதி. தங் ஸந்தா³ய வுத்தங் -
“சித்தங் ஸமாதி³யதீ”தி. ஸேஸேஸுபி ஏஸேவ நயோ. அயங் பன

விஸேஸோ - ஸமாதி⁴னிமித்தந்தி அட்ட²திங்ஸாய ஆரம்மணேஸு
அஞ்ஞதரோ ஸமாதி⁴யேவ ஸமாதி⁴னிமித்தங். ஸுக்³ஹிதங்
ஹோதீதிஆதி³ஸு ஆசரியஸ்ஸ ஸந்திகே கம்மட்டா²னங் உக்³ஹ்நதேன
ஸுட்டு² க³ஹிதங் ஹோதி ஸுட்டு² மனஸிகதங் ஸுட்டு² உபதா⁴ரிதங்.
ஸுப்படிவித்⁴ங் பஞ்ஞாயாதி பஞ்ஞாய ஸுட்டு² பச்சக்க²ங் கதங். தஸ்மிங்
த⁴ம்மேதி தஸ்மிங் கம்மட்டா²னபாளித⁴ம்மே. இதி இமஸ்மிங் ஸுத்தே
பஞ்சபி விமுத்தாயதனானி அரஹத்தங் பாபெத்வா கதி²தானீதி.

7. ஸமாதி⁴ஸுத்தவண்ணனா

27. ஸத்தமே அப்பமாணந்தி பமாணகரத⁴ம்மரஹிதங் லோகுத்தரங். நிபகா
பதிஸ்ஸதாதி நேபக்கேன ச ஸதியா ச ஸமன்னாக³தா ஹுத்வா. பஞ்ச
ஞாணானீதி பஞ்ச பச்சவெக்க²ணஞாணானி. பச்சத்தஞ்ஞேவ உப்பஜ்ஜந்தீதி
அத்தனியேவ உப்பஜ்ஜந்தி. அயங் ஸமாதி⁴ பச்சப்பன்னஸுகோ²
சேவாதிஆதீ³ஸு அரஹத்தப²லஸமாதி⁴ அதி⁴ப்பேதோ. மக்³ஸமாதீ⁴திபி
வத³ந்தியேவ. ஸோ ஹி அப்பிதப்பிதக்க²ணே ஸுக²த்தா பச்சப்பன்னஸுகோ²,
புரிமோ புரிமோ பச்சி²மஸ்ஸ பச்சி²மஸ்ஸ ஸமாதி⁴ஸுக²ஸ்ஸ பச்சயத்தா
ஆயதிங் ஸுக²விபாகோ, கிலேஸேஹி ஆரகத்தா அரியோ,
காமாமிஸவட்டாமிஸலோகாமிஸானங் அபா⁴வா நிராமிஸோ. புத்த³தா⁴தீ³ஹி
மஹாபுரிஸேஹி ஸேவிதத்தா அகாபுரிஸேஸேவிதோ. அங்க³ஸந்ததாய
ஆரம்மணஸந்ததாய ஸப்³புகிலேஸத³ரத²ஸந்ததாய ச ஸந்தோ,
அதப்பனியட்டே²ன பணீதோ. கிலேஸப்படிப்பஸ்ஸத³தி⁴யா லத்³த⁴த்தா
கிலேஸப்படிப்பஸ்ஸத³தி⁴பா⁴வங் வா லத்³த⁴த்தா
படிப்பஸ்ஸத³த⁴லத்³தோ⁴. படிப்பஸ்ஸத³த⁴ங் படிப்பஸ்ஸத³தீ⁴தி ஹி
இத³ங் அத்த²தோ ஏகங். படிப்பஸ்ஸத³த⁴கிலேஸேன வா அரஹதா
லத்³த⁴த்தாபி படிப்பஸ்ஸத³த⁴லத்³தோ⁴, ஏகோதி³பா⁴வேன அதி⁴க³தத்தா
ஏகோதி³பா⁴வமேவ வா அதி⁴க³தத்தா ஏகோதி³பா⁴வாதி⁴க³தோ.
அப்பகு³ணஸாஸவஸமாதி⁴ விய ஸஸங்கா²ரேன ஸப்பயோகே³ன சித்தேன
பச்சனீகத⁴ம்மே நிக்³யஹ கிலேஸே வாரெத்வா அனதி⁴க³தத்தா ந
ஸஸங்கா²ரனிக்³யஹவாரிதக³தோ. தங் ஸமாதி⁴ங் ஸமாபஜ்ஜந்தோ ததோ
வா வுட்ட²ஹந்தோ ஸதிவேபுல்லப்பத்தத்தா ஸதோவ ஸமாபஜ்ஜதி, ஸதோவ
வுட்ட²ஹதி. யதா²பரிச்சி²ன்னகாலவஸேன வா ஸதோ ஸமாபஜ்ஜதி, ஸதோ
வுட்ட²ஹதி. தஸ்மா யதெ³த்த² “அயங் ஸமாதி⁴ பச்சப்பன்னஸுகோ² சேவ
ஆயதிஞ்ச ஸுக²விபாகோ சா²தி ஏவங் பச்சவெக்க²மானஸ்ஸ பச்சத்தங்யேவ
அபரப்பச்சயஞாணங் உப்பஜ்ஜதி, தங் ஏகங் ஞாணங். ஏஸேவ நயோ
ஸேஸேஸு. ஏவங் இமானி பஞ்ச ஞாணானி பச்சத்தஞ்ஞேவ உப்பஜ்ஜந்தீதி.

8. பஞ்சங்கிகஸுத்தவண்ணனா

28. அட்ட²மே அரியஸ்ஸாதி விக்க²ம்ப⁴னவஸேன பஹீனகிலேஸேஹி ஆரகா டி²தஸ்ஸ. பா⁴வனங் தே³ஸெஸ்ஸாமீதி ப்³ருஹனங் வட்³ட⁴னங் பகாஸயிஸ்ஸாமி. இமமேவ காயந்தி இமங் கரஜகாயங். அபி⁴ஸந்தே³தீதி தேமேதி ஸ்னேஹேதி, ஸப்³புத்த² பவத்தபீதிஸுக²ங் கரோதி. பரிஸந்தே³தீதி ஸமந்ததோ ஸந்தே³தி. பரிபுரேதீதி வாயுனா ப⁴ஸ்தங் விய பூரேதி. பரிப்ப²ரதீதி ஸமந்ததோ பு²ஸதி. ஸப்³பா³வதோ காயஸ்ஸாதி அஸ்ஸ பி⁴க்கு²னோ ஸப்³புகொட்டா²ஸவதோ காயஸ்ஸ கிஞ்சி உபாதி³ன்னகஸந்ததிபவத்திட்டா²னே ச²விமங்ஸலோஹிதானுக³தங் அணுமத்தம்பி டா²னங் பட²மஜ்ஜா²னஸுகே²ன அபு²டங் நாம ந ஹோதி.

த³க்கோ²தி சே²கோ படிப³லோ ந்ஹானீயசுண்ணானி காதுஞ்சேவ யோஜேதுஞ்ச ஸன்னேதுஞ்ச. கங்ஸதா²லேதி யேன கேனசி லோஹேன கதபா⁴ஜனே. மத்திகாபா⁴ஜனங் பன தி²ரங் ந ஹோதி, ஸன்னெந்தஸ்ஸ பி⁴ஜ்ஜதி. தஸ்மா தங் ந த³ஸ்ஸேஸி. பரிப்போ²ஸகங் பரிப்போ²ஸகந்தி ஸிஞ்சித்வா ஸிஞ்சித்வா. ஸன்னெய்யாதி வாமஹத்தே²ன கங்ஸதா²லங் க³ஹேத்வா த³க்கி²ணஹத்தே²ன பமணயுத்தங் உத³கங் ஸிஞ்சித்வா ஸிஞ்சித்வா பரிமத்³தந்தோ பிண்ட³ங் கரெய்ய. ஸ்னேஹானுக³தாதி உத³கஸினேஹேன அனுக³தா. ஸ்னேஹபரேதாதி உத³கஸினேஹேன பரிக்க³ஹிதா. ஸந்தரபா³ஹிராதி ஸத்³தி⁴ங் அந்தோபதே³ஸேன சேவ ப³ஹிபதே³ஸேன ச, ஸப்³புத்த²கமேவ உத³கஸினேஹேன பு²டாதி அத்தோ². ந ச பக்³க⁴ரிணீதி ந பி³ந்து³ பி³ந்து³ உத³கங் பக்³க⁴ரதி, ஸக்கா ஹோதி ஹத்தே²னபி த்³வீஹிபி அங்கு³லீஹி க³ஹேதுங் ஓவட்டிகாயபி காதுந்தி அத்தோ².

து³தியஜ்ஜா²னஸுக²உபமாயங் உப்³பி⁴தோ³த³கோதி உப்³பி⁴ன்னஉத³கோ, ந ஹெட்டா² உப்³பி⁴ஜ்ஜித்வா உக்³க³ச்ச²னஉத³கோ, அந்தோயேவ பன உப்பஜ்ஜனஉத³கோதி அத்தோ². ஆயமுக³ந்தி ஆக³மனமக்³கோ³. தே³வோதி மேகோ⁴. காலேன காலந்தி காலே காலே, அன்வட்³ட⁴மாஸங் வா அனுத³ஸாஹங் வாதி அத்தோ². தா⁴ரந்தி வுட்டி²ங். நானுப்பவெச்செய்யாதி நப்பவேஸெய்ய, ந வஸ்ஸெய்யாதி அத்தோ². ஸீதா வாரிதா⁴ரா உப்³பி⁴ஜ்ஜித்வாதி ஸீதா வாரிதா⁴ரா தங் ரஹத³ங் பூரயமானா உப்³பி⁴ஜ்ஜித்வா. ஹெட்டா² உக்³க³ச்ச²னஉத³கஞ்ஹி உக்³க³ந்த்வா பி⁴ஜ்ஜந்தங் உத³கங் கோ²பே⁴தி, சதூஹி தி³ஸாஹி பவிஸனஉத³கங் புராணபண்ணதிணகட்ட²த³ண்ட³காதீ³ஹி உத³கங் கோ²பே⁴தி. வுட்டி²உத³கங் தா⁴ரானிபாதபு³பு³ளகேஹி உத³கங் கோ²பே⁴தி, ஸன்னிஸின்னமேவ பன ஹுத்வா இத்³தி⁴னிம்மிதமிவ உப்பஜ்ஜமானங் உத³கங் இமங் பதே³ஸங் ப²ரதி, இமங் ந ப²ரதீதி நத்தி². தேன அபு²டோகாஸோ நாம ந ஹோதி. தத்த² ரஹதோ³ விய கரஜகாயோ, உத³கங் விய து³தியஜ்ஜா²னஸுக²ங், ஸேஸங் புரிமனயேனேவ வேதி³தப்³பங்.

ததியஜ்ஜா²னஸுக²உபமாயங் உப்பலானி எத்த² ஸந்தீதி உப்பலினீ.
 ஸேஸபத³த்³வயேபி ஏஸேவ நயோ. எத்த² ச ஸேதரத்தனீலேஸு யங்கிஞ்சி
 உப்பலமேவ, ஊனகஸதபத்தங் புண்ட³ரீகங், ஸதபத்தங் பது³மங். பத்தனியமங்
 வா வினாபி ஸேதங் பது³மங், ரத்தங் புண்ட³ரீகந்தி அயமெத்த² வினிச்ச²யோ.
 உத³கானுக்³க³தானீதி உத³கதோ ந உக்³க³தானி. அந்தோனிமுக³க³போஸீனீதி
 உத³கதலஸ்ஸ அந்தோ நிமுக³க³னியேவ ஹுத்வா போஸந்தி வட்³ட⁴ந்தீதி
 அத்தோ². ஸேஸங் புரிமனயேனேவ வேதி³தப்³பங்.

சதுத்த²ஜ்ஜா²னஉபமாயங் பரிஸுத்³தே⁴ன சேதஸா பரியோதா³தேனாதி
 எத்த² நிருபக்கிலேஸட்டே²ன பரிஸுத்³த⁴ங், பப⁴ஸ்ஸரட்டே²ன பரியோதா³தங்
 வேதி³தப்³பங். ஒதா³தேன வத்தே²னாதி இத³ங் உதுப²ரணத்த²ங் வத்தங்.
 கிலிட்ட²வத்தே²ன ஹி உதுப²ரணங் ந ஹோதி, தங்க²ணதோ⁴தபரிஸுத்³தே⁴ன
 உதுப²ரணங் ப³லவங் ஹோதி. இமிஸ்ஸா ஹி உபமாய வத்த²ங் விய
 கரஜகாயோ, உதுப²ரணங் விய சதுத்த²ஜ்ஜா²னஸுக²ங். தஸ்மா யதா²
 ஸுன்ஹாதஸ்ஸ புரிஸஸ்ஸ பரிஸுத்³த⁴ங் வத்த²ங் ஸஸ்ஸங் பாருபித்வா
 நிஸின்னஸ்ஸ ஸரீரதோ உது ஸப்³ப³மேவ வத்த²ங் ப²ரதி, ந கோசி
 வத்த²ஸ்ஸ அபு²டோகாஸோ ஹோதி, ஏவங் சதுத்த²ஜ்ஜா²னஸுகே²ன
 பி⁴க்கு²னோ கரஜகாயஸ்ஸ ந கோசி ஓகாஸோ அபு²டோ ஹோதீதி ஏவமெத்த²
 அத்தோ² த³ட்ட²ப்³போ³. சதுத்த²ஜ்ஜா²னசித்தமேவ வா வத்த²ங் விய,
 தங்ஸமுட்டா²னருபங் உதுப²ரணங் விய. யதா² ஹி கத்த²சி கத்த²சி
 ஒதா³தவத்தே² காயங் அபு²ஸந்தேபி தங்ஸமுட்டா²னேன உதுனா
 ஸப்³ப³த்த²கமேவ காயோ பு²டோ ஹோதி, ஏவங்
 சதுத்த²ஜ்ஜா²னஸமுட்டா²பிதேன ஸுகு²மருபேன ஸப்³ப³த்த²கமேவ
 பி⁴க்கு²னோ காயோ பு²டோ ஹோதீதி ஏவமெத்த² அத்தோ² த³ட்ட²ப்³போ³.

பச்சவெக்க²ணனிமித்தந்தி பச்சவெக்க²ணஞாணமேவ. ஸுக³க³ஹிதங்
 ஹோதீதி யதா² தேன ஜா²னவிபஸ்ஸனாமக்³கா³ ஸுட்டு² க³ஹிதா ஹொந்தி,
 ஏவங் பச்சவெக்க²ணனிமித்தங் அபராபரேன பச்சவெக்க²ணனிமித்தேன ஸுட்டு²
 க³ஹிதங் ஹோதி. அஞ்ஞோ வா அஞ்ஞந்தி அஞ்ஞோ ஏகோ அஞ்ஞங் ஏகங்,
 அத்தனோயேவ ஹி அத்தா ந பாகடோ ஹோதி. டி²தோ வா நிஸின்னந்தி
 டி²தகஸ்ஸாபி நிஸின்னோ பாகடோ ஹோதி, தேனேவங் வத்தங்.
 ஸேஸேஸுபி ஏஸேவ நயோ. உத³கமணிகோதி ஸமேக²லா உத³கசாடி.
 ஸமதித்திகோதி ஸமப⁴ரிதோ. காகபெய்யாதி முக²வட்டியங் நிஸீதி³த்வா
 காகேன கீவங் அனாமெத்வாவ பாதப்³போ³.

ஸுபூ⁴மியந்தி ஸமபூ⁴மியங். “ஸுபூ⁴மே ஸுகெ²த்தே விஹதகா²ணுகே
 பீஜானி பதிட்டா²பெய்யா”தி (தீ³. நி. 2.438) எத்த² பன மண்ட³பூ⁴மி ஸுபூ⁴மீதி
 ஆக³தா. சதுமஹாபதே²தி த³வின்னங் மஹாமக்³கா³னங் வினிவிஜ்ஜி²த்வா
 க³தட்டா²னே. ஆஜஞ்ஞரதோ²தி வினீதஅஸ்ஸரதோ². ஒத⁴ஸ்தபதோதோ³தி

யதா² ரத²ங் அபி⁴ருஹித்வா டி²தேன ஸக்கா ஹோதி க³ண்ஹிதுங், ஏவங் ஆலம்ப³னங் நிஸ்ஸாய திரியதோ ட²பிதபதோதோ³. யொக்³கா³சரியோதி அஸ்ஸாசரியோ. ஸ்வேவ அஸ்ஸத³ம்மே ஸாரேதீதி அஸ்ஸத³ம்மஸாரதி². யேனிச்ச²கந்தி யேன யேன மக்³கே³ன இச்ச²தி. யதி³ச்ச²கந்தி யங் யங் க³திங் இச்ச²தி. ஸாரெய்யாதி உஜுகங் புரதோ பேஸெய்ய. பச்சாஸாரெய்யாதி படினிவத்தெய்ய.

ஏவங் ஹெட்டா² பஞ்சஹி அங்கே³ஹி ஸமாபத்திபரிகம்மங் கதெ²த்வா இமாஹி தீஹி உபமாஹி பகு³ணஸமாபத்தியா ஆனிஸங்ஸங் த³ஸ்ஸெத்வா இதா³னி கீணாஸவஸ்ஸ அபி⁴ஞ்ஞாபடிபாடிங் த³ஸ்ஸேதுங் ஸோ ஸசே ஆகங்க³தீதிஆதி³மாஹ. தங் உத்தானத்த²மேவாதி.

9. சங்கமஸுத்தவண்ணனா

29. நவமே அத்³தா⁴னக்க²மோ ஹோதீதி தூ³ரங் அத்³தா⁴னமக்³கங் கச்ச²ந்தோ க²மதி, அதி⁴வாஸேதுங் ஸக்கோதி. பதா⁴னக்க²மோதி வீரியக்க²மோ. சங்கமாதி⁴க³தோ ஸமாதீ⁴தி சங்கமங் அதி⁴ட்ட²ஹந்தேன அதி⁴க³தோ அட்ட²ன்னங் ஸமாபத்தீனங் அஞ்ஞதரஸமாதி⁴. சிரட்டி²திகோ ஹோதீதி சிரங் திட்ட²தி. டி²தகேன க³ஹிதனிமித்தஞ்ஹி நிஸின்னஸ்ஸ நஸ்ஸதி, நிஸின்னேன க³ஹிதனிமித்தங் நிபன்னஸ்ஸ. சங்கமங் அதி⁴ட்ட²ஹந்தேன சலிதாரம்மணே க³ஹிதனிமித்தங் பன டி²தஸ்ஸபி நிஸின்னஸ்ஸபி நிபன்னஸ்ஸபி ந நஸ்ஸதீதி.

10. நாகிதஸுத்தவண்ணனா

30. த³ஸமே உத்³த⁴ங் உக்³க³தத்தா உச்சோ, ராஸிபா⁴வேன ச மஹா ஸத்³தோ³ ஏதேஸந்தி உச்சாஸத்³த³மஹாஸத்³தா³. தேஸு ஹி உக்³க³துக்³க³தேஸு க²த்தியமஹாஸால-ப்³ராஹ்மணமஹாஸாலாதீ³ஸு மஹாஸக்காரங் க³ஹெத்வா ஆக³தேஸு “அஸுகஸ்ஸ ஓகாஸங் தே³த², அஸுகஸ்ஸ ஓகாஸங் தே³தா²”தி வுத்தே “மயங் பட²மதரங் ஆக³தா, மய்ஹங் பட²மதரங் ஆக³தா, நத்தி² ஓகாஸோ”தி ஏவங் அஞ்ஞமஞ்ஞங் கதெ²ந்தானங் ஸத்³தோ³ உச்சோ சேவ மஹா ச அஹோஸி. கேவட்டா மஞ்ஞே மச்ச²விலோபேதி கேவட்டா விய மச்ச²விலோபே. தேஸஞ்ஹி மச்ச²பச்சி²ங் க³ஹெத்வா ஆக³தானங் விக்கிணனட்டா²னே “மய்ஹங் தே³த² மய்ஹங் தே³தா²”தி வுத்தோ மஹாஜனஸ்ஸ ஏவருபோ ஸத்³தோ³ ஹோதி. மீள்ஹஸுக²ந்தி அஸுகிஸுக²ங். மித்³த⁴ஸுக²ந்தி நித்³தா³ஸுக²ங். லாப⁴ஸக்காரஸிலோகஸுக²ந்தி லாப⁴ஸக்காரஞ்சேவ வண்ணப⁴ணனஞ்ச நிஸ்ஸாய உப்பன்னஸுக²ங்.

தங்நின்னாவ க³மிஸ்ஸந்தீதி தங் ததே³வ ப⁴க³வதோ க³தட்டா²னங்
க³மிஸ்ஸந்தி, அனுப³ந்தி⁴ஸ்ஸந்தியேவாதி வுத்தங் ஹோதி. ததா² ஹி,
ப⁴ந்தே, ப⁴க³வதோ ஸீலபஞ்ஞாணந்தி யஸ்மா ததா²வித⁴ங் தும்ஹாகங்
ஸீலஞ்ச ஞாணஞ்சாதி அத்தோ². மா ச மயா யஸோதி மயா ஸத்³தி⁴ங்
யஸோபி மா ஸமாக³ச்ச²து. பியானந்தி பியஜனானங். ஏஸோ தஸ்ஸ
நிஸ்ஸந்தோ³தி ஏஸா பியபா⁴வஸ்ஸ நிப்ப²த்தி.

அஸுப⁴னிமித்தானுயோக³ந்தி அஸுப⁴கம்மட்டா²னானுயோக³ங்.

ஸுப⁴னிமித்தேதி ராக³ட்டா²னியே இட்டா²ரம்மணே. ஏஸோ தஸ்ஸ
நிஸ்ஸந்தோ³தி ஏஸா தஸ்ஸ அஸுப⁴னிமித்தானுயோக³ஸ்ஸ நிப்ப²த்தி.

ஏவமிமஸ்மிங் ஸுத்தே இமேஸு பஞ்சஸு டா²னேஸு விபஸ்ஸனாவ
கதி²தாதி.

பஞ்சங்கி³கவக்³கோ³ ததியோ.

4. ஸுமனவக்³கோ³

1. ஸுமனஸுத்தவண்ணனா

31. சதுத்த²ஸ்ஸ பட²மே ஸுமனா ராஜகுமாரீதி மஹாஸக்காரங் கத்வா பத்த²னங் பத்தெ²த்வா ஏவங் லத்³த⁴னாமா ராஜகஞ்ஞா. விபஸ்ஸிஸம்மாஸம்பு³த்³த⁴காலஸ்மிங் ஹி நாக³ரேஸு “யுத்³த⁴ம்பி கத்வா ஸத்தா²ரங் அம்ஹாகங் க³ண்ஹிஸ்ஸாமா”தி ஸேனாபதிங் நிஸ்ஸாய பு³த்³த⁴ப்பமுக²ங் ஸங்க⁴ங் லபி⁴த்வா படிபாடியா புஞ்ஞானி காதுங் ஆரத்³தே⁴ஸு ஸப்³ப²பட²மதி³வஸோ ஸேனாபதிஸ்ஸ வாரோ அஹோஸி. தஸ்மிங் தி³வஸே ஸேனாபதி மஹாதா³னங் ஸஜ்ஜெத்வா “அஜ்ஜ யதா² அஞ்ஞோ கோசி ஏகபி⁴க்க²ம்பி ந தே³தி, ஏவங் ரக்க²தா²”தி ஸமந்தா புரிஸே ட²பேஸி. தங்தி³வஸங் ஸெட்டி²ப⁴ரியா ரோத³மானா பஞ்சஹி குமாரிகாஸதேஹி ஸத்³தி⁴ங் கீளித்வா ஆக³தங் தீ⁴தரங் ஆஹ - “ஸசே, அம்ம, தவ பிதா ஜீவெய்ய, அஜ்ஜாஹங் பட²மங் த³ஸப³லங் போ⁴ஜெய்ய”ந்தி. ஸா தங் ஆஹ - “அம்ம, மா சிந்தயி, அஹங் ததா² கரிஸ்ஸாமி, யதா² பு³த்³த⁴ப்பமுகோ² ஸங்கோ⁴ அம்ஹாகங் பட²மங் பி⁴க்க²ங் பு⁴ஞ்ஜிஸ்ஸதி”தி. ததோ ஸதஸஹஸ்ஸக்³க⁴னிகாய ஸுவண்ணபாதியா நிருத³கபாயாஸங் பூரெத்வா ஸப்பிமது⁴ஸக்க²ராதி³ஹி அபி⁴ஸங்க²ரித்வா அஞ்ஞிஸ்ஸா பாதியா படிஞ்ஜித்வா தங் ஸுமனமாலாகு³ளேஹி பரிக்கி²பித்வா மாலாகு³ளஸதி³ஸங் கத்வா ப⁴க³வதோ கா³மங் பவிஸனவேலாய ஸயமேவ உக்கி²பித்வா தா⁴திக³ணபரிவுதா க⁴ரா நிக்க²மி.

அந்தராமக்³கே³ ஸேனாபதினோ உபட்டா²கா, “அம்ம, மா இதோ ஆக³மா”தி வத³ந்தி. மஹாபுஞ்ஞா நாம மனாபகதா² ஹொந்தி, ந ச தேஸங் புனப்புனங் ப⁴ணந்தானங் கதா² படிக்கி²பிதுங் ஸக்கா ஹொதி. ஸா “சூளபித, மஹாபித, மாதுல, கிஸ்ஸ தும்ஹே க³ந்துங் ந தே³தா²”தி ஆஹ. ஸேனாபதினா “அஞ்ஞஸ்ஸ கஸ்ஸசி கா²த³னியங் போ⁴ஜனியங் மா தே³தா²”தி ட²பிதம்ஹ, அம்மாதி. கிங் பன மம ஹத்தே² கா²த³னியங் போ⁴ஜனியங் பஸ்ஸதா²தி? மாலாகு³ளங் பஸ்ஸாமாதி. கிங் தும்ஹாகங் ஸேனாபதி மாலாபூஜம்பி காதுங் ந தே³தீதி? தே³தி, அம்மாதி. தேன ஹி அபேதா²தி ப⁴க³வந்தங் உபஸங்கமித்வா “மாலாகு³ளங் க³ண்ஹத² ப⁴க³வா”தி ஆஹ. ப⁴க³வா ஏகங் ஸேனாபதிஸ்ஸ உபட்டா²கங் ஒலோகெத்வா மாலாகு³ளங் க³ண்ஹாபேஸி. ஸா ப⁴க³வந்தங் வந்தி³த்வா “ப⁴வாப⁴வாபி⁴னிப்³ப³த்தியங் மே ஸதி பரிதஸ்ஸனஜீவிதங் நாம மா ஹொது, அயங் ஸுமனமாலா விய நிப்³ப³த்தனிப்³ப³த்தட்டா²னே பியாவ ஹொமி, நாமேன ச ஸுமனாயேவா”தி பத்த²னங் கத்வா ஸத்தா²ரா “ஸுகி²னீ ஹொஹீ”தி வுத்தா வந்தி³த்வா பத³க்கி²ணங் கத்வா பக்காமி.

ப⁴க³வாபி ஸேனாபதிஸ்ஸ கே³ஹங் க³ந்த்வா பஞ்ஞத்தாஸனே நிஸீதி³.
 ஸேனாபதி யாகு³ங் க³ஹெத்வா உபக³ஞ்சி², ஸத்தா² ஹத்தே²ன பத்தங் பித³ஹி.
 நிஸின்னோ, ப⁴ந்தே, பி⁴க்கு²ஸங்கோ⁴தி . அத்தி² நோ ஏகோ அந்தராமக்³கே³
 பிண்ட³பாதோ லத்³தோ⁴தி? மாலங் அபனெத்வா பிண்ட³பாதங் அத்³த³ஸ.
 சூருபட்டா²கோ ஆஹ - “ஸாமி மாலாதி மங் வத்வா மாதுகா³மோ
 வஞ்சேஸ்”தி. பாயாஸோ ப⁴க³வந்தங் ஆதி³ங் கத்வா ஸப்³பி⁴க்கூ²னங்
 பஹோஸி. ஸேனாபதி அத்தனோ தெய்யத⁴ம்மங் அதா³ஸி. ஸத்தா²
 ப⁴த்தகிச்சங் கத்வா மங்க³லங் வத்வா பக்காமி. ஸேனாபதி “கா நாம ஸா
 பிண்ட³பாதமதா³ஸ்”தி புச்சி². ஸெட்டி²தீ⁴தா ஸாமீதி. ஸப்பஞ்ஞா இத்தீ²,
 ஏவருபாய க⁴ரே வஸந்தியா புரிஸஸ்ஸ ஸக்³க³ஸம்பத்தி நாம ந
 து³ல்லபா⁴தி கங் ஆனெத்வா ஜெட்ட²கட்டா²னே ட²பேஸி?

ஸா பிதுகே³ஹே ச ஸேனாபதிகே³ஹே ச த⁴னங் க³ஹெத்வா
 யாவதாயுகங் ததா²க³தஸ்ஸ தா³னங் த³த்வா புஞ்ஞானி கரித்வா ததோ சுதா
 காமாவசரதே³வலோகே நிப்³புத்தி. நிப்³புத்தக்க²ணேயேவ ஜாணுப்பமானேன
 ஓதி⁴னா ஸகலங் தே³வலோகங் பரிபூரயமானங் ஸுமனவஸ்ஸங் வஸ்ஸி.
 தே³வதா “அயங் அத்தனாவ அத்தனோ நாமங் க³ஹெத்வா ஆக³தா”தி “ஸுமனா
 தே³வதீ⁴தா”த்வேவஸ்ஸா நாமங் அகங்ஸு. ஸா ஏகனவுதிகப்பே தே³வேஸு ச
 மனுஸ்ஸேஸு ச ஸங்ஸரந்தீ நிப்³புத்தனிப்³புத்தட்டா²னே
 அவிஜஹிதஸுமனவஸ்ஸா “ஸுமனா ஸுமனா”த்வேவ நாமா அஹோஸி.
 இமஸ்மிங் பன காலே கோஸலரஞ்ஞோ அக்³க³மஹேஸியா குச்சி²ஸ்மிங்
 படிஸந்தி⁴ங் க³ணஹி. தாபி பஞ்சஸதா குமாரிகா தங்தி³வஸஞ்ஞேவ தஸ்மிங்
 தஸ்மிங் குலே படிஸந்தி⁴ங் க³ஹெத்வா ஏகதி³வஸேயேவ ஸப்³பா³
 மாதுகுச்சி²தோ நிக்க²மிங்ஸு. தங்க²ணங்வேவ ஜாணுப்பமானேன ஓதி⁴னா
 ஸுமனவஸ்ஸங் வஸ்ஸி. தங் தி³ஸ்வா ராஜா “புப்³பே³ கதாபி⁴னீஹாரா
 ஏஸா ப⁴விஸ்ஸதீ”தி துட்ட²மானஸோ “தீ⁴தா மே அத்தனாவ அத்தனோ
 நாமங் க³ஹெத்வா ஆக³தா”தி ஸுமனாத்வேவஸ்ஸா நாமங் கத்வா “மய்ஹங்
 தீ⁴தா ந ஏகிகாவ நிப்³புத்திஸ்ஸதீ”தி நக³ரங் விசினாபெந்தோ ‘பஞ்ச
 தா³ரிகாஸதானி ஜாதானீ”தி ஸுத்வா ஸப்³பா³ அத்தனாவ போஸாபேஸி.
 மாஸே மாஸே ஸம்பதே “ஆனெத்வா மம தீ⁴து த³ஸ்ஸேதா”தி ஆஹ.
 ஏவமேஸா மஹாஸக்காரங் கத்வா பத்த²னங் பத்தெ²த்வா ஏவங்லத்³த⁴னாமாதி
 வேதி³தப்³பா³.

தஸ்ஸா ஸத்தவஸ்ஸிககாலே அனாத²பிண்டி³கேன விஹாரங்
 நிட்டா²பெத்வா ததா²க³தஸ்ஸ தூ³தே பேஸிதே ஸத்தா²
 பி⁴க்கு²ஸங்க⁴பரிவாரோ ஸாவத்தி²ங் அக³மாஸி. அனாத²பிண்டி³கோ க³ந்த்வா
 ராஜானங் ஏவமாஹ - “மஹாராஜ, ஸத்து² இதா⁴க³மனங் அம்ஹாகம்பி
 மங்க³லங் தும்ஹாகம்பி மங்க³லமேவ, ஸுமனங் ராஜகுமாரிங் பஞ்சஹி
 தா³ரிகாஸதேஹி ஸத்³தி⁴ங் புண்ணக⁴டே ச க³ந்த⁴மாலாதீ³னி ச

கா³ஹாபெத்வா த³ஸப³லஸ்ஸ பச்சுக்³மனங் பேஸேதா²தி. ராஜா “ஸாது⁴ மஹாஸெட்டி²”தி ததா² அகாஸி. ஸாபி ரஞ்ஞா வுத்தனயேனேவ க³ந்த்வா ஸத்தா²ரங் வந்தி³த்வா க³ந்த⁴மாலாதீ³ஹி பூஜெத்வா ஏகமந்தங் அட்டா²ஸி. ஸத்தா² தஸ்ஸா த⁴ம்மங் தே³ஸேஸி. ஸா பஞ்சஹி குமாரிகாஸதேஹி ஸத்³தி⁴ங் ஸோதாபத்திப²லே பதிட்டா²ஸி. அஞ்ஞானிபி பஞ்ச தா³ரிகாஸதானி பஞ்ச மாதுகா³மஸதானி பஞ்ச உபாஸகஸதானி தஸ்மிந்யேவ க²ணே ஸோதாபத்திப²லங் பாபுணிங்ஸு. ஏவங் தஸ்மிங் தி³வஸே அந்தராமக்³கே³யேவ த்³வே ஸோதாபன்னஸஹஸ்ஸானி ஜாதானி.

யேன ப⁴க³வா தேனுபஸங்கமீதி கஸ்மா உபஸங்கமீதி? பஞ்ஹங் புச்சி²துகாமதாய. கஸ்ஸபஸம்மாஸம்புத்த⁴காலே கிர ஸஹாயகா த்³வே பி⁴க்க² அஹேஸுங். தேஸு ஏகோ ஸாரணியத⁴ம்மங் பூரேதி, ஏகோ ப⁴த்தக்³வத்தங். ஸாரணியத⁴ம்மபூரகோ இதரங் ஆஹ - “ஆவுஸோ, அதி³ன்னஸ்ஸ ப²லங் நாம நத்தி², அத்தனா லத்³த⁴ங் பரேஸங் த³த்வா பு⁴ஞ்ஜிதுங் வட்டதீ”தி. இதரோ பன ஆஹ - “ஆவுஸோ, த்வங் ந ஜானாஸி, தெ³ய்யத⁴ம்மங் நாம வினிபாதேதுங் ந வட்டதி, அத்தனோ யாபனமத்தமேவ க³ண்ணந்தேன ப⁴த்தக்³வத்தங் பூரேதுங் வட்டதீ”தி. தேஸு ஏகோபி ஏகங் அத்தனோ ஓவாதே³ ஓதாரேதுங் நாஸக்கி². த்³வேபி அத்தனோ படிபத்திங் பூரெத்வா ததோ சுதா காமாவசரதே³வலோகே நிப்³புத்திங்ஸு. தத்த² ஸாரணியத⁴ம்மபூரகோ இதரங் பஞ்சஹி த⁴ம்மேஹி அதி⁴க³ண்ணி.

ஏவங் தே தே³வேஸு ச மனுஸ்ஸேஸு ச ஸங்ஸரந்தா ஏகங் புத்த⁴ந்தரங் கே²பெத்வா இமஸ்மிங் காலே ஸாவத்தி²யங் நிப்³புத்திங்ஸு. ஸாரணியத⁴ம்மபூரகோ கோஸலரஞ்ஞோ அக்³மஹேஸியா குச்சி²ஸ்மிங் படிஸந்தி⁴ங் க³ண்ணி , இதரோ தஸ்ஸாயேவ உபட்டா²கஇத்தி²யா குச்சி²ஸ்மிங் படிஸந்தி⁴ங் க³ண்ணி. தே த்³வேபி ஜனா ஏகதி³வஸேனேவ ஜாயிங்ஸு. தே நாமக்³ஹணதி³வஸே நஹாபெத்வா ஸிரிக³ப்⁴பே⁴ நிபஜ்ஜாபெத்வா த்³வின்னம்பி மாதரோ ப³ஹி ஸக்காரங் ஸங்வித³ஹிங்ஸு. தேஸு ஸாரணியத⁴ம்மபூரகோ அக்கீ²னி உம்மீலெத்வா மஹந்தங் ஸேதச்ச²த்தங் ஸுபஞ்ஞுத்தங் ஸிரிஸயனங் அலங்கதபடியத்தஞ்ச நிவேஸனங் தி³ஸ்வா “ஏகஸ்மிங் ராஜகுலே நிப்³புத்தொஸ்மீ”தி அஞ்ஞாஸி. ஸோ “கிங் நு கோ² கம்மங் கத்வா இத⁴ நிப்³புத்தொஸ்மீ”தி ஆவஜ்ஜெந்தோ “ஸாரணியத⁴ம்மனிஸ்ஸந்தே³னா”தி ஞுத்வா “ஸஹாயோ மே குஹிங் நு கோ² நிப்³புத்தோ”தி ஆவஜ்ஜெந்தோ நீசஸயனே நிபன்னங் தி³ஸ்வா “அயங் ப⁴த்தக்³வத்தங் பூரேமீதி மம வசனங் ந க³ண்ணி, இமஸ்மிங் இதா³னி தங் டா²னே நிக்³ண்ணிதுங் வட்டதீ”தி “ஸம்ம மம வசனங் நாகாஸீ”தி ஆஹ. அத² கிங் ஜாதந்தி. பஸ்ஸ மய்ஹங் ஸம்பத்திங், ஸேதச்ச²த்தஸ்ஸ ஹெட்டா² ஸிரிஸயனே நிபன்னொஸ்மி, த்வங் நீசமஞ்சே த²த்³த⁴அத்த²ரணமத்தே நிபன்னோஸீதி. கிங் பன த்வங் ஏதங் நிஸ்ஸாய மானங் கரோஸி, நனு

வேளுஸலாகாஹி கத்வா பிலோதிகாய பலிவேடி²தங் ஸப்³ப³மேதங்
பத்²வீதா⁴துமத்தமேவாதி?

ஸுமனா தேஸங் கத்²ங் ஸுத்வா “மம பா⁴திகானங் ஸந்திகே கோசி
நத்தீ²”தி தேஸங் ஸமீபங் க³ச்ச²ந்தீ த்³வாரங் நிஸ்ஸாய டி²தா “தா⁴தூ”தி
வசனங் ஸுத்வா “இத³ங் தா⁴தூதி வசனங் ப³ஹித்தா⁴ நத்தி². மம பா⁴திகா
ஸமணதே³வபுத்தா ப⁴விஸ்ஸந்தீ”தி சிந்தெத்வா - “ஸசாஹங் ‘இமே ஏவங்
கதெ²ந்தீ”தி மாதாபிதூனங் கதெ²ஸ்ஸாமி, ‘அமனுஸ்ஸா ஏதே’தி
நீஹராபெஸ்ஸந்தி. இத³ங் காரணங் அஞ்ஞஸ்ஸ அகதெ²த்வா கங்க²ச்சே²த³கங்
புரிஸஹேரஞ்ஞிகங் மம பிதரங் மஹாகோ³தமத³ஸப³லங்யேவ
புச்சி²ஸ்ஸாமீ”தி பு⁴த்தபாதராஸா ராஜானங் உபஸங்கமித்வா “த³ஸப³லஸ்ஸ
உபட்டா²னங் க³மிஸ்ஸாமீ”தி ஆஹ. ராஜா பஞ்ச ரத²ஸதானி யோஜாபேஸி.
ஜம்புதீ³பதலஸ்மிஞ்ஹி திஸ்ஸோவ குமாரியோ பிதூனங் ஸந்திகா பஞ்ச
ரத²ஸதானி லபி⁴ங்ஸு - பி³ம்பி³ஸாரரஞ்ஞோ தீ⁴தா சுந்தீ³ ராஜகஞ்ஞா,
த⁴னஞ்சயஸ்ஸ ஸெட்டி²ஸ்ஸ தீ⁴தா விஸாகா², அயங் ஸுமனா
ராஜகஞ்ஞாதி. ஸா க³ந்த⁴மாலங் ஆதா³ய ரதே² டி²தா பஞ்சரத²ஸதபரிவாரா
“இமங் பஞ்ஹங் புச்சி²ஸ்ஸாமீ”தி யேன ப⁴க³வா தேனுபஸங்கமி.

இத⁴ஸ்ஸுதி இத⁴ ப⁴வெய்யுங். ஏகோ தா³யகோதி ஏகோ அத்தனா
லத்³த⁴லாப⁴தோ பரஸ்ஸ த³த்வா பரிபு⁴ஞ்ஜனகோ ஸாரணியத⁴ம்மபூரகோ.
ஏகோ அதா³யகோதி ஏகோ அத்தனா லத்³த⁴ங் பரஸ்ஸ அத³த்வா
பரிபு⁴ஞ்ஜனகோ ப⁴த்தக்³வத்தபூரகோ. தே³வபூ⁴தானங் பன நேஸந்தி
தே³வபூ⁴தானங் ஏதேஸங். அதி⁴க³ண்ஹாதீதி அதி⁴ப⁴வித்வா க³ண்ஹாதி
அஜ்ஜெ²த்த²ரதி அதிஸேதி. ஆதி⁴பதெய்யேனாதி ஜெட்ட²ககாரணேன.
இமேஹி பஞ்சஹி டா²னேஹீதி ஸேஸதே³வே ஸக்கோ தே³வராஜா விய
இமேஹி பஞ்சஹி காரணேஹி அதி⁴க³ண்ஹாதி. மானுஸகேனாதிஆதீ³ஸு
ஆயுனா மஹாகஸ்ஸபத்தே²ரோ விய பா³குலத்தே²ரோ விய ஆனந்த³த்தே²ரோ
விய ச, வண்ணேன மஹாக³திம்ப³அப⁴யத்தே²ரோ விய
ப⁴ண்டா³கா³ரஅமச்சோ விய ச, ஸுகே²ன ரட்ட²பாலகுலபுத்தோ விய
ஸோணஸெட்டி²புத்தோ விய யஸதா³ரகோ விய ச, யஸேன த⁴ம்மாஸோகோ
விய, ததா² ஆதி⁴பச்சேனாதி இமேஹி பஞ்சஹி காரணேஹி அதிரேகோ
ஜெட்ட²கோ ஹோதி.

யாசிதோவ ப³ஹுலந்தி பா³குலத்தே²ர-ஸீவலித்தே²ர-ஆனந்த³த்தே²ராத³யோ
விய யாசிதோவ ப³ஹுலங் சீவராதீ³னி பரிபு⁴ஞ்ஜதீதி இமேஹி காரணேஹி
அதிரேகோ ஹோதி ஜெட்ட²கோ. யதி³த³ங் விமுத்தியா விமுத்திந்தி யங்
ஏகஸ்ஸ விமுத்தியா ஸத்³தி⁴ங் இதரஸ்ஸ விமுத்திங் ஆரப்³ப⁴
நானாகரணங் வத்தப்³ப³ங் ப⁴வெய்ய, தங் ந வதா³மீதி அத்தோ².
ஸத்தவஸ்ஸிகதா³ரகோ வா ஹி விமுத்திங் படிவிஜ்ஜ²து

வஸ்ஸஸதிகத்தே²ரோ வா பி⁴க்கு² வா பி⁴க்கு²னீ வா உபாஸகோ வா
உபாஸிகா வா தே³வோ வா மாரோ வா ப்³ரஹ்மா வா,
படிவித்³த⁴லோகுத்தரமக்³கே³ நானத்தங் நாம நத்தி². அலமேவாதி யுத்தமேவ.
யத்ர ஹி நாமாதி யானி நாம.

க³ச்ச²ங் ஆகாஸதா⁴துயாதி ஆகாஸேன க³ச்ச²ந்தோ. ஸத்³தோ⁴தி
ரதனத்தயகு³ணானங் ஸத்³தா⁴தா. த²னயந்தி க³ஜ்ஜந்தோ. விஜ்ஜுமாலீதி
மாலாஸதி³ஸாய மேக⁴முகே² சரந்தியா விஜ்ஜுலதாய ஸமன்னாக³தோ.
ஸதக்ககூதி ஸதகூடோ, இதோ சிதோ ச உட்டி²தேன வலாஹககூடஸதேன
ஸமன்னாக³தோதி அத்தோ². து³ஸ்ஸனஸம்பன்னோதி ஸோதாபன்னோ.
போ⁴க³பரிப்யூள்ஹோதி உத³கோகே⁴ன விய தா³னவஸேன தீ³யமானேஹி
போ⁴கே³ஹி பரிப்யூள்ஹோ, தே³வலோகங் ஸம்பாபிதோதி அத்தோ². பேச்சாதி
பரலோகே. ஸக்³கே³ பமோத³தீதி யஸ்மிங் ஸக்³கே³ உப்பஜ்ஜதி, தத்தே²வ
மோத³தீதி.

2. சுந்தீ³ஸுத்தவண்ணனா

32. து³தியே பஞ்சஹி ரத²ஸதேஹீதி பு⁴த்தபாதராஸா பிது ஸந்திகங்
பேஸெத்வா பஞ்ச ரத²ஸதானி யோஜாபெத்வா தேஹி பரிவுதாதி அத்தோ².
உபஸங்கமீதி பா⁴தரா ஸத்³தி⁴ங் பவத்திதங் பஞ்ஹஸாகச்ச²ங்
புச்சி²ஸ்ஸாமீதி க³ந்த⁴மாலசுண்ணாதீ³னி ஆதா³ய உபஸங்கமி. யதே³வ ஸோ
ஹோதீதி யதா³ ஏவ ஸோ ஹோதி. அத² வா யோ ஏவ ஸோ ஹோதி.
அரியகந்தானி ஸீலானீதி மக்³க³ப²லஸம்பயுத்தானி ஸீலானி. தானி ஹி
அரியானங் கந்தானி ஹோந்தி, ப⁴வந்தரேபி ந பரிச்சஜந்தி. ஸேஸங்
சதுக்கனிபாதே அக்³க³ப்பஸாத³ஸுத்தே வுத்தனயேனேவ வேதி³தப்³பங்.

3. உக்³க³ஹஸுத்தவண்ணனா

33. ததியே ப⁴த்தி³யேதி ப⁴த்தி³யனக³ரே. ஜாதியாவனேதி ஸயங்ஜாதே
அரோபிதே ஹிமவந்தேன ஸத்³தி⁴ங் ஏகாபத்³தே⁴ வனஸண்டே³, தங் நக³ரங்
உபனிஸ்ஸாய தஸ்மிங் வனே விஹரதீதி அத்தோ². அத்தசதுத்தோ²தி அத்தனா
சதுத்தோ². கஸ்மா பனேஸ ப⁴க³வந்தங் அத்தசதுத்த²ங்யேவ நிமந்தேஸி?
கே³ஹே கிரஸ்ஸ மங்க³லங் மஹந்தங், தத்த² மஹந்தேன ஸங்விதா⁴னேன
ப³ஹு மனுஸ்ஸா ஸன்னிபதிஸ்ஸந்தி. தே பி⁴க்கு²ஸங்க⁴ங் பரிவிஸந்தேன
து³ஸ்ஸங்க³ஹா ப⁴விஸ்ஸந்தீதி அத்தசதுத்த²ங்யேவ நிமந்தேஸி. அபி
சஸ்ஸ ஏவம்பி அஹோஸி - “த³ஹரகுமாரிகாயோ
மஹாபி⁴க்கு²ஸங்க⁴மஜ்ஜே² ஸத்த²ரி ஓவத³ந்தே ஓலீனமனா ஓவாத³ங்
க³ஹேதுங் ந ஸக்குணெய்யு³ந்தி. இமினாபி காரணேன அத்தசதுத்த²மேவ
நிமந்தேஸி. ஓவத³து தாஸங், ப⁴ந்தேதி, ப⁴ந்தே ப⁴க³வா, ஏதாஸங்
ஓவத³து, ஏதா ஓவத³துதி அத்தோ². உபயோகத்த²ஸ்மிஞ்ஹி ஏதங்

ஸாமிவசனங். யங் தாஸந்தி யங் ஓவாதா³னுஸாஸனங் ஏதாஸங். ஏவஞ்ச பன வத்வா ஸோ ஸெட்டி² “இமா மம ஸந்திகே ஓவாத³ங் க³ண்ஹமானா ஹராயெய்யு³ந்தி ப⁴க³வந்தங் வந்தி³த்வா பக்காமி.

ப⁴த்தூதி ஸாமிகஸ்ஸ. அனுசம்பங் உபாதா³யாதி அனுத்த³யங் படிச்ச. பு³பு³ட்டா²யினியோதி ஸப்³ப³பட²மங் உட்டா²னஸ்ஸீலா. பச்சா²னிபாதினியோதி ஸப்³ப³பச்சா² நிபஜ்ஜனஸ்ஸீலா. இத்தி²யா ஹி பட²மதரங் பு⁴ஞ்ஜித்வா ஸயனங் ஆருய்ஹ நிபஜ்ஜிதுங் ந வட்டதி, ஸப்³பே³ பன கே³ஹபரிஜனே போ⁴ஜெத்வா உபகரணப⁴ண்ட³ங் ஸங்விதா⁴ய கோ³ருபாதீ³னி ஆக³தானாக³தானி ஞத்வா ஸ்வே கத்தப்³ப³கம்மங் விசாரெத்வா குஞ்சிகாமுத்³தி³கங் ஹத்தே² கத்வா ஸசே போ⁴ஜனங் அத்தி², பு⁴ஞ்ஜித்வா, நோ சே அத்தி², அஞ்ஞங் பசாபெத்வா ஸப்³பே³ ஸந்தப்³பெத்வா பச்சா² நிபஜ்ஜிதுங் வட்டதி. நிபன்னாயபி யாவ ஸூரியுக்³க³மனா நித்³தா³யிதுங் ந வட்டதி, ஸப்³ப³பட²மங் பன உட்டா²ய தா³ஸகம்மகரே பக்கோஸாபெத்வா “இத³ஞ்சித்³ஞ்ச கம்மங் கரோதா²”தி கம்மந்தங் விசாரெத்வா தே⁴னுயோ து³ஹாபெத்வா ஸப்³ப³ங் கே³ஹே கத்தப்³ப³கிச்சங் அத்தனோ பச்சக்க²ங்யேவ காதுங் வட்டதி . ஏதமத்த²ங் ஸந்தா⁴ய “பு³பு³ட்டா²யினியோ பச்சா²னிபாதினியோ”தி ஆஹ. “கிங்காரபடிஸ்ஸாவினியோதி கிங் கரோம கிங் கரோமா”தி முக²ங் ஒலோகெத்வா விசரணஸ்ஸீலா. மனாபசாரினியோதி மனாபங்யேவ கிரியங் கரணஸ்ஸீலா. பியவாதி³னியோதி பியமேவ வசனங் வாத³னஸ்ஸீலா. பூஜெஸ்ஸாமாதி சதுபச்சயபூஜாய பூஜயிஸ்ஸாம.

அப்³பா⁴க³தேதி அத்தனோ ஸந்திகங் ஆக³தே. ஆஸனோத³கேன படிபூஜெஸ்ஸாமாதி ஆஸனேன ச பாத³தோ⁴வனஉத³கேன ச பூஜயிஸ்ஸாம. எத்த² ச மாதாபிதூனங் தே³வஸிகங் ஸக்காரோ காதப்³போ³. ஸமணப்³ராஹ்மணானங் பன அப்³பா⁴க³தானங் ஆஸனங் த³த்வா பாத³தோ⁴வனஞ்ச தா³தப்³ப³ங், ஸக்காரோ ச காதப்³போ³.

உண்ணாதி ஏளகலோமங். தத்த² த³க்கா² ப⁴விஸ்ஸாமாதி ஏளகலோமானங் விஜடனதோ⁴வனரஜனவேணிகரணாதீ³ஸு கப்பாஸஸ்ஸ ச வட்டனபிஸனபோ²டனகந்தனாதீ³ஸு சே²கா ப⁴விஸ்ஸாம. தத்ருபாயாயாதி தஸ்மிங் உண்ணாகப்பாஸஸங்விதா⁴னே உபாயபூ⁴தாய “இமஸ்மிங் காலே இத³ங் நாம காதுங் வட்டதி”தி ஏவங் பவத்தாய வீமங்ஸாய ஸமன்னாக³தா. அலங் காதுங் அலங் ஸங்விதா⁴துந்தி அத்தனா காதும்பி பரேஹி காராபேதும்பி யுத்தா சேவ ஸமத்தா² ச ப⁴விஸ்ஸாமாதி அத்தோ².

கதஞ்ச கததோ ஜானிஸ்ஸாம, அகதஞ்ச அகததோதி ஸகலதி³வஸங் இத³ங் நாம கம்மங் கத்வா ஆக³தானங், உபட்³ட⁴தி³வஸங் இத³ங் நாம கம்மங் கத்வா ஆக³தானங், நிக்கம்மானங் கே³ஹே நிஸின்னானங் இத³ங் நாம

தா³துஞ்ச ஏவஞ்ச காதுங் வட்டதீதி ஏவங் ஜானிஸ்ஸாம. கி³லானகானஞ்ச ப³லாப³லந்தி ஸசே ஹி கி³லானகாலே தேஸங் பே⁴ஸஜ்ஜபோ⁴ஜனாதீ³னி த³த்வா ரோக³ங் பா²ஸுங் ந கரொந்தி, “இமே அரோக³காலே அம்ஹே யங் இச்ச²ந்தி, தங் காரெந்தி. கி³லானகாலே அத்தி² பா⁴வம்பி நோ ந ஜானந்தீ³தி விரத்தருபா பச்சா² கிச்சானி ந கரொந்தி, து³க்கடானி வா கரொந்தி. தஸ்மா நேஸங் ப³லாப³லங் ஞுத்வா தா³தப்³புஞ்ச காதப்³புஞ்ச ஜானிஸ்ஸாமாதி ஏவங் தும்ஹேஹி ஸிக்கி²தப்³புந்தி த³ஸ்ஸேதி. கா²த³னீயங் போ⁴ஜனீயஞ்சஸ்ஸாதி கா²த³னீயஞ்ச போ⁴ஜனீயஞ்ச அஸ்ஸ அந்தோஜனஸ்ஸ. பச்சங்ஸேனாதி படிபி⁴தப்³பேன அங்ஸேன, அத்தனோ அத்தனோ லத்³த⁴ப்³புகொட்டா²ஸானுருபேனாதி அத்தோ². ஸங்விப⁴ஜிஸ்ஸாமாதி த³ஸ்ஸாம. ஸம்பாதெ³ஸ்ஸாமாதி ஸம்பாத³யிஸ்ஸாம.

அது⁴த்தீதி புரிஸது⁴த்தஸுராது⁴த்ததாவஸேன அது⁴த்தியோ. அதே²னீதி அதே²னியோ அசோரியோ. அஸொண்டி³தி ஸுராஸொண்ட³தாதி³வஸேன அஸொண்டி³யோ.

ஏவங் ஸுத்தந்தங் நி²ட்ட²பெத்வா இதா³னி கா³தா²ஹி கூடங் க³ண்ஹந்தோ யோ நங் ப⁴ரதி ஸப்³புதா³திஆதி³மாஹ. தத்த² ப⁴ரதீதி போஸதி படிஜக்³கதி. ஸப்³புகாமஹரந்தி ஸப்³புகாமத³ங். ஸொத்தீ²தி ஸுஇத்தீ². ஏவங் வத்ததீதி எத்தகங் வத்தங் பூரெத்வா வத்ததி. மனாபா நாம தே தே³வாதி நிம்மானரதீ தே³வா. தே ஹி இச்சி²திச்சி²தங் ரூபங் மாபெத்வா அபி⁴ரமணதோ நிம்மானரதீதி ச மனாபாதி ச வுச்சந்தீதி.

4. ஸீஹஸேனாபதிஸுத்தவண்ணனா

34. சதுத்தே² ஸந்தி³ட்டி³கந்தி ஸாமங் பஸ்ஸிதப்³புகங். தா³யகோதி தா³னஸுரோ. ந ஸோ ஸத்தா⁴மத்தகேனேவ திட்ட²தி, பரிச்சஜிதும்பி ஸக்கோதீதி அத்தோ². தா³னபதீதி யங் தா³னங் தே³தி, தஸ்ஸ பதி ஹுத்வா தே³தி, ந தா³ஸோ, ந ஸஹாயோ. யோ ஹி அத்தனா மது⁴ரங் பு⁴ஞ்ஜதி, பரேஸங் அமது⁴ரங் தே³தி, ஸோ தா³னஸங்கா²தஸ்ஸ தெய்யத⁴ம்மஸ்ஸ தா³ஸோ ஹுத்வா தே³தி. யோ யங் அத்தனா பு⁴ஞ்ஜதி, ததே³வ தே³தி, ஸோ ஸஹாயோ ஹுத்வா தே³தி. யோ பன அத்தனா யேன கேனசி யாபேதி, பரேஸங் மது⁴ரங் தே³தி, ஸோ பதி ஜெட்ட²கோ ஸாமீ ஹுத்வா தே³தி. தாதி³ஸங் ஸந்தா⁴ய வுத்தங் - “தா³னபதீ”தி.

அமங்குபூ⁴தோதி ந நித்தேஜபூ⁴தோ. விஸாரதோ³தி ஞாணஸோமனஸ்ஸப்பத்தோ. ஸஹப்³யதங் க³தாதி ஸஹபா⁴வங் ஏகீபா⁴வங் க³தா. கதாவகாஸாதி யேன கம்மேன தத்த² அவகாஸோ ஹோதி, தஸ்ஸ கதத்தா கதாவகாஸா. தங் பன யஸ்மா குஸலமேவ ஹோதி, தஸ்மா

கதகுஸலாதி வுத்தங். மோத³ரேதி மோத³ந்தி பமோத³ந்தி. அஸிதஸ்ஸாதி அனிஸ்ஸிதஸ்ஸ ததா²க³தஸ்ஸ. தாதி³னோதி தாதி³லக்க²ணங் பத்தஸ்ஸ.

5. தா³னானிஸங்ஸஸுத்தவண்ணனா

35. பஞ்சமே கி³ஹித⁴ம்மா அனபக³தோ ஹோதீதி அக²ண்ட³பஞ்சஸீலோ ஹோதி. ஸதங் த⁴ம்மங் அனுக்கமந்தி ஸப்புரிஸானங் மஹாபுரிஸானங் த⁴ம்மங் அனுக்கமந்தோ . ஸந்தோ நங் ப⁴ஜந்தீதி ஸப்புரிஸா பு³த³த⁴பச்சேகபு³த⁴ததா²க³தஸாவகா ஏதங் ப⁴ஜந்தி.

6. காலதா³னஸுத்தவண்ணனா

36. ச²ட்டே² காலதா³னானீதி யுத்ததா³னானி, பத்ததா³னானி அனுச்ச²விகதா³னானீதி அத்தோ². நவஸஸ்ஸானீதி அக்³க³ஸஸ்ஸானி. நவப²லானீதி ஆராமதோ பட²முப்பன்னானி அக்³க³ப²லானி. பட²மங் ஸீலவந்தேஸு பதிட்டா²பேதீதி பட²மங் ஸீலவந்தானங் த³த்வா பச்சா² அத்தனா பரிபு⁴ஞ்ஜதி. வத³ஞ்ஞாதி பா⁴ஸிதஞ்ஞா. காலேன தி³ன்னந்தி யுத்தப்பத்தகாலேன தி³ன்னங். அனுமோத³ந்தீதி ஏகமந்தே டி²தா அனுமோத³ந்தி. வெய்யாவச்சந்தி காயேன வெய்யாவடிககம்மங் கரொந்தி. அப்படிவானசித்தோதி அனுக்கண்டி²தசித்தோ. யத்த² தி³ன்னங் மஹப்ப²லந்தி யஸ்மிங் டா²னே தி³ன்னங் மஹப்ப²லங் ஹோதி, தத்த² த³தெ³ய்ய.

7. போ⁴ஜனஸுத்தவண்ணனா

37. ஸத்தமே ஆயுங் தே³தீதி ஆயுதா³னங் தே³தி. வண்ணந்தி ஸரீரவண்ணங். ஸுக²ந்தி காயிகசேதஸிகஸுக²ங். ப³லந்தி ஸரீரதா²மங். படிபா⁴னந்தி யுத்தமுத்தப்படிபா⁴னங்.

8. ஸத்³த⁴ஸுத்தவண்ணனா

38. அட்ட²மே அனுகம்பந்தீதி அனுக்³க³ண்ஹந்தி. க²ந்தி⁴மாவ மஹாது³மோதி க²ந்த⁴ஸம்பன்னோ மஹாருக்கோ² விய. மனோரமே ஆயதனேதி ரமணீயே ஸமோஸரணட்டா²னே. சா²யங் சா²யத்தி²கா யந்தீதி சா²யாய அத்தி²காவ சா²யங் உபக³ச்ச²ந்தி. நிவாதவுத்திந்தி நீசவுத்திங். அத்த²த³த⁴ந்தி கோத⁴மானத²த³த⁴தாய ரஹிதங். ஸோரதந்தி ஸோரச்சேன ஸுகி²ஸீலேன ஸமன்னாக³தங். ஸுகி²லந்தி ஸம்மோத³கங்.

9. புத்தஸுத்தவண்ணனா

39. நவமே ப⁴தோ வா நோ ப⁴ரிஸ்ஸதீதி அம்ஹேஹி த²ஞ்ஞபாயனஹத்த²பாத³வட்³ட⁴னாதீ³ஹி ப⁴தோ படிஜக்³கி³தோ அம்ஹே

மஹல்லககாலே ஹத்த²பாத³தோ⁴வன-ந்ஹாபனயாகு³ப⁴த்ததா³னாதீ³ஹி
ப⁴ரிஸ்ஸதி. கிச்சங் வா நோ கரிஸ்ஸதீதி அத்தனோ கம்மங் ட²பெத்வா
அம்ஹாகங் ராஜகுலாதீ³ஸு உப்பன்னங் கிச்சங் க³ந்த்வா கரிஸ்ஸதி .
குலவங்ஸோ சிரங் ட²ஸ்ஸதீதி அம்ஹாகங் ஸந்தகங்
கெ²த்தவத்து²ஹிரஞ்ஞஸுவண்ணாதி³ங் அவினாஸெத்வா ரக்க²ந்தே புத்தே
குலவங்ஸோ சிரங் ட²ஸ்ஸதி, அம்ஹேஹி வா பவத்திதானி
ஸலாகப⁴த்தாதீ³னி அனுபச்சி²ந்தி³த்வா பவத்தெஸ்ஸதி, ஏவம்பி நோ
குலவங்ஸோ சிரங் ட²ஸ்ஸதி. தா³யஜ்ஜங் படிபஜ்ஜிஸ்ஸதீதி
குலவங்ஸானுருபாய படிபத்தியா அத்தானங் தா³யஜ்ஜாரஹங் கரொந்தோ
அம்ஹாகங் ஸந்தகங் தா³யஜ்ஜங் படிபஜ்ஜிஸ்ஸதி. த³க்கி²ணங்
அனுப்பத³ஸ்ஸதீதி பத்திதா³னங் கத்வா ததியதி³வஸதோ பட்டா²ய தா³னங்
அனுப்பத³ஸ்ஸதி.

ஸந்தோ ஸப்புரிஸாதி இமஸ்மிங் டா²னே மாதாபிதூஸு ஸம்மா
படிபத்தியா ஸந்தோ ஸப்புரிஸாதி வேதி³தப்³பா³. புப்³பே³ கதமனுஸ்ஸரந்தி
மாதாபிதூஹி பட்²மதரங் கதகு³ணங் அனுஸ்ஸரந்தா. ஓவாத³காரீதி
மாதாபிதூஹி தி³ன்னஸ்ஸ ஓவாத³ஸ்ஸ கத்தா. ப⁴தபோஸீதி யேஹி
ப⁴தோ, தேஸங் போஸகோ. பஸங்ஸியோதி தி³ட்டே²வ த⁴ம்மே
மஹாஜனேன பஸங்ஸிதப்³போ³ ஹோதி.

10. மஹாஸாலபுத்தஸுத்தவண்ணனா

40. த³ஸமே மஹாஸாலாதி மஹாருக்கா². ஸாகா²பத்தபலாஸேன
வட்³ட⁴ந்தீதி கு²த்³த³கஸாகா²ஹி ச பத்தஸங்கா²தேன ச பலாஸேன
வட்³ட⁴ந்தி. அரஞ்ஞஸ்மிந்தி அகா³மகே பதே³ஸே. ப்³ரஹாவனேதி
மஹாவனே அடவியங். ஸேஸங் ஸப்³புத்த² உத்தானத்த²மேவாதி.

ஸுமனவக்³கோ³ சதுத்தோ².

5. முண்ட³ராஜவக்³கோ³

1. ஆதி³யஸுத்தவண்ணனா

41. பஞ்சமஸ்ஸ பட²மே போ⁴கா³னங் ஆதி³யாதி போ⁴கா³னங்
ஆதா³தப்³ப்காரணானி. உட்டா²னவீரியாதி⁴க³தேஹீதி உட்டா²னஸங்கா²தேன
வீரியேன அதி⁴க³தேஹி. பா³ஹாப³லபரிசிதேஹீதி பா³ஹுப³லேன
ஸஞ்சிதேஹி. ஸேதா³வக்³ித்தேஹீதி ஸேத³ங் அவக்³ி²பெத்வா
உப்பாதி³தேஹி. த⁴ம்மிகேஹீதி த⁴ம்மயுத்தேஹி. த⁴ம்மலத்³தே⁴ஹீதி
த³ஸுகுஸலகம்மங் அகோபெத்வா லத்³தே⁴ஹி. பீணேதீதி பீணிதங் தூ²லங்
கரோதி. ஸேஸமெத்த² சதுக்கனிபாதே வுத்தனயேனேவ வேதி³தப்³பங். து³தியங்
உத்தானத்த²மேவ.

3. இட்ட²ஸுத்தவண்ணனா

43. ததியே ஆயுஸங்வத்தனிகா படிபதா³தி தா³னஸீலாதி³கா புஞ்ஞபடிபதா³.
ஸேஸேஸுபி ஏஸேவ நயோ. அத்தா²பி⁴ஸமயாதி அத்த²ஸ்ஸ
அபி⁴ஸமாக³மேன, அத்த²ப்படிலாபே⁴னாதி வுத்தங் ஹோதி.

4. மனாபதா³யீஸுத்தவண்ணனா

44. சதுத்தே² உக்³கோ³தி கு³ணேஹி உக்³க³தத்தா ஏவங்லத்³த⁴னாமோ.
ஸாலபுப்³ப்கங் கா²த³னீயந்தி சதுமது⁴ரயோஜிதேன ஸாலிபிட்டே²ன கதங்
ஸாலபுப்³ப³ஸதி³ஸங் கா²த³னீயங். தஞ்ஹி பஞ்ஞாயமானவண்டபத்தகேஸரங்
கத்வா ஜீரகாதி³ஸம்பா⁴ரயுத்தே ஸப்பிம்ஹி பசித்வா ஸப்பிங் வினிவத்தெத்வா
கோலும்பே³ பூரெத்வா க³ந்த⁴வாஸங் கா³ஹாபெத்வா பித³ஹித்வா
லஞ்செ²த்வா ட²பிதங் ஹோதி. தங் ஸோ யாகு³ங் பிவித்வா நிஸின்னஸ்ஸ
ப⁴க³வதோ அந்தரப⁴த்தே தா³துகாமோ ஏவமாஹ. படிக்க³ஹேஸி
ப⁴க³வாதி தே³ஸனாமத்தமேதங், உபாஸகோ பன தங் ப⁴க³வதோ ச
பஞ்சன்னஞ்ச பி⁴க்கு²ஸதானங் அதா³ஸி. யதா² ச தங், ஏவங்
ஸுகரமங்ஸாதீ³னிபி. தத்த² ஸம்பன்னகோலகந்தி ஸம்பன்னப³த³ரங்.
ஸுகரமங்ஸந்தி மது⁴ரரஸேஹி ப³த³ரேஹி ஸத்³தி⁴ங்
ஜீரகாதி³ஸம்பா⁴ரேஹி யோஜெத்வா பக்கங் ஏகஸங்வச்ச²ரிகஸுகரமங்ஸங்.
நிப்³புத்ததேலகந்தி வினிவத்திததேலங். நாலியஸாகந்தி ஸாலிபிட்டே²ன
ஸத்³தி⁴ங் மத்³தி³த்வா ஜீரகாதி³ஸங்யுத்தே ஸப்பிம்ஹி பசித்வா சதுமது⁴ரேன
யோஜெத்வா வாஸங் கா³ஹாபெத்வா ட²பிதங் நாலியஸாகங். நேதங்
ப⁴க³வதோ கப்பதீதி எத்த² அகப்பியங் உபாதா³ய கப்பியம்பி ந கப்பதீதி
வுத்தங், ஸெட்டி² பன ஸப்³ப³ம்பி தங் ஆஹராபெத்வா ராஸிங் கத்வா யங் யங்
அகப்பியங், தங் தங் அந்தராபணங் பஹிணித்வா கப்பியங்

உபபோ⁴க³பரிபோ⁴க³ப⁴ண்ட³ங் அதா³ஸி. சந்த³னப²லகங் நாதிமஹந்தங்
தீ³க⁴தோ அட்³ட⁴தெய்யரதனங், திரியங் தி³யட்³ட⁴ரதனங்,
ஸாரவரப⁴ண்ட³த்தா பன மஹக்³க⁴ங் அஹோஸி. ப⁴க³வா தங்
படிக்³க³ஹெத்வா க²ண்டா³க²ண்டிக³ங் சே²தா³பெத்வா பி⁴க்க²னங்
அஞ்ஜனபிஸனத்தா²ய தா³பேஸி.

உஜ்ஜுபூ⁴தேஸு³தி காயவாசாசித்தேஹி உஜுகேஸு. சந்த³ஸாதி பேமேன.
சத்தந்திஆதீ³ஸு பரிச்சாக³வஸேன சத்தங். முத்தசாக³தாய முத்தங்.
அனபெக்க²சித்ததாய சித்தேன ந உக்³க³ஹிதந்தி அனுக்³க³ஹீதங்.
கெத்துாபமேதி விருஹனட்டே²ன கெத்தஸதி³ஸே.

அஞ்ஞதரங் மனோமயந்தி ஸுத்தா⁴வாஸேஸு ஏகங் ஜா²னமனேன
நிப்³புத்தங் தே³வகாயங். யதா²தி⁴ப்பாயோதி யதா²ஜ்ஜா²ஸயோ. இமினா கிங்
புச்ச²தி? தஸ்ஸ கிர மனுஸ்ஸகாலே அரஹத்தத்தா²ய அஜ்ஜா²ஸயோ
அஹோஸி, தங் புச்சா²மீதி புச்ச²தி. தே³வபுத்தோபி அரஹத்தங் பத்ததாய
தக்³க⁴ மே ப⁴க³வா யதா²தி⁴ப்பாயோதி ஆஹ. யத்த² யத்து²பபஜ்ஜதீதி
தீஸு வா குலஸம்பத்தீஸு ச²ஸு வா காமஸக்³கே³ஸு யத்த² யத்த²
உப்பஜ்ஜதி, தத்த² தத்த² தீ³கா⁴யு யஸவா ஹோதீதி. பஞ்சமங் சதுக்கனிபாதே
வுத்தனயேனேவ வேதி³தப்³பங். ச²ட்ட²ஸத்தமானி உத்தானத்தா²னேவ.

8. அலப்³ப⁴னீயடா²னஸுத்தவண்ணனா

48. அட்ட²மே அலப்³ப⁴னீயானீதி அலத்³த⁴ப்³பா³னி, ந ஸக்கா லபி⁴துங்.
டா²னானீதி காரணானி. ஜராத⁴ம்மங் மா ஜீரீதி யங் மய்ஹங் ஜராஸபா⁴வங்,
தங் மா ஜீரது. ஸேஸபதே³ஸுபி ஏஸேவ நயோ. நச்சா²தெ³ய்யாதி ந
ருச்செய்ய. அப்³புஹீதி நீஹரி.

யதோதி யஸ்மிங் காலே. ஆபதா³ஸு³தி உபத்³த³வேஸு. ந வேத⁴தீதி ந
கம்பதி நானுஸோசதி. அத்த²வினிச்ச²யஞ்ஞாதி காரணத்த²வினிச்ச²யே
குஸலோ. புராணந்தி நிப்³பி³காரதாய போராணகமேவ. ஜப்பேனாதி
வண்ணப⁴ணனேன. மந்தேனாதி மஹானுபா⁴வமந்தபரிவத்தனேன.
ஸுபா⁴ஸிதேனாதி ஸுபா⁴ஸிதகத²னேன. அனுப்பதா³னேனாதி ஸதஸ்ஸ
வா ஸஹஸ்ஸஸ்ஸ வா தா³னேன. பவேணியா வாதி குலவங்ஸேன வா,
“இத³ங் அம்ஹாகங் பவேணியா ஆசிண்ணங், இத³ங் அனாசிண்ண”ந்தி ஏவங்
பவேணிகத²னேனாதி அத்தோ². யதா² யதா² யத்த² லபே⁴த² அத்த²ந்தி ஏதேஸு
ஜப்பாதீ³ஸு யேன யேன யத்த² யத்த² டா²னே ஜராத⁴ம்மாதீ³னங்
அஜீரணதாதி³அத்த²ங் லபெ⁴ய்ய. ததா² ததா² தத்த² பரக்கமெய்யாதி தேன
தேன தஸ்மிங் தஸ்மிங் டா²னே பரக்கமங் கரெய்ய. கம்மங் த³ஸ்ஹந்தி
வட்டகா³மிகம்மங் மயா தி²ரங் கத்வா ஆயுஹிதங், ஸ்வாஹங் இதா³னி கிந்தி
கரோமீதி ஏவங் பச்சவெக்கி²த்வா அதி⁴வாஸெய்யாதி.

9. கோஸலஸுத்தவண்ணனா

49. நவமே உபகண்ணகேதி கண்ணமுலே. து³ம்மனோதி து³ட்டு²மனோ.
பத்தக்க²ந்தோ⁴தி பதிதக்க²ந்தோ⁴. பஜ்ஜா²யந்தோதி சிந்தயந்தோ.
அப்படிபா⁴னோதி நிப்படிபா⁴னோ ஹுத்வா. ஸேஸங் ஹெட்டா²
வுத்தனயமேவ.

10. நாரத³ஸுத்தவண்ணனா

50. த³ஸமே அஜ்ஜோ²முச்சி²தோதி அதி⁴ஓமுச்சி²தோ கி³லித்வா
பரினிட்ட²பெத்வா க³ஹணஸபா⁴வாய அதிரேகமுச்சா²ய தண்ஹாய
ஸமன்னாக³தோ. மஹச்சா ராஜானுபா⁴வேனாதி மஹதா ராஜானுபா⁴வேன,
அட்டா²ரஸஹி ஸேனீஹி பரிவாரிதோ மஹதியா ராஜித்³தி⁴யா பாயாஸீதி
அத்தோ². தக்³கா⁴தி ஏகங்ஸத்தே² நிபாதோ , ஏகங்ஸேனேவ
ஸோகஸல்லஹரணோதி அத்தோ². இதி ராஜா இமங் ஓவாத³ங் ஸுத்வா
தஸ்மிங் டி²தோ த⁴ம்மேன ஸமேன ரஜ்ஜங் காரெத்வா ஸக்³க³பராயணோ
அஹோஸி.

முண்ட³ராஜவக்³கோ³ பஞ்சமோ.

பட²மபண்ணாஸகங் நிட்டி²தங்.

2. து³தியபண்ணாஸகங்

(6) 1. நீவரணவக்³கோ³

1. ஆவரணஸுத்தவண்ணனா

51. து³தியஸ்ஸ பட²மே ஆவரணவஸேன ஆவரணா. நீவரணவஸேன நீவரணா. சேதோ அஜ்ஜா²ருஹந்தீதி சேதஸோ அஜ்ஜா²ருஹா. விபஸ்ஸனாபஞ்ஞஞ்ச மக்³கப்பஞ்ஞஞ்ச உப்பத்தினிவாரணட்டே²ன து³ப்ப³லங் கரொந்தீதி பஞ்ஞாய து³ப்ப³லீகரணா. யா வா ஏதேஹி ஸத்³தி⁴ங் வோகிண்ணா பஞ்ஞா உப்பஜ்ஜதி, தங் து³ப்ப³லங் கரொந்தீதிபி பஞ்ஞாய து³ப்ப³லீகரணா. அப³லாயாதி பஞ்சனீவரணபரியோனத்³த⁴த்தா அபக³தப³லாய. உத்தரி வா மனுஸ்ஸத⁴ம்மா அலமரியஞாணத³ஸ்ஸனவிஸேஸந்தி த³ஸகூஸலகம்மபத²ஸங்கா²தா மனுஸ்ஸத⁴ம்மா உத்தரி அரியபா⁴வங் காதுங் ஸமத்த²ங் ஞாணத³ஸ்ஸனவிஸேஸங். ஹாரஹாரினீதி ஹரிதப்³பங் ஹரிதுங் ஸமத்த². நங்க³லமுகா²னீதி மாதிகாமுகா²னி. தானி ஹி நங்க³லஸரிக்க²கத்தா நங்க³லேஹி ச க²தத்தா நங்க³லமுகா²னீதி வுச்சந்தி.

ஏவமேவ கோ²தி எத்த² ஸோதங் விய விபஸ்ஸனாஞாணங் த³ட்ட²ப³பங், உப⁴தோ நங்க³லமுகா²னங் விவரணகாலோ விய ச²ஸு த்³வாரேஸு ஸங்வரஸ்ஸ விஸ்ஸட்ட²காலோ, மஜ்ஜே²னதி³யா ருக்க²பாதே³ கொட்டெத்வா பலாலதிணமத்திகாஹி ஆவரணே கதே உத³கஸ்ஸ விக்²த்தவிஸடப்³யாதி³ண்ணகாலோ விய பஞ்சஹி நீவரணேஹி பரியோனத்³த⁴காலோ, ஏவங் ஆவரணே கதே விஹதவேக³ஸ்ஸ உத³கஸ்ஸ திணபலாலாதீ³னி பரிகட்³டி⁴த்வா ஸமுத்³த³ங் பாபுணிதுங் அஸமத்த²காலோ விய விபஸ்ஸனாஞாணேன ஸப்³பா³கூஸலே வித்³த⁴ங்ஸெத்வா நிப்³பா³னஸாக³ரங் பாபுணிதுங் அஸமத்த²காலோ வேதி³தப்³போ³. ஸுக்கபக்கே² வுத்தவிபல்லாஸேன யோஜனா காதப்³பா³. இமஸ்மிங் ஸுத்தே வட்டவிவட்டங் கதி²தங். து³தியங் உத்தானத்த²மேவ.

3. பதா⁴னியங்க³ஸுத்தவண்ணனா

53. ததியே பதா⁴னியங்கா³னீதி பதா⁴னங் வுச்சதி பத³ஹனபா⁴வோ, பதா⁴னமஸ்ஸ அத்தீ²தி பதா⁴னியோ, பதா⁴னியஸ்ஸ பி⁴க்கு²னோ அங்கா³னீதி பதா⁴னியங்கா³னி. ஸத்³தோ⁴தி ஸத்³தா⁴ய ஸமன்னாக³தோ. ஸத்³தா⁴ பனேஸா ஆக³மஸத்³தா⁴ அதி⁴க³மஸத்³தா⁴ ஓகப்பனஸத்³தா⁴ பஸாத³ஸத்³தா⁴தி சதுப்³பி³தா⁴. தத்த² ஸப்³புஞ்ஞுபோ³தி⁴ஸத்தானங் ஸத்³தா⁴, அபி⁴னீஹாரதோ பட்டா²ய ஆக³தத்தா ஆக³மஸத்³தா⁴ நாம. அரியஸாவகானங் படிவேதே⁴ன அதி⁴க³தத்தா அதி⁴க³மஸத்³தா⁴ நாம. புத்³தோ⁴ த⁴ம்மோ ஸங்கோ⁴தி வுத்தே அசலபா⁴வேன ஓகப்பனங் ஓகப்பனஸத்³தா⁴ நாம. பஸாது³ப்பத்தி பஸாத³ஸத்³தா⁴ நாம. இத⁴

ஓகப்பனஸத்தா⁴ அதி⁴ப்பேதா. போ³தி⁴ந்தி சதுமக்³க்ஞாணங். தங்
ஸுப்படிவித்த⁴ங் ததா²க³தேனாதி ஸத்த³ஹதி. தே³ஸனாஸீஸமேவ சேதங்,
இமினா பன அங்கே³ன தீஸுபி ரதனேஸு ஸத்தா⁴ அதி⁴ப்பேதா. யஸ்ஸ
ஹி புத்தா⁴தீஸு பஸாதோ³ பல்வா, தஸ்ஸ பதா⁴னவீரியங் இஜ்ஜ²தி.

அப்பாபா³தோ⁴தி அரோகோ³. அப்பாதங்கோதி நித்து³க்கோ².
ஸமவேபாகினியாதி ஸமவிபாகினியா. க³ஹணியாதி கம்மஜதேஜோதா⁴துயா.
நாதிஸ்தாய நாச்சுணஹாயாதி அதிஸ்தலக்³க்ஹணிகோ ஹி ஸ்தபீ⁴ருகோ
ஹோதி, அச்சுணஹக்³க்ஹணிகோ உண்ஹபீ⁴ருகோ, தேஸங் பதா⁴னங் ந
இஜ்ஜ²தி, மஜ்ஜி²மக்³க்ஹணிகஸ்ஸ இஜ்ஜ²தி. தேனாஹ - மஜ்ஜி²மாய
பதா⁴னக்²மாயாதி. யதா²பூ⁴தங் அத்தானங் ஆவிகத்தாதி யதா²பூ⁴தங்
அத்தனோ அகு³ணங் பகாஸேதா. உத³யத்த²கா³மினியாதி உத³யஞ்ச அத்த²ஞ்ச
க³ந்துங் பரிச்சிந்தி³துங் ஸமத்தா²ய. ஏதேன பஞ்ஞாஸலக்²ணபரிக்க³கா³ஹகங்
உத³யப்ப³யஞாணங் வத்தங். அரியாயாதி பரிஸுத்தா⁴ய. நிப்பே³தி⁴காயாதி
அனிப்பி³த்த⁴புப்பே³ லோப⁴க்க²ந்தா⁴த³யோ நிப்பி³ஜ்ஜி²துங் ஸமத்தா²ய.
ஸம்மா து³க்க²க்²யகா³மினியாதி தத³ங்க³வஸேன கிலேஸானங் பஹீனத்தா
யங் து³க்க²ங் கீ²யதி, தஸ்ஸ து³க்க²ஸ்ஸ க²யகா³மினியா. இதி ஸப்பே³ஹிபி
இமேஹி பதே³ஹி விபஸ்ஸனாபஞ்ஞாவ கதி²தா. து³ப்பஞ்ஞஸ்ஸ ஹி
பதா⁴னங் ந இஜ்ஜ²தி.

4. ஸமயஸுத்தவண்ணனா

54. சதுத்தே² பதா⁴னாயாதி வீரியகரணத்தா²ய. ந ஸுகரங் உஞ்சே²ன
பக்³க்³ஹேன யாபேதுந்தி ந ஸக்கா ஹோதி பத்தங் க³ஹெத்வா
உஞ்சா²சரியாய யாபேதுங். இமஸ்மிம்பி ஸுத்தே வட்டவிவட்டமேவ கதி²தங்.

5. மாதாபுத்தஸுத்தவண்ணனா

55. பஞ்சமே பரியாதா³ய திட்ட²தீதி பரியாதி³யித்வா க³ஹெத்வா கே²பெத்வா
திட்ட²தி. உக்³கா⁴திதாதி உத்³து⁴மாதா.

அஸிஹத்தே²னாதி ஸீஸச்சே²த³னத்தா²ய அஸிங் ஆதா³ய ஆக³தேனாபி.
பிஸாசேனாதி கா²தி³துங் ஆக³தயக்கே²னாபி. ஆஸீதே³தி க⁴ட்டெய்ய.
மஞ்ஜனாதி முது³கேன. காமோக⁴வுள்ஹானந்தி காமோகே⁴ன வுள்ஹானங்
கட்³டி⁴தானங். காலங் க³தி ப⁴வாப⁴வந்தி வட்டகாலங் க³திஞ்ச
புனப்புனப்ப⁴வே ச. புரக்க²தாதி புரேசாரிகா புரதோ க³தாயேவ. யே ச காமே
பரிஞ்ஞாயாதி யே பண்டி³தா து³விதே⁴பி காமே தீஹி பரிஞ்ஞாஹி
பரிஜானித்வா. சரந்தி அகுதோப⁴யாதி கீ²ணாஸவானங் குதோசி ப⁴யங் நாம
நத்தி², தஸ்மா தே அகுதோப⁴யா ஹுத்வா சரந்தி. பாரங்க³தாதி பாரங் வச்சதி
நிப்பா³னங், தங் உபக³தா, ஸச்சி³கத்வா டி²தாதி அத்தோ². ஆஸவக்க²யந்தி

அரஹத்தங். இமஸ்மிங் ஸுத்தே வட்டமேவ கதெத்வா கா³தா²ஸு
வட்டவிவட்டங் கதி²தங்.

6. உபஜ்ஜா²யஸுத்தவண்ணனா

56. ச²ட்டே² மது⁴ரகஜாதோதி ஸஞ்ஜாதக³ருபா⁴வோ. தி³ஸா ச மே ந
பக்கா²யந்தீதி சதஸ்ஸோ தி³ஸா ச அனுதி³ஸா ச மய்ஹங் ந உபட்ட²ஹந்தீதி
வத³தி. த⁴ம்மா ச மங் நப்படிப⁴ந்தீதி ஸமத²விபஸ்ஸனாத⁴ம்மாபி மே ந
உபட்ட²ஹந்தி. அனபி⁴ரதோ ச ப்³ரஹ்மசரியங் சராமீதி உக்கண்டி²தோ
ஹுத்வா ப்³ரஹ்மசரியவாஸங் வஸாமி. யேன ப⁴க³வா தேனுபஸங்கமீதி
தஸ்ஸ கத²ங் ஸுத்வா “பு³த்த⁴வேனெய்யபுக்³க³லோ அய”ந்தி தங் காரணங்
ப⁴க³வதோ ஆரோசேதுங் உபஸங்கமி. அவிபஸ்ஸகஸ்ஸ குஸலானங்
த⁴ம்மானந்தி குஸலத⁴ம்மே அவிபஸ்ஸந்தஸ்ஸ, அனேஸந்தஸ்ஸ
அக³வேஸந்தஸ்ஸாதி அத்தோ². போ³தி⁴பக்கி²யானங் த⁴ம்மானந்தி
ஸதிபட்டா²னாதீ³னங் ஸத்ததிங்ஸத⁴ம்மானங்.

7. அபி⁴ண்ஹபச்சவெக்கி²தப்³ப³டா²னஸுத்தவண்ணனா

57. ஸத்தமே ஜராத⁴ம்மொம்ஹீதி ஜராஸபா⁴வோ அம்ஹி. ஜரங்
அனதீதோதி ஜரங் அனதிக்கந்தோ, அந்தோஜராய ஏவ சராமி. ஸேஸபதே³ஸுபி
ஏஸேவ நயோ. கம்மஸ்ஸகோதிஆதீ³ஸு கம்மங் மய்ஹங் ஸகங் அத்தனோ
ஸந்தகந்தி கம்மஸ்ஸகோ அம்ஹி. கம்மஸ்ஸ தா³யாதோ³தி கம்மதா³யாதோ³,
கம்மங் மய்ஹங் தா³யஜ்ஜங் ஸந்தகந்தி அத்தோ². கம்மங் மய்ஹங் யோனி
காரணந்தி கம்மயோனி. கம்மங் மய்ஹங் ப்³ந்தூ⁴தி கம்மப்³ந்து⁴,
கம்மஞாதகோதி அத்தோ². கம்மங் மய்ஹங் படிஸரணங் பதிட்டா²தி
கம்மபடிஸரணோ. தஸ்ஸ தா³யாதோ³ ப⁴விஸ்ஸாமீதி தஸ்ஸ கம்மஸ்ஸ
தா³யாதோ³ தேன தி³ன்னப²லபடிக்க³கா³ஹகோ ப⁴விஸ்ஸாமீதி அத்தோ².
யொப்³ப³னமதோ³தி யொப்³ப³னங் ஆரப்³ப⁴ உப்பன்னமதோ³. ஸேஸேஸுபி
ஏஸேவ நயோ. மக்³கோ³ ஸஞ்ஜாயதீதி லோகுத்தரமக்³கோ³ ஸஞ்ஜாயதி.
ஸங்யோஜனானி ஸப்³ப³ஸோ பஹீயந்தீதி த³ஸ ஸங்யோஜனானி
ஸப்³ப³ஸோ பஹீயந்தி. அனுஸயா ப்³யந்தீஹாந்தீதி ஸத்த அனுஸயா
விக³தந்தா பரிச்சி²ன்னா பரிவடுமா ஹாந்தி. ஏவமெத்த² ஹெட்டா² பஞ்சஸு
டா²னேஸு விபஸ்ஸனா கதி²தா, இமேஸு பஞ்சஸு லோகுத்தரமக்³கோ³.

இதா³னி கா³தா²ஹி கூடங் க³ண்ஹந்தோ ப்³யாதி⁴த⁴ம்மாதிஆதி³மாஹ.
தத்த² ஞத்வா த⁴ம்மங் நிருபதி⁴ந்தி உபதி⁴ரஹிதங் அரஹத்தமக்³கங்
ஞத்வா. ஸப்³பே³ மதே³ அபி⁴பொ⁴ஸ்மீதி ஸப்³பே³ இமே தயோபி மதே³
அதி⁴ப⁴விங், அதிக்கம்ம டி²தொஸ்மீதி அத்தோ². நெக்க²ம்மங் த³ட்டு²
கே²மதோதி பப்³ப³ஜ்ஜங் கே²மதோ தி³ஸ்வா. தஸ்ஸ மே அஹு
உஸ்ஸாஹோ, நிப்³பா³னங் அபி⁴பஸ்ஸதோதி தஸ்ஸ மய்ஹங் நிப்³பா³னங்

அபி⁴பஸ்ஸந்தஸ்ஸ வாயாமோ அஹோஸி. அனிவத்தி ப⁴விஸ்ஸாமீதி
 பப்³பஜ்ஜதோ அனிவத்திகோ ப⁴விஸ்ஸாமி, ப்³ரஹ்மசரியவாஸதோ
 அனிவத்திகோ, ஸப்³பஞ்ஞதஞ்ஞாணதோ அனிவத்திகோ ப⁴விஸ்ஸாமி.
 ப்³ரஹ்மசரியபராயணோதி மக்³கப்³ரஹ்மசரியபராயணோ. இமினா
 லோகுத்தரோ அட்ட²ங்கிகோ மக்³கோ³ கதி²தோதி.

8. லிச்ச²விசுமாரகஸுத்தவண்ணனா

58. அட்ட²மே ஸஜ்ஜானி த⁴னூனீதி ஸஜியானி ஆரோபிதத⁴னூனி.
 அத்³த³ஸுதி அத்³த³ஸங்ஸு. ப⁴விஸ்ஸந்தி வஜ்ஜீதி வட்³டி⁴ஸ்ஸந்தி
 வஜ்ஜிராஜானோ. அபானுபா⁴தி அவட்³டி⁴னிஸ்ஸிதா மானத²த்தா⁴.
 பச்சா²லியங் கி²பந்தீதி பச்ச²தோ க்³ந்த்வா பிட்டி²ங் பாதே³ன பஹரந்தி.
 ரட்டி²கஸ்ஸாதிஆதீ³ஸு ரட்ட²ங் பு⁴ஞ்ஜதீதி ரட்டி²கோ. பிதரா த³த்தங்
 ஸாபதெய்யங் பு⁴ஞ்ஜதீதி பெத்தனிகோ. ஸேனாய பதி ஜெட்ட²கோதி
 ஸேனாபதிகோ. கா³மகா³மணிகஸ்ஸாதி கா³மானங் கா³மணிகஸ்ஸ,
 கா³மஸாமிகஸ்ஸாதி அத்தோ². பூக³கா³மணிகஸ்ஸாதி க்³ணஜெட்ட²கஸ்ஸ.
 குலேஸுதி தேஸு தேஸு குலேஸு. பச்சேகாதி⁴பச்சங் காரெந்தீதி
 பச்சேகங் ஜெட்ட²கட்டா²னங் காரெந்தி. கல்யாணேன மனஸா அனுசம்பந்தீதி
 ஸுந்த³ரேன சித்தேன அனுக்³க்³ணஹந்தி.

கெ²த்தகம்மந்தஸாமந்தஸப்³யோஹாரேதி யே ச அத்தனோ
 கெ²த்தகம்மந்தானங் ஸாமந்தா அனந்தரக்கெ²த்தஸாமினோ, தே ச
 ரஜ்ஜுத³ண்டே³ஹி பு⁴மிப்பமாணக்³கா³ஹகே ஸப்³போ³ஹாரே ச.
 ப்³லிபடிக்³கா³ஹிகா தே³வதாதி குலப்பவேணியா ஆக³தா ஆரக்க²தே³வதா.
 ஸக்கரோதீதி தா தே³வதா அக்³கயாகு³ப⁴த்தாதீ³ஹி ஸக்கரோதி.

கிச்சகரோதி உப்பன்னானங் கிச்சானங் காரகோ. யே சஸ்ஸ
 அனுஜீவினோதி யே ச ஏதங் உபனிஸ்ஸாய ஜீவந்தி. உபி⁴ன்னஞ்சேவ
 அத்தா²யாதி உபி⁴ன்னம்பி ஹிதத்தா²ய படிபன்னோ ஹோதீதி அத்தோ².
 புப்³பேதானந்தி பரலோகக³தானங். தி³ட்டே² த⁴ம்மே ச ஜீவதந்தி யே ச
 தி³ட்டே² த⁴ம்மே ஜீவந்தி. இதி பத³த்³வயேனாபி அதீதபச்சப்பன்னே ஞாதயோ
 த³ஸ்ஸேதி. வித்திஸஞ்ஜனநோதி துட்டி²ஜனநோ. க⁴ரமாவஸந்தி
 க⁴ராவாஸங் வஸந்தோ. புஜ்ஜோ ஹோதி பஸங்ஸியோதி பூஜேதப்³போ³ ச
 பஸங்ஸிதப்³போ³ ச ஹோதீதி.

9-10. வுட்³ட⁴பப்³பஜிதஸுத்தத்³வயவண்ணனா

59-60. நவமே நிபுணோதி ஸண்ஹோ ஸுகு²மகாரணஞ்ஞா.
 ஆகப்பஸம்பன்னோதி ஸமணாகப்பேன ஸம்பன்னோ. த³ஸமே
 பத³க்கி²ணக்³கா³ஹீதி தி³ன்னோவாத³ங் பத³க்கி²ணதோ க்³ணஹந்தோ. ஸேஸங்
 ஸப்³பத்த² உத்தானமேவாதி.

நீவரணவக்³கோ³ பட²மோ.

(7) 2. ஸஞ்ஞாவக்³கோ³

1-2. ஸஞ்ஞாஸுத்தத்³வயவண்ணனா

61-62. து³தியஸ்ஸ பட²மே மஹப்ப²லாதி விபாகப²லேன மஹப்ப²லா. விபாகானிஸங்ஸேனேவ மஹானிஸங்ஸா. அமதோக³தா⁴தி நிப்³பா³னபதிட்டா². ஸப்³ப³லோகே அனபி⁴ரதிஸஞ்ஞாதி ஸப்³ப³ஸ்மிங் தேதா⁴துஸன்னிவேஸே லோகே உக்கண்டி²தஸ்ஸ உப்பஜ்ஜனகஸஞ்ஞா. து³தியங் உத்தானத்த²மேவ.

3-4. வட்³ட⁴ஸுத்தத்³வயவண்ணனா

63-64. ததியே வராதா³யீதி உத்தமஸ்ஸ வரஸ்ஸ ஆதா³யகோ. ஸேஸமெத்த² சதுத்தே² ச உத்தானத்த²மேவாதி.

5. ஸாகச்ச²ஸுத்தவண்ணனா

65. பஞ்சமே அலங்ஸாகச்சோ²தி ஸாகச்சா²ய யுத்தோ. ஆக³தங் பஞ்ஹந்தி புச்சி²தங் பஞ்ஹங். ப்யாகத்தா ஹோதீதி விஸ்ஸஜ்ஜிதா ஹோதி.

6. ஸாஜீவஸுத்தவண்ணனா

66. ச²ட்டே² அலங்ஸாஜீவோதி ஸாஜீவாய யுத்தோ. ஸாஜீவோதி பஞ்ஹபுச்ச²னஞ்சேவ பஞ்ஹவிஸ்ஸஜ்ஜனஞ்ச. ஸப்³பே³பி ஹி ஸப்³ரஹ்மசாரினோ பஞ்ஹங் உபஜீவந்தி, தேனேதங் பஞ்ஹபுச்ச²னவிஸ்ஸஜ்ஜனங் ஸமானாஜீவதாய ஸாஜீவோதி வுத்தங். கதங் பஞ்ஹந்தி அபி⁴ஸங்க²தங் பஞ்ஹங்.

7-10. பட²மஇத்³தி⁴பாத³ஸுத்தாதி³வண்ணனா

67-70. ஸத்தமே உஸ்ஸொள்ஹீதி அதி⁴மத்தவீரியங். அட்ட²மே அத்தனோ போ³தி⁴மண்டே³ படிவித்³தே⁴ ஆக³மனஇத்³தி⁴பாதே³ கதெ²த்வா உபரி அத்தனோவ ச² அபி⁴ஞ்ஞா கதே²ஸீதி. நவமத³ஸமேஸு விபஸ்ஸனா கதி²தா. ஸேஸங் ஸப்³ப³த்த² உத்தானமேவாதி.

ஸஞ்ஞாவக்³கோ³ து³தியோ.

(8) 3. யோதா⁴ஜீவவக்³கோ³

1. பட²மசேதோவிமுத்திப²லஸுத்தவண்ணனா

71. ததியஸ்ஸ பட²மே யதோ கோ², பி⁴க்க²வேதி ஹெட்டா² வுத்தனயேன விபஸ்ஸனங் வட்³டெ⁴த்வா அரஹத்தங் பத்தஸ்ஸ பி⁴க்கு²னோ இதா³னி வண்ணப⁴ணனத்த²ங் இத³ங் ஆரத்³த⁴ங். தத்த² யதோ கோ²தி யதா³ கோ². உக்கி²த்தபலிகோ⁴தி அவிஜ்ஜாபலிக⁴ங் உக்கி²பித்வா அபனெத்வா டி²தோ. ஸங்கிண்ணபரிகோ²தி ஸங்ஸாரபரிக²ங் ஸங்கிரித்வா வினாஸெத்வா டி²தோ. அப்³பூ³ள்ஹேஸிகோதி தண்ஹாஸங்காத²ங் ஏஸிகாத²ம்ப⁴ங் அப்³பூ³ய்ஹ லுஞ்சித்வா டி²தோ. நிரக்³க³னோதி நீவரணகவாடங் உக்³கா⁴டெத்வா டி²தோ. பன்னத்³த⁴ஜோ பன்னபா⁴ரோதி மானத்³த⁴ஜஞ்ச க²ந்தா⁴பி⁴ஸங்கா²ரகிலேஸபா⁴ரஞ்ச பாதெத்வா ஓதாரெத்வா டி²தோ. விஸங்யுத்தோதி வட்டேன விஸங்யுத்தோ. ஸேஸங் பானினயேனேவ வேதி³தப்³ங். எத்தாவதா ப⁴க³வதா மக்³கே³ன கிலேஸே கே²பெத்வா நிரோத⁴ஸயனவரக³தஸ்ஸ நிப்³பா³னாரம்மணங் ப²லஸமாபத்திங் அப்பெத்வா விஹரதோ கீ²ணாஸவஸ்ஸ காலோ த³ஸ்ஸிதோ.

யதா² ஹி த்³வே நக³ரானி ஏகங் சோரனக³ரங் ஏகங் கே²மனக³ரங். அத² ஏகஸ்ஸ மஹாயோத⁴ஸ்ஸ ஏவங் ப⁴வெய்ய - “யாவிமங் சோரனக³ரங் திட்ட²தி, தாவ கே²மனக³ரங் ப⁴யதோ ந முச்சதி, சோரனக³ரங் அனக³ரங் கரிஸ்ஸாமீ”தி ஸன்னாஹங் கத்வா க²க்³க³ங் க³ஹெத்வா சோரனக³ரங் உபஸங்கமித்வா நக³ரத்³வாரே உஸ்ஸாபிதே ஏஸிகாத²ம்பே⁴ க²க்³கே³ன சி³ந்தித்வா ஸத்³தி⁴ங் த்வாரபா³ஹாஹி கவாடங் பி⁴ந்தி³த்வா பலிக⁴ங் உக்கி²பித்வா பாகாரங் பி⁴ந்தி³த்வா பரிக²ங் விகிரித்வா நக³ரஸோப⁴த்தா²ய உஸ்ஸிதே த⁴ஜே பாதெத்வா நக³ரங் அக்³கி³னா ஜா²பெத்வா கே²மனக³ரங் பவிஸித்வா பாஸாத³ங் ஆருய்ஹ ஞாதிக்³ணபரிவுதோ ஸுரஸபோ⁴ஜனங் பு⁴ஞ்ஜெய்ய. ஏவங் சோரனக³ரங் விய ஸக்காயோ, கே²மனக³ரங் விய நிப்³பா³னங், மஹாயோதோ⁴ விய யோகா³வசரோ. தஸ்ஸேவங் ஹோதி - “யாவ ஸக்காயவட்டங் வட்டதி, தாவ த்³வத்திங்ஸகம்மகாரணாஅட்ட²னவுதிரோக³பஞ்சவீஸதிமஹாப⁴யேஹி பரிமுச்சனங் நத்தீ”தி. ஸோ மஹாயோதோ⁴ ஸன்னாஹங் விய ஸீலஸன்னாஹங் கத்வா பஞ்ஞாக²க்³க³ங் க³ஹெத்வா க²க்³கே³ன ஏஸிகாத²ம்பே⁴ விய அரஹத்தமக்³கே³ன தண்ஹேஸிகங் லுஞ்சித்வா, ஸோ யோதோ⁴ ஸத்³வாரபா³ஹகங் நக³ரகவாடங் விய பஞ்சோரம்பா⁴கி³யஸங்யோஜனஅக்³க³ளங் உக்³கா⁴டெத்வா, ஸோ யோதோ⁴ பலிக⁴ங் விய அவிஜ்ஜாபலிக⁴ங் உக்கி²பித்வா, ஸோ யோதோ⁴ பாகாரங் பி⁴ந்தி³ந்தோ பரிக²ங் விய கம்மாபி⁴ஸங்கா²ரங் பி⁴ந்தி³ந்தோ

ஜாதிஸங்ஸாரபரிக²ங் விகிரித்வா, ஸோ யோதோ⁴ நக³ரங் ஸோப⁴த்தா²ய உஸ்ஸாபிதத்³த⁴ஜே விய மானத்³த⁴ஜே பாதெத்வா ஸக்காயனக³ரங் ஜா²பெத்வா, ஸோ யோதோ⁴ கே²மனக³ரே உபரிபாஸாதே³ ஸுபோ⁴ஜனங் விய கிலேஸபரினிப்³பா³னநக³ரங் பவிஸித்வா அமதங் நிரோதா⁴ரம்மணங் ப²லஸமாபத்திஸுக²ங் அனுப⁴வமானோ காலங் வீதினாமேதி.

2. து³தியசேதோவிமுத்திப²லஸுத்தவண்ணனா

72. து³தியே அனிச்சஸஞ்ஞாதி க²ந்த⁴பஞ்சகங் ஹுத்வா அபா⁴வாகாரேன அனிச்சந்தி உப்பஜ்ஜனகஸஞ்ஞா. அனிச்சே து³க்க²ஸஞ்ஞாதி யத³னிச்சங், தங் படிபீளனாகாரேன து³க்க²ந்தி உப்பஜ்ஜனகஸஞ்ஞா. து³க்கே² அனத்தஸஞ்ஞாதி யங் து³க்க²ங், தங் அவஸவத்தனாகாரேன அனத்தாதி உப்பஜ்ஜனகஸஞ்ஞா. ஸேஸங் ஹெட்டா² வுத்தனயமேவ. இமேஸு பன த³வீஸுபி ஸுத்தேஸு விபஸ்ஸனாப²லங் நாம கதி²தந்தி.

3. பட²மத⁴ம்மவிஹாரீஸுத்தவண்ணனா

73. ததியே தி³வஸங் அதினாமேதீதி தி³வஸங் அதிக்காமேதி. ரிஞ்சதி படிஸல்லானந்தி ஏகீபா⁴வங் விஸ்ஸஜ்ஜேதி. தே³ஸேதீதி கதே²தி பகாஸேதி. த⁴ம்மபஞ்ஞத்தியாதி த⁴ம்மஸ்ஸ பஞ்ஞாபனாய. த⁴ம்மங் பரியாபுணாதீதி நவங்க³வஸேன சதுஸச்சத⁴ம்மங் பரியாபுணாதி வளஞ்ஜேதி கதே²தி. ந ரிஞ்சதி படிஸல்லானந்தி ஏகீபா⁴வங் ந விஸ்ஸஜ்ஜேதி. அனுயஞ்ஜதி அஜ்ஜத்தங் சேதோஸமத²ந்தி நியகஜ்ஜ²த்தே சித்தஸமாதி⁴ங் ஆஸேவதி பா⁴வேதி, ஸமத²கம்மட்டா²னே யுத்தப்பயுத்தோ ஹோதி.

ஹிதேஸினாதி ஹிதங் ஏஸந்தேன. அனுகம்பகேனாதி அனுகம்பமானேன. அனுகம்பங் உபாதா³யாதி அனுகம்பங் சித்தேன பரிக்³க³ஹெத்வா, படிச்சாதிபி வுத்தங் ஹோதி. கதங் வோ தங் மயாதி தங் மயா இமே பஞ்ச புக்³க³லே தே³ஸெந்தேன தும்ஹாகங் கதங். எத்தகமேவ ஹி அனுகம்பகஸ்ஸ ஸத்து² கிச்சங் யதி³த³ங் அவிபரீதத⁴ம்மதே³ஸனா, இதோ பரங் பன படிபத்தி நாம ஸாவகானங் கிச்சங். தேனாஹ - ஏதானி பி⁴க்கு² ருக்க²மூலானி...பே... அம்ஹாகங் அனுஸாஸனீதி. தத்த² ச ருக்க²மூலானீதி இமினா ருக்க²மூலஸேனாஸனங் த³ஸ்ஸேதி. ஸுஞ்ஞாகா³ரானீதி இமினா ஜனவிவித்தட்டா²னங். உப⁴யேனாபி ச யோகா³னுருபங் ஸேனாஸனமாசிக்க²தி, தா³யஜ்ஜங் நிய்யாதேதி. ஜா²யதா²தி ஆரம்மணாபனிஜ்ஜா²னேன அட்ட²திங்ஸாரம்மணானி, லக்க²ணாபனிஜ்ஜா²னேன ச அனிச்சாதி³தோ க²ந்தா⁴யதனாதீ³னி உபனிஜ்ஜா²யத², ஸமத²ஞ்ச விபஸ்ஸனஞ்ச வட்³டே⁴தா²தி வுத்தங் ஹோதி. மா பமாத³த்தா²தி மா பமஜ்ஜித்த². மா பச்சா² விப்படிஸாரினோ அஹுவத்தா²தி யே ஹி புப்³பே³ த³ஹரகாலே ஆரொக்³யகாலே ஸத்தஸப்பாயாதி³ஸம்பத்திகாலே ஸத்து²

ஸம்முகீ²பா⁴வகாலே ச யோனிஸோமனஸிகாரவிரஹிதா ரத்திந்தி³வங்
மங்குலப⁴த்தா ஹுத்வா ஸெய்யஸுக²மித்³த⁴ஸுக²மனுயுத்தா பமஜ்ஜந்தி, தே
பச்சா² ஜராகாலே ரோக³காலே மரணகாலே விபத்திகாலே ஸத்து²
பரினிப்³பா³னகாலே ச தங் புப்³பே³ பமாத³விஹாரங் அனுஸ்ஸரந்தா
ஸப்படிஸந்தி⁴காலகிரியஞ்ச பா⁴ரியங் ஸம்பஸ்ஸமானா விப்படிஸாரினோ
ஹொந்தி. தும்ஹே பன தாதி³ஸா மா அஹுவத்தா²தி ஏதமத்த²ங்
த³ஸ்ஸெந்தோ ஆஹ - “மா பச்சா² விப்படிஸாரினோ அஹுவத்தா²”தி. அயங்
வோ அம்ஹாகங் அனுஸாஸனீதி அயங் அம்ஹாகங் ஸந்திகா “ஜா²யத² மா
பமாத³த்தா²”தி தும்ஹாகங் அனுஸாஸனீ, ஓவாதோ³தி வுத்தங் ஹொதி.

4. து³தியத⁴ம்மவிஹாரீஸுத்தவண்ணனா

74. சதுத்தே² உத்தரி சஸ்ஸ பஞ்ஞாய அத்த²ங் நப்பஜானாதீதி ததோ
பரியத்திதோ உத்தரி தஸ்ஸ த⁴ம்மஸ்ஸ ஸஹவிபஸ்ஸனாய மக்³க³பஞ்ஞாய
அத்த²ங் நப்பஜானாதி , சத்தாரி ஸச்சானி ந பஸ்ஸதி நப்படிவிஜ்ஜீதி அத்தோ².
ஸேஸவாரேஸுபி ஏஸேவ நயோ. ஏவமேதேஸு த்³வீஸுபி ஸுத்தேஸு
ப³ஹுஸ்ஸுதபி⁴க்கு² விபஸ்ஸனாகம்மிகோ ஸோதாபன்னோ ஸகதா³கா³மீ
அனாகா³மீ கீ²ணாஸவொதி ச² ஜனா த⁴ம்மவிஹாரினோ நாமாதி வேதி³தப்³பா³.

5. ப²மயோதா⁴ஜீவஸுத்தவண்ணனா

75. பஞ்சமே யோதா⁴ஜீவாதி யுத்³தூ⁴பஜீவினோ. ரஜக்³க³ந்தி
ஹத்தி²அஸ்ஸாதீனங் பாத³ப்பஹாரபி⁴ன்னாய பூ⁴மியா உக்³க³தங்
ரஜக்³ந்த⁴ங். ந ஸந்த²ம்ப⁴தீதி ஸந்த²ம்பி⁴த்வா டா²துங் ந ஸக்கோதி.
ஸஹதி ரஜக்³க³ந்தி ரஜக்³ந்த⁴ங் தி³ஸ்வாபி அதி⁴வாஸேதி. த⁴ஜக்³க³ந்தி
ஹத்தி²அஸ்ஸாதீனங் பிட்டே²ஸு வா ரதே²ஸு வா உஸ்ஸாபிதானங்
த⁴ஜானங் அக்³க³ங். உஸ்ஸாரணந்தி ஹத்தி²அஸ்ஸரதா²னஞ்சேவ
ப³லகாயஸ்ஸ ச உச்சாஸத்³த³மஹாஸத்³த³ங். ஸம்பஹாரேதி ஸமாக³தே
அப்பமத்தகேபி பஹாரே. ஹஞ்ஞதீதி விஹஞ்ஞதி விகா⁴தங் ஆபஜ்ஜதி.
ப்³யாபஜ்ஜதீதி விபத்திங் ஆபஜ்ஜதி, பகதிபா⁴வங் ஜஹதி. ஸஹதி
ஸம்பஹாரந்தி த்³வே தயோ பஹாரே பத்வாபி ஸஹதி அதி⁴வாஸேதி.
தமேவ ஸங்கா³மஸீஸந்தி தங்யேவ ஜயக்³ந்தா⁴வாரட்டா²னங்.
அஜ்ஜா²வஸதீதி ஸத்தாஹமத்தங் அபி⁴ப⁴வித்வா ஆவஸதி. கிங் காரணா ?
லத்³த⁴பஹாரானங் பஹாரஜக்³க³னத்த²ஞ்சேவ கதகம்மானங் விஸேஸங்
ஞத்வா டா²னந்தரதா³னத்த²ஞ்ச இஸ்ஸரியஸுகா²னுப⁴வனத்த²ஞ்ச.

இதா³னி யஸ்மா ஸத்து² யோதா⁴ஜீவேஹி கிச்சங் நத்தி², இமஸ்மிங் பன
ஸாஸனே ததா²ருபே பஞ்ச புக்³க³லே த்³ஸ்ஸேதுங் இத³ங் ஓபம்மங் ஆப⁴தங்.
தஸ்மா தே புக்³க³லே த்³ஸ்ஸெந்தோ ஏவமேவ கோ²திஆதி³மாஹ. தத்த²
ஸங்ஸீத³தீதி மிச்சா²விதக்கஸ்மிங் ஸங்ஸீத³தி அனுப்பவிஸதி. ந ஸக்கோதி

ப்ரஹ்மசரியங் ஸந்தா⁴ரேதுந்தி ப்ரஹ்மசரியவாஸங் அனுபச்சி²ஜ்ஜமானங்
கோ³பேதுங் ந ஸக்கோதி. ஸிக்கா²து³ப்³பல்யங் ஆவிகத்வாதி ஸிக்கா²ய
து³ப்³பல்பா⁴வங் பகாஸெத்வா. கிமஸ்ஸ ரஜக்³க³ஸ்மிந்தி கிங் தஸ்ஸ
புக்³க³லஸ்ஸ ரஜக்³க³ங் நாமாதி வத³தி. அபி⁴ருபாதி அபி⁴ருபவதீ.
த³ஸ்ஸனீயாதி த³ஸ்ஸனயொக்³கா³. பாஸாதி³காதி த³ஸ்ஸனேனேவ
சித்தப்பஸாதா³வஹா. பரமாயாதி உத்தமாய. வண்ணபொக்க²ரதாயாதி
ஸரீரவண்ணேன சேவ அங்க³ஸண்டா²னேன ச. ஊஹஸதீதி அவஹஸதி.
உல்லபதீதி கதே²தி. உஜ்ஜக்³க⁴தீதி பாணிங் பஹரித்வா மஹாஹஸிதங்
ஹஸதி. உப்பண்டே³தீதி உப்பண்ட³னகத²ங் கதே²தி. அபி⁴னிஸீத³தீதி
அபி⁴ப⁴வித்வா ஸந்திகே வா ஏகாஸனே வா நிஸீத³தி. து³தியபதே³பி ஏஸேவ
நயோ. அஜ்ஜொ²த்த²ரதீதி அவத்த²ரதி. வினிவேடெ²த்வா வினிமோசெத்வாதி
க³ஹிதட்டா²னதோ தஸ்ஸா ஹத்த²ங் வினிப்³பே³டெ²த்வா சேவ மோசெத்வா ச.
ஸேஸமெத்த² உத்தானத்த²மேவாதி. இமஸ்மிங் ஸுத்தே வட்டவிவட்டங்
கதி²தங்.

6. து³தியயோதா⁴ஜீவஸுத்தவண்ணனா

76. ச²ட்டே² அஸிசம்மங் க³ஹெத்வாதி அஸிஞ்ச சம்மஞ்ச க³ஹெத்வா.
த⁴னுக்லாபங் ஸன்னய்ஹித்வாதி த⁴னுஞ்ச ஸரக்லாபஞ்ச
ஸன்னய்ஹித்வா. வியூள்ஹந்தி யுத்³த⁴ஸன்னிவேஸவேஸேன டி²தங்.
ஸங்கா³மங் ஓதரதீதி மஹாயுத்³த⁴ங் ஓதரதி. உஸ்ஸஹதி வாயமதீதி
உஸ்ஸாஹஞ்ச வாயாமஞ்ச கரோதி. ஹனந்தீதி கா⁴தெந்தி. பரியாபாதெ³ந்தீதி
பரியாபாத³யந்தி. உபலிக்க³ந்தீதி விஜ்ஜந்தி. அபனெந்தீதி ஸகஸேனங்
க³ஹெத்வா க³ச்சந்தி. அபனெத்வா ஞாதகானங் நெந்தீதி ஸகஸேனங்
நெத்வா ததோ ஞாதகானங் ஸந்திகங் நெந்தி. நீயமானோதி அத்தனோ கே³ஹங்
வா ஸேஸஞாதிஸந்திகங் வா நிய்யமானோ. உபட்ட²ஹந்தி பரிசரந்தீதி
பஹாரஸோத⁴னவணகப்பனாதீ³னி கரொந்தா ஜக்³க³ந்தி கோ³பயந்தி.

அரக்கி²தேனேவ காயேனாதி அரக்கி²தேன காயத்³வாரேன. அரக்கி²தாய
வாசாயாதி அரக்கி²தேன வசீத்³வாரேன. அரக்கி²தேன சித்தேனாதி அரக்கி²தேன
மனொத்³வாரேன. அனுபட்டி²தாய ஸதியாதி ஸதிங் ஸுபட்டி²தங் அகத்வா.
அஸங்வுதேஹி இந்த³ரியேஹீதி மனச்ச²ட்டே²ஹி இந்த³ரியேஹி
அபிஹிதேஹி அகோ³பிதேஹி. ராகோ³ சித்தங் அனுத்³த⁴ங்ஸேதீதி ராகோ³
உப்பஜ்ஜமானோவ ஸமத²விபஸ்ஸனாசித்தங் த⁴ங்ஸேதி, தூ³ரே கி²பதி.
ராக³பரியுட்டி²தொம்ஹி, ஆவுஸோ, ராக³பரேதோதி அஹங், ஆவுஸோ,
ராகே³ன ரத்தோ, ராகே³ன அனுக்³தோ.

அட்டி²கங்கலூபமாதிஆதீ³ஸு அட்டி²கங்கலூபமா அப்பஸ்ஸாத³ட்டே²ன.
மங்ஸபேஸுபமா ப³ஹுஸாதா⁴ரணட்டே²ன. திணுக்கபமா

அனுத³ஹனட்டே²ன. அங்கா³ரகாஸுபமா மஹாபி⁴தாபட்டே²ன.
 ஸுபினகூபமா இத்தரபச்சபட்டா²னட்டே²ன. யாசிதகூபமா தாவகாலிகட்டே²ன.
 ருக்க²பலூபமா ஸப்³பங்க³பச்சங்க³பலிப⁴ஞ்ஜனட்டே²ன. அஸிஸு³னூபமா
 அதி⁴குட்டனட்டே²ன. ஸத்திஸு³லூபமா வினிவிஜ்ஜ²னட்டே²ன.
 ஸப்பஸிருபமா ஸாஸங்கஸப்படிப⁴யட்டே²ன . உஸ்ஸஹிஸ்ஸாமீதி
 உஸ்ஸாஹங் கரிஸ்ஸாமி. தா⁴ரயிஸ்ஸாமீதி ஸமணபா⁴வங்
 தா⁴ரயிஸ்ஸாமி. அபி⁴ரமிஸ்ஸாமீதி அபி⁴ரதிங் உப்பாதே³ஸ்ஸாமி ந
 உக்கண்டி²ஸ்ஸாமி. ஸேஸமெத்த² உத்தானத்த²மேவ. இமஸ்மிங் ஸுத்தே
 வட்டவிவட்டங் கதி²தந்தி.

7. பட²மஅனாக³தப⁴யஸுத்தவண்ணனா

77. ஸத்தமே ஆரஞ்ஞகேனாதி அரஞ்ஞவாஸினா. அப்பத்தஸ்ஸாதி
 அஸம்பத்தஸ்ஸ ஜா²னவிபஸ்ஸனாமக்³க³ப²லப்பபே⁴த³ஸ்ஸ விஸேஸஸ்ஸ
 பத்தியா. ஸேஸபதே³ஸுபி ஏஸேவ நயோ. ஸோ மமஸ்ஸ அந்தராயோதி
 ஸோ மம ஜீவிதந்தராயோ ச ப்³ரஹ்மசரியந்தராயோ ச, புது²ஜ்ஜனகாலகிரியங்
 கரொந்தஸ்ஸ ஸக்³க³ந்தராயோ ச மக்³க³ந்தராயோ ச ப⁴வெய்ய. ஹந்தா³தி
 வவஸ்ஸக்³க³த்தே² நிபாதோ. வீரியங் ஆரபா⁴மீதி து³வித⁴ம்பி வீரியங்
 கரோமி. ஸத்த²காதி ஸத்த²ங் விய ஸந்தி⁴ப³ந்த⁴னச்சே²த³கவாதா.
 வாளேஹீதி கக்க²ளேஹி. மாணவேஹீதி சோரேஹி. கதகம்மேஹி வா
 அகதகம்மேஹி வாதி எத்த² சோரிகங் கத்வா நிக்க²ந்தா கதகம்மா நாம,
 சோரிகங் காதுங் கச்ச²ந்தா அகதகம்மா நாம. தத்த² கதகம்மா கம்மஸ்ஸ
 நிப்பன்னத்தா ஸத்தானங் கல்லோஹிதங் க³ஹெத்வா தே³வதானங் ப³லிங்
 கரொந்தி, அகதகம்மா “ஏவங் நோ கம்மங் நிப்பஜ்ஜிஸ்ஸதீ”தி பட²மதரங்
 கரொந்தி. இத³ங் ஸந்தா⁴ய தே மங் ஜீவிதா வோரோபெய்யுந்தி வுத்தங்.
 வாளா அமனுஸ்ஸாதி கக்க²ளா து³ட்டா² யக்கா²த³யோ அமனுஸ்ஸா.

8. து³தியஅனாக³தப⁴யஸுத்தவண்ணனா

78. அட்ட²மே புரா மங் ஸோ த⁴ம்மோ ஆகச்ச²தீதி யாவ ஸோ த⁴ம்மோ
 மங் ந உபகச்ச²தி, தாவ அஹங் புரேதரமேவ வீரியங் ஆரபா⁴மீதி அத்தோ².
 கீ²ரோத³கீபூ⁴தாதி கீ²ரோத³கங் விய பூ⁴தா ஏகீபா⁴வங் உபக³தா.
 பியசக்க²ஹீதி மெத்தசக்க²ஹி.

9. து³தியஅனாக³தப⁴யஸுத்தவண்ணனா

79. நவமே த⁴ம்மஸந்தோ³ஸா வினயஸந்தோ³ஸோதி
 த⁴ம்மஸந்தோ³ஸேன வினயஸந்தோ³ஸோ ஹோதி. கத²ங் பன த⁴ம்மஸ்மிங்
 து³ஸ்ஸந்தே வினயோ து³ஸ்ஸதி நாம? ஸமத²விபஸ்ஸனாத⁴ம்மேஸு
 க³ப³ப⁴ங் அக்³க³ண்ஹந்தேஸு பஞ்சவிதோ⁴ வினயோ ந ஹோதி , ஏவங்

த⁴ம்மே து³ஸ்ஸந்தே வினயோ து³ஸ்ஸதி. து³ஸ்ஸீலஸ்ஸ பன
 ஸங்வரவினயோ நாம ந ஹோதி, தஸ்மிங் அஸதி ஸமத²விபஸ்ஸனா
 க³ப்⁴ங் ந க³ண்ஹாதி. ஏவங் வினயஸந்தோ³ஸேனபி த⁴ம்மஸந்தோ³ஸோ
 வேதி³தப்³போ³. அபி⁴த⁴ம்மகத²ந்தி ஸீலாதி³உத்தமத⁴ம்மகத²ங்.
 வேத³ல்லகத²ந்தி வேத³படிஸங்யுத்தங் ஞாணமிஸ்ஸககத²ங். கண்ஹத⁴ம்மங்
 ஓக்கமமானாதி ரந்த⁴க³வேஸிதாய உபாரம்ப⁴பரியேஸனவஸேன
 காளகத⁴ம்மங் ஓக்கமமானா. அபிச து³ட்ட²சித்தேன புக்³லங் க⁴ட்டெந்தாபி
 தங் கண்ஹத⁴ம்மங் அத்தனோ த³ஹந்தாபி லாப⁴ஸக்காரத்த²ங் கதெ²ந்தாபி
 கண்ஹத⁴ம்மங் ஓக்கமந்தியேவ.

க³ம்பீ⁴ராதி பானிக³ம்பீ⁴ரா. க³ம்பீ⁴ரத்தா²தி அத்த²க³ம்பீ⁴ரா.
 லோகுத்தராதி லோகுத்தரத⁴ம்மதீ³பகா. ஸுஞ்ஞதாபடிஸங்யுத்தாதி
 க²ந்த⁴தா⁴துஆயதனபச்சயாகாரபடிஸங்யுத்தா. ந அஞ்ஞா சித்தங்
 உபட்ட²பெஸ்ஸந்தீதி ஜானந்ததா²ய சித்தங் ந ட²பெஸ்ஸந்தி.
 உக்³க³ஹேதப்³பங் பரியாபுணிதப்³பந்தி உக்³க³ஹேதப்³பே³ ச வளஞ்ஜேதப்³பே³
 ச. கவிதாதி ஸிலோகாதி³பந்த⁴னவஸேன கவீஹி கதா. காவெய்யாதி
 தஸ்ஸேவ வேவசனங். பா³ஹிரகாதி ஸாஸனதோ ப³ஹித்³தா⁴ டி²தா.
 ஸாவகபா⁴ஸிதாதி பா³ஹிரஸாவகேஹி பா⁴ஸிதா. ஸேஸமெத்த²
 ஹெட்டா² வுத்தனயத்தா ஸுவிஞ்ஞெய்யத்தா ச உத்தானத்த²மேவ.

10. சதுத்த²அனாக³தப⁴யஸுத்தவண்ணனா

80. த³ஸமே கல்யாணகாமாதி ஸுந்த³ரகாமா. ரஸக்³கா³னீதி
 உத்தமரஸானி. ஸங்ஸட்டா² விஹரிஸ்ஸந்தீதி பஞ்சவிதே⁴ன
 ஸங்ஸக்³கே³ன ஸங்ஸட்டா² விஹரிஸ்ஸந்தி. ஸன்னிதி⁴காரபரிபோ⁴க³ந்தி
 ஸன்னிதி⁴கதஸ்ஸ பரிபோ⁴க³ங். ஓளாரிகம்பி நிமித்தந்தி எத்த² பத²விங்
 க²ணந்தோபி க²ணாஹீதி ஆணாபெந்தோபி பத²வியங் ஓளாரிகங் நிமித்தங்
 கரோதி நாம. திணகட்ட²ஸாகா²பலாஸங் சி²ந்த³ந்தோபி சி²ந்தா³தி
 ஆணாபெந்தோபி ஹரிதக்³கே³ ஓளாரிகங் நிமித்தங் கரோதி நாம. ஆஜீவத்தா²ய
 பண்ணனிவாபஆதீ³னி கா³ஹாபெந்தோ ப²லானி ஓசினந்தே வா ஓசினாபெந்தேன
 வத்தப்³மேவ நத்தி². இமேஸு சதுஸு ஸுத்தேஸு ஸத்தா²ரா ஸாஸனே
 வத்³தி⁴பரிஹானி கதி²தாதி.

யோதா⁴ஜீவவக்³கோ³ ததியோ.

(9) 4. தே²ரவக்³கோ³

1. ரஜனீயஸுத்தவண்ணனா

81. சதுத்த²ஸ்ஸ பட²மே ரஜனீயேஸுதி ராக³ஸ்ஸ பச்சயேஸு ஆரம்மணேஸு. ஸேஸேஸுபி ஏஸேவ நயோ.

2. வீதராக³ஸுத்தவண்ணனா

82. து³தியே மக்கீ²தி கு³ணமக்க²கோ. பளாஸீதி யுக³க்³கா³ஹலக்க²ணேன பளாஸேன ஸமன்னாக³தோ.

3. குஹகஸுத்தவண்ணனா

83. ததியே குஹகோதி தீஹி குஹனவத்தூ²ஹி ஸமன்னாக³தோ. லபகோதி லாப⁴ஸன்னிஸ்ஸிதாய லபனாய ஸமன்னாக³தோ. நேமித்திகோதி நிமித்தகிரியகாரகோ. நிப்பேஸிகோதி நிப்பேஸனகதாய ஸமன்னாக³தோ. லாபே⁴ன ச லாப⁴ங் நிஜிகீ³ஸிதாதி லாபே⁴ன லாப⁴க்³வேஸகோ. ஸுக்கபக்கோ² வுத்தவிபல்லாஸவஸேன வேதி³தப்³போ³. சதுத்த²ங் உத்தானமேவ.

5. அக்க²மஸுத்தவண்ணனா

85. பஞ்சமே அக்க²மோ ஹோதி ரூபானந்தி ரூபாரம்மணானங் அனதி⁴வாஸகோ ஹோதி, ததா³ரம்மணேஹி ராகா³தீ³ஹி அபி⁴பு⁴ய்யதி. ஏஸேவ நயோ ஸப்³பத்த².

6. படிஸம்பி⁴தா³ப்பத்தஸுத்தவண்ணனா

86. ச²ட்டே² அத்த²படிஸம்பி⁴தா³ப்பத்தோதி பஞ்சஸு அத்தே²ஸு பபே⁴த³க்³தங் ஞாணங் பத்தோ. த⁴ம்மபடிஸம்பி⁴தா³ப்பத்தோதி சதுப்³பி³தே⁴ த⁴ம்மே பபே⁴த³க்³தங் ஞாணங் பத்தோ. நிருத்திபடிஸம்பி⁴தா³ப்பத்தோதி த⁴ம்மனிருத்தீஸு பபே⁴த³க்³தங் ஞாணங் பத்தோ. படிபா⁴னபடிஸம்பி⁴தா³ப்பத்தோதி தேஸு தீஸு ஞாணேஸு பபே⁴த³க்³தங் ஞாணங் பத்தோ. ஸோ பன தானி தீணி ஞாணானேவ ஜானாதி, ந தேஸங் கிச்சங் கரோதி. உச்சாவசானீதி மஹந்தகு²த்³த³கானி. கிங்கரணியானீதி இதி கத்தப்³பா³னி.

7. ஸீலவந்தஸுத்தவண்ணனா

87. ஸத்தமங் உத்தானத்த²மேவ. ஸீலங் பனெத்த² கீணாஸவஸ்ஸ²மேவ, பா³ஹுஸச்சம்பி கீணாஸவபா³ஹுஸச்ச²மேவ, வாசாபி கீணாஸவஸ்ஸ² கல்யாணவாசாவ, ஜா²னானிபி கிரியஜ்ஜா²னானேவ கதி²தானீதி வேதி³தப்³பா³னி.

8. தே²ரஸுத்தவண்ணனா

88. அட்ட²மே தே²ரோதி தி²ரபா²வப்பத்தோ. ரத்தஞ்ஞாதி பப்³பஜித்தி³வஸதோ பட்ட²ய அதிக்கந்தானங் ப³ஹுனங் ரத்தீனங் ஞாதா. ஞாதோதி பஞ்ஞாதோ பாகடோ. யஸஸ்ஸீதி யஸனிஸ்ஸிதோ. மிச்சா²தி³ட்டி²கோதி அயாதா²வதி³ட்டி²கோ. ஸத்³த²ம்மா வுட்ட²பெத்வாதி த³ஸகுஸலகம்மபத²த²ம்மதோ வுட்ட²பெத்வா. அஸத்³த²ம்மே பதிட்ட²பேதீதி அகுஸலகம்மபதே²ஸு பதிட்ட²பேதி.

9. பட²மஸேக²ஸுத்தவண்ணனா

89. நவமே ஸேக²ஸ்ஸாதி ஸிக்க²கஸ்ஸ ஸகரணீயஸ்ஸ. பரிஹானாயாதி உபரிசு³ணேஹி பரிஹானத்த²ய. கம்மாராமதாதி நவகம்மே ரமனகபா²வோ. ப²ஸ்ஸாராமதாதி ஆலாபஸல்லாபே ரமனகபா²வோ. நித்த³தா³ராமதாதி நித்த³தா³யனே ரமனகபா²வோ. ஸங்க³ணிகாராமதாதி க³ணஸங்க³ணிகாய ரமனகபா²வோ. யதா²விமுத்தங் சித்தங் ந பச்சவெக்க²தீதி யதா² யங் சித்தங் விமுத்தங், யே ச தோ³ஸா பஹீனா, கு³ணா ச படிஸத்த², தே பச்சவெக்கி²த்வா உபரிசு³ணபடிஸபா²ய வாயாமங் ந கரோதீதி அத்தோ². இதி இமஸ்மிங் ஸுத்தே ஸத்தன்னங் ஸேக²னங் உபரிசு³ணேஹி பரிஹானிகாரணஞ்ச வுத்தி²காரணஞ்ச கதி²தங். யஞ்ச நாம ஸேக²ஸ்ஸ பரிஹானகாரணங், தங் புது²ஜ்ஜனஸ்ஸ பட²மமேவ ஹோதீதி.

10. து³தியஸேக²ஸுத்தவண்ணனா

90. த³ஸமே வியத்தோதி ப்யத்தோ சே²கோ. கிங்கரணீயேஸுதி இதி கத்தப்³பே³ஸு. சேதோஸமத²ந்தி ஸமதி²கம்மட்ட²னங். அனநுலோமிகேனாதி ஸாஸனஸ்ஸ அனநுச்ச²விகேன. அதிகாலேனாதி அதிபாதோவ. அதிதி³வாதி தி³வா வுச்சதி மஜ்ஜ²ன்னஹிகோ, தங் அதிகமித்வா. ஆபி²ஸல்லேகி²காதி அதிவிய கிலேஸஸல்லேகி²கா. சேதோவிவரணஸப்பாயாதி சித்தவிவரணஸங்க²தானங் ஸமத²விபஸ்ஸனானங் ஸப்பாயா. அப்பிச்ச²கதா²தி அப்பிச்ச² ஹோதா²தி கத²னகதா². ஸந்துட்டி²கதா²தி சதூஹி பச்சயேஹி ஸந்துட்ட² ஹோதா²தி கத²னகதா². பவிவேககதா²தி தீஹி விவேகேஹி விவித்தா ஹோதா²தி கத²னகதா². அஸங்ஸக்³கதா²தி பஞ்சவிதே²ன ஸங்ஸக்³கே³ன அஸங்ஸட்ட² ஹோதா²தி கத²னகதா². வீரியாரம்ப²கதா²தி து³வித²ங் வீரியங் ஆரப²தா²தி கத²னகதா². ஸீலகதா²தீ³ஸு ஸீலங் ஆரப்³ப² கதா²

ஸீலகதா². ஸமாதி⁴ங் ஆரப்³ப⁴, பஞ்ஞங் ஆரப்³ப⁴, பஞ்சவித⁴ங் விழுத்திங்
ஆரப்³ப⁴, ஏகனவீஸதிபச்சவெக்க²ணஸங்கா²தங் விழுத்திஞாணத³ஸ்ஸனங்
ஆரப்³ப⁴ கதா² விழுத்திஞாணத³ஸ்ஸனகதா². ந நிகாமலாபீ⁴திஆதீ³ஸு ந
இச்சி²திச்சி²தலாபீ⁴, து³க்க²லாபீ⁴ ந விபுலலாபீ⁴தி அத்தோ². ஸேஸங்
உத்தானத்த²மேவாதி.

தே²ரவக்³கோ³ சதுத்தோ².

(10) 5. ககுத⁴வக்³கோ³

1-2. ஸம்பதா³ஸுத்தத்³வயவண்ணனா

91-92. பஞ்சமஸ்ஸ பட²மே பஞ்ச ஸம்பதா³ மிஸ்ஸிகா கதி²தா. து³தியே புரிமா சதஸ்ஸோ மிஸ்ஸிகா, பஞ்சமீ லோகிகாவ.

3. ப்யாகரணஸுத்தவண்ணனா

93. ததியே அஞ்ஞாப்யாகரணானீதி அரஹத்தப்யாகரணானி. மந்த³த்தாதி மந்த³பா⁴வேன அஞ்ஞானேன. மோமுஹத்தாதி அதிமூள்ஹபா⁴வேன. அஞ்ஞங் ப்யாகரோதீதி அரஹத்தங் பத்தொஸ்மீதி கதே³தி. இச்சா²பகதோதி இச்சா²ய அபி⁴பூ⁴தோ. அதி⁴மானேனாதி அதி⁴க³தமானேன. ஸம்மதே³வாதி ஹேதுனா நயேன காரணேனேவ.

4-5. பா²ஸுவிஹாரஸுத்தாதி³வண்ணனா

94-95. சதுத்தே² பா²ஸுவிஹாராதி ஸுக²விஹாரா. பஞ்சமே அகுப்பந்தி அரஹத்தங்.

6. ஸுதத⁴ரஸுத்தவண்ணனா

96. ச²ட்டே² அப்பட்டோ²தி அப்பஸமாரம்போ⁴. அப்பகிச்சோதி அப்பகரணீயோ. ஸுப⁴ரோதி ஸுகே²ன ப⁴ரிதப்³போ³ ஸுபோஸோ. ஸுஸந்தோஸோதி தீஹி ஸந்தோஸேஹி ஸுட்டு² ஸந்தோஸோ. ஜீவிதபரிக்கா²ரேஸு³தி ஜீவிதஸம்பா⁴ரேஸு. அப்பாஹாரோதி மந்தா³ஹாரோ. அனோத³ரிகத்தந்தி ந ஓத³ரிகபா⁴வங் அமஹக்³க⁴ஸபா⁴வங் அனுயுத்தோ. அப்பமித்³தோ⁴தி ந ப³ஹுனித்³தோ³. ஸத்தமட்ட²மானி உத்தானத்தா²னி.

9. ஸீஹஸுத்தவண்ணனா

99. நவமே ஸக்கச்சஞ்ஞேவ தே³தி நோ அஸக்கச்சந்தி அனவஞ்ஞாய அவிரஜ்ஜி²த்வாவ தே³தி, நோ அவஞ்ஞாய விரஜ்ஜி²த்வா. மா மே யொக்³பதோ² நஸ்ஸாதி மயா கதயொக்³பதோ² மய்ஹங் மா நஸ்ஸது, “ஏகோ ஸீஹோ உட்டா²ய பி³ளாரங் பஹரந்தோ விரஜ்ஜி²த்வா பஹரீ”தி ஏவங் வத்தாரோ மா ஹொந்தாதி அத்தோ². அன்னபா⁴ரனேஸாதா³னந்தி எத்த² அன்னங் வச்சதி யவப⁴த்தங், தங் பா⁴ரோ ஏதேஸந்தி அன்னபா⁴ரா. யாசகானங் ஏதங் நாமங். நேஸாதா³ வச்சந்தி ஸாகுணிகா. இதி

ஸப்³ப³ச்சி²மாய கோடியா ஏதேஸங் யாசகனேஸாதா³னம்பி ஸக்கச்சமேவ தே³ஸேதி.

10. ககுத⁴தே²ரஸுத்தவண்ணனா

100. த³ஸமே அத்தபா⁴வபடிலாபோ⁴தி ஸரீரபடிலாபோ⁴. த்³வே வா தீணி வா மாக³த⁴காணி கா³மக்கெ²த்தானீதி எத்த² மாக³தி⁴கங் கா³மக்கெ²த்தங் அத்தி² கு²த்³த³கங், அத்தி² மஜ்ஜி²மங், அத்தி² மஹந்தங். கு²த்³த³கங் கா³மக்கெ²த்தங் இதோ சத்தாலீஸங் உஸபா⁴னி, இதோ சத்தாலீஸந்தி கா³வுதங் ஹோதி, மஜ்ஜி²மங் இதோ கா³வுதங், இதோ கா³வுதந்தி அட்³ட்⁴யோஜனங் ஹோதி, மஹந்தங் இதோ தி³யட்³ட்⁴கா³வுதங், இதோ தி³யட்³ட்⁴கா³வுதந்தி திகா³வுதங் ஹோதி. தேஸு கு²த்³த³கேன கா³மக்கெ²த்தேன தீணி, கு²த்³த³கேன ச மஜ்ஜி²மேன ச த்³வே கா³மக்கெ²த்தானி தஸ்ஸ அத்தபா⁴வோ. திகா³வுதஞ்ஹிஸ்ஸ ஸரீரங். பரிஹரிஸ்ஸாமீதி படிஜக்³கி³ஸ்ஸாமி கோ³பயிஸ்ஸாமி. ரக்க²ஸ்ஸேதந்தி ரக்க²ஸ்ஸு ஏதங். மோக⁴புரிஸோதி துச்ச²புரிஸோ. நாஸ்ஸஸ்ஸாதி ந ஏதஸ்ஸ ப⁴வெய்ய. ஸமுதா³சரெய்யாமாதி கதெ²ய்யாம. ஸம்மன்னதீதி ஸம்மானங் கரோதி. யங் துமோ கரிஸ்ஸதி துமோவ தேன பஞ்ஞாயிஸ்ஸதீதி யங் ஏஸ கரிஸ்ஸதி, ஏஸோவ தேன கம்மேன பாகடோ ப⁴விஸ்ஸதி. ஸேஸங் ஸப்³ப³த்த² உத்தானத்த²மேவாதி.

ககுத⁴வக்³கோ³ பஞ்சமோ.

து³தியபண்ணாஸகங் நிட்டி²தங்.

3. ததியபண்ணாஸகங்

(11) 1. பா²ஸுவிஹாரவக்³கோ³

1. ஸாரஜ்ஜஸுத்தவண்ணனா

101. ததியஸ்ஸ பட²மே வேஸாரஜ்ஜகரணாதி விஸாரத³பா⁴வாவஹா.
ஸாரஜ்ஜங் ஹோதீதி தோ³மனஸ்ஸங் ஹோதி.

2. உஸ்ஸங்கிதஸுத்தவண்ணனா

102. து³தியே உஸ்ஸங்கிதபரிஸங்கிதோதி உஸ்ஸங்கிதோ ச
பரிஸங்கிதோ ச. அபி அகுப்பத⁴ம்மோபீதி அபி அகுப்பத⁴ம்மோ
கீ³ணாஸவோ ஸமானோபி பரேஹி பாபபி⁴க்க²ஹி உஸ்ஸங்கிதபரிஸங்கிதோ
ஹோதீதி அத்தோ². வேஸியாகோ³சரோதிஆதீ³ஸு வேஸியா வுச்சந்தி
ரூபுபஜீவினியோ, தா கோ³சரோ அஸ்ஸாதி வேஸியாகோ³சரோ, தாஸங்
கே³ஹங் அபி⁴ண்ஹக³மனோதி அத்தோ². ஸேஸபதே³ஸுபி ஏஸேவ நயோ.
தத்த² பன வித⁴வாதி மதபதிகா. து²ல்லகுமாரிகாதி மஹல்லிககுமாரிகாயோ.

3. மஹாசோரஸுத்தவண்ணனா

103. ததியே இதோ போ⁴கே³ன படிஸந்த²ரிஸ்ஸாமீதி இதோ மம
ஸாபதெய்யதோ போ⁴க³ங் க³ஹெத்வா தேன படிஸந்தா²ரங் கரிஸ்ஸாமி,
தஸ்ஸ ச மம ச அந்தரங் பித³ஹிஸ்ஸாமீதி அத்தோ². க³ஹணானீதி
பரஸந்தகானங் ப⁴ண்டா³னங் க³ஹணானி. கு³ய்ஹமந்தாதி கு³ஹிதப்³ப³மந்தா.
அந்தக்³கா³ஹிகாயாதி ஸஸ்ஸதங் வா உச்சே²த³ங் வா க³ஹெத்வா டி²தாய.
ஸேஸமெத்த² உத்தானத்த²மேவ. சதுத்தே² ஸப்³ப³ங் ஹெட்டா² வுத்தனயமேவ.

5. பா²ஸுவிஹாரஸுத்தவண்ணனா

105. பஞ்சமே மெத்தங் காயகம்மந்தி மெத்தசித்தேன பவத்திதங் காயகம்மங்.
ஆவி சேவ ரஹோ சாதி ஸம்முகே² சேவ பரம்முகே² ச. இதரேஸுபி ஏஸேவ
நயோ. யானி தானி ஸீலானீதிஆதி³ சதுபாரிஸுத்³தி⁴ஸீலவஸேன வுத்தங்.
ஸமாதி⁴ஸங்வத்தனிகானீதி மக்³க³ஸமாதி⁴ப²லஸமாதி⁴னிப்³ப³த்தகானி.
ஸீலஸாமஞ்ஞக³தோதி ஸமானஸீலதங் க³தோ, ஏகஸதி³ஸஸீலோ
ஹுத்வாதி அத்தோ². தக்கரஸ்ஸாதி யோ நங் கரோதி, தஸ்ஸ. இதி
இமஸ்மிங் ஸுத்தே ஸீலங் மிஸ்ஸகங் கதி²தங், தி³ட்டி²
விபஸ்ஸனாஸம்மாதி³ட்டி²தி.

6. ஆனந்த³ஸுத்தவண்ணனா

106. ச²ட்டே² நோ ச பரங் அதி⁴ஸீலே ஸம்பவத்தா ஹோதீதி பரங் ஸீலபா⁴வேன ந க³ரஹதி ந உபவத³தி. அத்தானுபெக்கீ²தி அத்தனோவ கதாகதங் ஜானநவஸேன அத்தானங் அனுபெக்கி²தா. நோ பரானுபெக்கீ²தி பரஸ்ஸ கதாகதேஸு அப்யாவடோ. அபஞ்ஞாதோதி அபாகடோ அப்பபுஞ்ஞோ. அபஞ்ஞாதகேனாதி அபஞ்ஞாதபா⁴வேன அபாகடதாய மந்த³புஞ்ஞதாய. நோ பரிதஸ்ஸதீதி பரிதாஸங் நாபஜ்ஜதி. இதி இமஸ்மிங் ஸுத்தே கீ²ணாஸவோவ கதி²தோ.

7-8. ஸீலஸுத்தாதி³வண்ணனா

107-108. ஸத்தமே ஸீலஸமாதி⁴பஞ்ஞா மிஸ்ஸிகா கதி²தா, விமுத்தி அரஹத்தப²லங் , விமுத்திஞாணத³ஸ்ஸனங் பச்சவெக்க²ணஞாணங் லோகியமேவ. அட்ட²மேபி ஏஸேவ நயோ. பச்சவெக்க²ணஞாணங் பனெத்த² அஸேக²ஸ்ஸ பவத்தத்தா அஸேக²ந்தி வுத்தங்.

9-10. சாதுத்³தி³ஸஸுத்தாதி³வண்ணனா

109-110. நவமே சாதுத்³தி³ஸோதி சதுஸு தி³ஸாஸு அப்படிஹதசாரோ. இமஸ்மிம்பி ஸுத்தே கீ²ணாஸவோவ கதி²தோ. த³ஸமே அலந்தி யுத்தோ. இதா⁴பி கீ²ணாஸவோவ கதி²தோ.

பா²ஸுவிஹாரவக்³கோ³ பட²மோ.

(12) 2. அந்த⁴கவிந்த³வக்³கோ³

1. குலூபகஸுத்தவண்ணனா

111. து³தியஸ்ஸ பட²மே அஸந்த²வவிஸ்ஸாஸீதி அத்தனா ஸத்³தி⁴ங் ஸந்த²வங் அகரொந்தேஸு விஸ்ஸாஸங் அனாபஜ்ஜந்தேஸுயேவ விஸ்ஸாஸங் கரோதி. அனிஸ்ஸரவிகப்பீதி அனிஸ்ஸரோவ ஸமானோ “இமங் தே³த², இமங் க³ண்ஹதா²”தி இஸ்ஸரோ விய விகப்பேதி. விஸ்ஸட்டு²பஸேவீதி விஸ்ஸட்டா²னி பி⁴ன்னகுலானி க⁴டனத்தா²ய உபஸேவதி. உபகண்ணகஜப்பீதி கண்ணமூலே மந்தங் க³ண்ஹாதி. ஸுக்கபக்கோ² வுத்தவிபரியாயேன வேதி³தப்³போ³.

2. பச்சா²ஸமணஸுத்தவண்ணனா

112. து³தியே பத்தபரியாபன்னங் ந க³ண்ஹாதீதி உபஜ்ஜா²யே நிவத்தித்வா டி²தே அத்தனோ துச்ச²பத்தங் த³த்வா தஸ்ஸ பத்தங் ந க³ண்ஹாதி, ததோ வா தீ³யமானங் ந க³ண்ஹாதி. ந நிவாரேதீதி இத³ங் வசனங் ஆபத்திவீதிக்கமவசனங் நாமாதி ந ஜானாதி. ஞத்வா வாபி, “ப⁴ந்தே, ஏவருபங் நாம வத்துங் ந வட்டதீ³”தி ந நிவாரேதி. கத²ங் ஓபாதேதீதி தஸ்ஸ கத²ங் பி⁴ந்தி³த்வா அத்தனோ கத²ங் பவேஸேதி. ஜளோதி ஜடோ³. ஏளமுகோ³தி பக்³க⁴ரிதகே²ளமுகோ². ததியங் உத்தானமேவ.

4. அந்த⁴கவிந்த³ஸுத்தவண்ணனா

114. சதுத்தே² ஸீலவா ஹோதா²தி ஸீலவந்தா ஹோத². ஆரக்க²ஸதினோதி த்³வாரரக்கி²காய ஸதியா ஸமன்னாக³தா. நிபக்கஸதினோதி த்³வாரரக்க²னகேனேவ ஞானேன ஸமன்னாக³தஸ்ஸதினோ. ஸதாரக்கே²ன சேதஸா ஸமன்னாக³தாதி ஸதாரக்கே²ன சித்தேன ஸமன்னாக³தா. அப்பப⁴ஸ்ஸாதி அப்பகதா². ஸம்மாதி³ட்டி²காதி கம்மஸ்ஸகதஜ்ஜா²ன-விபஸ்ஸனாமக்³க³-ப²லவஸேன பஞ்சவிதா⁴ய ஸம்மாதி³ட்டி²யா ஸமன்னாக³தா. அபிச பச்சவெக்க²ணஞாணம்பி ஸம்மாதி³ட்டி²யேவாதி வேதி³தப்³பா³.

5. மச்ச²ரினீஸுத்தவண்ணனா

115. பஞ்சமே ஆவாஸமச்ச²ரினீதி ஆவாஸங் மச்ச²ராயதி, தத்த² அஞ்ஞேஸங் வாஸங் ந ஸஹதி. குலமச்ச²ரினீதி உபட்டா²ககுலங் மச்ச²ராயதி, அஞ்ஞேஸங் தத்த² உபஸங்கமனங் ந ஸஹதி. லாப⁴மச்ச²ரினீதி லாப⁴ங் மச்ச²ராயதி, அஞ்ஞேஸங் தங் உப்பஜ்ஜந்தங் ந ஸஹதி. வண்ணமச்ச²ரினீதி

கு³ணங் மச்ச²ராயதி, அஞ்ஞேஸங் கு³ணகத²ங் ந ஸஹதி. த⁴ம்மமச்ச²ரினீதி
பரியத்தித⁴ம்மங் மச்ச²ராயதி, அஞ்ஞேஸங் தா³துங் ந இச்ச²தி.

6-7. வண்ணனாஸுத்தாதி³வண்ணனா

116-117. ச²ட்டே² ஸத்³தா⁴தெ³ய்யங் வினிபாதேதீதி பரேஹி ஸத்³தா⁴ய
தி³ன்னபிண்ட³பாததோ அக்³க³ங் அக்³க³ஹெத்வா பரஸ்ஸ தே³தி. ஸத்தமே
இஸ்ஸுகினீதி இஸ்ஸாய ஸமன்னாக³தா. ஸேஸங் ஸப்³ப³த்த²
உத்தானமேவாதி.

அந்த⁴கவிந்த³வக்³கோ³ து³தியோ.

(13) 3. கி³லானவக்³கோ³

4. து³தியஉபட்டா²கஸுத்தவண்ணனா

124. ததியஸ்ஸ சதுத்தே² நப்படிப³லோதி காயப³லேன ச ஞாணப³லேன ச அஸமன்னாக³தோ. ஆமிஸந்தரோதி ஆமிஸஹேதுகோ சீவராதீ³னி பச்சாஸ்ஸமானோ.

5-6. அனாயுஸ்ஸாஸுத்தத்³வயவண்ணனா

125-126. பஞ்சமே அனாயுஸ்ஸாதி ஆயுபச்சே²த³னா, ந ஆயுவட்³ட³னா. ச²ட்டே²பி ஏஸேவ நயோ.

7. வபகாஸஸுத்தவண்ணனா

127. ஸத்தமே நாலங் ஸங்க்⁴ம்ஹா வபகாஸிதுந்தி ஸங்க்⁴தோ நிக்²மித்வா ஏககோ வஸிதுங் ந யுத்தோ. காமஞ்சேஸ ஸங்க்⁴மஜ்ஜே²பி வஸிதுங் அயுத்தோவ அஸங்க்⁴ஸோப⁴னதாய, ஓவாதா³னுஸாஸனிப்படிப³த்³த்⁴த்தா பன நிப்பரியாயேனேவ ஸங்க்⁴ம்ஹா வபகாஸிதுங் ந யுத்தோ. அலங் ஸங்க்⁴ம்ஹா வபகாஸிதுந்தி சாதுத்³தி³ஸத்தா ஸங்க்⁴ம்ஹா நிக்²ம்ம ஏககோ வஸிதுங் யுத்தோ, ஸங்க்⁴ஸோப⁴னதாய பன ஸங்கே⁴பி வஸிதுங் யுத்தோயேவ. அட்ட²மங் உத்தானத்த²மேவ.

9. பரிசுப்பஸுத்தவண்ணனா

129. நவமே ஆபாயிகாதி அபாயகா³மினோ. நேரயிகாதி நிரயகா³மினோ. பரிசுப்பாதி பரிசுப்பனஸபா⁴வா புராணவணஸதி³ஸா. அதேகிச்சா²தி அகத்தப்³ப³பரிகம்மா. த³ஸமங் உத்தானத்த²மேவாதி.

கி³லானவக்³கோ³ ததியோ.

(14) 4. ராஜவக்³கோ³

1. பட²மசக்கானுவத்தனஸுத்தவண்ணனா

131. சதுத்த²ஸ்ஸ பட²மே த⁴ம்மேனாதி த³ஸ்குஸலத⁴ம்மேன. சக்கந்தி ஆணாசக்கங். அத்த²ஞ்ஞாதி ரஜ்ஜத்த²ங் ஜானாதி. த⁴ம்மஞ்ஞாதி பவேணித⁴ம்மங் ஜானாதி. மத்தஞ்ஞாதி த³ண்டே³ வா ப³லம்ஹி வா பமாணங் ஜானாதி. காலஞ்ஞாதி ரஜ்ஜஸுகா²னுப⁴வனகாலங், வினிச்ச²யகரணகாலங், ஜனபத³சாரிகாகாலஞ்ச ஜானாதி. பரிஸஞ்ஞாதி அயங் பரிஸா க²த்தியபரிஸா, அயங் ப்³ராஹ்மணவெஸ்ஸஸுத்³த³ஸமணபரிஸாதி ஜானாதி.

ததா²க³தவாரே அத்த²ஞ்ஞாதி பஞ்ச அத்²ஜானாதி. த⁴ம்மஞ்ஞாதி சத்தாரோ த⁴ம்மே ஜானாதி. மத்தஞ்ஞாதி சதுஸு பச்சயேஸு படிக்க³ஹணபரிபோ⁴க³மத்தங் ஜானாதி. காலஞ்ஞாதி அயங் காலோ படிஸல்லீனஸ்ஸ, அயங் ஸமாபத்தியா, அயங் த⁴ம்மதே³ஸனாய, அயங் ஜனபத³சாரிகாயாதி ஏவங் காலங் ஜானாதி. பரிஸஞ்ஞாதி அயங் பரிஸா க²த்தியபரிஸா...பே... அயங் ஸமணபரிஸாதி ஜானாதி. அனுத்தரந்தி நவஹி லோகுத்தரத⁴ம்மேஹி அனுத்தரங். த⁴ம்மசக்கந்தி ஸெட்ட²சக்கங்.

2. து³தியசக்கானுவத்தனஸுத்தவண்ணனா

132. து³தியே பிதரா பவத்திதங் சக்கந்தி சக்கவத்திம்ஹி பப்³பஜிதே வா காலகதே வா சக்கரதனங் ஸத்தாஹமத்தங் ட²த்வா அந்தரதா⁴யதி, கத²மேஸ தங் அனுப்பவத்தேதி நாம? பிது பவேணியங் ட²த்வா சக்கவத்திவத்தங் பூரெத்வா சக்கவத்திரஜ்ஜங் காரெந்தோபி பிதரா பவத்திதமேவ அனுப்பவத்தேதி நாம.

3. த⁴ம்மராஜாஸுத்தவண்ணனா

133. ததியங் திகனிபாதே வுத்தனயமேவ. ஸேவிதப்³பா³ஸேவிதப்³பே³ பனெத்த² பச்சி²மபத³த்³வயமேவ விஸேஸோ. தத்த² ஸம்மாஆஜீவோ ஸேவிதப்³போ³, மிச்சா²ஆஜீவோ ந ஸேவிதப்³போ³. ஸப்பாயோ கா³மனிக³மோ ஸேவிதப்³போ³, அஸப்பாயோ ந ஸேவிதப்³போ³.

4. யஸ்ஸங்தி³ஸங்ஸுத்தவண்ணனா

134. சதுத்தே² உப⁴தோதி த்³வீஹிபி பக்கே²ஹி. மாதிதோ ச பிதிதோ சாதி யஸ்ஸ ஹி மாதா க²த்தியா, மாதுமாதா க²த்தியா, தஸ்ஸாபி மாதா க²த்தியா. பிதா க²த்தியோ, பிதுபிதா க²த்தியோ, தஸ்ஸபி பிதா க²த்தியோ. ஸோ உப⁴தோ ஸுஜாதோ மாதிதோ ச பிதிதோ ச. ஸங்ஸுத்³த⁴க³ஹணிகோதி

ஸங்ஸுத்தா⁴ய மாதுகுச்சி²யா ஸமன்னாக³தோ. “ஸமவேபாகினியா க³ஹணியா”தி எத்த² பன கம்மஜதேஜோதா⁴து க³ஹணீதி வுச்சதி. யாவ ஸத்தமா பிதாமஹயுகா³தி எத்த² பிதுபிதா பிதாமஹோ, பிதாமஹஸ்ஸ யுக³ங் பிதாமஹயுக³ங். யுக³ந்தி ஆயுப்பமாணங் வுச்சதி. அபி⁴லாபமத்தமேவ சேதங், அத்த²தோ பன பிதாமஹோயேவ பிதாமஹயுக³ங். ததோ உத்த⁴ங் ஸப்பே³பி புப்ப³புரிஸா பிதாமஹக்³ஹணேனேவ க³ஹிதா. ஏவங் யாவ ஸத்தமோ புரிஸோ, தாவ ஸங்ஸுத்த⁴க³ஹணிகோ, அத² வா அக்கித்தோ அனுபக்குட்டோ² ஜாதிவாதே³னாதி த³ஸ்ஸேதி. அக்கித்தோதி “அபனேத² ஏதங், கிங் இமினா”தி ஏவங் அக்கித்தோ அனவக்கித்தோ. அனுபக்குட்டோ²தி ந உபக்குட்டோ² ந அக்கோஸங் வா நிந்த³ங் வா பத்தபுப்போ³. கேன காரணேனாதி? ஜாதிவாதே³ன, “இதிபி ஹீனஜாதிகோ ஏஸோ”தி ஏவருபேன வசனேனாதி அத்தோ².

அட்டோ⁴திஆதீ³ஸு யோ கோசி அத்தனோ ஸந்தகேன விப⁴வேன அட்டோ⁴ ஹோதி. இத⁴ பன ந கேவலங் அட்டோ⁴யேவ, மஹத்த⁴னோ மஹதா அபரிமாணஸங்கே²ன த⁴னேன ஸமன்னாக³தோதி அத்தோ². பஞ்சகாமகு³ணவஸேன மஹந்தா உளாரா போ⁴கா³ அஸ்ஸாதி மஹாபோ⁴கோ³. பரிபுண்ணகோஸகொட்டா²கா³ரோதி கோஸோ வுச்சதி ப⁴ண்டா³கா³ரங், நித³ஹித்வா ட²பிதேன த⁴னேன பரிபுண்ணகோஸோ, த⁴ஞ்ஞேன ச பரிபுண்ணகொட்டா²கா³ரோதி அத்தோ². அத² வா சதுப்பி³தோ⁴ கோஸோ ஹத்தீ² அஸ்ஸா ரதா² ரட்ட²ந்தி, திவித⁴ங் கொட்டா²கா³ரங் த⁴னகொட்டா²கா³ரங் த⁴ஞ்ஞகொட்டா²கா³ரங் வத்த²கொட்டா²கா³ரந்தி. தங் ஸப்ப³ம்பி பரிபுண்ணமஸ்ஸாதி பரிபுண்ணகோஸகொட்டா²கா³ரோ. அஸ்ஸவாயாதி கஸ்ஸசி ப³ஹும்பி த⁴னங் தெ³ந்தஸ்ஸ ஸேனா ந ஸுணாதி, ஸா அனஸ்ஸவா நாம ஹோதி. கஸ்ஸசி அதெ³ந்தஸ்ஸாபி ஸுணாதியேவ, அயங் அஸ்ஸவா நாம. ஓவாத³படிகராயாதி “இத³ங் வோ கத்தப்³ப³, இத³ங் ந கத்தப்³ப³”ந்தி தி³ன்னஓவாத³கராய. பண்டி³தோதி பண்டி³ச்சேன ஸமன்னாக³தோ. ப்யத்தோதி பஞ்ஞாவெய்யத்தியேன யுத்தோ. மேதா⁴வீதி டா²னுப்பத்திகபஞ்ஞாய ஸமன்னாக³தோ. படிப³லோதி ஸமத்தோ². அத்தே² சிந்தேதுந்தி வட்³டி⁴அத்தே² சிந்தேதுங். ஸோ ஹி பச்சப்பன்னஅத்த²வஸேனேவ “அதீதேபி ஏவங் அஹேஸுங், அனாக³தேபி ஏவங் ப⁴விஸ்ஸந்தீ”தி சிந்தேதி. விஜிதாவீனந்தி விஜிதவிஜயானங், மஹந்தேன வா விஜயேன ஸமன்னாக³தானங். விமுத்தசித்தானந்தி பஞ்சஹி விமுத்தீஹி விமுத்தமானஸானங்.

5-6. பத்த²னாஸுத்தத்³வயவண்ணனா

135-136. பஞ்சமே நேக³மஜானபத³ஸ்ஸாதி நிக³மவாஸினோ ச ரட்ட²வாஸினோ ச ஜனஸ்ஸ. ஹத்தி²ஸ்மிந்திஆதீ³ஹி

ஹத்தி²அஸ்ஸரத²த²ருத⁴னுலேக²முத்தா³க³ணனாதீ³னி ஸோளஸ
மஹாஸிப்பானி த³ஸ்ஸிதானி. அனவயோதி ஸமத்தோ² பரிபுண்ணோ.
ஸேஸமெத்த² ஹெட்டா² வுத்தனயேனேவ வேதி³தப்³ப³ங். ச²ட்டே² ஓபரஜ்ஜந்தி
உபராஜபா⁴வங்.

7. அப்பங்ஸுபதிஸுத்தவண்ணனா

137. ஸத்தமே புரிஸாதி⁴ப்பாயாதி அஸ்ஸத்³த⁴ம்மவஸேன புரிஸே
உப்பன்னாதி⁴ப்பாயா புரிஸஜ்ஜா²ஸயா. ஆதா³னாதி⁴ப்பாயோதி இதா³னி
க³ஹேதுங் ஸக்கி²ஸ்ஸாமி, இதா³னி ஸக்கி²ஸ்ஸாமீதி ஏவங்
க³ஹணாதி⁴ப்பாயோ. விஸங்யோகா³தி⁴ப்பாயோதி இதா³னி நிப்³பா³னங்
பாபுணிஸ்ஸாமி, இதா³னி பாபுணிஸ்ஸாமீதி ஏவங் நிப்³பா³னஜ்ஜா²ஸயோ.

8. ப⁴த்தாத³கஸுத்தவண்ணனா

138. அட்ட²மே ப⁴த்தாத³கோதி ப⁴த்தக்கா²த³கோ, ப³ஹுப⁴த்தப⁴ஞ்ஜோதி
அத்தோ². ஓகாஸப²ரணோதி ஓகாஸங் ப²ரித்வா அஞ்ஞேஸங் ஸம்பா³த⁴ங்
கத்வா டா²னேன ஓகாஸப²ரணோ. தத்த² தத்த² லண்ட³ங் ஸாரேதி பாதேதீதி
லண்ட³ஸாரணோ. எத்தகா ஹத்தீ²தி க³ணனகாலே ஸலாகங் க³ண்ஹாதீதி
ஸலாகக்³கா³ஹீ. நிஸீத³னஸயனவஸேன மஞ்சபீட²ங் மத்³த³தீதி
மஞ்சபீட²மத்³த³னோ. பி⁴க்கு²க³ணனகாலே ஸலாகங் க³ண்ஹாதீதி
ஸலாகக்³கா³ஹீ.

9. அக்க²மஸுத்தவண்ணனா

139. நவமே ஹத்தி²காயந்தி ஹத்தி²க⁴டங். ஸேஸேஸுபி ஏஸேவ நயோ.
ஸங்கா³மே அவசரந்தீதி ஸங்கா³மாவசரா. ஏகிஸ்ஸா வா
திணோத³கத³த்தியா விமானிதோதி ஏகதி³வஸங் ஏகேன திணோத³கதா³னேன
விமானிதோ, ஏகதி³வஸமத்தங் அலத்³த⁴திணோத³கோதி அத்தோ². இதோ
பரம்பி ஏஸேவ நயோ. ந ஸக்கோதி சித்தங் ஸமாத³ஹிதுந்தி ஆரம்மணே
சித்தங் ஸம்மா ட²பேதுங் ந ஸக்கோதி. ஸேஸமெத்த² உத்தானமேவ.
இமஸ்மிங் பன ஸுத்தே வட்டவிவட்டங் கதி²தந்தி வேதி³தப்³ப³ங்.

10. ஸோதஸுத்தவண்ணனா

140. த³ஸமே து³ருத்தானந்தி ந ஸுட்டு² வுத்தானங் தோ³ஸவஸேன
பவத்திதானங் ப²ருஸவசனானங். து³ராக³தானந்தி து³க்கு²ப்பாத³னாகாரேன
ஸோதத்³வாரங் ஆக³தானங். வசனபதா²னந்தி வசனானங். து³க்கா²னந்தி
து³க்க²மானங். திப்³பா³னந்தி ப³ஹலானங் தாபனஸபா⁴வானங் வா. க²ரானந்தி
ப²ருஸானங். கடுகானந்தி திகி²ணானங். அஸாதானந்தி அமது⁴ரானங்.
அமனாபானந்தி மனங் அப்பாயிதுங் வட்³டே⁴துங் அஸமத்தா²னங்.

பாணஹரானந்தி ஜீவிதஹரானங். யா ஸா தி³ஸாதி
ஸப்³புஸங்கா²ரஸமதா²தி³வஸேன தி³ஸ்ஸதி அபதி³ஸ்ஸதீதி நிப்³பா³னங்
தி³ஸாதி வேதி³தப்³பங். யஸ்மா பன தங் ஆக³ம்ம ஸப்³பே³ ஸங்கா²ரா ஸமத²ங்
க³ச்ச²ந்தி, தஸ்மா ஸப்³புஸங்கா²ரஸமதோ²தி வுத்தங். ஸேஸங் ஸப்³புத்த²
உத்தானமேவ. இமஸ்மிங் பன ஸுத்தே ஸீலஸமாதி⁴பஞ்ஞா மிஸ்ஸிகா
கதி²தாதி.

ராஜவக்³கோ³ சதுத்தோ².

(15) 5. திகண்ட³கீவக்³கோ³

1. அவஜானாதிஸுத்தவண்ணனா

141. பஞ்சமஸ்ஸ பட²மே ஸங்வாஸேனாதி ஏகதோவாஸேன.
ஆதெ³ய்யமுகோ²தி ஆதி³யனமுகோ², க³ஹணமுகோ²தி அத்தோ². தமேனங்
த³த்வா அவஜானாதீதி “அயங் தி³ன்னங் படிக்க³ஹேதுமேவ ஜானாதீ”தி ஏவங்
அவமஞ்ஞதி. தமேனங் ஸங்வாஸேன அவஜானாதீதி அப்பமத்தகே
கிஸ்மிஞ்சிதே³வ குஜ்ஜி²த்வா “ஜானாமஹங் தயா கதகம்மங், எத்தகங்
அத்தா⁴னங் அஹங் கிங் கரொந்தோ வஸிங், நனு துய்ஹமேவ கதாகதங்
வீமங்ஸந்தோ”திஆதீ³னி வத்தா ஹோதி. அத² இதரோ “அத்தா⁴ கோசி
மய்ஹங் தோ³ஸோ ப⁴விஸ்ஸதீ”தி கிஞ்சி படிப்ப²ரிதுங் ந ஸக்கோதி. தங்
கி³ப்பஞ்ஞேவ அதி⁴முச்சிதா ஹோதீதி தங் வண்ணங் வா அவண்ணங் வா
ஸீக்⁴மேவ ஸத்த³ஹதி. ஸத்த³ஹனட்டே²ன ஹி ஆதா³னேன ஏஸ
ஆதி³யனமுகோ²தி வத்தோ. ஆதெ⁴ய்யமுகோ²தி பாலியா பன ட²பிதமுகோ²தி
அத்தோ². மக்³கே³ க²டஆவாடோ விய ஆக³தாக³தங் உத³கங் வண்ணங் வா
அவண்ணங் வா ஸத்த³ஹனவஸேன ஸம்படிச்சி²துங் ட²பிதமுகோ²தி வத்தங்
ஹோதி.

இத்தரஸத்தோ⁴தி பரித்தகஸத்தோ⁴. குஸலாகுஸலே த⁴ம்மே ந
ஜானாதீதிஆதீ³ஸு குஸலே த⁴ம்மே “இமே குஸலா”தி ந ஜானாதி, அகுஸலே
த⁴ம்மே “இமே அகுஸலா”தி ந ஜானாதி. ததா² ஸாவஜ்ஜே ஸதோ³ஸத⁴ம்மே
“இமே ஸாவஜ்ஜா”தி, அனவஜ்ஜே ச நித்தோ³ஸத⁴ம்மே “இமே அனவஜ்ஜா”தி,
ஹீனே ஹீனாதி, பணீதே பணீதாதி. கண்ஹஸுக்கஸப்படிபா⁴கே³தி “இமே
கண்ஹா ஸுக்கே படிபா³ஹேத்வா டி²தத்தா ஸப்படிபா⁴கா³ நாம, இமே ச
ஸுக்கா கண்ஹே படிபா³ஹித்வா டி²தத்தா ஸப்படிபா⁴கா³”தி ந ஜானாதி.

2. ஆரப⁴திஸுத்தவண்ணனா

142. து³தியே ஆரப⁴தி ச விப்படிஸாரீ ச ஹோதீதி
ஆபத்திவிதிக்கமனவஸேன ஆரப⁴தி சேவ, தப்பச்சயா ச விப்படிஸாரீ ஹோதி.
சேதோவிமுத்திங் பஞ்ஞாவிமுத்திந்தி அரஹத்தஸமாதி⁴ஞ்சேவ
அரஹத்தப²லஞாணஞ்ச. நப்பஜானாதீதி அனதி⁴க³தத்தா ந ஜானாதி. ஆரப⁴தி
ந விப்படிஸாரீ ஹோதீதி ஆபத்திங் ஆபஜ்ஜதி, வட்டி²தத்தா பன ந
விப்படிஸாரீ ஹோதி. நாரப⁴தி விப்படிஸாரீ ஹோதீதி ஸகிங் ஆபத்திங்
ஆபஜ்ஜித்வா ததோ வட்டா²ய பச்சா² கிஞ்சாபி நாபஜ்ஜதி, விப்படிஸாரங் பன
வினோதே³துங் ந ஸக்கோதி. நாரப⁴தி ந விப்படிஸாரீ ஹோதீதி ந சேவ
ஆபத்திங் ஆபஜ்ஜதி, ந ச விப்படிஸாரீ ஹோதி. தஞ்ச சேதோவிமுத்திங்...பே...

நிருஜ்ஜந்தீதி அரஹத்தங் பன அப்பத்தோ ஹோதி. பஞ்சமனயேன கீணாஸவோ கதித்தோ.

ஆரம்பஜாதி ஆபத்திவீதிக்கமஸம்பவா. விப்படிஸாரஜாதி விப்படிஸாரதோ ஜாதா. பவட்டந்தீதி புனப்புனங் உப்பஜ்ஜனேன வட்டந்தி. ஆரம்பஜே ஆஸவே பஹாயாதி வீதிக்கமஸம்பவே ஆஸவே ஆபத்திதேஸனாய வா ஆபத்திவுட்டானேன வா பஜஹித்வா. படிவினோதெத்வாதி ஸுத்தந்தே டித்தபாவப்பச்சவெக்கனேன நீஹரித்வா. சித்தங் பஞ்ஞஞ்ச பாவேதுதி விபஸ்ஸனாசித்தஞ்ச தங்ஸம்பயுத்தங் பஞ்ஞஞ்ச பாவேது. ஸேஸங் இமினா உபாயேனேவ வேதித்தப்பந்தி.

3. ஸாரந்தத்தஸுத்தவண்ணனா

143. ததியே காமாதிமுத்தானந்தி வத்துகாமகிலேஸகாமேஸு அதிமுத்தானங். தம்மானுதம்மப்படிபன்னோதி நவலோகுத்தரதம்மத்தாய ஸஹஸீலகங் புப்பபாக்கப்படிபதங் படிபன்னோ படிபத்திபூரகோ பக்கலோ துல்லபோ லோகஸ்மிங்.

4. திகண்டகீஸுத்தவண்ணனா

144. சதுத்தே அப்படிகுலேதி அப்படிகுலாரம்மணே. படிகுலஸஞ்ஞீதி படிகுலந்தி ஏவங்ஸஞ்ஞீ. ஏஸ நயோ ஸப்பத்த. கதங் பனாயங் ஏவங் விஹரதீதி? இட்டஸ்மிங் வத்துஸ்மிங் பன அஸுபாய வா பரதி, அனிச்சதோ வா உபஸங்ஹரதி. ஏவங் தாவ அப்படிகுலே படிகுலஸஞ்ஞீ விஹரதி. அனிட்டஸ்மிங் வத்துஸ்மிங் மெத்தாய வா பரதி, தாதுதோ வா உபஸங்ஹரதி. ஏவங் படிகுலே அப்படிகுலஸஞ்ஞீ விஹரதி. உபாயஸ்மிங் பன புரிமனயஸ்ஸ ச பச்சிமனயஸ்ஸ ச வஸேன ததியசதுத்தவாரா வுத்தா, சளங்குப்பெக்காவஸேன பஞ்சமோ. சளங்குப்பெக்கா சேஸா கீணாஸவஸ்ஸ உபெக்காஸதிஸா, ந பன கீணாஸவுபெக்கா. தத்த உபெக்ககோ விஹரெய்யாதி மஜ்ஜத்தபாவே டித்தோ விஹரெய்ய. க்வசனீதி கிஸ்மிஞ்சி ஆரம்மணே. கத்தசீதி கிஸ்மிஞ்சி பதேஸே. கிஞ்சனதி கோசி அப்பமத்தகோபி. இதி இமஸ்மிங் ஸுத்தே பஞ்சஸு டானேஸு விபஸ்ஸனாவ கதித்தா. தங் ஆரத்தவிபஸ்ஸகோ பிக்கு காதுங் ஸக்கோதி, ஞாணவா பஞ்ஞுத்தரோ பஹுஸ்ஸுதஸமணோபி காதுங் ஸக்கோதி. ஸோதாபன்னஸகதாமிஅனாகாமினோ காதுங் ஸக்கொந்தியேவ, கீணாஸவே வத்தப்பமேவ நத்தீதி. பஞ்சமங் உத்தானமேவ.

6. மித்தஸுத்தவண்ணனா

146. ச²ட்²டே² கம்மந்தங் காரேதீதி கெ²த்தாதி³கம்மந்தங் காரேதி.
 அதி⁴கரணங் ஆதி³யதீதி சத்தாரி அதி⁴கரணானி ஆதி³யதி. பாமொக்கே²ஸு
 பி⁴க்க²ஸு²தி தி³ஸாபாமொக்கே²ஸு பி⁴க்க²ஸு. படிவிருத்³தோ⁴
 ஹோதீதி பச்சனீக்க³கா³ஹிதாய விருத்³தோ⁴ ஹோதி. அனவத்த²சாரிகந்தி
 அனவத்தா²னசாரிகங்.

7. அஸப்புரிஸதா³னஸுத்தவண்ணனா

147. ஸத்தமே அஸக்கச்சங் தே³தீதி ந ஸக்கரித்வா ஸுசிங் கத்வா தே³தி.
 அசித்தீகத்வா தே³தீதி அசித்தீகாரேன அகா³ரவவஸேன தே³தி. அபவித்³த⁴ங்
 தே³தீதி ந நிரந்தரங் தே³தி, அத² வா ச²ட்³டே³துகாமோ விய தே³தி.
 அனாக³மனதி³ட்டி²கோ தே³தீதி கதஸ்ஸ நாம ப²லங் ஆக³மிஸ்ஸதீதி ந ஏவங்
 ஆக³மனதி³ட்டி²ங் ந உப்பாதெ³த்வா தே³தி.

ஸுக்கபக்கே² சித்தீகத்வா தே³தீதி தெ³ய்யத⁴ம்மே ச த³க்கி²ணெய்யேஸு ச
 சித்தீகாரங் உபட்ட²பெத்வா தே³தி. தத்த² தெ³ய்யத⁴ம்மங் பணீதங் ஓஜவந்தங்
 கத்வா தெ³ந்தோ தெ³ய்யத⁴ம்மே சித்தீகாரங் உபட்ட²பேதி நாம. புக்³க³லங்
 விசினித்வா தெ³ந்தோ த³க்கி²ணெய்யேஸு சித்தீகாரங் உபட்ட²பேதி நாம.
 ஸஹத்தா² தே³தீதி ஆணத்தியா பரஹத்தே²ன அத³த்வா “அனமதக்³கே³
 ஸங்ஸாரே விசரந்தேன மே ஹத்த²பாதா³னங் அலத்³த⁴காலஸ்ஸ பமாணங்
 நாம நத்தி², வட்டமொக்க²ங் ப⁴வனிஸ்ஸரணங் கரிஸ்ஸாமீ”தி
 ஸஹத்தே²னேவ தே³தி. ஆக³மனதி³ட்டி²கோதி “அனாக³தப⁴வஸ்ஸ பச்சயோ
 ப⁴விஸ்ஸதீ”தி கம்மஞ்ச விபாகஞ்ச ஸத்³த³ஹித்வா தே³தீதி.

8. ஸப்புரிஸதா³னஸுத்தவண்ணனா

148. அட்ட²மே ஸத்தா⁴யாதி தா³னஞ்ச தா³னப²லஞ்ச ஸத்³த³ஹித்வா.
 காலேனாதி யுத்தப்பத்தகாலேன. அனக்³க³ஹிதசித்தோதி அக்³க³ஹிதசித்தோ
 முத்தசாகோ³ ஹுத்வா. அனுபஹச்சாதி அனுபகா⁴தெத்வா கு³ணே
 அமக்கெ²த்வா. காலாக³தா சஸ்ஸ அத்தா² பசுரா ஹொந்தீதி அத்தா²
 ஆக³ச்ச²மானா வயோவுட்³ட⁴காலே அனாக³ந்த்வா யுத்தப்பத்தகாலே
 பட²மவயஸ்மிங்யேவ ஆக³ச்ச²ந்தி சேவ ப³ஹு ச ஹொந்தி.

9. பட²மஸமயவிமுத்தஸுத்தவண்ணனா

149. நவமே ஸமயவிமுத்தஸ்ஸாதி அப்பிதப்பிதக்க²ணேயேவ
 விக்க²ம்பி⁴தேஹி கிலேஸேஹி விமுத்தத்தா ஸமயவிமுத்திஸங்கா²தாய
 லோகியவிமுத்தியா விமுத்தசித்தஸ்ஸ. த³ஸமங் உத்தானத்த²மேவ.

திகண்ட³கீவக்³கோ³ பஞ்சமோ.

ததியபண்ணாஸகங் நி஢்டி²தங்.

4. சதுத்த²பண்ணாஸகங்

(16) 1. ஸத்³த⁴ம்மவக்³கோ³

1. பட²மஸம்மத்தனியாமஸுத்தவண்ணனா

151. சதுத்த²ஸ்ஸ பட²மே அப⁴ப்³போ³ நியாமங் ஓக்கமிதுங் குஸலேஸு த⁴ம்மேஸு ஸம்மத்தந்தி குஸலேஸு த⁴ம்மேஸு ஸம்மத்தபூ⁴தங் மக்³க³னியாமங் ஓக்கமிதுங் அப⁴ப்³போ³ அபா⁴ஜனங். கத²ங் பரிபோ⁴தீதிஆதீ³ஸு “கிங் கதா² நாம ஏஸா”தி வத³ந்தோ கத²ங் பரிபோ⁴தி நாம. “கிங் நாமேஸ கதே²தி, கிங் அயங் ஜானாதீ”தி வத³ந்தோ கதி²கங் பரிபோ⁴தி நாம. “மயங் கிங் ஜானாம, குதோ அம்ஹாகங் ஏதங் ஸோதுங் ப³ல”ந்தி வத³ந்தோ அத்தானங் பரிபோ⁴தி நாம. விபரியாயேன ஸுக்கபக்³கோ² வேதி³தப்³போ³.

2. து³தியஸம்மத்தனியாமஸுத்தவண்ணனா

152. து³தியே அனஞ்ஞாதே அஞ்ஞாதமானீதி அவிஞ்ஞாதஸ்மிங்யேவ “விஞ்ஞாதமித³ங் மயா”தி ஏவங்மானீ.

3. ததியஸம்மத்தனியாமஸுத்தவண்ணனா

153. ததியே மக்³² த⁴ம்மங் ஸுணாதீதி மக்³² ஹுத்வா கு³ணமக்க²னசித்தேன த⁴ம்மங் ஸுணாதி. உபாரம்ப⁴சித்தோதி நிக்³க³ஹாரோபனசித்தோ. ரந்த⁴க³வேஸீதி கு³ணரந்த⁴ங் கு³ணச்சி²த்³த³ங் க³வேஸந்தோ.

4. பட²மஸத்³த⁴ம்மஸம்மோஸஸுத்தவண்ணனா

154. சதுத்தே² ந ஸக்கச்சங் த⁴ம்மங் ஸுணந்தீதி ஓஹிதஸோதா ஸுகதகாரினோ ஹுத்வா ந ஸுணந்தி . ந பரியாபுணந்தீதி யதா²ஸுதங் த⁴ம்மங் வளஞ்ஜந்தாபி ஸக்கச்சங் ந வளஞ்ஜெந்தி. பஞ்சமங் உத்தானமேவ.

6. ததியஸத்³த⁴ம்மஸம்மோஸஸுத்தவண்ணனா

156. ச²ட்²டே² அப்படிஸரணோதி அப்பதிட்டோ². ஆசரியா ஹி ஸுத்தந்தஸ்ஸ படிஸரணங் நாம, தேஸங் அபா⁴வா அப்படிஸரணோ ஹோதி. ஸேஸமெத்த² ஹெட்டா² வுத்தனயமேவ.

7. து³க்கதா²ஸுத்தவண்ணனா

157. ஸத்தமே புக்³க³லங் உபனிதா⁴யாதி தங் தங் புக்³க³லங் உபனிக்கி²பித்வா, ஸக்கி²ங் கத்வாதி அத்தோ². கச்ச²மானாயாதி கதி²யமானாய.

ஸேஸமெத்த² அட்ட²மஞ்ச உத்தானத்த²மேவாதி.

9. உதா³யீஸுத்தவண்ணனா

159. நவமே அனுபுப்³பி³ங் கத²ங் கதெ²ஸ்ஸாமீதி தா³னானந்தரங் ஸீலங், ஸீலானந்தரங் ஸக்³க³ந்தி ஏவங் தே³ஸனானுபுப்³பி³ங் கத²ங் வா, யங் யங் ஸுத்தபத³ங் வா கா³தா²பத³ங் வா நிக்கி²த்தங் ஹோதி, தஸ்ஸ தஸ்ஸ அனுருபகத²ங் கதெ²ஸ்ஸாமீதி சித்தங் உபட்ட²பெத்வா பரேஸங் த⁴ம்மோ தே³ஸேதப்³போ³. பரியாயத³ஸ்ஸாவீதி தஸ்ஸ தஸ்ஸ அத்த²ஸ்ஸ தங் தங் காரணங் த³ஸ்ஸெந்தோ. காரணஞ்ஹி இத⁴ பரியாயோதி வுத்தங். அனுத்த³யதங் படிச்சாதி “மஹாஸம்பா³த⁴ப்பத்தே ஸத்தே ஸம்பா³த⁴தோ மோசெஸ்ஸாமீ”தி அனுகம்பங் ஆக³ம்ம. ந ஆமிஸந்தரோதி ந ஆமிஸஹேதுகோ, அத்தனோ சதுபச்சயலாப⁴ங் அனாஸீஸந்தோதி அத்தோ². அத்தானஞ்ச பரஞ்ச அனுபஹச்சாதி அத்துக்கங்ஸனபரவம்ப⁴னாதி³வஸேன அத்தானஞ்ச பரஞ்ச கு³ணுபகா⁴தேன அனுபஹந்த்வா.

10. து³ப்படிவினோத³யஸுத்தவண்ணனா

160. த³ஸமே து³ப்படிவினோத³யாதி யானி ஹஸ்ஸாதீ³னி கிச்சானி நிப்பா²தே³துங் டா²னானி உப்பன்னானி ஹொந்தி, தேஸு மத்த²கங் அஸம்பத்தேஸு அந்தராயேவ து³ன்னீஹாரா து³விக்க²ம்ப⁴யா ஹொந்தி. படிபா⁴னந்தி கதே²துகாமதா வச்சதி. இமானி பஞ்ச து³ப்படிவினோத³யானி, ந ஸுப்படிவினோத³யானி. உபாயேன பன காரணேன அனுருபாஹி பச்சவெக்க²ணஅனுஸாஸனாதீ³ஹி ஸக்கா படிவினோதே³துந்தி.

ஸத்த⁴ம்மவக்³கோ³ பட²மோ.

(17) 2. ஆகா⁴தவக்³கோ³

1. பட²மஆகா⁴தபடிவினயஸுத்தவண்ணனா

161. து³தியஸ்ஸ பட²மே ஆகா⁴தங் படிவினெந்தி ஓபஸமெந்தீதி ஆகா⁴தபடிவினயா. யத்த² பி⁴க்கு²னோ உப்பன்னோ ஆகா⁴தோ ஸப்³புஸோ படிவினேதப்³போ³தி யத்த² ஆரம்மணே பி⁴க்கு²னோ ஆகா⁴தோ உப்பன்னோ ஹோதி, தத்த² ஸோ ஸப்³போ³ இமேஹி பஞ்சஹி படிவினோதே³தப்³போ³தி அத்தோ². மெத்தா தஸ்மிங் புக்³க³லே பா⁴வேதப்³பா³தி திகசதுக்கஜ்ஜா²னவஸேன மெத்தா பா⁴வேதப்³பா³. கருணாயபி ஏஸேவ நயோ. உபெக்கா² பன சதுக்கபஞ்சகஜ்ஜா²னவஸேன பா⁴வேதப்³பா³. யஸ்மா பன யங் புக்³க³லங் பஸ்ஸதோ சித்தங் ந நிப்³பா³தி, தஸ்மிங் முதி³தா ந ஸண்ட²ஹிதி, தஸ்மா ஸா ந வுத்தா. அஸதிஅமனஸிகாரோதி யதா² ஸோ புக்³க³லோ ந உபட்டா²தி, குட்டாதீ³ஹி அந்தரிதோ விய ஹோதி, ஏவங் தஸ்மிங் அஸதிஅமனஸிகாரோ ஆபஜ்ஜிதப்³போ³. ஸேஸங் ஹெட்டா² வுத்தனயத்தா உத்தானமேவ.

2. து³தியஆகா⁴தபடிவினயஸுத்தவண்ணனா

162. து³தியே ஆகா⁴தோ ஏதேஸு படிவினேதப்³போ³தி ஆகா⁴தபடிவினயா . ஆகா⁴தோ ஏதேஹி படிவினேதப்³போ³திபி ஆகா⁴தபடிவினயா. படிவினயோதி ஹி படிவினயவத்தூ²னம்பி படிவினயகாரணானம்பி ஏதங் அதி⁴வசனங், தது³ப⁴யம்பி இத⁴ வட்டதி. பஞ்ச ஹி புக்³க³லா படிவினயவத்தூ² ஹோந்தி பஞ்சஹி உபமாஹி பஞ்ச படிபத்தியோ படிவினயகாரணானி. லப⁴தி ச காலேன காலங் சேதஸோ விவரங் சேதஸோ பஸாத்³ந்தி காலே காலே ஸமத²விபஸ்ஸனாசித்தஸ்ஸ உப்பன்னோகாஸஸங்காதங் விவரஞ்சேவ ஸத்த³தா⁴ஸம்பன்னபா⁴வஸங்காதங் பஸாத்³ஞ்ச லப⁴தி.

ரதி²யாயாதி அந்தரவீதி²யங். நந்தகந்தி பிலோதிகக²ண்ட³ங். நிக்³க³ஹெத்வாதி அக்கமித்வா. யோ தத்த² ஸாரோதி யங் தத்த² தி²ரட்டா²னங். தங் பரிபாதெத்வாதி தங் லுஞ்சித்வா. ஏவமேவ கோ²தி எத்த² பங்ஸுகூலிகோ விய மெத்தாவிஹாரீ த³ட்ட²ப்³போ³, ரதி²யாய நந்தகங் விய வேரிபுக்³க³லோ, து³ப்³புலட்டா²னங் விய அபரிஸுத்த⁴காயஸமாசாரதா, தி²ரட்டா²னங் விய பரிஸுத்த⁴வசீஸமாசாரதா, து³ப்³புலட்டா²னங் ச²ட்³டெ³த்வா தி²ரட்டா²னங் ஆதாய க³ந்த்வா ஸிப்³பித்வா ரஜித்வா பாருபித்வா விசரணகாலோ விய அபரிஸுத்த⁴காயஸமாசாரதங் அமனஸிகத்வா பரிஸுத்த⁴வசீஸமாசாரதங் மனஸிகத்வா வேரிம்ஹி சித்துப்பாத³ங் நிப்³பா³பெத்வா பா²ஸுவிஹாரகாலோ த³ட்ட²ப்³போ³.

ஸேவாலபணகபரியோனத்தா⁴தி ஸேவாலேன ச உத³கப்பபடகேன ச படிச்ச²ன்னா. க⁴ம்மபரேதோதி க⁴ம்மேன அனுக்³தோ. கிலந்தோதி மக்³கிலந்தோ. தஸிதோதி தண்ஹாபி⁴பூ⁴தோ. பிபாஸிதோதி பானியங் பாதுகாமோ. அபவியூஹித்வாதி அபனெத்வா. பிவித்வாதி பஸன்னஉத³கங் பிவித்வா. ஏவமேவ கோ²தி எத்த² க⁴ம்மாபி⁴தத்தோ புரிஸோ விய மெத்தாவிஹாரீ த³ட்ட²ப்³போ³, ஸேவாலபணகங் விய அபரிஸுத்த⁴வசீஸமாசாரதா, பஸன்னஉத³கங் விய பரிஸுத்த⁴காயஸமாசாரதா, ஸேவாலபணகங் அபப்யூஹித்வா பஸன்னோத³கங் பிவித்வா க³மனங் விய அபரிஸுத்த⁴வசீஸமாசாரதங் அமனஸிகத்வா பரிஸுத்த⁴காயஸமாசாரதங் மனஸிகத்வா வேரிம்ஹி சித்துப்பாத³ங் நிப்பா³பெத்வா பா²ஸுவிஹாரகாலோ த³ட்ட²ப்³போ³.

கோ²பெ⁴ஸ்ஸாமீதி சாலெஸ்ஸாமி. லோளெஸ்ஸாமீதி ஆகுலங் கரிஸ்ஸாமி. அபெய்யம்பி தங் கரிஸ்ஸாமீதி பிவிதுங் அஸக்குணெய்யங் கரிஸ்ஸாமி. சதுக்குண்டி³கோதி ஜாணாஹி ச ஹத்தே²ஹி ச பூ⁴மியங் பதிட்டா²னேன சதுக்குண்டி³கோ ஹுத்வா. கோ³பீதகங் பிவித்வாதி கா³வியோ விய முகே²ன ஆகட்³டெ⁴ந்தோ பிவித்வா. ஏவமேவ கோ²தி எத்த² க⁴ம்மாபி⁴தத்தோ புரிஸோ விய மெத்தாவிஹாரீ த³ட்ட²ப்³போ³, கோ³பத³ங் விய வேரிபுக்³லோ, கோ³பதே³ பரித்தஉத³கங் விய தஸ்ஸப்³ப⁴ந்தரே பரித்தகு³ணோ, சதுக்குண்டி³கஸ்ஸ கோ³பீதகங் பிவித்வா பக்கமனங் விய தஸ்ஸ அபரிஸுத்த⁴காயவசீஸமாசாரதங் அமனஸிகத்வா யங் ஸோ காலேன காலங் த⁴ம்மஸ்ஸவனங் நிஸ்ஸாய சேதஸோ விவரப்பஸாத³ஸங்கா²தங் பீதிபாமோஜ்ஜங் லப⁴தி, தங் மனஸிகத்வா சித்துப்பாத³னிப்பா³பனங் வேதி³தப்³பங்.

ஆபா³தி⁴கோதி இரியாபத²ப⁴ஞ்ஜனகேன விஸபா⁴கா³பா³தே⁴ன ஆபா³தி⁴கோ. புரதோபிஸ்ஸாதி புரதோபி ப⁴வெய்ய. அனயப்³யஸனந்தி அவட்³டி⁴வினாஸங். ஏவமேவ கோ²தி எத்த² ஸோ அனாத²கி³லானோ விய ஸப்³பகண்ஹத⁴ம்மஸமன்னாக³தோ புக்³லோ, அத்³தா⁴னமக்³கோ³ விய அனமதக்³ஸங்ஸாரோ, புரதோ ச பச்ச²தோ ச கா³மானங் தூ³ரபா⁴வோ விய நிப்பா³னஸ்ஸ தூ³ரபா⁴வோ, ஸப்பாயபோ⁴ஜனானங் அலாபோ⁴ விய ஸாமஞ்ஞப²லபோ⁴ஜனானங் அலாபோ⁴, ஸப்பாயபோ⁴ஸஜ்ஜானங் அலாபோ⁴ விய ஸமத²விபஸ்ஸனானங் அபா⁴வோ, பதிரூபஉபட்டா²கானங் அலாபோ⁴ விய ஓவாதா³னுஸாஸனீஹி கிலேஸதிகிச்ச²கானங் அபா⁴வோ, கா³மந்தனாயகஸ்ஸ அலாபோ⁴ விய நிப்பா³னஸம்பாபகஸ்ஸ ததா²க³தஸ்ஸ வா ததா²க³தஸாவகஸ்ஸ வா அலத்³த⁴பா⁴வோ, அஞ்ஞதரஸ்ஸ புரிஸஸ்ஸ தி³ஸ்வா காருஞ்ஞபட்டா²னங் விய தஸ்மிங் புக்³லே மெத்தாவிஹாரிகஸ்ஸ காருஞ்ஞங் உப்பாதே³த்வா சித்தனிப்பா³பனங் வேதி³தப்³பங்.

அச்சோ²த³காதி பஸன்னோத³கா. ஸாதோத³காதி மது⁴ரோத³கா. ஸீதோத³காதி தனுஸீதஸலிலா. ஸேதகாதி ஊமிபி⁴ஜ்ஜனட்டா²னேஸு ஸேதவண்ணா. ஸுபதித்தா²தி ஸமதித்தா². ஏவமேவ கோ²தி எத்த² க⁴ம்மாபி⁴தத்தோ புரிஸோ விய மெத்தாவிஹாரீ த³ட்ட²பு³போ³, ஸா பொக்க²ரணீ விய பரிஸுத்³த⁴ஸப்³புத்³வாரோ புரிஸோ, ந்ஹத்வா பிவித்வா பச்சுத்தரித்வா ருக்க²ச்சா²யாய நிபஜ்ஜித்வா யதா²காமங் க³மனங் விய தேஸு த்³வாரேஸு யங் இச்ச²தி, தங் ஆரம்மணங் கத்வா சித்தனிப்³பா³பனங் வேதி³தப்³பங். ததியசதுத்தா²னி ஹெட்டா² வுத்தனயானேவ.

5. பஞ்ஹபுச்சா²ஸுத்தவண்ணனா

165. பஞ்சமே பரிப⁴வந்தி பரிப⁴வந்தோ, ஏவங் பரிப⁴விஸ்ஸாமீதி பரிப⁴வனத்தா²ய புச்ச²தீதி அத்தோ². அஞ்ஞாதுகாமோதி ஜானிதுகாமோ ஹுத்வா.

6. நிரோத⁴ஸுத்தவண்ணனா

166. ச²ட்டே² அத்தே²தங் டா²னந்தி அத்தி² ஏதங் காரணங். நோ சே தி³ட்டே²வ த⁴ம்மே அஞ்ஞங் ஆராதெ⁴ய்யாதி நோ சே இமஸ்மிங்யேவ அத்தபா⁴வே அரஹத்தங் பாபுணெய்ய. கபு³ளீகாராஹாரப⁴க்கா²னங் தே³வானந்தி காமாவசரதே³வானங். அஞ்ஞதரங் மனோமயங் காயந்தி ஜா²னமனேன நிப்³புத்தங் அஞ்ஞதரங் ஸுத்³தா⁴வாஸப்³ரஹ்மகாயங். உதா³யீதி லாளுதா³யீ. ஸோ ஹி “மனோமய”ந்தி ஸுத்வா “ஆருப்பே ந ப⁴விதப்³ப”ந்தி படிபா³ஹி. தே²ரோ “ஸாரிபுத்தோ கிங் ஜானாதி, யஸ்ஸ ஸம்முகா² ஏவங் பி⁴க்க² வசனங் படிக்கோஸந்தீ”தி ஏவங் பா³லானங் லத்³தி⁴உப்பத்திபடிபா³ஹனத்த²ங் தங் வசனங் அனதி⁴வாஸெத்வா யேன ப⁴க³வா தேனுபஸங்கமி.

அத்தி² நாமாதி அமரிஸனத்தே² நிபாதோ. தேனேவ செத்த² “அஜ்ஜ²பெக்கி²ஸ்ஸதா²”தி அனாக³தவசனங் கதங். அயஞ்ஹெத்த²த்தோ² - ஆனந்த³, தும்ஹே தே²ரங் பி⁴க்கு²ங் விஹேடி²யமானங் அஜ்ஜ²பெக்க²த², ந வோ ஏதங் மரிஸயாமி ந ஸஹாமி நாதி⁴வாஸேமீதி. கஸ்மா பன ப⁴க³வா ஆனந்த³தே²ரங்யேவ ஏவமாஹாதி? த⁴ம்மப⁴ண்டா³கா³ரிகத்தா. த⁴ம்மப⁴ண்டா³கா³ரிகஸ்ஸ ஹி ஏவங் வத³ந்தோ படிபா³ஹிதுங் பா⁴ரோ. அபிசேஸ ஸாரிபுத்தத்தே²ரஸ்ஸ பியஸஹாயோ, தேனாபிஸ்ஸ ஏஸ பா⁴ரோ. தத்த² கிஞ்சாபி ப⁴க³வா ஆனந்த³த்தே²ரங் க³ரஹந்தோ ஏவமாஹ, ந பனேஸா தஸ்ஸேவ க³ரஹா, ஸம்முகீ²பூ⁴தானங் ஸப்³பே³ஸங்யேவ க³ரஹாதி வேதி³தப்³பா³. விஹாரந்தி க³ந்த⁴குடிங்.

அனச்சு²ரியந்தி ந அச்சு²ரியங். யதா²தி காரணவசனங்.

ஆயஸ்மந்தங்யேவெத்த² உபவானங் படிபா⁴ஸெய்யாதி எத்த² ப⁴க³வதா ச ஏவங் ஏததே³வ காரணங் ஆரப்³ப⁴ உதா³ஹடே ஆயஸ்மதோயேவ உபவானஸ்ஸ படிவசனங் படிபா⁴து உபட்டா²தூதி தீ³பேதி. ஸாரஜ்ஜங் ஓக்கந்தந்தி தோ³மனஸ்ஸங் அனுபவிட்ட²ங். ஸீலவாதிஆதீ³ஹி கீ²ணாஸவஸீலாதீ³னியேவ கதி²தானி. க²ண்டி³ச்சேனாதிஆதீ³னி ஸக்காராதீ³னங் காரணபுச்சா²வஸேன வுத்தானி. கிங் க²ண்டி³ச்சாதீ³ஹி காரணேஹி தங் தங் ஸப்³ரஹ்மசாரிங் ஸக்கரெய்யந்தி அயஞ்ஹெத்த² அதி⁴ப்பாயோ.

7. சோத³னாஸுத்தவண்ணனா

167. ஸத்தமே சோத³கேனாதி வத்து²ஸந்த³ஸ்ஸனா ஆபத்திஸந்த³ஸ்ஸனா ஸங்வாஸப்படிக்கே²போ ஸாமீசிப்படிக்கே²போதி சதூஹி சோத³னாவத்தூ²ஹி சோத³யமானேன. காலேன வக்கா²மி நோ அகாலேனாதி எத்த² சுதி³தகஸ்ஸ காலோ கதி²தோ, ந சோத³கஸ்ஸ. பரங் சோதே³ந்தேன ஹி பரிஸமஜ்ஜே² வா உபோஸத²பவாரணக்³கே³ வா ஆஸனஸாலாபோ⁴ஜனஸாலாதீ³ஸு வா ந சோதே³தப்³போ³, தி³வாட்டா²னே நிஸின்னகாலே “கரோதாயஸ்மா ஓகாஸங், அஹங் ஆயஸ்மந்தங் வத்துகாமோ”தி ஏவங் ஓகாஸங் காரெத்வா சோதே³தப்³போ³. புக்³க³லங் பன உபபரிக்கி²த்வா யோ லோலபுக்³க³லோ அபு⁴தங் வத்வா பி⁴க்க²னங் அயஸங் ஆரோபேதி, ஸோ ஓகாஸகம்மங் வினாபி சோதே³தப்³போ³. பூ⁴தேனாதி தச்சே²ன ஸபா⁴வேன. ஸண்ஹேனாதி மட்டே²ன முது³கேன. அத்த²ஸங்ஹிதேனாதி அத்த²காமதாய ஹிதகாமதாய உபேதேன. அவிப்படிஸாரோ உபத³ஹாதப்³போ³தி அமங்குபா⁴வோ உபனேதப்³போ³. அலங் தே அவிப்படிஸாராயாதி யுத்தங் தே அமங்குபா⁴வாய. ஸேஸமெத்த² உத்தானமேவாதி. அட்ட²மங் ஹெட்டா² வுத்தனயத்தா பாகடமேவ.

9. கி²ப்பனிஸந்திஸுத்தவண்ணனா

169. நவமே கி²ப்பங் நிஸாமயதி உபதா⁴ரேதீதி கி²ப்பனிஸந்தி. ஸுக்³க³ஹிதங் கத்வா க³ண்ஹாதீதி ஸுக்³க³ஹிதக்³கா³ஹீ. அத்த²குஸலோதி அட்ட²கதா²ய சே²கோ. த⁴ம்மகுஸலோதி பாளியங் சே²கோ. நிருத்திகுஸலோதி நிருத்திவசனேஸு சே²கோ. ப்யஞ்ஜனகுஸலோதி அக்க²ரப்பபே⁴தே³ சே²கோ. புப்³பா³பரகுஸலோதி அத்த²புப்³பா³பரங், த⁴ம்மபுப்³பா³பரங், அக்க²ரபுப்³பா³பரங், ப்யஞ்ஜனபுப்³பா³பரங், அனுஸந்தி⁴புப்³பா³பரந்தி இமஸ்மிங் பஞ்சவிதே⁴ புப்³பா³பரே சே²கோ. தத்த² அத்த²புப்³பா³பரகுஸலோதி ஹெட்டா² அத்தே²ன உபரி அத்த²ங் ஜானாதி, உபரி அத்தே²ன ஹெட்டா² அத்த²ங் ஜானாதி. கத²ங்? ஸோ ஹி ஹெட்டா² அத்த²ங் ட²பெத்வா உபரி அத்தே² வுத்தே “ஹெட்டா² அத்தோ² அத்தீ²”தி ஜானாதி. உபரி

அத்த²ங் ட²பெத்வா ஹெட்டா² அத்தே² வுத்தேபி “உபரி அத்தோ² அத்தீ²”தி ஜானாதி. உப⁴தோ ட²பெத்வா மஜ்ஜே² அத்தே² வுத்தே “உப⁴தோ அத்தோ² அத்தீ²”தி ஜானாதி. மஜ்ஜே² அத்த²ங் ட²பெத்வா உப⁴தோபா⁴கே³ஸு அத்தே² வுத்தே “மஜ்ஜே² அத்தோ² அத்தீ²”தி ஜானாதி. த⁴ம்மபுப்³பா³பராதி³ஸுபி ஏஸேவ நயோ. அனுஸந்தி⁴புப்³பா³பரே பன ஸீலங் ஆதி³ங் கத்வா ஆரத்³தே⁴ ஸுத்தந்தே மத்த²கே ச²ஸு அபி⁴ஞ்ஞாஸு ஆக³தாஸு “யதா²னுஸந்தி⁴ங் யதா²னுபரிச்சே²த³ங் ஸுத்தந்தோ க³தோ”தி ஜானாதி. தி³ட்டி⁴வஸேன ஆரத்³தே⁴ உபரி ஸச்சேஸு ஆக³தேஸுபி “யதா²னுஸந்தி⁴னா க³தோ”தி ஜானாதி. கலஹப⁴ண்ட³னவஸேன ஆரத்³தே⁴ உபரி ஸாரணியத⁴ம்மேஸு ஆக³தேஸுபி, த³வத்திங்ஸதிர்ச்சா²னகதா²வஸேன ஆரத்³தே⁴ உபரி த³ஸகதா²வத்தூ²ஸு (அ. நி. 10.69; உதா³.31) ஆக³தேஸுபி “யதா²னுஸந்தி⁴னா க³தோ”தி ஜானாதி.

10. ப⁴த³ஜிஸுத்தவண்ணனா

170. த³ஸமே அபி⁴பூ⁴தி அபி⁴ப⁴வித்வா டி²தோ ஜெட்ட²கோ. அனபி⁴பூ⁴தோதி அஞ்ஞேஹி அனபி⁴பூ⁴தோ. அஞ்ஞத³த்தூ²தி ஏகங்ஸவசனே நிபாதோ. த³ஸ்ஸனவஸேன த³ஸோ, ஸப்³பங் பஸ்ஸதீதி அதி⁴ப்பாயோ. வஸவத்தீதி ஸப்³பங் ஜனங் வஸே வத்தேதி. யதா² பஸ்ஸதோதி இட்டா²ரம்மணங் வா ஹோது அனிட்டா²ரம்மணங் வா , யேனாகாரேன தங் பஸ்ஸந்தஸ்ஸ. அனந்தரா ஆஸவானங் க²யோ ஹோதீதி அனந்தராயேவ அரஹத்தங் உப்பஜ்ஜதி. யதா² ஸுணதோதி எத்தா²பி ஏஸேவ நயோ. அத² வா யங் சக்கு²னா ரூபங் தி³ஸ்வா நிரந்தரமேவ விபஸ்ஸனங் பட்ட²பெத்வா அரஹத்தங் பாபுணாதி, தங் தஸ்ஸ அரஹத்தங் சக்கு²விஞ்ஞாணானந்தரங் நாம ஹோதி. தங் ஸந்தா⁴ய வுத்தங் - இத³ங் த³ஸ்ஸனானங் அக்³க³ந்தி. து³தியபதே³பி ஏஸேவ நயோ.

யதா² ஸுகி²தஸ்ஸாதி யேன மக்³க³ஸுகே²ன ஸுகி²தஸ்ஸ. அனந்தரா ஆஸவானங் க²யோ ஹோதீதி ஸமனந்தரமேவ அரஹத்தங் உப்பஜ்ஜதி. இத³ங் ஸுகா²னங் அக்³க³ந்தி இத³ங் மக்³க³ஸுக²ங் ஸுகா²னங் உத்தமங். யதா² ஸஞ்ஞிஸ்ஸாதி இதா⁴பி மக்³க³ஸஞ்ஞாவ அதி⁴ப்பேதா. யதா² பூ⁴தஸ்ஸாதி யஸ்மிங் ப⁴வே யஸ்மிங் அத்தபா⁴வே டி²தஸ்ஸ. அனந்தராதி அனந்தராயேன அரஹத்தங் உப்பஜ்ஜதி. இத³ங் ப⁴வானங் அக்³க³ந்தி அயங் பச்சி²மோ அத்தபா⁴வோ ப⁴வானங் அக்³க³ங் நாம. அத² வா யதா² பூ⁴தஸ்ஸாதி யேஹி க²ந்தே⁴ஹி மக்³க³க்க²ணே பூ⁴தஸ்ஸ விஜ்ஜமானஸ்ஸ. அனந்தரா ஆஸவானங் க²யோ ஹோதீதி மக்³கா³னந்தரமேவ ப²லங் உப்பஜ்ஜதி. இத³ங் ப⁴வானங் அக்³க³ந்தி இத³ங் மக்³க³க்க²ணே க²ந்த⁴பஞ்சகங் ப⁴வானங் அக்³க³ங் நாமாதி.

ஆகா⁴தவக்³கோ³ து³தியோ.

(18) 3. உபாஸகவக்³கோ³

1-3. ஸாரஜ்ஜஸுத்தாதி³வண்ணனா

171-173. ததியஸ்ஸ பட²மது³தியத்தியேஸு அகா³ரியப்படிபத்தி கதி²தா.
ஸோதாபன்னஸகதா³கா³மினோபி ஹொந்து, வட்டந்தியேவ.

4. வேரஸுத்தவண்ணனா

174. சதுத்தே² ப⁴யானீதி சித்துத்ராஸப⁴யானி. வேரானீதி
அகுஸலவேரானிபி புக்³க³லவேரானிபி . சேதஸிகந்தி சித்தனிஸ்ஸிதங்.
து³க்க²ந்தி காயபஸாத³வத்து²கங் து³க்க²ங். தோ³மனஸ்ஸந்தி
தோ³மனஸ்ஸவேத³னங். இமஸ்மிங் ஸுத்தே விரதிபஹானங் கதி²தங்.

5. சண்டா³லஸுத்தவண்ணனா

175. பஞ்சமே உபாஸகபதிசுட்டோ²தி உபாஸகபச்சி²மகோ.
கோதூஹலமங்க³லிகோதி “இமினா இத³ங் ப⁴விஸ்ஸதீ”தி ஏவங் பவத்தத்தா
கோதூஹலஸங்கா²தேன தி³ட்ட²ஸுதமுதமங்க³லேன ஸமன்னாக³தோ.
மங்க³லங் பச்சேதி நோ கம்மந்தி மங்க³லங் ஒலோகேதி, கம்மங் ந
ஒலோகேதி. இதோ ச ப³ஹித்தா⁴தி இமம்ஹா ஸாஸனா ப³ஹித்தா⁴.
புப்பகாரங் கரோதீதி தா³னாதி³கங் குஸலகிச்சங் பட²மதரங் கரோதி.

6. பீதிஸுத்தவண்ணனா

176. ச²ட்டே² கிந்தி மயந்தி கேன நாம உபாயேன மயங். பவிவேகங் பீதிந்தி
பட²மது³தியஜ்ஜா²னானி நிஸ்ஸாய உப்பஜ்ஜனகபீதிங். காமுபஸங்ஹிதந்தி
காமனிஸ்ஸிதங் து³விதே⁴ காமே ஆரப்³ப⁴ உப்பஜ்ஜனகங்.
அகுஸலூபஸங்ஹிதந்தி “மிக³ஸுகராத³யோ விஜ்ஜி²ஸ்ஸாமீ”தி ஸரங்
கி²பித்வா தஸ்மிங் விரத³தே⁴ “விரத³த⁴ங் மயா”தி ஏவங் அகுஸலே
நிஸ்ஸாய உப்பஜ்ஜனகங். தாதி³ஸேஸு பன டா²னேஸு அவிரஜ்ஜ²ந்தஸ்ஸ
“ஸுட்டு² மே வித்³த⁴ங், ஸுட்டு² மே பஹட”ந்தி உப்பஜ்ஜனகங்
அகுஸலூபஸங்ஹிதங் ஸுக²ங் ஸோமனஸ்ஸங் நாம.
தா³னாதி³உபகரணானங் அஸம்பத்தியா உப்பஜ்ஜமானங் பன
குஸலூபஸங்ஹிதங் து³க்க²ங் தோ³மனஸ்ஸந்தி வேதி³தப்³ப³ங்.

7. வணிஜ்ஜாஸுத்தவண்ணனா

177. ஸத்தமே வணிஜ்ஜாதி வாணிஜகம்மானி. உபாஸகேனாதி
திஸரணக³தேன. ஸத்த²வணிஜ்ஜாதி ஆவுத⁴ப⁴ண்ட³ங் காரெத்வா தஸ்ஸ

விக்கயோ. ஸத்தவணிஜ்ஜாதி மனுஸ்ஸவிக்கயோ. மங்ஸவணிஜ்ஜாதி ஸுகரமிகா³த³யோ போஸெத்வா தேஸங் விக்கயோ. மஜ்ஜவணிஜ்ஜாதி யங்கிஞ்சி மஜ்ஜங் காரெத்வா தஸ்ஸ விக்கயோ. விஸவணிஜ்ஜாதி விஸங் காரெத்வா தஸ்ஸ விக்கயோ. இதி ஸப்³ப³ம்பி இமங் வணிஜ்ஜங் நேவ அத்தனா காதுங், ந பரே ஸமாத³பெத்வா காரேதுங் வட்டதி.

8. ராஜஸுத்தவண்ணனா

178. அட்ட²மே பப்³பா³ஜெந்தீதி ரட்ட²ம்ஹா பப்³பா³ஜெந்தி. யதா²பச்சயங் வா கரொந்தீதி யதா²தி⁴ப்பாயங் யதா²ஜ்ஜா²ஸயங் கரொந்தி. ததே²வ பாபகம்மங் பவேதெ³ந்தீதி யதா² தேன கதங், தங் ததே²வ அஞ்ஞேஸங் ஆரோசெந்தி கதெ²ந்தி.

9. கி³ஹிஸுத்தவண்ணனா

179. நவமே ஸங்வுதகம்மந்தந்தி பிஹிதகம்மந்தங். ஆபி⁴சேதஸிகானந்தி உத்தமசித்தனிஸ்ஸிதானங். தி³ட்ட²த⁴ம்மஸுக²விஹாரானந்தி பச்சக்கே²யேவ த⁴ம்மே பவத்திக்க²ணே ஸுக²விஹாரானங். அரியகந்தேஹீதி அரியானங் கந்தேஹி மக்³க³ப²லஸ்ஸீலேஹி.

அரியத⁴ம்மங் ஸமாதா³யாதி எத்த² அரியத⁴ம்மோதி பஞ்ச ஸீலானி கதி²தானி. மேரயங் வாருணிந்தி சதுப்³பி³த⁴ங் மேரயங் பஞ்சவித⁴ஞ்ச ஸுரங். த⁴ம்மஞ்சானுவிதக்கயேதி நவவித⁴ங் லோகுத்தரத⁴ம்மங் அனுஸ்ஸதிவஸேனேவ விதக்கெய்ய. அப்³யாபஜ்ஜங் ஹிதங் சித்தந்தி நித்³து³க்க²ங் மெத்தாதி³ப்³ரஹ்மவிஹாரசித்தங். தே³வலோகாய பா⁴வயேதி ப்³ரஹ்மலோகத்தா²ய பா⁴வெய்ய. புஞ்ஞத்த²ஸ்ஸ ஜிகீ³ஸதோதி புஞ்ஞேன அத்தி²கஸ்ஸ புஞ்ஞங் க³வேஸந்தஸ்ஸ. ஸந்தேஸுதி பு³த்³த⁴பச்சேகபு³த்³த⁴ததா²க³தஸாவகேஸு. விபுலா ஹோதி த³க்கி²ணாதி ஏவங் தி³ன்னதா³னங் மஹப்ப²லங் ஹோதி. அனுபுப்³பே³னாதி ஸீலபூரணாதி³னா அனுக்கமேன. ஸேஸங் திகனிபாதே வுத்தத்த²மேவ.

10. க³வேஸீஸுத்தவண்ணனா

180. த³ஸமே ஸிதங் பாத்வாகாஸீதி மஹாமக்³கே³னேவ க³ச்ச²ந்தோ தங் ஸாலவனங் ஒலோகெத்வா “அத்தி² நு கோ² இமஸ்மிங் டா²னே கிஞ்சி ஸுகாரணங் உப்பன்னபுப்³ப³”ந்தி அத்³த³ஸ கஸ்ஸபபு³த்³த⁴காலே க³வேஸினா உபாஸகேன கதங் ஸுகாரணங். அத²ஸ்ஸ ஏதத³ஹோஸி - “இத³ங் ஸுகாரணங் பி⁴க்கு²ஸங்க⁴ஸ்ஸ அபாகடங் படிச்ச²ன்னங், ஹந்த³ நங் பி⁴க்கு²ஸங்க⁴ஸ்ஸ பாகடங் கரோமீ”தி மக்³கா³ ஓக்கம்ம அஞ்ஞதரஸ்மிங் பதே³ஸே டி²தோவ ஸிதபாதுகம்மங் அகாஸி, அக்³க³க³த³ந்தே த³ஸ்ஸெத்வா

மந்த³ஹஸிதங் ஹஸி . யதா² ஹி லோகியமனுஸ்ஸா உத³ரங் பஹரந்தா
“கஹங் கஹ”ந்தி ஹஸந்தி, ந ஏவங் பு³த³தா⁴. பு³த³தா⁴னங் பன ஹஸிதங்
ஹட்ட²பஹட்டா²காரமத்தமேவ ஹோதி.

ஹஸிதஞ்ச நாமேதங் தேரஸஹி ஸோமனஸ்ஸஸஹக³தசித்தேஹி
ஹோதி. தத்த² லோகியமஹாஜனோ அகுஸலதோ சதூஹி,
காமாவசரகுஸலதோ சதூஹீதி அட்ட²ஹி சித்தேஹி ஹஸதி, ஸேகா²
அகுஸலதோ தி³ட்டி²க³தஸம்பயுத்தானி த்³வே அபனெத்வா ச²ஹி சித்தேஹி
ஹஸந்தி, கீ²ணாஸவா சதூஹி ஸஹேதுககிரியசித்தேஹி, ஏகேன
அஹேதுககிரியசித்தேனாதி பஞ்சஹி சித்தேஹி ஹஸந்தி. தேஸுபி
ப³லவாரம்மணே ஆபாத²மாக³தே த்³வீஹி ஞாணஸம்பயுத்தசித்தேஹி ஹஸந்தி,
து³ப³ப³லாரம்மணே து³ஹேதுகசித்தத்³வயேன ச அஹேதுகசித்தேன சாதி தீஹி
சித்தேஹி ஹஸந்தி. இமஸ்மிங் பன டா²னே
கிரியாஹேதுகமனோவிஞ்ஞாணதா⁴துஸோமனஸ்ஸஸஹக³தசித்தங்
ப⁴க³வதோ பஹட்டா²காரமத்தஹஸிதங் உப்பாதே³தி.

தங் பனேதங் ஹஸிதங் ஏவங் அப்பமத்தகம்பி தே²ரஸ்ஸ பாகடங்
அஹோஸி. கத²ங்? ததா²ருபே ஹி காலே ததா²க³தஸ்ஸ சதூஹி தா³டா²ஹி
சாதுத்³தீ³பிகமஹாமேக⁴முக²தோ ஸமோஸரிதா விஜ்ஜுலதா விய
விரோசமானா மஹாதாலக்க²ந்த⁴ப்பமாணா ரஸ்மிவட்டியோ உட்ட²ஹித்வா
திக்க²த்துங் ஸிரவரங் பத³க்கி²ணங் கத்வா தா³ட²க்³கே³ஸுயேவ
அந்தரதா⁴யந்தி. தேன ஸஞ்ஞாணேன ஆயஸ்மா ஆனந்தோ³ ப⁴க³வதோ
பச்ச²தோ க³ச்ச²மானோபி ஸிதபாதுபா⁴வங் ஜானாதி.

இத்³த⁴ந்தி ஸமித்³த⁴ங். பீ²தந்தி அதிஸமித்³த⁴ங் ஸப்³ப³பாலிபு²ல்லங்
விய. ஆகிண்ணமனுஸ்ஸந்தி ஜனஸமாகுலங். ஸீலேஸு அபரிபூரகாரீதி
பஞ்சஸு ஸீலேஸு அஸமத்தகாரீ. படிதே³ஸிதானீதி உபாஸகபா⁴வங்
படிதே³ஸிதானி. ஸமாத³பிதானீதி ஸரணேஸு பதிட்டா²பிதானீதி அத்தோ².
இச்சேதங் ஸமஸமந்தி இதி ஏதங் காரணங் ஸப்³பா³காரதோ
ஸமபா⁴வேனேவ ஸமங், ந ஏகதே³ஸேன. நத்தி² கிஞ்சி அதிரேகந்தி மய்ஹங்
இமேஹி கிஞ்சி அதிரேகங் நத்தி². ஹந்தா³தி வவஸ்ஸக்³த்தே² நிபாதோ.
அதிரேகாயாதி விஸேஸகாரணத்தா²ய படிபஜ்ஜாமீதி அத்தோ². ஸீலேஸு
பரிபூரகாரிங் தா⁴ரேதா²தி பஞ்சஸு ஸீலேஸு ஸமத்தகாரீதி ஜானாத².
எத்தாவதா தேன பஞ்ச ஸீலானி ஸமாதி³ன்னானி நாம ஹொந்தி. கிமங்க³ பன
ந மயந்தி மயங் பன கேனேவ காரணேன பரிபூரகாரினோ ந ப⁴விஸ்ஸாம.
ஸேஸமெத்த² உத்தானமேவாதி.

உபாஸகவக்³கோ³ ததியோ.

(19) 4. அரஞ்ஞவக்³கோ³

1. ஆரஞ்ஞிகஸுத்தவண்ணனா

181. சதுத்த²ஸ்ஸ பட²மே மந்த³த்தா மோமுஹத்தாதி நேவ ஸமாதா³னங்
ஜானாதி, ந ஆனிஸங்ஸங். அத்தனோ பன மந்த³த்தா மோமுஹத்தா
அஞ்ஞாணேனேவ ஆரஞ்ஞகோ ஹோதி. பாபிச்சோ² இச்சா²பகதோதி “அரஞ்ஞே
மே விஹரந்தஸ்ஸ ‘அயங் ஆரஞ்ஞகோ’தி சதுபச்சயஸக்காரங் கரிஸ்ஸந்தி,
‘அயங் பி⁴க்கு² லஜ்ஜீ பவிவித்தோ’திஆதீ³ஹி ச கு³ணேஹி
ஸம்பா⁴வெஸ்ஸந்தீ”தி ஏவங் பாபிகாய இச்சா²ய ட²த்வா தாய ஏவ இச்சா²ய
அபி⁴பூ⁴தோ ஹுத்வா ஆரஞ்ஞகோ ஹோதி. உம்மாத³வஸேன அரஞ்ஞங்
பவிஸித்வா விஹரந்தோ பன உம்மாதா³ சித்தக்கே²பா ஆரஞ்ஞகோ நாம
ஹோதி. வண்ணிதந்தி இத³ங் ஆரஞ்ஞகங்க³ங் நாம பு³த்தே⁴ஹி ச
பு³த்த⁴ஸாவகேஹி ச வண்ணிதங் பஸத்த²ந்தி ஆரஞ்ஞகோ ஹோதி.
இத³மத்தி²தந்தி இமாய கல்யாணாய படிபத்தியா அத்தோ² ஏதஸ்ஸாதி
இத³மத்தீ², இத³மத்தி²னோ பா⁴வோ இத³மத்தி²தா. தங் இத³மத்தி²தங்யேவ
நிஸ்ஸாய, ந அஞ்ஞங் கிஞ்சி லோகாமிஸந்தி அத்தோ². ஸேஸமெத்த² இதோ
பரேஸு ச உத்தானத்த²மேவ.

அரஞ்ஞவக்³கோ³ சதுத்தோ².

(20) 5. ப்ராஹ்மணவக் கோ

1. ஸோணஸுத்தவண்ணனா

191. பஞ்சமஸ்ஸ படமே ப்ராஹ்மணதம்மமாதி ப்ராஹ்மணஸபாவா. ஸுனகேஸுதி குக்குரேஸு. நேவ கிணந்தி ந விக்किணந்தீதி ந க்ணஹந்தா கிணந்தி, ந ததந்தா விக்किணந்தி. ஸம்பியேனேவ ஸங்வாஸங் ஸங்பந்தாய ஸம்பவத்தெந்தீதி பியோ பியங் உபஸங்கமித்வா பவேணியா பந்தனத்தங் ஸங்வாஸங் பவத்தயந்தி . உதராவதேஹகந்தி உதரங் அவதிஹித்வா உபசினித்வா பூரெத்வா. அவஸேஸங் ஆதாய பக்கமந்தீதி யங் புஞ்ஜிதுங் ந ஸக்கொந்தி, தங் பண்டிகங் கத்வா க்ஹெத்வா கச்சந்தி. இமஸ்மிங் ஸுத்தே வட்டமேவ கதித்ங்.

2. தோணப்ராஹ்மணஸுத்தவண்ணனா

192. துதியே த்வம்பி நோதி த்வம்பி நு. பவத்தாரோதி பவத்தயிதாரோ. யேஸந்தி யேஸங் ஸந்தகங். மந்தபதந்தி வேதஸங்காதங் மந்தமேவ. கீதந்தி அட்டகாதீஹி தஸஹி போராணகப்ராஹ்மணேஹி ஸரஸம்பத்திவஸேன ஸஜ்ஜாயிதங். பவத்தந்தி அஞ்ஞேஸங் வுத்தங், வாசிதந்தி அத்தோ. ஸமீஹிதந்தி ஸமுபப்யுஹங் ராஸிகதங், பிண்டங் கத்வா டபிதந்தி அத்தோ. ததனுக்காயந்தீதி ஏதரஹி ப்ராஹ்மணா தங் தேஹி புப்பேஹி கீதங் அனுக்காயந்தி அனுஸஜ்ஜாயந்தி. ததனுபாஸந்தீதி தங் அனுபாஸந்தி. இதங் புரிமஸ்ஸேவ வேவசனங். பாஸிதமனுபாஸந்தீதி தேஹி பாஸிதங் அனுபாஸந்தி. ஸஜ்ஜாயிதமனுஸஜ்ஜாயந்தீதி தேஹி ஸஜ்ஜாயிதங் அனுஸஜ்ஜாயந்தி. வாசிதமனுவாசெந்தீதி தேஹி அஞ்ஞேஸங் வாசிதங் அனுவாசெந்தி. ஸெய்யதிதந்தி தே கதமேதி அத்தோ. அட்டகோதிஆதினீ தேஸங் நாமானி. தே கிர திப்பேன சக்குனா ஒலோகெத்வா பருபகாதங் அகத்வா கஸ்ஸபஸம்மாஸம்புத்தஸஸ பகவதோ பாவசனேன ஸஹ ஸங்ஸந்தெத்வா மந்தே கந்தேஸுங். அபராபரே பன ப்ராஹ்மணா பாணாதிபாதாதீனி பக்கிபித்வா தயோ வேதே பிந்தித்வா புத்தவசனேன ஸத்திங் விருத்தே அகங்ஸு. த்யாஸ்ஸுமேதி எத்த அஸ்ஸுதி நிபாதமத்தங், தே ப்ராஹ்மணா இமே பஞ்ச ப்ராஹ்மணே பஞ்ஞாபெந்தீதி அத்தோ.

மந்தே அதீயமானோதி வேதே ஸஜ்ஜாயந்தோ க்ணஹந்தோ. ஆசரியதனந்தி ஆசரியதக்கிணங் ஆசரியபாகங். ந இஸ்ஸத்தேனாதி ந யோதாஜீவகம்மேன உப்பாதேதி. ந ராஜபோரிஸேனாதி ந ராஜபட்டாகபாவேன. கேவலங் பிக்காசரியாயாதி ஸுத்தாய பிக்காசரியாய ஏவ. கபாலங் அனதிமஞ்ஞுமானோதி தங்

பி⁴க்கா²பா⁴ஜனங் அனதிமஞ்ஞமானோ. ஸோ ஹி புண்ணபத்தங் ஆதா³ய
ஸீஸங் ந்ஹாதோ குலத்³வாரேஸு ட²த்வா “அஹங் அட்ட²சத்தாலீஸ
வஸ்ஸானி கோமாரப்³ரஹ்மசரியங் சரிங், மந்தாபி மே க³ஹிதா, ஆசரியஸ்ஸ
ஆசரியத⁴னங் த³ஸ்ஸாமி, த⁴னங் மே தே³தா²”தி யாசதி. தங் ஸுத்வா
மனுஸ்ஸா யதா²ஸத்தி யதா²ப³லங் அட்ட²பி ஸோளஸபி ஸதம்பி
ஸஹஸ்ஸம்பி தெ³ந்தி. ஏவங் ஸகலகா³மங் சரித்வா லத்³த⁴த⁴னங்
ஆசரியஸ்ஸ நிய்யாதே³தி. தங் ஸந்தா⁴யேதங் வுத்தங். ஏவங் கோ² தோ³ண
ப்³ராஹ்மணோ ப்³ரஹ்மஸமோ ஹோதீதி ஏவங் ப்³ரஹ்மவிஹாரேஹி
ஸமன்னாக³தத்தா ப்³ராஹ்மணோ ப்³ரஹ்மஸமோ நாம ஹோதி.

நேவ கயேன ந விக்கயேனாதி நேவ அத்தனா கயங் கத்வா க³ண்ஹாதி, ந
பரேன விக்கயங் கத்வா தி³ன்னங். உத³கூபஸ்ஸட்ட²ந்தி உத³கேன
உபஸ்ஸட்ட²ங் பரிச்சத்தங். ஸோ ஹி யஸ்மிங் குலே வயப்பத்தா தா³ரிகா
அத்தி², க³ந்த்வா தஸ்ஸ த்³வாரே திட்ட²தி. “கஸ்மா டி²தோஸீ”தி வுத்தே
“அஹங் அட்ட²சத்தாலீஸ வஸ்ஸானி கோமாரப்³ரஹ்மசரியங் சரிங், தங்
ஸப்³பங் தும்ஹாகங் தே³மி, தும்ஹே மய்ஹங் தா³ரிகங் தே³தா²”தி வுத்தி. தே
தா³ரிகங் ஆனெத்வா தஸ்ஸ ஹத்தே² உத³கங் பாதெத்வா தெ³ந்தி. ஸோ தங்
உத³கூபஸ்ஸட்ட²ங் ப⁴ரியங் க³ண்ஹித்வா க³ச்ச²தி. அதிமீள்ஹஜோதி
அதிமீள்ஹே மஹாகூ³த²ராஸிம்ஹி ஜாதோ. தஸ்ஸ ஸாதி தஸ்ஸ ஏஸா. ந
த³வத்தா²தி ந கீளனத்தா². ந ரதத்தா²தி ந காமரதிஅத்தா². மேது²னங்
உப்பாதெ³த்வாதி தீ⁴தரங் வா புத்தங் வா உப்பாதெ³த்வா “இதா³னி பவேணி
க⁴டியிஸ்ஸதீ”தி நிக்க²மித்வா பப்³பஜதி. ஸுக³திங் ஸக்³ங் லோகந்தி
ப்³ரஹ்மலோகமேவ ஸந்தா⁴யேதங் வுத்தங். தே³வஸமோ ஹோதீதி
திப்³ப³விஹாரேஹி ஸமன்னாக³தத்தா தே³வஸமோ நாம ஹோதி.

தமேவ புத்தஸ்ஸாத³ங் நிகாமயமானோதி ய்வாஸ்ஸ தீ⁴தரங் வா புத்தங்
வா ஜாதங் தி³ஸ்வா புத்தபேமங் புத்தஸ்ஸாதோ³ உப்பஜ்ஜதி, தங்
பத்த²யமானோ இச்ச²மானோ. குடும்ப³ங் அஜ்ஜா²வஸதீதி குடும்ப³ங்
ஸண்ட²பெத்வா குடும்ப³மஜ்ஜே² வஸதி. ஸேஸமெத்த² உத்தானமேவாதி.

3. ஸங்கா³ரவஸுத்தவண்ணனா

193. ததியே பகே³வாதி பட²மஞ்ஞேவ. காமராக³பரியுட்டி²தேனாதி
காமராக³க்³ஹிதேன. காமராக³பரேதேனாதி காமராக³னுக்³தேன.
நிஸ்ஸரணந்தி திவித⁴ங் காமராக³ஸ்ஸ நிஸ்ஸரணங்
விக்க²ம்ப⁴னநிஸ்ஸரணங், தத³ங்க³னிஸ்ஸரணங், ஸமுச்சே²த³னிஸ்ஸரணந்தி.
தத்த² அஸுபே⁴ பட²மஜ்ஜா²னங் விக்க²ம்ப⁴னநிஸ்ஸரணங் நாம,
விபஸ்ஸனா தத³ங்க³னிஸ்ஸரணங் நாம, அரஹத்தமக்³கோ³
ஸமுச்சே²த³னிஸ்ஸரணங் நாம. தங் திவித⁴ம்பி நப்பஜானாதீதி அத்தோ².

அத்தத்த²மபீதிஆதீ³ஸு அரஹத்தஸங்கா²தோ அத்தனோ அத்தோ² அத்தத்தோ² நாம, பச்சயதா³யகானங் அத்தோ² பரத்தோ² நாம, ஸ்வேவ து³விதோ⁴ உப⁴யத்தோ² நாம. இமினா நயேன ஸப்³பவாரேஸு அத்தோ² வேதி³தப்³போ³.

அயங் பன விஸேஸோ - ப்யாபாத³ஸ்ஸ நிஸ்ஸரணந்திஆதீ³ஸு ஹி த்³வேவ நிஸ்ஸரணானி விக்க²ம்ப⁴னநிஸ்ஸரணஞ்ச ஸமுச்சே²த³னிஸ்ஸரணஞ்ச. தத்த² ப்யாபாத³ஸ்ஸ தாவ மெத்தாய பட²மஜ்ஜா²னங் விக்க²ம்ப⁴னநிஸ்ஸரணங் நாம, அனாகா³மிமக்³கோ³ ஸமுச்சே²த³னிஸ்ஸரணங், தி²னமித்³த⁴ஸ்ஸ ஆலோகஸஞ்ஞா விக்க²ம்ப⁴னநிஸ்ஸரணங் , அரஹத்தமக்³கோ³ ஸமுச்சே²த³னிஸ்ஸரணங். உத்³த⁴ச்சகுக்குச்சஸ்ஸ யோ கோசி ஸமதோ² விக்க²ம்ப⁴னநிஸ்ஸரணங், உத்³த⁴ச்சஸ்ஸ பனெத்த² அரஹத்தமக்³கோ³, குக்குச்சஸ்ஸ அனாகா³மிமக்³கோ³ ஸமுச்சே²த³னிஸ்ஸரணங். விசிகிச்சா²ய த⁴ம்மவவத்தா²னங் விக்க²ம்ப⁴னநிஸ்ஸரணங், பட²மமக்³கோ³ ஸமுச்சே²த³னிஸ்ஸரணங்.

யா பனெத்த² ஸெய்யதா²பி, ப்ராஹ்மண, உத³பத்தோ ஸங்ஸட்டோ² லாகா²ய வாதிஆதி³கா உபமா வுத்தா, தாஸு உத³பத்தோதி உத³கப்⁴ரிதா பாதி. ஸங்ஸட்டோ²தி வண்ணபே⁴த³கரணவஸேன ஸங்ஸட்டோ². உக்குதி⁴தோதி குதி⁴தோ. உஸ்ஸத³கஜாதோதி உஸுமகஜாதோ. ஸேவாலபணகபரியோனத்³தோ⁴தி திலபீஜகாதி³பே⁴தே³ன ஸேவாலேன வா நீலமண்டு³கபிட்டி²வண்ணேன வா உத³கபிட்டி²ங் சா²தெ³த்வா நிப்³பத்தேன பணகேன பரியோனத்³தோ⁴. வாதேரிதோதி வாதேன ஏரிதோ கம்பிதோ. ஆவிலோதி அப்பஸன்னோ. லுளிதோதி அஸன்னிஸின்னோ. கலலீபூ⁴தோதி கத்³த³மீபூ⁴தோ. அந்த⁴காரே நிக்கி²த்தோதி கொட்ட²கந்தராதி³பே⁴தே³ அனாலோகட்டா²னே ட²பிதோ. இமஸ்மிங் ஸுத்தே ப⁴க³வா தீஹி ப⁴வேஹி தே³ஸனங் நிவட்டெத்வா அரஹத்தனிகூடேன நிட்ட²பேஸி, ப்ராஹ்மணோ பன ஸரணமத்தே பதிட்டி²தோதி.

4. காரணபாலீஸுத்தவண்ணனா

194. சதுத்தே² காரணபாலீதி பாலோதி தஸ்ஸ நாமங், ராஜகுலானங் பன கம்மந்தே காரேதீதி காரணபாலீ நாம ஜாதோ. கம்மந்தங் காரேதீதி பாதோவ உட்டா²ய த்³வாரட்டாலகபாகாரே அகதே காரேதி, ஜிண்ணே படிஜக்³கா³பேதி. பிங்கி³யானிங் ப்ராஹ்மணந்தி ஏவங்னாமகங் அனாகா³மிப²லே பதிட்டி²தங் அரியஸாவகங் ப்ராஹ்மணங். ஸோ கிர பாதோவ உட்டா²ய க³ந்த⁴மாலாதீ³னி கா³ஹாபெத்வா ஸத்து² ஸந்திகங் க³ந்த்வா வந்தி³த்வா க³ந்த⁴மாலாதீ³ஹி பூஜெத்வா நக³ரங் ஆக³ச்ச²தி, இத³ங் ப்ராஹ்மணஸ்ஸ தே³வஸிகங் வத்தந்தி. தங் ஸோ ஏவங் வத்தங் கத்வா ஆக³ச்ச²ந்தங் அத்³த³ஸ. ஏதத³வோசாதி “அயங்

ப்ராஹ்மணோ பஞ்சுவா ஞாணுத்தரோ, கஹங் நு கோ² பாதோவ க³ந்த்வா ஆக³ச்ச²தீ²தி சிந்தெத்வா அனுக்கமேன ஸந்திகங் ஆக³தங் ஸஞ்ஜானித்வா “ஹந்த³ குதோ நு”திஆதி³வசனங் அவோச.

தத்த² தி³வா தி³வஸ்ஸாதி தி³வஸ்ஸாபி தி³வா, மஜ்ஜ²ன்ஹிககாலேதி அத்தோ². பண்டி³தோ மஞ்ஞேதி ப்⁴வங் பிங்கி³யானீ ஸமணங் கோ³தமங் பண்டி³தோதி மஞ்ஞதி, உதா³ஹு நோதி அயமெத்த² அத்தோ². கோ சாஹங், போ⁴தி, போ⁴, ஸமணஸ்ஸ கோ³தமஸ்ஸ பஞ்ஞாவெய்யத்தியஜானநே அஹங் கோ நாம? கோ ச ஸமணஸ்ஸ கோ³தமஸ்ஸ பஞ்ஞாவெய்யத்தியங் ஜானிஸ்ஸாமீதி குதோ சாஹங் ஸமணஸ்ஸ கோ³தமஸ்ஸ பஞ்ஞாவெய்யத்தியங் ஜானிஸ்ஸாமி, கேன நாம காரணேன ஜானிஸ்ஸாமீதி ஏவங் ஸப்³ப³தா²பி அத்தனோ அஜானநபா⁴வங் தீ³பேதி. ஸோபி நூனஸ்ஸ தாதி³ஸோவாதி யோ ஸமணஸ்ஸ கோ³தமஸ்ஸ பஞ்ஞாவெய்யத்தியங் ஜானெய்ய, ஸோபி நூன த³ஸ பாரமியோ பூரெத்வா ஸப்³ப³ஞ்ஞுதங் பத்தோ தாதி³ஸோ பு³த்தோ⁴யேவ ப்⁴வெய்ய. ஸினேருங் வா ஹி பத²விங் வா ஆகாஸங் வா பமேதுகாமேன தப்பமானோ த³ண்டோ³ வா ரஜ்ஜு வா லத்³து⁴ங் வட்டதி, ஸமணஸ்ஸ கோ³தமஸ்ஸ பஞ்ஞங் ஜானந்தேனபி தஸ்ஸ ஞாணஸதி³ஸமேவ ஸப்³ப³ஞ்ஞுதஞ்ஞாணங் லத்³து⁴ங் வட்டதீதி தீ³பேதி. ஆத³ரவஸேன பனெத்த² ஆமேடி³தங் கதங். உளாராயாதி உத்தமாய ஸெட்டா²ய. கோ சாஹங், போ⁴தி, போ⁴, அஹங் ஸமணஸ்ஸ கோ³தமஸ்ஸ பஸங்ஸனே கோ நாம. கோ ச ஸமணங் கோ³தமங் பஸங்ஸிஸ்ஸாமீதி கேன காரணேன பஸங்ஸிஸ்ஸாமி.

பஸத்த²ப்பஸத்தோ²தி ஸப்³ப³கு³ணானங் உபரி சரேஹி ஸப்³ப³லோகபஸத்தே²ஹி அத்தனோ கு³ணேஹேவ பஸத்தோ², ந தஸ்ஸ அஞ்ஞேஹி பஸங்ஸனகிச்சங் அத்தி². யதா² ஹி சம்பகபுப்ப²ங் வா நீலுப்பலங் வா பது³மங் வா லோஹிதசந்த³னங் வா அத்தனோ வண்ணக³ந்த⁴ஸிரியாவ பாஸாதி³கஞ்சேவ ஸுக³ந்த⁴ஞ்ச, ந தஸ்ஸ ஆக³ந்துகேஹி வண்ணக³ந்தே⁴ஹி தோ²மனகிச்சங் அத்தி². யதா² ச மணிரதனங் வா சந்த³மண்ட³லங் வா அத்தனோ ஆலோகேனேவ ஓபா⁴ஸதி, ந தஸ்ஸ அஞ்ஞேன ஓபா⁴ஸனகிச்சங் அத்தி², ஏவங் ஸமணோ கோ³தமோ ஸப்³ப³லோகபஸத்தே²ஹி அத்தனோ கு³ணேஹேவ பஸத்தோ² தோ²மிதோ, ஸப்³ப³லோகஸ்ஸ ஸெட்ட²தங் பாபிதோ. ந தஸ்ஸ அஞ்ஞேன பஸங்ஸனகிச்சங் அத்தி².

பஸத்தே²ஹி வா பஸத்தோ²திபி பஸத்த²ப்பஸத்தோ². கே பன பஸத்தா² நாம? ராஜா பஸேனதி³ கோஸலோ காஸிகோஸலவாஸிகேஹி பஸத்தோ², பி³ம்பி³ஸாரோ அங்க³மக³த⁴வாஸீஹி, வேஸாலிகா லிச்ச²வீ வஜ்ஜிதட்ட²வாஸீஹி பஸத்தா², பாவெய்யகா மல்லா கோஸினாரகா மல்லா

அஞ்ஞேபி தே தே க²த்தியா தேஹி தேஹி ஜானபதே³ஹி பஸத்தா²,
சங்கிஆத³யோ ப்³ராஹ்மணா ப்³ராஹ்மணக³ணேஹி, அனாத²பிண்டி³காத³யோ
உபாஸகா உபாஸகக³ணேஹி, விஸாகா²ஆதி³கா உபாஸிகா அனேகஸதாஹி
உபாஸிகாஹி, ஸகுலுதா³யிஆத³யோ பரிப்³பா³ஜகா அனேகேஹி
பரிப்³பா³ஜகஸதேஹி, உப்பலவண்ணத்தே²ரிஆதி³கா மஹாஸாவிசா
அனேகேஹி பி⁴க்கு²னிஸதேஹி, ஸாரிபுத்தத்தே²ராத³யோ மஹாதே²ரா
அனேகஸதேஹி பி⁴க்கூ²ஹி, ஸக்காத³யோ தே³வா அனேகஸஹஸ்ஸேஹி
தே³வேஹி, மஹாப்³ரஹ்மாத³யோ ப்³ரஹ்மானோ அனேகஸஹஸ்ஸேஹி
ப்³ரஹ்மேஹி பஸத்தா². தே ஸப்³பே³பி த³ஸப³லங் தோ²மெந்தி வண்ணெந்தி
பஸங்ஸந்தீதி ப⁴க³வா “பஸத்த²ப்பஸத்தோ²”தி வுச்சதி. அத்த²வஸந்தி
அத்தா²னிஸங்ஸங்.

அத²ஸ்ஸ ஸோ அத்தனோ பஸாத³காரணங் ஆசிக்க²ந்தோ ஸெய்யதா²பி,
போ⁴, புரிஸோதிஆதி³மாஹ. தத்த² அக்³க³ரஸபரிதித்தோதி
போ⁴ஜனரஸேஸு பாயாஸோ ஸ்னேஹரஸேஸு கோ³ஸப்பி,
கஸாவரஸேஸு கு²த்த³கமது⁴ அனேளகங், மது⁴ரரஸேஸு ஸக்கராதி
ஏவமாத³யோ அக்³க³ரஸா நாம. தேஸு யேன கேனசி பரிதித்தோ
ஆகண்ட²ப்பமாணங் பு⁴ஞ்ஜித்வா டி²தோ. அஞ்ஞேஸங் ஹீனானந்தி
அக்³க³ரஸேஹி அஞ்ஞேஸங் ஹீனரஸானங். ஸுத்தஸோதி ஸுத்ததோ,
ஸுத்தபா⁴வேனாதி அத்தோ². ஸேஸுபி ஏஸேவ நயோ. ததோ ததோதி
ஸுத்தாதீ³ஸு ததோ ததோ. அஞ்ஞேஸங்
புது²ஸமணப்³ராஹ்மணாப்பவாதா³னந்தி யே அஞ்ஞேஸங் புது²னங்
ஸமணப்³ராஹ்மணானங் லத்³தி⁴ஸங்கா²தப்பவாதா³, தேஸங். ந பிஹேதீதி ந
பத்தே²தி, தே கதி²யமானே ஸோதும்பி ந இச்ச²தி.
ஜிக⁴ச்சா²து³ப்³ப³ல்யபரேதோதி ஜிக⁴ச்சா²ய சேவ து³ப்³ப³லபா⁴வேன ச
அனுக³தோ. மது⁴பிண்டி³கந்தி ஸாலிபிட்ட²ங் ப⁴ஜ்ஜித்வா சதுமது⁴ரேன
யோஜெத்வா கதங் ப³த்³த⁴ஸத்துபிண்டி³கங், மது⁴ரபுவமேவ வா.
அதி⁴க³ச்செ²ய்யாதி லபெ⁴ய்ய. அஸேசனகந்தி மது⁴ரபா⁴வகரணத்தா²ய
அஞ்ஞேன ரஸேன அனாஸித்தகங் ஓஜவந்தங் பணீரஸங்.

ஹரிசந்த³னஸ்ஸாதி ஸுவண்ணவண்ணசந்த³னஸ்ஸ.
லோஹிதசந்த³னஸ்ஸாதி ரத்தவண்ணசந்த³னஸ்ஸ. ஸுரபி⁴க³ந்த⁴ந்தி
ஸுக³ந்த⁴ங். த்³ரதா²த³யோ வட்டத³ரதா², வட்டகிலமதா², வட்டபரிளாஹா ஏவ.
உதா³னங் உதா³னேஸீதி உதா³ஹாரங் உதா³ஹரி. யதா² ஹி யங் தேலங்
மானங் க³ஹேதுங் ந ஸக்கோதி, விஸ்ஸந்தி³த்வா க³ச்ச²தி, தங் அவஸேகோதி
வுச்சதி. யஞ்ச ஜலங் தளாகங் க³ஹேதுங் ந ஸக்கோதி, அஜ்ஜோ²த்த²ரித்வா
க³ச்ச²தி, தங் ஓகோ⁴தி வுச்சதி. ஏவமேவங் யங் பீதிவசனங் ஹத³யங்
க³ஹேதுங் ந ஸக்கோதி, அதி⁴கங் ஹுத்வா அந்தோ அஸண்ட²ஹித்வா ப³ஹி

நிக்க²மதி, தங் உதா³னந்தி வுச்சதி. ஏவருபங் பீதிமயவசனங் நிச்சா²ரேஸீதி அத்தோ².

5. பிங்கி³யானீஸுத்தவண்ணனா

195. பஞ்சமே நீலாதி இத³ங் ஸப்³ப³ஸங்கா³ஹிகங். நீலவண்ணாதிஆதி³ தஸ்ஸேவ விபா⁴க³த³ஸ்ஸனங். தத்த² ந தேஸங் பகதிவண்ணோ நீலோ, நீலவிலேபனவிலித்தத்தா பனேதங் வுத்தங். நீலவத்தா²தி படது³கூலகோஸெய்யாதீ³னிபி தேஸங் நீலானேவ ஹொந்தி. நீலாலங்காராதி நீலமணீஹி நீலபுப்பே²ஹி அலங்கதா, தேஸங் ஹத்தா²லங்கார- அஸ்ஸாலங்கார-ரதா²லங்கார-ஸாணிவிதானகஞ்சகாபி ஸப்³பே³ நீலாயேவ ஹொந்தி. இமினா நயேன ஸப்³ப³பதே³ஸு அத்தோ² வேதி³தப்³போ³.

பது³மங் யதா²தி யதா² ஸதபத்தங் ரத்தபது³மங். கோகனத³ந்தி தஸ்ஸேவ வேவசனங். பாதோதி பகே³வ ஸுரியுக்³மனகாலே . ஸியாதி ப⁴வெய்ய. அவீதக³ந்த⁴ந்தி அவிக³தக³ந்த⁴ங். அங்கீ³ரஸந்தி ப⁴க³வதோ அங்க³மங்கே³ஹி ரஸ்மியோ நிச்ச²ரந்தி, தஸ்மா அங்கீ³ரஸோதி வுச்சதி. தபந்தமாதி³ச்சமிவந்தலிக்கே²தி த்³விஸஹஸ்ஸதீ³பபரிவாரேஸு சதூஸு மஹாதீ³பேஸு ஆலோககரணவஸேன அந்தலிக்கே² தபந்தங் ஆதி³ச்சங் விய விரோசமானங். அங்கீ³ரஸங் பஸ்ஸாதி அத்தானமேவ வா மஹாஜனங் வா ஸந்தா⁴ய ஏவங் வத³தி.

6. மஹாஸுபினஸுத்தவண்ணனா

196. ச²ட்டே² மஹாஸுபினாதி மஹந்தேஹி புரிஸேஹி பஸ்ஸிதப்³ப³தோ மஹந்தானஞ்ச அத்தா²னங் நிமித்தபா⁴வதோ மஹாஸுபினா. பாதுரஹேஸுந்தி பாகடா அஹேஸுங். தத்த² ஸுபினங் பஸ்ஸந்தோ சதூஹி காரணேஹி பஸ்ஸதி தா⁴துக்கோ²ப⁴தோ வா அனுபு⁴தபு³ப³தோ வா தே³வதோபஸங்ஹாரதோ வா பு³ப³னிமித்ததோ வாதி.

தத்த² பித்தாதீ³னங் கோ²ப⁴கரணபச்சயப்பயோகே³ன கு²பி⁴ததா⁴துகோ தா⁴துக்கோ²ப⁴தோ ஸுபினங் பஸ்ஸதி. பஸ்ஸந்தோ ச நானாவித⁴ங் ஸுபினங் பஸ்ஸதி பப்³ப³தா பதந்தோ விய, ஆகாஸேன க³ச்ச²ந்தோ விய, வாளமிக³ஹத்தி²சோராதி³ஹி அனுப³த³தோ⁴ விய ச. அனுபு⁴தபு³ப³தோ பஸ்ஸந்தோ பு³பே³ அனுபு⁴தபு³ப³ங் ஆரம்மணங் பஸ்ஸதி. தே³வதோபஸங்ஹாரதோ பஸ்ஸந்தஸ்ஸ தே³வதா அத்த²காமதாய வா அனத்த²காமதாய வா அத்தா²ய வா அனத்தா²ய வா நானாவிதா⁴னி ஆரம்மணானி உபஸங்ஹரந்தி. ஸோ தாஸங் தே³வதானங் ஆனுபா⁴வேன தானி ஆரம்மணானி பஸ்ஸதி. பு³ப³னிமித்ததோ பஸ்ஸந்தோ புஞ்ஞாபுஞ்ஞுவஸேன உப்பஜ்ஜிதுகாமஸ்ஸ அத்த²ஸ்ஸ வா அனத்த²ஸ்ஸ வா

புப்புனிமித்தபூதங் ஸுபினங் பஸ்ஸதி போதிஸத்தமாதா விய
புத்தபடிலாபுனிமித்தங், கோஸலராஜா விய ஸோளஸ ஸுபினே, அயமேவ
புகுவா போதிஸத்தபூதோ இமே பஞ்ச மஹாஸுபினே விய சாதி.

தத்த யங் தாதுக்கோபுதோ அனுபூதபுப்புதோ ச ஸுபினே பஸ்ஸதி,
ந தங் ஸச்சங் ஹோதி. யங் தேவதோபஸங்ஹாரதோ பஸ்ஸதி, தங் ஸச்சங்
வா ஹோதி அலிகங் வா. குத்தா ஹி தேவதா உபாயேன வினாஸேதுகாமா
விபரீதம்பி கத்வா தஸ்ஸெந்தி. யங் பன புப்புனிமித்ததோ பஸ்ஸதி, தங்
ஏகந்தங் ஸச்சமேவ ஹோதி. ஏதேஸங் சதுன்னங் மூலகாரணானங்
ஸங்ஸக்கபேததோபி ஸுபினபேததோ ஹோதியேவ.

தங் பனேதங் சதுப்புத்தம்பி ஸுபினங் ஸேகபுதுஜ்ஜனாவ பஸ்ஸந்தி
அப்பஹீனவிபல்லாஸத்தா, அஸேகா ந பஸ்ஸந்தி பஹீனவிபல்லாஸத்தா.
கிங் பனேதங் பஸ்ஸந்தோ ஸுத்தோ பஸ்ஸதி படிபுத்தோ, உதாஹு நேவ
ஸுத்தோ ந படிபுத்தோதி? கிஞ்செத்த யதி தாவ ஸுத்தோ பஸ்ஸதி,
அபிதம்மவிரோதோ ஆபஜ்ஜதி. புவங்க்சித்தேன ஹி ஸுபதி, தங்
ரூபனிமித்தாதி ஆரம்மணங் ராகாதிஸம்பயுத்தங் வா ந ஹோதி. ஸுபினங்
பஸ்ஸந்தஸ்ஸ ச ஈதிஸானி சித்தானி உப்பஜ்ஜந்தி. அத படிபுத்தோ
பஸ்ஸதி, வினயவிரோதோ ஆபஜ்ஜதி. யஞ்ஹி படிபுத்தோ பஸ்ஸதி, தங்
ஸப்போஹாரிகசித்தேன பஸ்ஸதி. ஸப்போஹாரிகசித்தேன ச கதே
வீதிக்கமே அனாபத்தி நாம நத்தி. ஸுபினங் பஸ்ஸந்தேன பன கதேபி
வீதிக்கமே ஏகந்தங் அனாபத்தி ஏவ. அத நேவ ஸுத்தோ ந படிபுத்தோ
பஸ்ஸதி, ந நாம பஸ்ஸதி. ஏவஞ்ச ஸதி ஸுபினஸ்ஸ அபாவோ ச
ஆபஜ்ஜதி? ந அபாவோ. கஸ்மா? யஸ்மா கபிமித்தபரேதோ பஸ்ஸதி.
வுத்தஞ்ஹேதங் - “கபிமித்தபரேதோ கோ, மஹாராஜ, ஸுபினங் பஸ்ஸதி”தி.

கபிமித்தபரேதோதி மக்கடனித்தாய யுத்தோ. யதா ஹி மக்கடஸ்ஸ
நித்தா லஹுபரிவத்தா ஹோதி, ஏவங் யா நித்தா புனப்புனங்
குஸலாதிசித்தவோகிண்ணத்தா லஹுபரிவத்தா, யஸ்ஸா பவத்தியங்
புனப்புனங் புவங்கதோ உத்தரணங் ஹோதி, தாய யுத்தோ ஸுபினங்
பஸ்ஸதி. தேனாயங் ஸுபினோ குஸலோபி ஹோதி அகுஸலோபி
அப்யாகதோபி. தத்த ஸுபினந்தே
சேதியவந்தனம்மஸ்ஸவனம்மதேஸனாதீனி கரொந்தஸ்ஸ குஸலோ,
பாணாதிபாதாதீனி கரொந்தஸ்ஸ அகுஸலோ, த்வீஹி அந்தேஹி முத்தோ
ஆவஜ்ஜனததாரம்மணக்கணே அப்யாகதோதி வேதிதப்போ. ஸ்வாயங்
துப்புலவத்துகத்தா சேதனாய படிஸந்திங் ஆகட்பிதுங் அஸமத்தோ.
பவத்தே பன அஞ்ஞேஹி குஸலாகுஸலேஹி உபத்தம்பிதோ விபாகங்
தேதி. கிஞ்சாபி விபாகங் தேதி, அத கோ அவிஸயே உப்பன்னத்தா
அப்போஹாரிகாவ ஸுபினந்தசேதனா. ஸோ பனேஸ ஸுபினோ

காலவஸேனபி தி³வா தாவ தி³ட்டோ² ந ஸமேதி, ததா² பட²மயாமே
மஜ்ஜி²மயாமே பச்சி²மயாமே ச. ப³லவபச்சுஸே பன அஸிதபீதகா²யிதே ஸம்மா
பரிணாமங் க³தே காயஸ்மிங் ஓஜாய பதிட்டி²தாய அருணே உக்³கச்ச²மானேவ
தி³ட்டோ² ஸுபினோ ஸமேதி. இட்ட²னிமித்தங் ஸுபினங் பஸ்ஸந்தோ இட்ட²ங்
படிலப⁴தி, அனிட்ட²னிமித்தங் பஸ்ஸந்தோ அனிட்ட²ங்.

இமே பன பஞ்ச மஹாஸுபினே நேவ லோகியமஹாஜனோ பஸ்ஸதி, ந
மஹாராஜானோ, ந சக்கவத்திராஜானோ, ந அக்³கஸாவகா, ந பச்சேகபுத்தா⁴,
ந ஸம்மாஸம்புத்தா⁴, ஏகோ ஸப்பஞ்ஞபோதி⁴ஸத்தோயேவ பஸ்ஸதி.
அம்ஹாகங் பன போதி⁴ஸத்தோ கதா³ இமே ஸுபினே பஸ்ஸீதி? “ஸ்வே
புத்தோ⁴ ப⁴விஸ்ஸாமீ”தி சாதுத்த³ஸியங் பக்கஸ்ஸ ரத்திவிபா⁴யனகாலே
பஸ்ஸி. தேரஸியந்திபி வத³ந்தியேவ. ஸோ இமே ஸுபினே தி³ஸ்வா உட்டா²ய
பல்லங்கங் ஆபு⁴ஞ்ஜித்வா நிஸின்னோ சிந்தேஸி - “ஸசே மயா
கபிலவத்து²னக³ரே இமே ஸுபினா தி³ட்டா² அஸ்ஸு, பிது மஹாராஜஸ்ஸ
கதெ²ய்யங். ஸசே பன மே மாதா ஜீவெய்ய, தஸ்ஸா கதெ²ய்யங். இமஸ்மிங்
கோ² பன டா²னே இமேஸங் படிக்கா³ஹகோ நாம நத்தி², அஹமேவ
படிக³ண்ஹிஸ்ஸாமீ”தி. ததோ “இத³ங் இமஸ்ஸ புப்ப³னிமித்தங் இத³ங்
இமஸ்ஸா”தி ஸயமேவ ஸுபினே படிக்க³ண்ஹித்வா உருவேலகா³மே
ஸுஜாதாய தின்னங் பாயாஸங் பரிபு⁴ஞ்ஜித்வா போதி⁴மண்ட³ங் ஆருய்ஹ
போதி⁴ங் பத்வா அனுக்கமேன ஜேதவனே விஹரந்தோ அத்தனோ
மகுலபுத்த⁴காலே தி³ட்டே² பஞ்ச மஹாஸுபினே வித்தா²ரேதுங் பி⁴க்க²
ஆமந்தெத்வா இமங் தே³ஸனங் ஆரபி⁴.

தத்த² மஹாபத²வீதி சக்கவாளக³ப்ப⁴ங் பூரெத்வா டி²தா மஹாபத²வீ.
மஹாஸயனங் அஹோஸீதி ஸிரிஸயனங் அஹோஸி. ஓஹிதோதி ட²பிதோ.
ஸோ பன ந உத³கஸ்மிங்யேவ ட²பிதோ அஹோஸி, அத² கோ²
பாசீனஸமுத்த³ஸ்ஸ உபருபரிபா⁴கே³ன கந்த்வா பாசீனசக்கவாளமத்த²கே
ட²பிதோ அஹோஸீதி வேதி³தப்போ³. பச்சி²மே ஸமுத்தே³ துக்கி²னே
ஸமுத்தே³தி ஏதேஸுபி ஏஸேவ நயோ. திரியா நாம திணஜாதீதி
தப்ப³திணங் வச்சதி. நாபி⁴யா உக்³கந்த்வா நப⁴ங் ஆஹச்ச டி²தா
அஹோஸீதி நங்க³லமத்தேன ரத்தத³ண்டே³ன நாபி⁴தோ உக்³கந்த்வா
பஸ்ஸந்தஸ்ஸ பஸ்ஸந்தஸ்ஸேவ வித³த்தி²மத்தங் ரதனமத்தங் ப்யாமமத்தங்
யட்டி²மத்தங் கா³வுதமத்தங் அட்ட³ட⁴யோஜனமத்தங் யோஜனமத்தந்தி ஏவங்
உக்³கந்த்வா உக்³கந்த்வா அனேகயோஜனஸஹஸ்ஸங் நப⁴ங் ஆஹச்ச டி²தா
அஹோஸி. பாதே³ஹி உஸ்ஸக்கித்வாதி அக்³கனக²தோ பட்டா²ய பாதே³ஹி
அபி⁴ருஹித்வா. நானாவண்ணாதி ஏகோ நீலவண்ணோ, ஏகோ பீதவண்ணோ,
ஏகோ லோஹிதவண்ணோ, ஏகோ பண்டு³பலாஸவண்ணோதி ஏவங்
நானாவண்ணா. ஸேதாதி பண்ட³ரா பரிஸுத்தா⁴. மஹதோ
மீள்ஹபப்ப³தஸ்ஸாதி தியோஜனுப்பே³த⁴ஸ்ஸ கூத²ப்ப³தஸ்ஸ. உபருபரி

சங்கமதீதி மத்த²கமத்த²கே சங்கமதி . தீ³கா⁴யுகபு³த்தா⁴ பன தியோஜனிகே மீள்ஹபப்³புதே அனுபவிஸித்வா நிஸின்னா விய ஹொந்தி.

ஏவங் எத்தகேன டா²னேன புப்³புனிமித்தானி த³ஸ்ஸெத்வா இதா³னி ஸஹ புப்³புனிமித்தேஹி படிலாப⁴ங் த³ஸ்ஸேதுங் யம்பி, பி⁴க்க²வேதிஆதி³மாஹ. தத்த² ஸப்³பு³கு³ணதா³யகத்தா பு³த்தா⁴னங் அரஹத்தமக்³கோ³ அனுத்தரா ஸம்மாஸம்போ³தி⁴ நாம. தஸ்மா யங் ஸோ சக்கவாளமஹாபத²விங் ஸிரிஸயனபு⁴தங் அத³த³ஸ, தங் பு³த்த⁴பா⁴வஸ்ஸ புப்³புனிமித்தங். யங் ஹிமவந்தபப்³புதராஜானங் பி³ம்போ³ஹனங் அத³த³ஸ, தங் ஸப்³பு³ஞ்ஞுதஞ்ஞாணபி³ம்போ³ஹனஸ்ஸ புப்³புனிமித்தங். யங் சத்தாரோ ஹத்த²பாதே³ சக்கவாளமத்த²கே டி²தே அத³த³ஸ, தங் த⁴ம்மசக்கஸ்ஸ அப்படிவத்தியபா⁴வே புப்³புனிமித்தங். யங் அத்தானங் உத்தானகங் நிபன்னங் அத³த³ஸ, தங் தீஸு ப⁴வேஸு அவகுஜ்ஜானங் ஸத்தானங் உத்தானமுக²பா⁴வஸ்ஸ புப்³புனிமித்தங். யங் அக்கீனி உம்மீலெத்வா பஸ்ஸந்தோ விய அஹோஸி, தங் தி³ப்³பு³சக்கு²படிலாப⁴ஸ்ஸ புப்³புனிமித்தங். யங் யாவ ப⁴வக்³கா³ ஏகாலோகங் அஹோஸி, தங் அனாவரணஞாணஸ்ஸ புப்³புனிமித்தங். ஸேஸங் பாளிவஸேனேவ வேதி³தப்³புந்தி.

7. வஸ்ஸஸுத்தவண்ணனா

197. ஸத்தமே நேமித்தாதி நிமித்தபாட²கா. தேஜோதா⁴து பகுப்பதீதி மஹாஅக்³கி³க்க²ந்தோ⁴ உப்பஜ்ஜதி. பாணினா உத³கங் ஸம்படிச்சி²த்வாதி உப்பன்னங் உதுஸமுட்டா²னங் உத³கங் தியோஜனஸதேன ஹத்தே²ன படிக்க³ஹெத்வா. பமத்தா ஹொந்தீதி அத்தனோ கீளாய பமத்தா ஹொந்தி விப்பவுட்ட²ஸதினோ. தேஸஞ்ஹி ஸகாய ரதியா “ரமாமா”தி சித்தே உப்பன்னே அகாலேபி தே³வோ வஸ்ஸதி, தத³பா⁴வே ந வஸ்ஸதி. தங் ஸந்தா⁴யேதங் வுத்தங் - “ந காலவஸ்ஸ”ந்தி. அட்ட²மனவமானி உத்தானத்தா²னேவ.

10. நிஸ்ஸாரணீயஸுத்தவண்ணனா

200. த³ஸமே நிஸ்ஸாரணீயாதி நிஸ்ஸடா விஸஞ்ஞுத்தா. தா⁴துயோதி அத்தஸுஞ்ஞுஸபா⁴வா. காமங் மனஸிகரோதோதி காமங் மனஸிகரொந்தஸ்ஸ, அஸுப⁴ஜ்ஜா²னதோ வுட்டா²ய அக³த³ங் க³ஹெத்வா விஸங் வீமங்ஸந்தோ விய வீமங்ஸனத்த²ங் காமாபி⁴முக²ங் சித்தங் பேஸெந்தஸ்ஸாதி அத்தோ². ந பக்க²ந்த³தீதி நப்பவிஸதி. நப்பஸீத³தீதி பஸாத³ங் நாபஜ்ஜதி. ந ஸந்திட்ட²தீதி நப்பதிட்ட²ஹதி. ந விமுச்சதீதி ந அதி⁴முச்சதி. யதா² பன குக்குடபத்தங் வா ந்ஹாருத³த³து³லங் வா அக்³கி³ம்ஹி பக்கி²த்தங் படிஸீயதி பதிசுடதி பதிவட்டதி ந ஸங்பஸாரீயதி, ஏவங் படிஸீயதி ந ஸங்பஸாரீயதி. நெக்க²ம்மங் கோ² பனாதி இத⁴ நெக்க²ம்மங் நாம அஸுபே⁴ஸு பட²மஜ்ஜா²னங், தத³ஸ்ஸ மனஸிகரோதோ சித்தங் பக்க²ந்த³தி.

தஸ்ஸ தங் சித்தந்தி தஸ்ஸ தங் அஸுப⁴ஜ்ஜா²னசித்தங். ஸுக³தந்தி
கோ³சரே க³தத்தா ஸுட்டு² க³தங். ஸுபா⁴விதந்தி அஹானபா⁴கியத்தா
ஸுட்டு² பா⁴விதங். ஸுவட்டி²தந்தி காமதோ வட்டி²தங். ஸுவிமுத்தந்தி
காமேஹி ஸுட்டு² விமுத்தங். காமபச்சயா ஆஸவா நாம காமஹேதுகா
சத்தாரோ ஆஸவா. விகா⁴தாதி து³க்கா². பரிளாஹாதி காமராக³பரிளாஹா. ந
ஸோ தங் வேத³னங் வேதி³யதீதி ஸோ தங் காமவேத³னங்
விகா⁴தபரிளாஹவேத³னஞ்ச ந வேதி³யதி. இத³மக்கா²தங் காமானங்
நிஸ்ஸரணந்தி இத³ங் அஸுப⁴ஜ்ஜா²னங் காமேஹி நிஸ்ஸடத்தா காமானங்
நிஸ்ஸரணந்தி அக்கா²தங். யோ பன தங் ஜா²னங் பாதுகங் கத்வா ஸங்கா²ரே
ஸம்மஸந்தோ ததியமக்க³ங் பத்வா அனாகா³மிப²லேன நிப³பா³னங் தி³ஸ்வா
“புன காமா நாம நத்தீ²”தி ஜானாதி. தஸ்ஸ சித்தங் அச்சந்தனிஸ்ஸரணமேவ.
ஸேஸபதே³ஸுபி ஏஸேவ நயோ.

அயங் பன விஸேஸோ - து³தியவாரே மெத்தாஜா²னானி ப்யாபாத³ஸ்ஸ
நிஸ்ஸரணங் நாம. ததியவாரே கருணாஜா²னானி விஹிங்ஸாய நிஸ்ஸரணங்
நாம. சதுத்த²வாரே அருபஜ்ஜா²னானி ரூபானங் நிஸ்ஸரணங் நாம.
அச்சந்தனிஸ்ஸரணஞ்செத்த² அரஹத்தப²லங் யோஜேதப³பங். பஞ்சமவாரே
ஸக்காயங் மனஸிகரோதோதி ஸுத்த³த⁴ஸங்கா²ரே பரிக்க³ணஹித்வா
அரஹத்தங் பத்தஸ்ஸ ஸுக்க²விபஸ்ஸகஸ்ஸ ப²லஸமாபத்திதோ வட்டா²ய
வீமங்ஸனத்த²ங் பஞ்சபாதா³னக்க²ந்தா⁴பி⁴முக்²ங் சித்தங் பேஸெந்தஸ்ஸ.
இத³மக்கா²தங் ஸக்காயஸ்ஸ நிஸ்ஸரணந்தி இத³ங் அரஹத்தமக்க³னே ச
ப²லேன ச நிப³பா³னங் தி³ஸ்வா டி²தஸ்ஸ பி⁴க்கு²னோ “புன ஸக்காயோ
நத்தீ²”தி உப்பன்னங் அரஹத்தப²லஸமாபத்திசித்தங் ஸக்காயஸ்ஸ
நிஸ்ஸரணந்தி அக்கா²தங். இதா³னி ஏவங் ஸக்காயனிஸ்ஸரணங் நிரோத⁴ங்
பத்வா டி²தஸ்ஸ கீ²ணாஸவஸ்ஸ வண்ணங் கதெ²ந்தோ தஸ்ஸ காமனந்தீ³பி
நானுஸேதீதிஆதி³மாஹ. தத்த² நானுஸேதீதி ந நிப³புத்ததி. அனநுஸயாதி
அனிப³புத்தியா. ஸேஸமெத்த² உத்தானத்த²மேவாதி.

ப்ராஹ்மணவக்கோ³ பஞ்சமோ.

சதுத்த²பண்ணாஸகங் நிட்டி²தங்.

5. பஞ்சமபண்ணாஸகங்

(21) 1. கிமிலவக்³கோ³

1. கிமிலஸுத்தவண்ணனா

201. பஞ்சமஸ்ஸ பட²மே கிமிலாயந்தி ஏவங்னாமகே நக³ரே. நிசுலவனேதி முசலிந்த³வனே. ஏதத³வோசாதி அயங் கிர தே²ரோ தஸ்மிங்யேவ நக³ரே ஸெட்டி²புத்தோ ஸத்து² ஸந்திகே பப்³பஜித்வா புப்³பே³னிவாஸஞாணங் படிபி⁴. ஸோ அத்தனா நிவுத்த²ங் க²ந்த⁴ஸந்தானங் அனுஸ்ஸரந்தோ கஸ்ஸபத³ஸப³லஸ்ஸ ஸாஸனோஸக்கனகாலே பப்³பஜித்வா சதுாஸு பரிஸாஸு ஸாஸனே அகா³ரவங் கரொந்தீஸு நிஸ்ஸேணிங் ப³ந்தி⁴த்வா பப்³பதங் ஆருய்ஹ தத்த² ஸமணத⁴ம்மங் கத்வா அத்தனோ நிவுத்த²பா⁴வங் அத்³த³ஸ. ஸோ “ஸத்தா²ரங் உபஸங்கமித்வா தங் காரணங் புச்சி²ஸ்ஸாமீ”தி ஏதங் “கோ நு கோ², ப⁴ந்தே”திஆதி³வசனங் அவோச.

ஸத்த²ரி அகா³ரவா விஹரந்தி அப்பதிஸ்ஸாதி ஸத்த²ரி கா³ரவஞ்சேவ ஜெட்ட²கபா⁴வஞ்ச அனுபட்ட²பெத்வா விஹரந்தி. ஸேஸேஸுபி ஏஸேவ நயோ. தத்த² சேதியங்குணாதீ³ஸு ச²த்தங் தா⁴ரெத்வா உபாஹனா ஆருய்ஹ விசரந்தோ நானப்பகாரஞ்ச நிரத்த²ககத²ங் கதெ²ந்தோ ஸத்த²ரி அகா³ரவோ விஹரதி நாம. த⁴ம்மஸ்ஸவனக்³கே³ பன நிஸீதி³த்வா நித்தா³யந்தோ சேவ நானப்பகாரஞ்ச நிரத்த²ககத²ங் கதெ²ந்தோ த⁴ம்மே அகா³ரவோ விஹரதி நாம. ஸங்க⁴மஜ்ஜே² பா³ஹாவிக்கே²பகங் நானத்தகத²ங் கதெ²ந்தோ தே²ரனவமஜ்ஜி²மேஸு ச சித்தீகாரங் அகரொந்தோ ஸங்கே⁴ அகா³ரவோ விஹரதி நாம. ஸிக்க²ங் அபரிபூரெந்தோ ஸிக்கா²ய அகா³ரவோ விஹரதி நாம. அஞ்ஞமஞ்ஞங் கலஹப⁴ண்ட³னாதீ³னி கரொந்தோ அஞ்ஞமஞ்ஞங் அகா³ரவோ விஹரதி நாம. து³தியங் உத்தானத்த²மேவ.

3. அஸ்ஸாஜானீயஸுத்தவண்ணனா

203-204. ததியே அஜ்ஜவேனாதி உஜுபா⁴வேன அவங்கக³மனேன. ஜவேனாதி பத³ஜவேன. மத்³த³வேனாதி ஸரீரமுது³தாய. க²ந்தியாதி அதி⁴வாஸனக்க²ந்தியா. ஸோரச்சேனாதி ஸுசிஸீலதாய. பி⁴க்கு²வாரே அஜ்ஜவந்தி ஞாணஸ்ஸ உஜுகக³மனங். ஜவோதி ஸூரங் ஹுத்வா ஞாணஸ்ஸ க³மனபா⁴வோ. மத்³த³வந்தி ஸீலமத்³த³வங். க²ந்தீதி அதி⁴வாஸனக்க²ந்தியேவ. ஸோரச்சங் ஸுசிஸீலதாயேவ. சதுத்தே² பஞ்ச ப³லானி மிஸ்ஸகானி கதி²தானி.

5. சேதோகி²லஸுத்தவண்ணனா

205. பஞ்சமே சேதோகி²லாதி சித்தஸ்ஸ த²த்த³த⁴பா⁴வா, கசவரபா⁴வா, கா²ணுகபா⁴வா. ஸத்த²ரி கங்க²தீதி ஸத்து² ஸரீரே வா கு³ணே வா கங்க²தி.

ஸரீரே கங்க²மானோ “த³வத்திங்ஸவரபுரிஸலக்க²ணபடிமண்டி³தங் நாம ஸரீரங்
அத்தி² நு கோ² நத்தீ²”தி கங்க²தி, கு³ணே கங்க²மானோ
“அதீதானாக³தபச்சுப்பன்னஜானநஸமத்த²ங் ஸப்³ப³ஞ்ஞுதஞ்ஞாணங் அத்தி² நு
கோ² நத்தீ²”தி கங்க²தி. விசிகிச்ச²தீதி விசினந்தோ கிச்ச²தி, து³க்க²ங் ஆபஜ்ஜதி,
வினிச்சே²துங் ந ஸக்கோதி. நாதி²⁴முச்சதீதி ஏவமேதந்தி அதி²⁴மொக்க²ங் ந
படிப⁴தி. ந ஸம்பஸீத³தீதி கு³ணேஸு ஓதரித்வா நிப்³பி³சிகிச்ச²பா⁴வேன
பஸீதி³துங் அனாவிலோ ப⁴விதுங் ந ஸக்கோதி. ஆதப்பாயாதி
கிலேஸஸந்தாபகவீரியகரணத்தா²ய. அனுயோகா³யாதி புனப்புனங் யோகா³ய.
ஸாதச்சாயாதி ஸததகிரியாய. பதா⁴னாயாதி பத³ஹனத்தா²ய. அயங்
பட²மோ சேதோகி²லோதி அயங் ஸத்த²ரி விசிகிச்ச²ஸங்கா²தோ பட²மோ
சித்தஸ்ஸ த²த³த⁴பா⁴வோ ஏவமேதஸ்ஸ பி⁴க்கு²னோ அப்பஹீனோ
ஹோதி.

த⁴ம்மேதி பரியத்தித⁴ம்மே ச படிவேத⁴த⁴ம்மே ச. பரியத்தித⁴ம்மே
கங்க²மானோ “தேபிடகங் பு³த³த⁴வசனங்
சதுராஸீதித⁴ம்மக்க²ந்த⁴ஸஹஸ்ஸானீதி வத³ந்தி, அத்தி² நு கோ² ஏதங்
நத்தீ²”தி கங்க²தி. படிவேத⁴த⁴ம்மே கங்க²மானோ “விபஸ்ஸனானிஸ்ஸந்தோ³
மக்கோ³ நாம, மக்க³னிஸ்ஸந்த³ங் ப²லங் நாம,
ஸப்³ப³ஸங்கா²ரபடினிஸ்ஸக்கோ³ நிப்³பா³னங் நாமாதி வத³ந்தி, தங் அத்தி² நு
கோ² நத்தீ²”தி கங்க²தி. ஸங்கே⁴ கங்க²தீதி “உஜுப்படிபன்னோ”திஆதீ³னங்
பதா³னங் வஸேன “ஏவருபங் படிபத³ங் படிபன்னோ சத்தாரோ மக்க³ட்டா²
சத்தாரோ ப²லட்டா²தி அட்ட²ன்னங் புக்க³லானங் ஸமுஹபூ⁴தோ ஸங்கோ⁴
நாம அத்தி² நு கோ² நத்தீ²”தி கங்க²தி. ஸிக்கா²ய கங்க²மானோ
“அதி²⁴ஸீலஸிக்கா² நாம அதி²⁴சித்தஅதி²⁴பஞ்ஞாஸிக்கா² நாமாதி வத³ந்தி,
ஸா அத்தி² நு கோ² நத்தீ²”தி கங்க²தி. அயங் பஞ்சமோதி அயங்
ஸப்³ரஹ்மசாரீஸு கோபஸங்கா²தோ பஞ்சமோ சித்தஸ்ஸ த²த³த⁴பா⁴வோ
கசவரபா⁴வோ கா²ணுகபா⁴வோ.

6. வினிப³ந்த⁴ஸுத்தவண்ணனா

206. ச²ட்டே² சேதஸோவினிப³ந்தா⁴தி சித்தங் வினிப³ந்தி⁴த்வா முட்டி²யங்
கத்வா விய க³ண்ஹந்தீதி சேதஸோவினிப³ந்தா⁴. காமேதி வத்து²காமேபி
கிலேஸகாமேபி. காயேதி அத்தனோ காயே. ரூபேதி ப³ஹித்³தா⁴ரூபே.
யாவத³த்த²ந்தி யத்தகங் இச்ச²தி, தத்தகங். உத³ராவதே³ஹகந்தி உத³ரபூரங்.
தஞ்ஹி உத³ரங் அவதே³ஹனதோ உத³ராவதே³ஹகந்தி வுச்சதி.
ஸெய்யஸுக²ந்தி மஞ்சபீட²ஸுக²ங், உதுஸுக²ங் வா. பஸ்ஸஸுக²ந்தி யதா²
ஸம்பரிவத்தகங் ஸயந்தஸ்ஸ த³க்கி²ணபஸ்ஸ வாமபஸ்ஸானங் ஸுக²ங்
ஹோதி, ஏவங் உப்பன்னஸுக²ங். மித்த³த⁴ஸுக²ந்தி நித்த³தா³ஸுக²ங்.
அனுயுத்தோதி யுத்தப்பயுத்தோ விஹரதி. பணிதா⁴யாதி பத்த²யித்வா.

ஸீலேனாதிஆதீஸு ஸீலந்தி சதுபாரிஸுத்தி⁴ஸீலங். வதந்தி
வதஸமாதா³னங். தபோதி தபசரணங். ப்³ரஹ்மசரியந்தி மேது²னவிரதி. தே³வோ
வா ப⁴விஸ்ஸாமீதி மஹேஸக்க²தே³வோ வா ப⁴விஸ்ஸாமி.
தே³வஞ்ஞதரோ வாதி அப்பேஸக்க²தே³வேஸு வா அஞ்ஞதரோதி.

7-8. யாகு³ஸுத்தாதி³வண்ணனா

207-208. ஸத்தமே வாதங் அனுலோமேதீதி வாதங் அனுலோமெத்வா ஹரதி.
வத்தி²ங் ஸோதே⁴தீதி த⁴மனியோ ஸுத்தா⁴ கரோதி. ஆமாவஸேஸங்
பாசேதீதி ஸசே ஆமாவஸேஸகங் ஹோதி, தங் பாசேதி. அட்ட²மே
அசக்கு²ஸ்ஸந்தி ந சக்க²னங் ஹிதங், சக்கு²ங் விஸுத்த³த⁴ங் ந கரோதி.

9. கீ³தஸ்ஸரஸுத்தவண்ணனா

209. நவமே ஆயதகேனாதி தீ³கே⁴ன, பரிபுண்ணபத³ப்யஞ்ஜனகங்
கா³தா²வத்தஞ்ச வினாஸெத்வா பவத்தேன. ஸரகுத்திம்பி
நிகாமயமானஸ்ஸாதி ஏவங் கீ³தஸ்ஸரோ காதப்³போ³தி ஸரகிரியங்
பத்த²யமானஸ்ஸ. ஸமாதி⁴ஸ்ஸ ப⁴ங்கோ³ ஹோதீதி
ஸமத²விபஸ்ஸனாசித்தஸ்ஸ வினாஸோ ஹோதி.

10. முட்ட²ஸ்ஸதிஸுத்தவண்ணனா

210. த³ஸமே து³க்க²ங் ஸுபதீதி நானாவித⁴ங் ஸுபினங் பஸ்ஸந்தோ
து³க்க²ங் ஸுபதி. து³க்க²ங் படிபுஜ்ஜ²தீதி படிபுஜ்ஜ²ந்தோபி உத்தஸித்வா
ஸலோமஹங்ஸோ படிபுஜ்ஜ²தி. இமஸ்மிங் ஸுத்தே ஸதிஸம்பஜஞ்ஞங்
மிஸ்ஸகங் கதி²தங்.

கிமிலவக்³கோ³ பட²மோ.

(22) 2. அக்கோஸகவக்³கோ³

1. அக்கோஸகஸுத்தவண்ணனா

211. து³தியஸ்ஸ பட²மே அக்கோஸகபரிபா⁴ஸகோதி த³ஸஹி அக்கோஸவத்தா²ஹி அக்கோஸகோ, ப⁴யத³ஸ்ஸனேன பரிபா⁴ஸகோ. சி²ன்னபரிபந்தோ²தி லோகுத்தரபரிபந்த²ஸ்ஸ சி²ன்னத்தா சி²ன்னபரிபந்தோ². ரோகா³தங்கந்தி ரோகோ³யேவ கிச்ச²ஜீவிகாயாவஹனதோ ரோகா³தங்கோ நாம.

2. ப⁴ண்ட³னகாரகஸுத்தவண்ணனா

212. து³தியே அதி⁴கரணகாரகோதி சதுன்னங் அதி⁴கரணானங் அஞ்ஞதரஸ்ஸ காரகோ. அனதி⁴க³தந்தி புப்³பே³ அப்பத்தவிஸேஸங்.

3. ஸீலஸுத்தவண்ணனா

213. ததியே து³ஸ்ஸீலோதி அஸ்ஸீலோ நிஸ்ஸீலோ. ஸீலவிபன்னோதி விபன்னஸ்ஸீலோ பி⁴ன்னஸங்வரோ. பமாதா³தி⁴கரணந்தி பமாத³காரணா. இத்³ஞ்ச ஸுத்தங் க³ஹட்டா²னங் வஸேன ஆக³தங், பப்³ப³ஜிதானம்பி பன லப்³ப⁴தேவ . க³ஹட்டோ² ஹி யேன யேன ஸிப்பட்டா²னேன ஜீவிகங் கப்பேதி, யதி³ கஸியா, யதி³ வணிஜ்ஜாய, பாணாதிபாதாதி³வஸேன பமத்தோ தங் தங் யதா²காலங் ஸம்பாதே³துங் ந ஸக்கோதி, அத²ஸ்ஸ மூலங் வினஸ்ஸதி. மாகா⁴தகாலேபி பாணாதிபாதங் அதி³ன்னாதா³னாதீ³னி ச கரொந்தோ த³ண்ட³வஸேன மஹதிங் போ⁴க³ஜானிங் நிகச்ச²தி. பப்³ப³ஜிதோ து³ஸ்ஸீலோ பமாத³காரணா ஸீலதோ புத்த⁴வசனதோ ஜா²னதோ ஸத்தஅரியத⁴னதோ ச ஜானிங் நிகச்ச²தி. க³ஹட்ட²ஸ்ஸ “அஸுகோ அஸுகுலே ஜாதோ து³ஸ்ஸீலோ பாபத⁴ம்மோ பரிச்சத்தஇத⁴லோகபரலோகோ ஸலாகப⁴த்தமத்தம்பி ந தே³தீ”தி சதுபரிஸமஜ்ஜே² பாபகோ கித்திஸத்³தோ³ அப்³பு⁴க்³கச்ச²தி. பப்³ப³ஜிதஸ்ஸ “அஸுகோ நாஸக்கி² ஸீலங் ரக்கி²துங் புத்த⁴வசனங் க³ஹேதுங், வேஜ்ஜகம்மாதீ³ஹி ஜீவதி, ச²ஹி அகா³ரவேஹி ஸமன்னாக³தோ”தி ஏவங் அப்³பு⁴க்³கச்ச²தி.

அவிஸாரதோ³தி க³ஹட்டோ² தாவ “அவஸ்ஸங் ப³ஹு²னங் ஸன்னிபாதட்டா²னே கோசி மம கம்மங் ஜானிஸ்ஸதி, அத² மங் நிக்³க³ண்ணஹிஸ்ஸந்தி வா, ராஜகுலஸ்ஸ வா த³ஸ்ஸந்தீ”தி ஸப⁴யோ உபஸங்கமதி. மங்குபூ⁴தோ ச பதிதக்கந்தோ⁴ அதோ⁴முகோ² அங்குட்ட²கேன பூ⁴மிங் கஸந்தோ நிஸீத³தி, விஸாரதோ³ ஹுத்வா கதே²துங் ந ஸக்கோதி. பப்³ப³ஜிதோபி “ப³ஹு² பி⁴க்க² ஸன்னிபதிதா, அவஸ்ஸங் கோசி மம கம்மங் ஜானிஸ்ஸதி, அத² மே உபோஸத²ம்பி பவாரணம்பி

ட²பெத்வா ஸாமஞ்ஞா சாவெத்வா நிக்கட்³டி⁴ஸ்ஸந்தீ”தி ஸப⁴யோ உபஸங்கமதி, விஸாரதோ³ ஹுத்வா கதே²துங் ந ஸக்கோதி. ஏகச்சோ பன து³ஸ்ஸீலோபி த³ப்பிதோ விய சரதி, ஸோபி அஜ்ஜா²ஸயேன மங்கு ஹோதியேவ.

ஸம்முள்ஹோ காலங் கரோதீதி தஸ்ஸ ஹி மரணமஞ்சே நிபன்னஸ்ஸ து³ஸ்ஸீலகம்மங் ஸமாதா³ய வத்திதட்டா²னங் ஆபாத²ங் ஆக³ச்ச²தி. ஸோ உம்மீலெத்வா இத⁴லோகங் பஸ்ஸதி, நிம்மீலெத்வா பரலோகங். தஸ்ஸ சத்தாரோ அபாயா உபட்ட²ஹந்தி, ஸத்திஸதேன ஸீஸே பஹரியமானோ விய ஹோதி. ஸோ “வாரேத² வாரேதா²”தி விரவந்தோ மரதி. தேன வுத்தங் - “ஸம்முள்ஹோ காலங் கரோதீ”தி. பஞ்சமபத³ங் உத்தானமேவ. ஆனிஸங்ஸகதா² வுத்தவிபரியாயேன வேதி³தப்³பா³.

4. ப³ஹுபா⁴ணிஸுத்தவண்ணனா

214. சதுத்தே² ப³ஹுபா⁴ணிஸ்மிந்தி பஞ்ஞாய அபரிச்சி²ந்தி³த்வா ப³ஹுங் ப⁴ணந்தே. மந்தபா⁴ணிஸ்மிந்தி மந்தா வுச்சதி பஞ்ஞா, தாய பரிச்சி²ந்தி³த்வா ப⁴ணந்தே.

5. பட²மஅக்க²ந்திஸுத்தவண்ணனா

215. பஞ்சமே வேரப³ஹுலோதி புக்³க³லவேரேனபி அகுஸலவேரேனபி ப³ஹுவேரோ. வஜ்ஜப³ஹுலோதி தோ³ஸப³ஹுலோ.

6. து³தியஅக்க²ந்திஸுத்தவண்ணனா

216. ச²ட்டே² லுத்தோ³தி தா³ருணோ கக்க²ளோ. விப்படிஸாரீதி மங்குபா⁴வேன ஸமன்னாக³தோ.

7. பட²மஅபாஸாதி³கஸுத்தவண்ணனா

217. ஸத்தமே அபாஸாதி³கேதி அபாஸாதி³கேஹி காயகம்மாதீ³ஹி ஸமன்னாக³தே. பாஸாதி³கேதி பஸாதா³வஹே பரிஸுத்த⁴ஸமாசாரே. அட்ட²மனவமானி உத்தானத்தா²னேவ.

10. மது⁴ராஸுத்தவண்ணனா

220. த³ஸமே பஞ்சிமே, பி⁴க்க²வே, ஆதீ³னவா மது⁴ராயந்தி ஏகங் ஸமயங் ப⁴க³வா பி⁴க்கு²ஸங்க⁴பரிவுதோ சாரிகங் சரமானோ மது⁴ரானக³ரங் ஸம்பாபுணித்வா அந்தோனக³ரங் பவிஸிதுங் ஆரபி⁴. அதே²கா மிச்சா²தி³ட்டி²கா யக்கி²னீ அசேலா ஹுத்வா த்³வே ஹத்தே² பஸாரெத்வா ஜிவ்ஹங் நில்லாலெத்வா த³ஸப³லஸ்ஸ புரதோ அட்டா²ஸி. ஸத்தா²

அந்தோனக³ரங் அப்பவிஸித்வா ததோவ நிக்க²மித்வா விஹாரங் அக³மாஸி.
மஹாஜனோ கா²த³னீயபோ⁴ஜனீயஞ்சேவ ஸக்காரஸம்மானஞ்ச ஆதா³ய
விஹாரங் க³ந்த்வா பு³த்³த⁴ப்பமுக²ஸ்ஸ பி⁴க்கு²ஸங்க⁴ஸ்ஸ தா³னங்
அதா³ஸி. ஸத்தா² தஸ்ஸ நக³ரஸ்ஸ நிக்³க³ண்ஹனத்தா²ய இமங் ஸுத்தங்
ஆரபி⁴. தத்த² விஸமாதி ந ஸமதலா. ப³ஹு³ரஜாதி வாதபஹரணகாலே
உத்³த⁴தேன ரஜக்க²ந்தே⁴ன பரியோனத்³தா⁴ விய ஹோதி. ஸேஸங்
ஸப்³புத்த² உத்தானமேவாதி.

அக்கோஸகவக்³கோ³ து³தியோ.

(23) 3. தீ³க⁴சாரிகவக்³கோ³

1. பட²மதீ³க⁴சாரிகஸுத்தவண்ணனா

221. ததியஸ்ஸ பட²மே அனவத்த²சாரிகந்தி அவவத்தி²தசாரிகங். ஸுதங் ந பரியோத³பேதீதி யம்பிஸ்ஸ ஸுதங் அத்தி², தங் பரியோத³பேதுங் ந ஸக்கோதி. ஸுதேனேகச்சேன அவிஸாரதோ³ ஹோதீதி தோ²கதோ²கேன ஸுதேன விஜ்ஜமானேனாபி ஞானேன ஸோமனஸ்ஸப்பத்தோ ந ஹோதி. ஸமவத்த²சாரேதி ஸமவத்தி²தசாரே. து³தியங் உத்தானத்த²மேவ.

3-4. அதினிவாஸஸுத்தாதி³வண்ணனா

223-224. ததியே ப³ஹுப⁴ண்டோ³தி ப³ஹுபரிக்கா²ரோ. ப³ஹுபே⁴ஸஜ்ஜோதி ஸப்பினவனீதாதீ³னங் ப³ஹுதாய ப³ஹுபே⁴ஸஜ்ஜோ. ப்³யத்தோதி ப்³யாஸத்தோ. ஸங்ஸட்டோ²தி பஞ்சவிதே⁴ன ஸங்ஸக்³கே³ன ஸங்ஸட்டோ² ஹுத்வா. அனநுலோமிகேனாதி ஸாஸனஸ்ஸ அனநுச்ச²விகேன. சதுத்தே² வண்ணமச்ச²ரீதி கு³ணமச்ச²ரீ. த⁴ம்மமச்ச²ரீதி பரியத்திமச்ச²ரீ.

5-6. குலூபகஸுத்தாதி³வண்ணனா

225-226. பஞ்சமே அனாமந்தசாரே ஆபஜ்ஜதீதி “நிமந்திதோ ஸப⁴த்தோ ஸமானோ ஸந்தங் பி⁴க்கு²ங் அனாபுச்சா² புரேப⁴த்தங் வா பச்சா²ப⁴த்தங் வா குலேஸு சாரித்தங் ஆபஜ்ஜெய்யா”தி ஸிக்கா²பதே³ (பாரா. 294) வுத்தங் ஆபத்திங் ஆபஜ்ஜதி. ரஹோ நிஸஜ்ஜாயாதிஆதீ³னிபி தேஸங் தேஸங் ஸிக்கா²பதா³னங் வஸேன வேதி³தப்³பா³னி. ச²ட்டே² அதிவேலந்தி அதிகந்தபமாணகாலங். ஸத்தமங் உத்தானமேவ.

8. உஸ்ஸுரப⁴த்தஸுத்தவண்ணனா

228. அட்ட²மே உஸ்ஸுரப⁴த்தேதி அதிதி³வாபசனப⁴த்தே. ந காலேன படிபுஜெந்தீதி யாகு³காலே யாகு³ங், க²ஜ்ஜககாலே க²ஜ்ஜகங் , போ⁴ஜனகாலே போ⁴ஜனங் அபசந்தா யுத்தப்பயுத்தகாலஸ்ஸ அதினாமிதத்தா ந காலேன படிபுஜெந்தி, அத்தனோ சித்தேனேவ தெ³ந்தி நாம. ததோ தேபி தேஸு அத்தனோ கே³ஹங் ஆக³தேஸு ததே²வ கரொந்தி. குலபவேணியா ஆக³தா ப³லிபடிக்கா³ஹிகா தே³வதாபி யுத்தப்பயுத்தகாலேன லாப⁴ங் லப⁴மானாயேவ ரக்க²ந்தி கோ³பயந்தி பீளங் அகத்வா. அகாலே லப⁴மானா பன “இமே அம்ஹேஸு அனாத³ரா”தி ஆரக்க²ங் ந கரொந்தி.

ஸமணப்ராஹ்மணாபி “ஏதேஸங் கேஹே போஜனவேலாய போஜனங்
ந ஹோதி, டி²தமஜ்ஜ²ன்ஹிகே தெ³ந்தீ”தி மங்க³லாமங்க³லேஸு காதப்³ங் ந
கரொந்தி. விமுகா² கம்மங் கரொந்தீதி “பாதோ கிஞ்சி ந லபா⁴ம, கு²தா³ய
படிபீளிதா கம்மங் காதுங் ந ஸக்கோமா”தி கம்மங் விஸ்ஸஜ்ஜெத்வா
நிஸீத்³ந்தி. அனோஜவந்தங் ஹோதீதி அகாலே பு⁴த்தங் ஓஜங் ஹரிதுங் ந
ஸக்கோதி. ஸுக்கபக்கோ² வுத்தவிபல்லாஸேன வேதி³தப்³போ³.

9. பட²மகண்ஹஸப்பஸுத்தவண்ணனா

229. நவமே ஸபீ⁴ருதி ஸனித்³தோ³ மஹானித்³தங் நித்³தா³யதி.
ஸப்படிப⁴யோதி தங் நிஸ்ஸாய ப⁴யங் உப்பஜ்ஜதி, தஸ்மா ஸப்படிப⁴யோ.
மித்தது³ப்³பீ⁴தி பானபோ⁴ஜனதா³யகம்பி மித்தங் து³ப்³ப⁴தி ஹிங்ஸதி.
மாதுகா³மேபி ஏஸேவ நயோ.

10. து³தியகண்ஹஸப்பஸுத்தவண்ணனா

230. த³ஸமே கோ⁴ரவிஸோதி கக்க²ளவிஸோ. து³ஜ்ஜிவ்ஹோதி
த்³விதா⁴ பி⁴ன்னஜிவ்ஹோ. கோ⁴ரவிஸதாதி கோ⁴ரவிஸதாய.
ஸேஸத்³வயேபி ஏஸேவ நயோ.

தீ³க⁴சாரிகவக்³கோ³ ததியோ.

(24) 4. ஆவாஸிகவக்³கோ³

1. ஆவாஸிகஸுத்தவண்ணனா

231. சதுத்த²ஸ்ஸ பட²மே ந ஆகப்பஸம்பன்னோதி ஸமணாகப்பேன ஸம்பன்னோ. அபா⁴வனீயோ ஹோதீதி வட்³ட⁴னீயோ ந ஹோதி. து³தியங் உத்தானமேவ.

3. ஸோப⁴னஸுத்தவண்ணனா

233. ததியே படிப³லோதி காயப³லேன ச ஞாணப³லேன ச ஸமன்னாக³தத்தா படிப³லோ.

4. ப³ஹூபகாரஸுத்தவண்ணனா

234. சதுத்தே² க²ண்ட³புல்லந்தி பதிதட்டா²னஞ்ச பி⁴ன்னட்டா²னஞ்ச. படிஸங்க²ரோதீதி படிபாகதிகங் கரோதி. ஆரோசேதீதி இத³ங் பவாரிதகுலானங் வஸேன வுத்தங்.

5. அனுகம்பஸுத்தவண்ணனா

235. பஞ்சமே அதி⁴ஸீலேஸுதி பஞ்சஸு ஸீலேஸு. த⁴ம்மத³ஸ்ஸனே நிவேஸேதீதி சதுஸச்சத⁴ம்மத³ஸ்ஸனே பதிட்டா²பேதி. அரஹக்³தந்தி ஸப்³ஸக்காரானங் அரஹே ரதனத்தயேவ க³தங், தீஸு வத்தூ²ஸு க³ருசித்தீகாரங் உபட்ட²பேதா²தி அத்தோ². ச²ட்ட²ங் உத்தானமேவ.

7. து³தியஅவண்ணாரஹஸுத்தவண்ணனா

237. ஸத்தமே ஆவாஸபலிகே³தீ⁴தி ஆவாஸங் ப³லவகி³த்³தி⁴வஸேன கி³லித்வா விய டி²தோ. ஸேஸங் ஸப்³பங் உத்தானமேவாதி.

ஆவாஸிகவக்³கோ³ சதுத்தோ².

(25) 5. து³ச்சரிதவக்³கோ³

1. பட²மது³ச்சரிதஸுத்தவண்ணனா

241. பஞ்சமஸ்ஸ பட²மே து³ச்சரிதே ஸுசரிதேதி இத³ங் அபே⁴த³தோ வுத்தங், காயது³ச்சரிதேதிஆதி³ காயத்³வாராதீ³னங் வஸேன பே⁴த³தோ. ஸத்³த⁴ம்மதி த³ஸ்குஸலகம்மபத²த⁴ம்மதோ. அஸத்³த⁴ம்மேதி அகுஸலகம்மபத²ஸங்கா²தே அஸ்ஸத்³த⁴ம்மே.

9. ஸிவதி²கஸுத்தவண்ணனா

249. நவமே ஸிவதி²காயாதி ஸுஸானே. ஆரோத³னாதி ஆரோத³னட்டா²னங். அஸுசினாதி ஜிகு³ச்ச²னீயேன.

10. புக்³க³லப்பஸாத³ஸுத்தவண்ணனா

250. த³ஸமே புக்³க³லப்பஸாதே³தி ஏகபுக்³க³லஸ்மிங் உப்பன்னப்பஸாதே³. அந்தே நிஸீதா³பேதீதி பி⁴க்கூ²னங் ஆஸனபரியந்தே நிஸீதா³பேதி. ஸேஸங் ஸப்³ப³த்த² உத்தானத்த²மேவாதி.

து³ச்சரிதவக்³கோ³ பஞ்சமோ.

பஞ்சமபண்ணாஸகங் நிட்டி²தங்.

(26) 6. உபஸம்பதா³வக்³கோ³

1-3. உபஸம்பாதே³தப்³பு³ஸுத்தாதி³வண்ணனா

251-253. ச²ட்ட²ஸ்ஸ பட²மே உபஸம்பாதே³தப்³பு³ந்தி உபஜ்ஜா²யேன ஹுத்வா உபஸம்பாதே³தப்³பு³ங். து³தியே நிஸ்ஸயோ தா³தப்³போ³தி ஆசரியேன ஹுத்வா நிஸ்ஸயோ தா³தப்³போ³. ததியே ஸாமணேரோ உபட்டா²பேதப்³போ³தி உபஜ்ஜா²யேன ஹுத்வா ஸாமணேரோ க³ஹேதப்³போ³. இதி இமானி தீணிபி ஸுத்தானி பட²மபோ³தி⁴யங் கீ²ணாஸவவஸேன வுத்தானி. சதுத்தா²தீ³னி அனுபத³வண்ணனாதோ உத்தானத்தா²னேவ.

1. ஸம்முதிபெய்யாலாதி³வண்ணனா

272. ப⁴த்துத்³தே³ஸகாதீ³னங் வினிச்ச²யகதா² ஸமந்தபாஸாதி³காய வினயட்ட²கதா²யங் (சூளவ. அட்ட². 325) வுத்தனயேன வேதி³தப்³பா³தி. ஸம்மதோ ந பேஸேதப்³போ³தி பகதியா ஸம்மதோ “க³ச்ச² ப⁴த்தானி உத்³தி³ஸாஹீ”தி ந பேஸேதப்³போ³.

273-285. ஸாடியக்³கா³ஹாபகோதி வஸ்ஸிகஸாடிகாய கா³ஹாபகோ. பத்தக்³கா³ஹாபகோதி “யோ ச தஸ்ஸா பி⁴க்கு²பரிஸாய பத்தபரியந்தோ, ஸோ தஸ்ஸ பி⁴க்கு²னோ பதா³தப்³போ³”தி எத்த² வுத்தபத்தக்³கா³ஹாபகோ.

293-302. ஆஜீவகோதி நக்³க³பரிப்³பா³ஜகோ. நிக³ண்டோ²தி புரிமபா⁴க³ப்படிச்ச²ன்னோ. முண்ட³ஸாவகோதி நிக³ண்ட²ஸாவகோ. ஜடிலகோதி தாபஸோ. பரிப்³பா³ஜகோதி ச²ன்னபரிப்³பா³ஜகோ. மாக³ண்டிகாத³யோபி தித்தி²யா ஏவ. ஏதேஸங் பன ஸீலேஸு பரிபூரகாரிதாய அபா⁴வேன ஸுக்கபக்³கோ² ந க³ஹிதோ. ஸேஸமெத்த² உத்தானமேவாதி.

மனோரத²பூரணியா அங்கு³த்தரனிகாய-அட்ட²கதா²ய

பஞ்சகனிபாதஸ்ஸ ஸங்வண்ணனா நிட்டி²தா.

நமோ தஸ்ஸ ப⁴க³வதோ அரஹதோ ஸம்மாஸம்பு³த்³த⁴ஸ்ஸ

அங்கு³த்தரனிகாயே

ச²க்கனிபாத-அட்ட²கதா²

1. பட²மபண்ணாஸகங்

1. ஆஹுனெய்யவக்³கோ³

1. பட²மஆஹுனெய்யஸுத்தவண்ணனா

1. ச²க்கனிபாதஸ்ஸ பட²மே இத⁴, பி⁴க்க²வே, பி⁴க்க²தி, பி⁴க்க²வே, இமஸ்மிங் ஸாஸனே பி⁴க்கு². நேவ ஸுமனோ ஹோதி ந து³ம்மனோதி இட்டா²ரம்மனே ராக³ஸஹக³தேன ஸோமனஸ்ஸேன ஸுமனோ வா அனிட்டா²ரம்மனே தோ³ஸஸஹக³தேன தோ³மனஸ்ஸேன து³ம்மனோ வா ந ஹோதி. உபெக்க²கோ விஹரதி ஸதோ ஸம்பஜானோதி மஜ்ஜத்தாரம்மனே அஸமபெக்க²னேன அஞ்ஞாணுபெக்கா²ய உபெக்க²கபா⁴வங் அனாபஜ்ஜித்வா ஸதோ ஸம்பஜானோ ஹுத்வா ஆரம்மனே மஜ்ஜத்தோ விஹரதி. இமஸ்மிங் ஸுத்தே கீ²ணாஸவஸ்ஸ ஸததவிஹாரோ கதி²தோ.

2. து³தியஆஹுனெய்யஸுத்தவண்ணனா

2-4. து³தியே அனேகவிஹிதங் இத³தி⁴வித⁴ந்திஆதீ³னி விஸுத்தி⁴மக்³கே³ வுத்தானேவ. ஆஸவானங் க²யா அனாஸவந்தி ஆஸவானங் க²யேன அனாஸவங், ந சக்கு²விஞ்ஞாணாதீ³னங் விய அபா⁴வேனாதி. இமஸ்மிங் ஸுத்தே கீ²ணாஸவஸ்ஸ அபி⁴ஞ்ஞா படிபாடியா கதி²தா. ததியசதுத்தே²ஸு கீ²ணாஸவோ கதி²தோ.

5-7. ஆஜானீயஸுத்தத்தயவண்ணனா

5-7. பஞ்சமே அங்கே³ஹீதி கு³ணங்கே³ஹி. க²மோதி அதி⁴வாஸகோ. ரூபானந்தி ரூபாரம்மணானங். வண்ணஸம்பன்னோதி ஸரீரவண்ணேன ஸம்பன்னோ. ச²ட்டே² ப³லஸம்பன்னோதி காயப³லேன ஸம்பன்னோ. ஸத்தமே ஜவஸம்பன்னோதி பத³ஜவேன ஸம்பன்னோ.

8-9. அனுத்தரியஸுத்தாதி³வண்ணனா

8-9. அட்ட²மே அனுத்தரியானீதி அஞ்ஞேன உத்தரிதரேன ரஹிதானி நிருத்தரானி. த³ஸ்ஸனானுத்தரியந்தி ரூபத³ஸ்ஸனேஸு அனுத்தரங். ஏஸ நயோ ஸப்³பதே³ஸு . ஹத்தி²ரதனாதீ³னஞ்ஞி த³ஸ்ஸனங் ந த³ஸ்ஸனானுத்தரியங், நிவிட்ட²ஸத்த⁴ஸ்ஸ பன நிவிட்ட²பேமவஸேன த³ஸப³லஸ்ஸ வா பி⁴க்கு²ஸங்க⁴ஸ்ஸ வா கஸிணஅஸுப⁴னிமித்தாதீ³னங் வா அஞ்ஞதரஸ்ஸ த³ஸ்ஸனங் த³ஸ்ஸனானுத்தரியங் நாம. க²த்தியாதீ³னங் கு³ணகதா²ஸவனங் ந ஸவனானுத்தரியங், நிவிட்ட²ஸத்த⁴ஸ்ஸ பன நிவிட்ட²பேமவஸேன திண்ணங் வா ரதனானங் கு³ணகதா²ஸவனங் தேபிடகபு³த்த⁴வசனஸவனங் வா ஸவனானுத்தரியங் நாம. மணிரதனாதீ³னங் லாபோ⁴ ந லாபா⁴னுத்தரியங், ஸத்தவித⁴அரியத⁴னலாபோ⁴ பன

லாபா⁴னுத்தரியங் நாம. ஹத்தி²ஸிப்பாதி³ஸிக்க²னங் ந ஸிக்கா²னுத்தரியங், ஸிக்கா²த்தயஸ்ஸ பூரணங் பன ஸிக்கா²னுத்தரியங் நாம. க²த்தியாதீ³னங் பாரிசரியா ந பாரிசரியானுத்தரியங், திண்ணங் பன ரதனானங் பாரிசரியா பாரிசரியானுத்தரியங் நாம. க²த்தியாதீ³னங் கு³ணானுஸ்ஸரணங் ந அனுஸ்ஸதானுத்தரியங், திண்ணங் பன ரதனானங் கு³ணானுஸ்ஸரணங் அனுஸ்ஸதானுத்தரியங் நாம. இதி இமானி ச² அனுத்தரியானி லோகியலோகுத்தரானி கதி²தானி. நவமே பு³த்தா⁴னுஸ்ஸதீதி பு³த்த⁴கு³ணாரம்மணா ஸதி. ஸேஸபதே³ஸுபி ஏஸேவ நயோ.

10. மஹானாமஸுத்தவண்ணனா

10. த³ஸமே மஹானாமோதி த³ஸப³லஸ்ஸ துளபிது புத்தோ ஏகோ ஸக்யராஜா. யேன ப⁴க³வா தேனுபஸங்கமீதி பு⁴த்தபாதராஸோ ஹுத்வா தா³ஸபரிஜனபரிவுதோ க³ந்த⁴மாலாதீ³னி கா³ஹாபெத்வா யத்த² ஸத்தா², தத்த² அக³மாஸி. அரியப²லங் அஸ்ஸ ஆக³தந்தி ஆக³தப²லோ. ஸிக்கா²த்தயஸாஸனங் ஏதேன விஞ்ஞாதந்தி விஞ்ஞாதஸாஸனோ. இதி அயங் ராஜா “ஸோதாபன்னஸ்ஸ நிஸ்ஸயவிஹாரங் புச்சா²மீ”தி புச்ச²ந்தோ ஏவமாஹ.

நேவஸ்ஸ ராக³பரியுட்டி²தந்தி ந உப்பஜ்ஜமானேன ராகே³ன உட்ட²ஹித்வா க³ஹிதங். உஜுக³தந்தி பு³த்தா⁴னுஸ்ஸதிகம்மட்டா²னே உஜுகமேவ க³தங். ததா²க³தங் ஆரப்³பா⁴தி ததா²க³தகு³ணே ஆரப்³பா⁴. அத்த²வேத³ந்தி அட்ட²கத²ங் நிஸ்ஸாய உப்பன்னங் பீதிபாமோஜ்ஜங். த⁴ம்மவேத³ந்தி பாளிங் நிஸ்ஸாய உப்பன்னங் பீதிபாமோஜ்ஜங். த⁴ம்முபஸஞ்ஹிதந்தி பாளிஞ்ச அட்ட²கத²ஞ்ச நிஸ்ஸாய உப்பன்னங். பமுதி³தஸ்ஸாதி து³விதே⁴ன பாமோஜ்ஜேன பமுதி³தஸ்ஸ. பீதி ஜாயதீதி பஞ்சவிதா⁴ பீதி நிப்³புத்ததி. காயோ பஸ்ஸம்ப⁴தீதி நாமகாயோ ச கரஜகாயோ ச த³ரத²படிப்பஸ்ஸத்தி⁴யா படிப்பஸ்ஸம்ப⁴தி. ஸுக³ந்தி காயிகசேதஸிகஸுக³ங். ஸமாதி⁴யதீதி ஆரம்மணே ஸம்மா ட²பிதங் ஹோதி. விஸமக³தாய பஜாயாதி ராக³தோ³ஸமோஹவிஸமக³தேஸு ஸத்தேஸு. ஸமப்பத்தோதி ஸமங் உபஸமங் பத்தோ ஹுத்வா. ஸப்³யாபஜ்ஜா²யாதி ஸது³க்கா²ய. த⁴ம்மஸோதங் ஸமாபன்னோதி விபஸ்ஸனாஸங்கா²தங் த⁴ம்மஸோதங் ஸமாபன்னோ. பு³த்தா⁴னுஸ்ஸதிங் பா⁴வேதீதி பு³த்தா⁴னுஸ்ஸதிகம்மட்டா²னங் ப்³ருஹேதி வட்³டே⁴தி. இமினா நயேன ஸப்³புத்த² அத்தோ² வேதி³தப்³போ³. இதி மஹானாமோ ஸோதாபன்னஸ்ஸ நிஸ்ஸயவிஹாரங் புச்சி². ஸத்தா²பிஸ்ஸ தமேவ கதே²ஸி. ஏவங் இமஸ்மிங் ஸுத்தே ஸோதாபன்னோவ கதி²தோதி.

ஆஹுனெய்யவக்³கோ³ பட²மோ.

2. ஸாரணியவக்³கோ³

1. பட²மஸாரணியஸுத்தவண்ணனா

11. து³தியஸ்ஸ பட²மே ஸாரணியாதி ஸரிதப்³புத்தகா. மெத்தங் காயகம்மந்தி மெத்தேன சித்தேன காதப்³பங் காயகம்மங். வசீகம்மமனோகம்மேஸுபி ஏஸேவ நயோ. இமானி ச பன பி⁴க்கூ²னங் வஸேன ஆக³தானி, கி³ஹீஸுபி லப்³ப⁴ந்தி. பி⁴க்கூ²னஞ்ஹி மெத்தேன சித்தேன ஆபி⁴ஸமாசாரிகத⁴ம்மபூரணங் மெத்தங் காயகம்மங் நாம. கி³ஹீனங் சேதியவந்த³னத்தா²ய போ³தி⁴வந்த³னத்தா²ய ஸங்க⁴னிமந்தனத்தா²ய க³மனங், கா³மங் பிண்டா³ய பவிட்டே² பி⁴க்கூ² தி³ஸ்வா பச்சக்³க³மனங், பத்தபடிக்க³ஹணங், ஆஸனபஞ்ஞாபனங், அனுக்³மனந்தி ஏவமாதி³கங் மெத்தங் காயகம்மங் நாம.

பி⁴க்கூ²னங் மெத்தேன சித்தேன ஆசாரபண்ணத்திஸிக்கா²பனங், கம்மட்டா²னகத²னங், த⁴ம்மதே³ஸனா, தேபிடகம்பி புத்த⁴வசனங் மெத்தங் வசீகம்மங் நாம. கி³ஹீனங் “சேதியவந்த³னாய க³ச்சா²ம, போ³தி⁴வந்த³னாய க³ச்சா²ம, த⁴ம்மஸ்ஸவனங் கரிஸ்ஸாம, தீ³பமாலாபுப்ப²பூஜங் கரிஸ்ஸாம, தீணி ஸுசரிதானி ஸமாதா³ய வத்திஸ்ஸாம, ஸலாகப⁴த்தாதீ³னி த³ஸ்ஸாம, வஸ்ஸாவாஸிகங் த³ஸ்ஸாம, அஜ்ஜ ஸங்க⁴ஸ்ஸ சத்தாரோ பச்சயே த³ஸ்ஸாம, ஸங்க⁴ங் நிமந்தெத்வா கா²த³னியாதீ³னி ஸங்வித³ஹத², ஆஸனானி பஞ்ஞாபேத², பானியங் உபட்டா²பேத², ஸங்க⁴ங் பச்சக்³க³ந்த்வா ஆனேத², பஞ்ஞத்தாஸனே நிஸீதா³பெத்வா உஸ்ஸாஹஜாதா வெய்யாவச்சங் கரோதா²”திஆதி³வசனகாலே மெத்தங் வசீகம்மங் நாம.

பி⁴க்கூ²னங் பாதோவ உட்டா²ய ஸரீரபடிஜக்³க³னங் சேதியங்க³ணவத்தாதீ³னி ச கத்வா விவித்தாஸனே நிஸீதி³த்வா “இமஸ்மிங் விஹாரே பி⁴க்கூ² ஸுகீ² ஹொந்து அவேரா அப்³யாபஜ்ஜா²”தி சிந்தனங் மெத்தங் மனோகம்மங் நாம. கி³ஹீனங் “அய்யா ஸுகீ² ஹொந்து அவேரா அப்³யாபஜ்ஜா²”தி சிந்தனங் மெத்தங் மனோகம்மங் நாம.

ஆவி சேவ ரஹோ சாதி ஸம்முகா² ச பரம்முகா² ச. தத்த² நவகானங் சீவரகம்மாதீ³ஸு ஸஹாயபா⁴வக³மனங் ஸம்முகா² மெத்தங் காயகம்மங் நாம, தே³ரானங் பன பாத³தோ⁴வனதா³னாதி³பே⁴த³ங் ஸப்³பம்பி ஸாமீசிகம்மங் ஸம்முகா² மெத்தங் காயகம்மங் நாம. உப⁴யேஹிபி து³ன்னிக்கித்தானங் தா³ருப⁴ண்டா³தீ³னங் தேஸு அவஞ்ஞங் அகத்வா அத்தனா து³ன்னிக்கித்தானங் விய படிஸாமனங் பரம்முகா² மெத்தங் காயகம்மங் நாம. “தே³வத்தே²ரோ திஸ்ஸத்தே²ரோ”தி ஏவங் பக்³க³ய்ஹ வசனங் ஸம்முகா² மெத்தங் வசீகம்மங் நாம. விஹாரே அஸந்தங் பன படிபுச்ச²ந்தஸ்ஸ “கஹங்

அம்ஹாகங் தே³வத்தே²ரோ, கஹங் அம்ஹாகங் திஸ்ஸத்தே²ரோ, கதா³ நு கோ² ஆக³மிஸ்ஸதீ²தி ஏவங் மமாயனவசனங் பரம்முகா² மெத்தங் வசீகம்மங் நாம. மெத்தாஸிணேஹஸிணித்தா⁴னி பன நயனானி உம்மீலெத்வா பஸன்னேன முகே²ன ஓலோகனங் ஸம்முகா² மெத்தங் மனோகம்மங் நாம. “தே³வத்தே²ரோ திஸ்ஸத்தே²ரோ அரோகோ³ ஹோது அப்பாபா³தோ⁴”தி ஸமன்னாஹரணங் பரம்முகா² மெத்தங் மனோகம்மங் நாம.

லாபா⁴தி சீவராத³யோ லத்த³த⁴பச்சயா. த⁴ம்மிகாதி குஹனாதி³பே⁴த³ங் மிச்சா²ஜீவங் வஜ்ஜெத்வா த⁴ம்மேன ஸமேன பி⁴க்கா²சரியவத்தேன உப்பன்னா. அந்தமஸோ பத்தபரியாபன்னமத்தம்பீதி பச்சி²மகோடியா பத்தபரியாபன்னங் பத்தஸ்ஸ அந்தோக³தங் த³வத்திகடச்ச²பி⁴க்கா²மத்தம்பி. அப்படிவிப⁴த்தபோ⁴கீ³தி எத்த² த³வே படிவிப⁴த்தானி நாம ஆமிஸபடிவிப⁴த்தங் பன புக்³க³லபடிவிப⁴த்தஞ்ச. தத்த² “எத்தகங் த³ஸ்ஸாமி, எத்தகங் ந த³ஸ்ஸாமீ”தி ஏவங் சித்தேன படிவிப⁴ஜனங் ஆமிஸபடிவிப⁴த்தங் நாம. “அஸுகஸ்ஸ த³ஸ்ஸாமி, அஸுகஸ்ஸ ந த³ஸ்ஸாமீ”தி ஏவங் சித்தேன விப⁴ஜனங் பன புக்³க³லபடிவிப⁴த்தங் நாம. தது³ப⁴யம்பி அகத்வா யோ அப்படிவிப⁴த்தங் பு⁴ஞ்ஜதி, அயங் அப்படிவிப⁴த்தபோ⁴கீ³ நாம. ஸீலவந்தேஹி ஸப்³ரஹ்மசாரீஹி ஸாதா⁴ரணபோ⁴கீ³தி எத்த² ஸாதா⁴ரணபோ⁴கி³னோ இத³ங் லக்க²ணங் - யங் யங் பணீதங் லப⁴தி, தங் தங் நேவ லாபே⁴னலாப⁴ங்-நிஜிகீ³ஸனதாமுகே²ன கி³ஹீனங் தே³தி, ந அத்தனா பரிபு⁴ஞ்ஜதி, படிக்க³ணஹந்தோ ச “ஸங்கே⁴ன ஸாதா⁴ரணங் ஹோது”தி க³ஹெத்வா க⁴ண்டிங் பஹரித்வா பரிபு⁴ஞ்ஜிதப்³பங் ஸங்க⁴ஸந்தகங் விய பஸ்ஸதி.

இமங் பன ஸாரணியத⁴ம்மங் கோ பூரேதி, கோ ந பூரேதி? து³ஸ்ஸீலோ தாவ ந பூரேதி. ந ஹி தஸ்ஸ ஸந்தகங் ஸீலவந்தா க³ணஹந்தி. பரிஸுத்த⁴ஸீலோ பன வத்தங் அக²ண்டெ³ந்தோ பூரேதி. தத்ரித³ங் வத்தங் - யோ ஹி ஓதி³ஸ்ஸகங் கத்வா மாது வா பிது வா ஆசரியபஜ்ஜா²யாதீ³னங் வா தே³தி, ஸோ தாதப்³பங் தே³தி. ஸாரணியத⁴ம்மோ பனஸ்ஸ ந ஹோதி, பலிபோ³த⁴ஜக்க³னங் நாம ஹோதி. ஸாரணியத⁴ம்மோ ஹி முத்தபலிபோ³த⁴ஸ்ஸ வட்டதி. தேன பன ஓதி³ஸ்ஸகங் தெ³ந்தேன கி³லானகி³லானுபட்டா²கஆக³ந்துகக³மிகானஞ்சேவ நவபப்³ஜிதஸ்ஸ ச ஸங்கா⁴டிபத்தக்க³ஹணங் அஜானந்தஸ்ஸ தாதப்³பங். ஏதேஸங் த³த்வா அவஸேஸங் தே²ராஸனதோ பட்டா²ய தோ²கங் தோ²கங் அத³த்வா யோ யத்தகங் க³ணஹாதி, தஸ்ஸ தத்தகங் தாதப்³பங். அவஸிட்டே² அஸதி புன பிண்டா³ய சரித்வா தே²ராஸனதோ பட்டா²ய யங் யங் பணீதங், தங் தங் த³த்வா ஸேஸங் பு⁴ஞ்ஜிதப்³பங். “ஸீலவந்தேஹி”தி வசனதோ து³ஸ்ஸீலஸ்ஸ அதா³தும்பி வட்டதி.

அயங் பன ஸாரணியத்⁴ம்மோ ஸுஸிக்கி²தாய பரிஸாய ஸுபூரோ
 ஹோதி, ஸுஸிக்கி²தாய ஹி பரிஸாய யோ அஞ்ஞதோ லப⁴தி, ஸோ ந
 க³ண்ஹாதி. அஞ்ஞதோ அலப⁴ந்தோபி பமாணயுத்தமேவ க³ண்ஹதி, ந
 அதிரேகங். அயங் பன ஸாரணியத்⁴ம்மோ ஏவங் புனப்புனங் பிண்டா³ய சரித்வா
 லத்³த⁴ங் லத்³த⁴ங் தெ³ந்தஸ்ஸாபி த்³வாத³ஸஹி வஸ்ஸேஹி பூரேதி, ந
 ததோ ஓரங். ஸசே ஹி த்³வாத³ஸமே வஸ்ஸே ஸாரணியத்⁴ம்மபூரகோ
 பிண்ட³பாதபூரங் பத்தங் ஆஸனஸாலாயங் ட²பெத்வா ந்ஹாயிதுங் க³ச்ச²தி,
 ஸங்க⁴த்தே²ரோ ச “கஸ்ஸேஸோ பத்தோ”தி வத்வா
 “ஸாரணியத்⁴ம்மபூரகஸ்ஸா”தி வுத்தே “ஆஹரத² ந”ந்தி ஸப்³ப³ங் பிண்ட³பாதங்
 விசாரெத்வாவ பு⁴ஞ்ஜித்வா ரித்தபத்தங் ட²பேதி. அத² கோ² ஸோ பி⁴க்கு²
 ரித்தபத்தங் தி³ஸ்வா “மய்ஹங் அஸெஸெத்வாவ பரிபு⁴ஞ்ஜிங்ஸு”தி
 தோ³மனஸ்ஸங் உப்பாதே³தி, ஸாரணியத்⁴ம்மோ பி⁴ஜ்ஜதி, புன த்³வாத³ஸ
 வஸ்ஸானி பூரேதப்³போ³ ஹோதி. தித்தி²யபரிவாஸஸதி³ஸோ ஹேஸ, ஸகிங்
 க²ண்டே³ ஜாதே புன பூரேதப்³போ³வ. யோ பன “லாபா⁴ வத மே, ஸுலத்³த⁴ங்
 வத மே, யஸ்ஸ மே பத்தக³தங் அனாபுச்சா²வ ஸப்³ரஹ்மசாரீ பரிபு⁴ஞ்ஜந்தி”தி
 ஸோமனஸ்ஸங் ஜனேதி, தஸ்ஸ புண்ணோ நாமஹோதி.

ஏவங் பூரிதஸாரணியத்⁴ம்மஸ்ஸ பன நேவ இஸ்ஸா ந மச்ச²ரியங்
 ஹோதி, மனுஸ்ஸானங் பியோ ஹோதி, அமனுஸ்ஸானங் பியோ ஹோதி,
 ஸுலப⁴பச்சயோ. பத்தக³தமஸ்ஸ தி³ய்யமானம்பி ந கீ²யதி,
 பா⁴ஜனியப⁴ண்ட³ட்டா²னே அக்³க³ப⁴ண்ட³ங் லப⁴தி, ப⁴யே வா சா²தகே வா
 பத்தே தே³வதா உஸ்ஸுக்கங் ஆபஜ்ஜந்தி.

தத்ரிமானி வத்தூ²னி - ஸேனகி³ரிவாஸீ திஸ்ஸத்தே²ரோ கிர
 மஹாகி³ரிகா³மங் உபனிஸ்ஸாய வஸதி, பஞ்ஞாஸ மஹாதே²ரா நாக³தீ³பங்
 சேதியவந்த³னத்தா²ய க³ச்ச²ந்தா கி³ரிகா³மே பிண்டா³ய சரித்வா கிஞ்சி
 அலத்³தா⁴ நிக்க²மிங்ஸு. தே²ரோ பவிஸந்தோ தே தி³ஸ்வா புச்சி² -
 “லத்³த⁴ங், ப⁴ந்தே”தி? விசரிம்ஹா, ஆவுஸோதி. ஸோ அலத்³த⁴பா⁴வங்
 ஞத்வா ஆஹ - “ப⁴ந்தே, யாவாஹங் ஆக³ச்சா²மி, தாவ இதே⁴வ ஹோதா²”தி.
 மயங், ஆவுஸோ, பஞ்ஞாஸ ஜனா பத்ததேமனமத்தம்பி ந லபி⁴ம்ஹாதி.
 ப⁴ந்தே, நேவாஸிகா நாம படிப³லா ஹொந்தி, அலப⁴ந்தாபி
 பி⁴க்கா²சாரமக்³ஸபா⁴க³ங் ஜானந்தீதி. தே²ரா ஆக³மேஸுங். தே²ரோ கா³மங்
 பாவிஸி. து⁴ரகே³ஹேயேவ மஹாஉபாஸிகா கீ²ரப⁴த்தங் ஸஜ்ஜெத்வா தே²ரங்
 ஓலோகயமானா டி²தா தே²ரஸ்ஸ த்³வாரங் ஸம்பத்தஸ்ஸேவ பத்தங் பூரெத்வா
 அதா³ஸி. ஸோ தங் ஆதா³ய தே²ரானங் ஸந்திகங் க³ந்த்வா “க³ண்ஹத² ,
 ப⁴ந்தே”தி ஸங்க⁴த்தே²ரங் ஆஹ. தே²ரோ “அம்ஹேஹி எத்தகேஹி கிஞ்சி ந
 லத்³த⁴ங், அயங் ஸீக⁴மேவ க³ஹெத்வா ஆக³தோ, கிங் நு கோ²”தி
 ஸேஸானங் முக²ங் ஓலோகேஸி. தே²ரோ ஓலோகனாகாரேனேவ ஞத்வா,
 “ப⁴ந்தே, த⁴ம்மேன ஸமேன லத்³தோ⁴, நிக்குக்குச்சா க³ண்ஹதா²”தி

ஆதி³தோ பட்டா²ய ஸப்³பே³ஸங் யாவத³த்த²ங் த³த்வா அத்தனாபி யாவத³த்த²ங் பு⁴ஞ்ஜி.

அத² நங் ப⁴த்தகிச்சாவஸானே தே²ரா புச்சி²ங்ஸு - “கதா³, ஆவுஸோ, லோகுத்தரத⁴ம்மங் படிவிஜ்ஜி²”தி? நத்தி² மே, ப⁴ந்தே, லோகுத்தரத⁴ம்மோதி. ஜா²னலாபீ⁴ஸி, ஆவுஸோதி. ஏதம்பி, ப⁴ந்தே, நத்தீ²தி? நனு, ஆவுஸோ, பாடிஹாரியந்தி. ஸாரணியத⁴ம்மோ மே, ப⁴ந்தே, பூரிதோ, தஸ்ஸ மே பூரிதகாலதோ பட்டா²ய ஸசேபி பி⁴க்கு²ஸதஸஹஸ்ஸங் ஹோதி, பத்தக³தங் ந கீ²யதீதி. ஸாது⁴ ஸாது⁴, ஸப்புரிஸ, அனுச்ச²விகமித³ங் துய்ஹந்தி. இத³ங் தாவ பத்தக³தங் ந கீ²யதீதி எத்த² வத்து².

அயமேவ பன தே²ரோ சேதியபப்³புதே கிரிப⁴ண்ட³மஹாபூஜாய தா³னட்டா²னங் க³ந்த்வா “இமஸ்மிங் தா³னே கிங் வரப⁴ண்ட³”ந்தி புச்சி². த³வே ஸாடகா, ப⁴ந்தேதி. ஏதே மய்ஹங் பாபுணிஸ்ஸந்தீதி? தங் ஸுத்வா அமச்சோ ரஞ்ஞோ ஆரோசேஸி - “ஏகோ த³ஹரோ ஏவங் வத³தீ”தி. “த³ஹரஸ்ஸ ஏவங் சித்தங், மஹாதே²ரானங் பன ஸுகு²மஸாடகா வட்டந்தீ”தி வத்வா “மஹாதே²ரானங் த³ஸ்ஸாமீ”தி ட²பேஸி. தஸ்ஸ பி⁴க்கு²ஸங்கே⁴ படிபாடியா டி²தே தெ³ந்தஸ்ஸ மத்த²கே ட²பிதாபி தே ஸாடகா ஹத்த²ங் நாரோஹந்தி, அஞ்ஞேவ ஆரோஹந்தி. த³ஹரஸ்ஸ தா³னகாலே பன ஹத்த²ங் ஆருள்ஹா. ஸோ தஸ்ஸ ஹத்தே² ட²பெத்வா அமச்சஸ்ஸ முக²ங் ஒலோகெத்வா த³ஹரங் நிஸீதா³பெத்வா தா³னங் த³த்வா ஸங்க⁴ங் விஸ்ஸஜ்ஜெத்வா த³ஹரஸ்ஸ ஸந்திகே நிஸீதி³த்வா “கதா³, ப⁴ந்தே, இமங் த⁴ம்மங் படிவிஜ்ஜி²த்தா²”தி ஆஹ. ஸோ பரியாயேனபி அஸந்தங் அவத³ந்தோ “நத்தி² மய்ஹங், மஹாராஜ, லோகுத்தரத⁴ம்மோ”தி ஆஹ. நனு, ப⁴ந்தே, புப்³பே³வ அவசத்தா²தி. ஆம, மஹாராஜ, ஸாரணியத⁴ம்மபூரகோ அஹங், தஸ்ஸ மே த⁴ம்மஸ்ஸ பூரிதகாலதோ பட்டா²ய பா⁴ஜனியப⁴ண்ட³ட்டா²னே அக்³க³ப⁴ண்ட³ங் பாபுணாதீதி. “ஸாது⁴ ஸாது⁴, ப⁴ந்தே, அனுச்ச²விகமித³ங் தும்ஹாக”ந்தி வத்வா பக்காமி. இத³ங் பா⁴ஜனியப⁴ண்ட³ட்டா²னே அக்³க³ப⁴ண்ட³ங் பாபுணாதீதி எத்த² வத்து².

ப்³ராஹ்மணதிஸ்ஸப⁴யே பன பா⁴தரகா³மவாஸினோ நாக³த்தே²ரியா அனாரோசெத்வாவ பலாயிங்ஸு. தே²ரீ பச்சுஸஸமயே “அதிவிய அப்பனிக்³கோ⁴ஸோ கா³மோ, உபதா⁴ரேத² தாவா”தி த³ஹரபி⁴க்கு²னியோ ஆஹ. தா க³ந்த்வா ஸப்³பே³ஸங் க³தபா⁴வங் ஞத்வா ஆக³ம்ம தே²ரியா ஆரோசேஸுங். ஸா ஸுத்வா “மா தும்ஹே தேஸங் க³தபா⁴வங் சிந்தயித்த², அத்தனோ உத்³தே³ஸபரிபுச்சா²யோனிஸோமனஸிகாரேஸுயேவ யோக³ங் கரோதா²”தி வத்வா பி⁴க்கா²சாரவேலாயங் பாருபித்வா அத்தத்³வாத³ஸமா கா³மத்³வாரே நிக்³ரோத⁴ருக்க²முலே அட்டா²ஸி. ருக்கே² அதி⁴வத்தா² தே³வதா த்³வாத³ஸன்னம்பி பி⁴க்கு²னீனங் பிண்ட³பாதங் த³த்வா, “அய்யே,

அஞ்ஞத்த² மா க³ச்ச²த², நிச்சங் இதே⁴வ ஆக³ச்செ²ய்யாதா²”தி ஆஹ. தே²ரியா பன கனி¹ட்ட²பா⁴தா நாக³த்தே²ரோ நாம அத்தி². ஸோ “மஹந்தங் ப⁴யங், ந ஸக்கா யாபேதுங், பரதீரங் க³மிஸ்ஸாமீ”தி அத்தத்³வாத³ஸமோவ அத்தனோ வஸனட்டா²னா நிக்க²ந்தோ “தே²ரிங் தி³ஸ்வா க³மிஸ்ஸாமீ”தி பா⁴தரகா³மங் ஆக³தோ. தே²ரீ “தே²ரா ஆக³தா”தி ஸுத்வா தேஸங் ஸந்திகங் க³ந்த்வா “கிங் அய்யா”தி புச்சி². ஸோ தங் பவத்திங் ஆரோசேஸி. ஸா “அஜ்ஜ ஏகதி³வஸங் விஹாரேவ வஸித்வா ஸ்வே க³மிஸ்ஸதா²”தி ஆஹ. தே²ரா விஹாரங் அக³மிங்ஸு.

தே²ரீ புனதி³வஸே ருக்க²மூலே பிண்டா³ய சரித்வா தே²ரங் உபஸங்கமித்வா “இமங் பிண்ட³பாதங் பரிபு⁴ஞ்ஜதா²”தி ஆஹ. தே²ரோ “வட்டிஸ்ஸதி தே²ரீ”தி வத்வா துண்ஹீ அட்டா²ஸி. த⁴ம்மிகோ, தாத, பிண்ட³பாதோ, குக்குச்சங் அகத்வா பரிபு⁴ஞ்ஜதா²தி . வட்டிஸ்ஸதி தே²ரீதி? ஸா பத்தங் க³ஹெத்வா ஆகாஸே கி²பி, பத்தோ ஆகாஸே அட்டா²ஸி. தே²ரோ “ஸத்ததாலமத்தே டி²தம்பி பி⁴க்கு²னிப⁴த்தமேவ தே²ரீ”தி வத்வா “ப⁴யங் நாம ஸப்³பகாலங் ந ஹோதி, ப⁴யே வுபஸந்தே அரியவங்ஸங் கத²யமானோ, ‘போ⁴ பிண்ட³பாதிக, பி⁴க்கு²னிப⁴த்தங் பு⁴ஞ்ஜித்வா வீதினாமயித்தா²”தி சித்தேன அனுவதி³யமானோ ஸந்த²ம்பி⁴துங் ந ஸக்கி²ஸ்ஸாமி, அப்பமத்தா ஹோத² தே²ரியோ”தி மக்³கங் படிபஜ்ஜி.

ருக்க²தே³வதாபி “ஸசே தே²ரோ தே²ரியா ஹத்த²தோ பிண்ட³பாதங் பரிபு⁴ஞ்ஜிஸ்ஸதி, ந தங் நிவத்தெஸ்ஸாமி. ஸசே ந பரிபு⁴ஞ்ஜிஸ்ஸதி, நிவத்தெஸ்ஸாமீ”தி சிந்தயமானா ட²த்வா தே²ரஸ்ஸ க³மனங் தி³ஸ்வா ருக்கா² ஒருய்ஹ “பத்தங், ப⁴ந்தே, தே³தா²”தி வத்வா பத்தங் க³ஹெத்வா தே²ரங் ருக்க²மூலங்யேவ ஆனெத்வா ஆஸனங் பஞ்ஞாபெத்வா பிண்ட³பாதங் த³த்வா கதப⁴த்தகிச்சங் படிஞ்ஞங் காரெத்வா த³வாத³ஸ பி⁴க்கு²னியோ த³வாத³ஸ ச பி⁴க்க² ஸத்த வஸ்ஸானி உபட்ட²ஹி. இதங் தே³வதா உஸ்ஸுக்கங் ஆபஜ்ஜந்தீதி எத்த² வத்து². தத்ர ஹி தே²ரீ ஸாரணியத⁴ம்மபூரிகா அஹோஸி.

அக²ண்டா³னிதிஆதீ³ஸு யஸ்ஸ ஸத்தஸு ஆபத்திக்க²ந்தே⁴ஸு ஆதி³ம்ஹி வா அந்தே வா ஸிக்கா²பத³ங் பி⁴ன்னங் ஹோதி, தஸ்ஸ ஸீலங் பரியந்தே சி²ன்னஸாடகோ விய க²ண்ட³ங் நாம. யஸ்ஸ பன வேமஜ்ஜே² பி⁴ன்னங், தஸ்ஸ சி²த்த³ஸாடகோ விய சி²த்த³ங் நாம ஹோதி. யஸ்ஸ படிபாடியா த³வே தீணி பி⁴ன்னானி, தஸ்ஸ பிட்டி²யங் வா குச்சி²யங் வா உட்டி²தேன விஸபா⁴க³வண்ணேன காளரத்தாதீ³னங் அஞ்ஞதரவண்ணா கா³வீ விய ஸப³லங் நாம ஹோதி. யஸ்ஸ அந்தரந்தரா பி⁴ன்னானி, தஸ்ஸ அந்தரந்தரா விஸபா⁴க³பி³ந்து³விசித்ரா கா³வீ விய கம்மாஸங் நாம ஹோதி. யஸ்ஸ பன ஸப்³பே³ன ஸப்³பங் அபி⁴ன்னானி, தஸ்ஸ தானி ஸீலானி அக²ண்டா³னி அச்சி²த்த³தா³னி அஸப³லானி அகம்மாஸானி நாம ஹோந்தி. தானி பனேதானி

தண்ஹாதாஸப்யதோ மோசெத்வா புஜிஸ்ஸபாவுகரணதோ
 புஜிஸ்ஸானி, புத்தாதிஹி விஞ்ஞாஹி பஸத்தத்தா விஞ்ஞப்பஸத்தானி,
 தண்ஹாதிட்டிஹி அபராமட்டத்தா “இதங் நாம த்வங் ஆபன்னபுப்போ”தி
 கேனசி பராமட்டுங் அஸக்குணெய்யத்தா ச அபராமட்டானி,
 உபசாரஸமாதிங் அப்பனாஸமாதிங் வா ஸங்வத்தயந்தீதி
 ஸமாதிஸங்வத்தனிகானீதி வுச்சந்தி.

ஸீலஸாமஞ்ஞகதோ விஹரதீதி தேஸு தேஸு திஸாபாவுகேஸு
 விஹரந்தேஹி பிக்குஹி ஸத்திங் ஸமானபாவுபகதஸீலோ விஹரதி.
 ஸோதாபன்னாதீனஞ்ஞஹி ஸீலங் ஸமுத்தந்தரேபி தேவலோகேபி
 வஸந்தானங் அஞ்ஞேஸங் ஸோதாபன்னாதீனங் ஸீலேன ஸமானமேவ
 ஹோதி, நத்தி மக்கஸீலே நானத்தங். தங் ஸந்தாவுயேதங் வுத்தங்.

யாயங் திட்டிதி மக்கஸம்பயுத்தா ஸம்மாதிட்டி. அரியாதி நித்தோஸா.
 நிய்யாதீதி நிய்யானிகா. தக்கரஸ்ஸாதி யோ ததாக்காரீ ஹோதி.
 துக்கக்கயாயாதி ஸப்பதுக்கக்கயத்தங். திட்டிஸாமஞ்ஞகதோதி
 ஸமானதிட்டிபாவங் உபகதோ ஹுத்வா விஹரதீதி.

2. துதியஸாரணியஸுத்தவண்ணனா

12. துதியே யோ தே தம்மே பூரேதி, தங் ஸப்ரஹ்மசாரீனங் பியங்
 கரொந்தீதி பியகரணா. கருங் கரொந்தீதி கருகரணா. ஸங்கஹாயாதி
 ஸங்கண்ஹனத்தாய். அவிவாதாயாதி அவிவதனத்தாய். ஸாமக்கியாதி
 ஸமக்கப்பாவத்தாய். ஏகீபாவாயாதி ஏகப்பாவத்தாய் நின்னானாகரணாய்.
 ஸங்வத்தந்தீதி வத்தந்தி பவத்தந்தி.

3. நிஸ்ஸாரணியஸுத்தவண்ணனா

13. ததியே நிஸ்ஸாரணியா தாதுயோதி நிஸ்ஸரணதாதுயோவ.
 மெத்தா ஹி கோ மே சேதோவிமுத்தீதி எத்த பச்சனீகதம்மேஹி
 விமுத்தத்தா திகசதுக்கஜ்ஜானிகா மெத்தாவ மெத்தாசேதோவிமுத்தி நாம .
 பாவிதாதி வட்டிதா. பஹுலீகதாதி புனப்புனங் கதா. யானீகதாதி
 யுத்தயானஸதிஸா கதா. வத்துகதாதி பதிட்டா கதா. அனுட்டிதாதி
 அதிட்டிதா. பரிசிதாதி ஸமந்ததோ சிதா ஆசிதா உபசிதா.
 ஸுஸமாரத்தாதி ஸப்பகுணகரணேன ஸட்டு ஸமாரத்தா. பரியாதாய
 திட்டீதி பரியாதியித்வா கஹெத்வா திட்டிதி. மா ஹேவந்திஸ்ஸ
 வசனீயோதி யஸ்மா அபுதப்பயாகரணங் பயாகரோதி, தஸ்மா “மா ஏவங்
 பணிதி வத்தப்போ. யதிதங் மெத்தாசேதோவிமுத்தீதி யா அயங்
 மெத்தாசேதோவிமுத்தி, இதங் நிஸ்ஸரணங் பயாபாதஸ்ஸ, பயாபாததோ
 நிஸ்ஸடாதி அத்தோ. யோ பன மெத்தாய திகசதுக்கஜ்ஜானதோ வுட்டிதோ

ஸங்கா²ரே ஸம்மஸித்வா ததியமக்³கங் பத்வா “புன ப்³யாபாதோ³ நத்தீ²”தி ததியப²லேன நிப்³பா³னங் பஸ்ஸதி, தஸ்ஸ சித்தங் அச்சந்தனிஸ்ஸரணங் ப்³யாபாத்³ஸ்ஸ. ஏதேனுபாயேன ஸப்³பத்த² அத்தோ² வேதி³தப்³போ³.

அனிமித்தாசேதோவிமுத்தீதி ப்³லவவிபஸ்ஸனா. தீ³க⁴பா⁴ணகா பன அரஹத்தப்²லஸமாபத்தீதி வத்³ந்தி. ஸா ஹி ராக³னிமித்தாதீ³னஞ்சேவ ரூபனிமித்தாதீ³னஞ்ச நிச்சனிமித்தாதீ³னஞ்ச அபா⁴வா அனிமித்தாதி வுத்தா. நிமித்தானுஸாரீதி வுத்தப்பபே⁴தங் நிமித்தங் அனுஸரணஸபா⁴வங்.

அஸ்மீதி அஸ்மிமானோ. **அயமஹமஸ்மீதி** பஞ்சஸு க²ந்தே⁴ஸு அயங் நாம அஹங் அஸ்மீதி. எத்தாவதா அரஹத்தங் ப்³யாகதங் ஹோதி. விசிகிச்சா²கத²ங்கதா²ஸல்லந்தி விசிகிச்சா²பூ⁴தங் கத²ங்கதா²ஸல்லங். மா ஹேவந்திஸ்ஸ வசனீயோதி ஸசே தே பட²மமக்³கவஜ்ஜா² விசிகிச்சா² உப்பஜ்ஜதி, அரஹத்தப்³யாகரணங் மிச்சா² ஹோதி, தஸ்மா “மா அபூ⁴தங் க³ண்ஹீ”தி வாரேதப்³போ³. **அஸ்மீதி** மானஸமுக்³கா⁴தோதி அரஹத்தமக்³கோ³. அரஹத்தமக்³கப்²லவஸேன ஹி நிப்³பா³னே தி³ட்டே² புன அஸ்மிமானோ நத்தீ²தி அரஹத்தமக்³கோ³ “அஸ்மீதி மானஸமுக்³கா⁴தோ”தி வுத்தோ. இதி இமஸ்மிங் ஸுத்தே அபூ⁴தப்³யாகரணங் நாம கதி²தங்.

4. ப்⁴தத்³கஸுத்தவண்ணனா

14. சதுத்தே² ந ப்⁴தத்³கந்தி ந லத்³த⁴கங். தத்த² யோ ஹி பீ⁴தபீ⁴தோ மரதி, தஸ்ஸ ந ப்⁴தத்³கங் மரணங் ஹோதி. யோ அபாயே படிஸந்தி⁴ங் க³ண்ஹாதி, தஸ்ஸ ந ப்⁴தத்³தி³கா காலகிரியா ஹோதி. **கம்மாராமோதி**ஆதீ³ஸு ஆரமணங் ஆராமோ, அபி⁴ரதீதி அத்தோ². விஹாரகரணாதி³ம்ஹி நவகம்மே ஆராமோ அஸ்ஸாதி **கம்மாராமோ**. தஸ்மிங்யேவ கம்மே ரதோதி **கம்மரதோ**. ததே³வ கம்மாராமதங் புனப்புனங் யுத்தோதி **அனுயுத்தோ**. ஏஸ நயோ ஸப்³பத்த². எத்த² ச ப்⁴ஸ்ஸந்தி ஆலாபஸல்லாபோ. **நித்தா³தி** ஸொப்பங். **ஸங்க³ணிகாதி** க³ணஸங்க³ணிகா. ஸா “ஏகஸ்ஸ து³தியோ ஹோதி, த்³வின்னங் ஹோதி ததியகோ”திஆதி³னா நயேன வேதி³தப்³பா³. **ஸங்ஸக்³கோ³தி** த்³ஸ்ஸனஸவனஸமுல்லாபஸம்போ⁴க³காயஸங்ஸக்³கவஸேன பவத்தோ ஸங்ஸட்ட²பா⁴வோ. பபஞ்சோதி தண்ஹாதி³ட்டி²மானவஸேன பவத்தோ மத³னாகாரஸண்டி²தோ கிலேஸபபஞ்சோ. **ஸக்காயந்தி** தேபூ⁴மகவட்டங். **ஸம்மா து³க்க²ஸ்ஸ** அந்தகிரியாயாதி ஹேதுனா நயேன ஸகலவட்டது³க்க²ஸ்ஸ பரிவடுமபரிச்சே²த³கரணத்த²ங். **மகோ³தி** மக³ஸதி³ஸோ. **நிப்பபஞ்சபதே³தி** நிப்³பா³னபதே³. **ஆராத⁴யீதி** பரிபூரயி தங் ஸம்பாதே³ஸீதி.

5. அனுதப்பியஸுத்தவண்ணனா

15. பஞ்சமே அனுதப்பாதி அனுஸோசிதப்பா³ அனுதாபகாரீ. இமேஸு த்³வீஸுபி ஸுத்தேஸு கா³தா²ஸு ச வட்டவிவட்டங் கதி²தங்.

6. நகுலபிதுஸுத்தவண்ணனா

16. ச²ட்டே² பா³ள்ஹகி³லானோதி அதி⁴மத்தகி³லானோ. ஏதத்³வோசாதி ஸாமிகஸ்ஸ பே⁴ஸஜ்ஜங் கத்வா ப்³யாதி⁴ங் லூபஸமேதுங் அஸக்கொந்தீ இதா³னி ஸீஹனாத³ங் நதி³த்வா ஸச்சகிரியாய ப்³யாதி⁴ங் லூபஸமேதுங் ஸந்திகே நிஸீதி³த்வா ஏதங் “மா கோ² த்வ”ந்திஆதி³வசனங் அவோச. ஸாபெக்கோ²தி ஸதண்ஹோ. ந நகுலமாதாதி எத்த² ந-காரோ ந ஸக்க²தீதி ஏவங் பரபதே³ன யோஜேதப்³போ³. ஸந்த²ரிதுந்தி நிச்சி²த்³த³ங் காதுங், ஸண்ட²பேதுந்தி அத்தோ². வேணிங் ஒலிகி²துந்தி ஏளகலோமானி கப்பெத்வா விஜடெத்வா வேணிங் காதுங்.

அஞ்ஞங் க⁴ரங் க³மிஸ்ஸதீதி அஞ்ஞங் ஸாமிகங் க³ண்ஹிஸ்ஸதி. ஸோளஸ வஸ்ஸானி க³ஹட்ட²கங் ப்³ரஹ்மசரியங் ஸமாசிண்ணந்தி இதோ ஸோளஸவஸ்ஸமத்த²கே க³ஹட்ட²ப்³ரஹ்மசரியவாஸோ ஸமாசிண்ணோ. த்³ஸ்ஸனகாமதராதி அதிரேகேன த்³ஸ்ஸனகாமா. இமேஹி தீஹி அங்கே³ஹி ஸீஹனாத³ங் நதி³த்வா “இமினா ஸச்சேன தவ ஸரீரே ப்³யாதி⁴ பா²ஸு ஹோதா”தி ஸச்சகிரியங் அகாஸி.

இதா³னி ப⁴க³வந்தங் ஸக்கி²ங் கத்வா அத்தனோ ஸீலாதி³கு³ணேஹிபி ஸச்சகிரியங் காதுங் ஸியா கோ² பன தேதிஆதி³மாஹ. தத்த² பரிபூரகாரினீதி ஸமத்தகாரினீ. சேதோஸமத்³ஸ்ஸாதி ஸமாதி⁴கம்மட்டா²னஸ்ஸ. ஓகா³த⁴ப்பத்தாதி ஓகா³த⁴ங் அனுப்பவேஸங் பத்தா. பதிகா³த⁴ப்பத்தாதி பதிகா³த⁴ங் பதிட்ட²ங் பத்தா. அஸ்ஸாஸப்பத்தாதி அஸ்ஸாஸங் அவஸ்ஸயங் பத்தா. வேஸாரஜ்ஜப்பத்தாதி ஸோமனஸ்ஸஞாணங் பத்தா. அபரப்பச்சயாதி பரப்பச்சயோ வுச்சதி பரஸத்³தா⁴ பரபத்தியாயனா, தாய விரஹிதாதி அத்தோ². இமேஹி தீஹி அங்கே³ஹி அத்தனோ கு³ணே ஆரப்³ப⁴ ஸச்சகிரியங் அகாஸி. கி³லானா வுட்டி²தோதி கி³லானோ ஹுத்வா வுட்டி²தோ. யாவதாதி யத்திகாயோ. தாஸங் அஞ்ஞதராதி தாஸங் அந்தரே ஏகா. அனுகம்பிகாதி ஹிதானுகம்பிகா. ஓவாதி³காதி ஓவாத³தா³யிகா. அனுஸாஸிகாதி அனுஸிட்டி²தா³யிகா.

7. ஸொப்பஸுத்தவண்ணனா

17. ஸத்தமே படிஸல்லானா வுட்டி²தோதி ஏகீபா⁴வாய த⁴ம்மனிஜ்ஜா²னக்க²ந்திதோ ப²லஸமாபத்திவிஹாரதோ வுட்டி²தோ. யதா²விஹாரந்தி அத்தனோ அத்தனோ வஸனவிஹாரங். நவாதி பப்³ப³ஜ்ஜாய நவகா. தே பஞ்சஸதமத்தா அஹேஸுங். காகச்ச²மானாதி காகஸத்³த³ங்

கரொந்தா த³ந்தே கா²த³ந்தா. தே²ராதி தி²ரபா⁴வங் பத்தா. தேன நோதி தேன நு. ஸெய்யஸுகா²தீ³னி ஹெட்டா² வுத்தத்தா²னேவ. ரட்டி²கோதி யோ ரட்ட²ங் பு⁴ஞ்ஜதி. பெத்தணிகோதி யோ பிதரா பு⁴த்தானுபு⁴த்தங் பு⁴ஞ்ஜதி. ஸேனாபதிகோதி ஸேனாய ஜெட்ட²கோ. கா³மகா³மணிகோதி கா³மபோ⁴ஜகோ. பூக³கா³மணிகோதி க³ணஜெட்ட²கோ. அவிபஸ்ஸகோ குஸலானங் த⁴ம்மானந்தி குஸலானங் த⁴ம்மானங் அனேஸகோ அக³வேஸகோ ஹுத்வா. போ³தி⁴பக்கி²யானங் த⁴ம்மானந்தி ஸத்ததிங்ஸாய போ³தி⁴பக்கி²யத⁴ம்மானங்.

8. மச்ச²ப³ந்த⁴ஸுத்தவண்ணனா

18. அட்ட²மே மச்சி²கந்தி மச்ச²கா⁴தகங். ஹத்தி²னா யாதீதி ஹத்தி²யாயீ. பரதோபி ஏஸேவ நயோ. வஜ்ஜே²தி வதி⁴தப்³பே³. வதா⁴யனீதேதி வதா⁴ய உபனீதே. பாபகேன மனஸாதி லாமகேன வத⁴கசித்தேன. பானியங் பன வதா⁴யுபனீதேதி லிக²ந்தி. மாக³விகோதி மிக³கா⁴தகோ. கோ பன வாதோ³ மனுஸ்ஸபூ⁴தந்தி யோ மனுஸ்ஸபூ⁴தங் பாபகேன மனஸா அனுபெக்க²தி, தஸ்ஸ ஸம்பத்தியா அபா⁴வே கிமேவ வத்தப்³பங். இத³ங் பாபகஸ்ஸ கம்முனோ அனிட்ட²ப²லபா⁴வங் த³ஸ்ஸேதுங் வுத்தங். யேஸங் பன தாதி³ஸங் கம்மங் கரொந்தானம்பி யஸபடிலாபோ⁴ ஹோதி, தேஸங் தங் அகுஸலங் நிஸ்ஸாய குஸலங் விபச்சதீதி வேதி³தப்³பங் . தேன பனஸ்ஸ அகுஸலகம்மேன உபஹதத்தா விபாகோ ந சிரட்டி²திகோ ஹோதி. இமஸ்மிங் ஸுத்தே அகுஸலபக்கோ²வ கதி²தோ.

9. பட²மமரணஸ்ஸதிஸுத்தவண்ணனா

19. நவமே நாதிகேதி ஏவங்னாமகே கா³மே. கி³ஞ்ஜகாவஸதே²தி இட்ட²காமயே பாஸாதே³. அமதோக³தா⁴தி நிப்³பா³னோக³தா⁴, நிப்³பா³னபதிட்டா²தி அத்தோ². பா⁴வேத² நோதி பா⁴வேத² நு. மரணஸ்ஸதிந்தி மரணஸ்ஸதிகம்மட்டா²னங். அஹோ வதாதி பத்த²னத்தே² நிபாதோ. ப³ஹுங் வத மே கதங் அஸ்ஸாதி தும்ஹாகங் ஸாஸனே மம கிச்சங் ப³ஹு கதங் அஸ்ஸ. தத³ந்தரந்தி தங் அந்தரங் க²ணங் ஓகாஸங். அஸ்ஸஸித்வா வா பஸ்ஸஸாமீதி எத்த² அஸ்ஸாஸோ வுச்சதி அந்தோ பவிஸனவாதோ, பஸ்ஸாஸோ ப³ஹி நிக்க²மனவாதோ. இதி அயங் பி⁴க்கு² யாவ அந்தோ பவிட்ட²வாதோ ப³ஹி நிக்க²மதி, ப³ஹி நிக்க²ந்தோ வாதோ அந்தோ பவிஸதி, தாவ ஜீவிதங் பத்தெ²ந்தோ ஏவமாஹ. த³ந்த⁴ந்தி மந்த³ங் க³ருகங் அஸீக⁴ப்பவத்தங். ஆஸவானங் க²யாயாதி அரஹத்தப²லத்தா²ய. இமஸ்மிங் ஸுத்தே மரணஸ்ஸதி அரஹத்தங் பாபெத்வா கதி²தாதி.

10. து³தியமரணஸ்ஸதிஸுத்தவண்ணனா

20. த³ஸமே பதிக³தாயாதி படிபன்னாய. இதி படிஸஞ்சிக்க²தீதி ஏவங்
பச்சவெக்க²தி. ஸோ மமஸ்ஸ அந்தராயோதி எத்த² திவிதோ⁴ அந்தராயோ
ஜீவிதந்தராயோ, ஸமணத⁴ம்மந்தராயோ, புது²ஜ்ஜனகாலகிரியங் கரொந்தஸ்ஸ
ஸக்³ந்தராயோ சேவ மக்³ந்தராயோ சாதி. தங் ஸப்³ம்பி
ஸந்தா⁴யேவமாஹ. ப்³யாபஜ்ஜெய்யாதி அஜிண்ணகாதி³வஸேன விபஜ்ஜெய்ய.
அதி⁴மத்தோதி ப³லவா. ச²ந்தோ³தி கத்துகம்யதாச²ந்தோ³. வாயாமோதி
பயோக³விரியங். உஸ்ஸாஹோதி உஸ்ஸாபனவிரியங். உஸ்ஸொள்ஹீதி
ஸம்பாத³னவிரியங். அப்படிவானீதி அனுக்கண்ட²னா அப்படிஸங்க⁴ரணா.
ஸேஸங் ஸப்³த்த² உத்தானத்த²மேவாதி.

ஸாரணியவக்³கோ³ து³தியோ.

3. அனுத்தரியவக்³கோ³

1-2. ஸாமகஸுத்தாதி³வண்ணனா

21-22. ததியஸ்ஸ பட²மே ஸாமகா³மகேதி ஸாமகானங் உஸ்ஸன்னத்தா ஏவங்லத்³த⁴னாமே கா³மகே. பொக்க²ரணியாயந்தி பொக்க²ரணியானாமகே விஹாரே. அபி⁴க்கந்தாய ரத்தியாதி ரத்தியா பட²மயாமங் அதிகம்ம மஜ்ஜி²மயாமே ஸம்பத்தே. அபி⁴க்கந்தவண்ணாதி அபி⁴க்கந்தஅதிமனாபவண்ணா. கேவலகப்பந்தி ஸகலகப்பங். பொக்க²ரணியங் ஒபா⁴ஸெத்வாதி பொக்க²ரணியானாமகங் மஹாவிஹாரங் அத்தனோ ஒபா⁴ஸேன ப²ரித்வா. ஸமனுஞ்ஞோதி ஸமானஅனுஞ்ஞோ ஸமானசித்தோ. தோ³வசஸ்ஸதாதி து³ப³ப³சபா⁴வோ. பாபமித்ததாதி லாமகமித்ததா . இமஸ்மிங் ஸுத்தே பரிஹானியத⁴ம்மாவ கதி²தா. து³தியே அபரிஹானியத⁴ம்மா லோகுத்தரமிஸ்ஸகா கதி²தா.

3. ப⁴யஸுத்தவண்ணனா

23. ததியே காமராக³ரத்தாயந்தி காமராக³ரத்தோ அயங். ச²ந்த³ராக³வினிப³த்தோ⁴தி ச²ந்த³ராகே³ன வினிப³த்தோ⁴. ப⁴யாதி சித்துத்ராஸப⁴யா. பங்காதி கிலேஸபங்கதோ. ஸங்கோ³ பங்கோ ச உப⁴யந்தி ஸங்கோ³ ச பங்கோ ச இத³ம்பி உப⁴யங். ஏதே காமா பவுச்சந்தி, யத்த² ஸத்தோ புது²ஜ்ஜனோதி யஸ்மிங் ஸங்கே³ ச பங்கே ச புது²ஜ்ஜனோ ஸத்தோ லக்³கோ³ லக்³கி³தோ பலிபு³த்தோ⁴. உபாதா³னேதி சது³பி³தே⁴ உபாதா³னே. ஜாதிமரணஸம்ப⁴வேதி ஜாதியா ச மரணஸ்ஸ ச ஸம்ப⁴வே பச்சயபூ⁴தே. அனுபாதா³ விமுச்சந்தீதி அனுபாதி³யித்வா விமுச்சந்தி. ஜாதிமரணஸங்க²யேதி ஜாதிமரணானங் ஸங்க²யஸங்கா²தே நிப்³பா³னே, நிப்³பா³னாரம்மணாய விமுத்தியா விமுச்சந்தீதி அத்தோ². இமஸ்மிங் டா²னே விவட்டெத்வா அரஹத்தமேவ பத்தோ ஏஸ பி⁴க்கு². இதா³னி தங் கீணாஸவங் தோ²மெந்தோ தே கே²மப்பத்தாதிஆதி³மாஹ. தத்த² கே²மப்பத்தாதி கே²மபா⁴வங் பத்தா. ஸுகி²னோதி லோகுத்தரஸுகே²ன ஸுகி²தா. தி³ட்ட²த⁴ம்மாபி⁴னிப்³புதாதி அப்³ப⁴ந்தரே கிலேஸாபா⁴வேன தி³ட்ட²த⁴ம்மேயேவ அபி⁴னிப்³புதா. இமஸ்மிங் ஸுத்தே வட்டமேவ கதெ²த்வா கா³தா²ஸு வட்டவிவடங் கதி²தங்.

4. ஹிமவந்தஸுத்தவண்ணனா

24. சதுத்தே² பதா³லெய்யாதி பி⁴ந்தெ³ய்ய. ச²வாயாதி லாமிகாய. ஸமாதி⁴ஸ்ஸ ஸமாபத்திகுஸலோ ஹோதீதி ஆஹாரஸப்பாயஉதுஸப்பாயானி பரிக்க³ஹெத்வா ஸமாதி⁴ங் ஸமாபஜ்ஜிதுங்

குஸலோ ஹோதி சே²கோ ஸமத்தோ² படிப³லோ. ஸமாதி⁴ஸ்ஸ
 டி²திசுஸலோதி ஸமாதி⁴ஸ்ஸ டி²தியங் குஸலோ, ஸமாதி⁴ங் ட²பேதுங்
 ஸக்கோதீதி அத்தோ². ஸமாதி⁴ஸ்ஸ வுட்டா²னகுஸலோதி ஸமாதி⁴ஸ்ஸ
 வுட்டா²னே குஸலோ, யதா²பரிச்சே²தே³ன வுட்டா²துங் ஸக்கோதீதி அத்தோ².
 ஸமாதி⁴ஸ்ஸ கல்லிதகுஸலோதி ஸமாதி⁴ஸ்ஸ கல்லதாய குஸலோ,
 ஸமாதி⁴சித்தங் ஹாஸேதுங் கல்லங் காதுங் ஸக்கோதீதி அத்தோ².
 ஸமாதி⁴ஸ்ஸ கோ³சரகுஸலோதி ஸமாதி⁴ஸ்ஸ அஸப்பாயே அனுபகாரகே
 த⁴ம்மே வஜ்ஜெத்வா ஸப்பாயே உபகாரகே ஸேவந்தோபி, “அயங்
 ஸமாதி⁴னிமித்தாரம்மணோ அயங் லக்க²ணாரம்மணோ”தி ஜானந்தோபி
 ஸமாதி⁴ஸ்ஸ கோ³சரகுஸலோ நாம ஹோதி. ஸமாதி⁴ஸ்ஸ
 அபி⁴னீஹாரகுஸலோதி உபரிஉபரிஸமாபத்திஸமாபஜ்ஜனத்தா²ய
 பட²மஜ்ஜா²னாதி³ஸமாதி⁴ங் அபி⁴னீஹரிதுங் ஸக்கொந்தோ ஸமாதி⁴ஸ்ஸ
 அபி⁴னீஹாரகுஸலோ நாம ஹோதி. ஸோ பட²மஜ்ஜா²னா வுட்டா²ய து³தியங்
 ஸமாபஜ்ஜதி, து³தியஜ்ஜா²னா...பே... ததியஜ்ஜா²னா வுட்டா²ய சதுத்த²ங்
 ஸமாபஜ்ஜதி.

5. அனுஸ்ஸதிட்டா²னஸுத்தவண்ணனா

25. பஞ்சமே அனுஸ்ஸதிட்டா²னானீதி அனுஸ்ஸதிகாரணானி. இதிபி ஸோ
 ப⁴க³வாதிஆதீ³னி விஸுத்தி⁴மக்கே³ (விஸுத்தி⁴. 1.123 ஆத³யோ)
 வித்தா²ரிதானேவ. இத³ம்பி கோ², பி⁴க்க²வே, ஆரம்மணங் கரித்வாதி இத³ங்
 புத்தா⁴னுஸ்ஸதிகம்மட்டா²னங் ஆரம்மணங் கரித்வா. விஸுஜ்ஜந்தீதி
 பரமவிஸுத்தி⁴ங் நிப்பா³னங் பாபுணந்தி. ஸேஸங் ஸப்ப³பத்த²
 உத்தானத்த²மேவ. இமஸ்மிங் பன ஸுத்தே ச² அனுஸ்ஸதிட்டா²னானி
 மிஸ்ஸகானி கதி²தானீதி வேதி³தப்பா³னி.

6. மஹாகச்சானஸுத்தவண்ணனா

26. ச²ட்டே² ஸம்பா³தே⁴தி பஞ்சகாமகு³ணஸம்பா³தே⁴.
 ஓகாஸாதி⁴க³மோதி எத்த² ஓகாஸா வுச்சந்தி ச² அனுஸ்ஸதிட்டா²னானி,
 தேஸங் அதி⁴க³மோ. விஸுத்தி⁴யாதி விஸுஜ்ஜனத்தா²ய.
 ஸோகபரிதே³வானங் ஸமதிக்கமாயாதி ஸோகானஞ்ச பரிதே³வானஞ்ச
 ஸமதிக்கமத்தா²ய. அத்த²ங்க³மாயாதி அத்த²ங் க³மனத்தா²ய . ஞாயஸ்ஸ
 அதி⁴க³மாயாதி ஸஹவிபஸ்ஸனகஸ்ஸ மக்க³ஸ்ஸ அதி⁴க³மனத்தா²ய.
 நிப்பா³னஸ்ஸ ஸச்சிகிரியாயாதி அபச்சயபரினிப்பா³னஸ்ஸ
 பச்சக்க²கிரியத்தா²ய.

ஸப்ப³ஸோதி ஸப்பா³காரேன. ஆகாஸஸமேனாதி அலக்க³னட்டே²ன
 சேவ அபலிபுத்த⁴ட்டே²ன ச ஆகாஸஸதி³ஸேன. விபுலேனாதி ந பரித்தகேன.
 மஹக்க³தேனாதி மஹந்தபா⁴வங் க³தேன, மஹந்தேஹி வா

அரியஸாவகேஹி க³தேன, படிபன்னேனாதி அத்தோ². அப்பமானேனாதி
 ப²ரணஅப்பமாணதாய அப்பமானேன. அவேரேனாதி
 அகுஸலவேரபுக்³லவேரரஹிதேன. அப்யாபஜ்ஜே²னாதி
 கோத⁴து³க்க²வஜ்ஜிதேன. ஸப்³ப³மேதங் பு³த்தா⁴னுஸ்ஸதிசித்தமேவ
 ஸந்தா⁴ய வுத்தங். பரதோபி ஏஸேவ நயோ. விஸுத்தி⁴த⁴ம்மாதி
 விஸுஜ்ஜ²னஸபா⁴வா. இமஸ்மிம்பி ஸுத்தே ச² அனுஸ்ஸதிட்டா²னானி
 மிஸ்ஸகானேவ கதி²தானீதி.

7. பட²மஸமயஸுத்தவண்ணனா

27. ஸத்தமே மனோபா⁴வனீயஸ்ஸாதி எத்த² மனங் பா⁴வேதி
 வட்³டே⁴தீதி மனோபா⁴வனீயோ. து³ஸ்ஸனாயாதி து³ஸ்ஸனத்த²ங்.
 நிஸ்ஸரணந்தி நிக்³க³மனங் ஓபஸமனங். த⁴ம்மங் தே³ஸேதீதி
 காமராக³ப்பஹனத்தா²ய அஸுப⁴கம்மட்டா²னங் கதே²தி. து³தியவாராதீ³ஸு
 ப்யாபாத³ப்பஹானாய மெத்தாகம்மட்டா²னங், தி²னமித்த⁴ப்பஹானாய
 தி²னமித்த⁴வினோத³னகம்மட்டா²னங், ஆலோகஸஞ்ஞங் வா
 வீரியாரம்ப⁴வத்து²ஆதீ³னங் வா அஞ்ஞதரங், உத்³த⁴ச்சகுக்குச்சப்பஹானாய
 ஸமத²கம்மட்டா²னங், விசிகிச்சா²பஹானாய திண்ணங் ரதனானங் கு³ணகத²ங்
 கதே²ந்தோ த⁴ம்மங் தே³ஸேதீதி வேதி³தப்³போ³. ஆக³ம்மாதி ஆரப்³ப⁴.
 மனஸிகரோதோதி ஆரம்மணவஸேன சித்தே கரொந்தஸ்ஸ. அனந்தரா
 ஆஸவானங் க²யோ ஹோதீதி அனந்தராயேன ஆஸவானங் க²யோ ஹோதி.

8. து³தியஸமயஸுத்தவண்ணனா

28. அட்ட²மே மண்ட³லமானேதி போ⁴ஜனஸாலாய. சாரித்தகிலமதோ²தி
 பிண்ட³பாதசரியாய உப்பன்னகிலமதோ². ப⁴த்தகிலமதோ²தி ப⁴த்தத³ரதோ².
 விஹாரபச்சா²யாயந்தி விஹாரபச்சந்தே சா²யாய. யதே³வஸ்ஸ தி³வா
 ஸமாதி⁴னிமித்தங் மனஸிகதங் ஹோதீதி யங் ஏவ தஸ்ஸ ததோ
 புரிமதி³வஸபா⁴கே³ ஸமத²னிமித்தங் சித்தே கதங் ஹோதி. ததே³வஸ்ஸ
 தஸ்மிங் ஸமயே ஸமுதா³சரதீதி தங்யேவ ஏதஸ்ஸ தஸ்மிங் ஸமயே
 தி³வாவிஹாரே நிஸின்னஸ்ஸ மனோத்³வாரே ஸஞ்சரதி. ஓஜட்டா²யீதி ஓஜாய
 டி²தோ பதிட்டி²தோ. பா²ஸுகஸ்ஸ ஹோதீதி பா²ஸுகங் அஸ்ஸ ஹோதி.
 ஸம்முகா²தி கதே²ந்தஸ்ஸ ஸம்முக²ட்டா²னே. ஸுதந்தி ஸோதேன ஸுதங்.
 படிக்க³ஹிதந்தி சித்தேன படிக்க³ஹிதங்.

9. உதா³யீஸுத்தவண்ணனா

29. நவமே உதா³யிந்தி லாளுதா³யித்தே²ரங். ஸுணோமஹங், ஆவுஸோதி,
 ஆவுஸோ, நாஹங் ப³தி⁴ரோ, ஸுணாமி ப⁴க³வதோ வசனங், பஞ்ஹங் பன
 உபபரிக்கா²மீதி. அதி⁴சித்தந்தி ஸமாதி⁴விபஸ்ஸனாசித்தங். இத³ங், ப⁴ந்தே,

அனுஸ்ஸதிட்டா²னந்தி இத³ங் ஜா²னத்தயஸங்கா²தங் அனுஸ்ஸதிகாரணங்.
தி³ட்ட²த⁴ம்மஸுக²விஹாராய ஸங்வத்ததீதி இமஸ்மிங்யேவ அத்தபா⁴வே
ஸுக²விஹாரத்தா²ய பவத்ததி. ஆலோகஸஞ்ஞந்தி ஆலோகனிமித்தே
உப்பன்னஸஞ்ஞங். தி³வா ஸஞ்ஞங் அதி⁴ட்டா²தீதி தி³வாதி ஸஞ்ஞங் ட²பேதி
. யதா² தி³வா ததா² ரத்திந்தி யதா²னேன தி³வா ஆலோகஸஞ்ஞா மனஸிகதா,
ரத்திம்பி ததே²வ தங் மனஸி கரோதி. யதா² ரத்திங் ததா² தி³வாதி யதா²
வானேன ரத்திங் ஆலோகஸஞ்ஞா மனஸிகதா, தி³வாபி தங் ததே²வ மனஸி
கரோதி. விவடேனாதி பாகடேன. அபரியோனத்³தே⁴னாதி நீவரணேஹி
அனோனத்³தே⁴ன. ஸப்பபா⁴ஸங் சித்தங் பா⁴வேதீதி
தி³ப்ப³சக்கு²ஞாணத்தா²ய ஸஹோபா⁴ஸகங் சித்தங் ப்³ருஹேதி வட்³டே⁴தி.
யங் பன “ஆலோகஸஞ்ஞங் மனஸி கரோதீ”தி வுத்தங், தங்
தி²னமித்³த⁴வினோத³னாலோகஸஞ்ஞங் ஸந்தா⁴ய வுத்தங், ந
தி³ப்ப³சக்கு²ஞாணாலோகந்தி வேதி³தப்³பங். ஞாணத்³ஸ்ஸனப்படி³லாபா⁴யாதி
தி³ப்ப³சக்கு²ஸங்கா²தஸ்ஸ ஞாணத்³ஸ்ஸனஸ்ஸ படி³லாபா⁴ய.

இமமேவ காயந்திஆதீஸு யங் வத்தப்³பங் ஸியா, தங் ஸப்³பங்
ஸப்³பா³காரேன வித்தா²ரதோ விஸுத்³தி⁴மக்³கே³ காயக³தாஸதிகம்மட்டா²னே
வுத்தங். காமரா³ப்பஹானாயாதி பஞ்சகாமகு³ணிகஸ்ஸ ராக³ஸ்ஸ
பஹானத்தா²ய. ஸெய்யதா²பி பஸ்ஸெய்யாதி யதா² பஸ்ஸெய்ய. ஸரீரந்தி
மதஸ்ரீரங். ஸிவதி²காய ச²ட்³டி³தந்தி ஸுஸானே அபவித்³த⁴ங். ஏகாஹங்
மதஸ்ஸ அஸ்ஸாதி ஏகாஹமதங். த்³வீஹங் மதஸ்ஸ அஸ்ஸாதி
த்³வீஹமதங். தீஹங் மதஸ்ஸ அஸ்ஸாதி தீஹமதங். ப⁴ஸ்தா விய
வாயுனா உத்³த⁴ங் ஜீவிதபரியாதா³னா யதா²னுக்கமங் ஸமுக்³கே³தேன
ஸுனபா⁴வேன து⁴மாதத்தா உத்³து⁴மாதங், உத்³து⁴மாதமேவ
உத்³து⁴மாதகங். படிகூலத்தா வா குச்சி²தங் உத்³து⁴மாதந்தி உத்³து⁴மாதகங்.
வினீலங் வுச்சதி விபரிபி⁴ன்னவண்ணங், வினீலமேவ வினீலகங். படிகூலத்தா
வா குச்சி²தங் வினீலந்தி வினீலகங். மங்ஸுஸ்ஸத³ட்டா²னேஸு
ரத்தவண்ணஸ்ஸ புப்³புஸன்னிசயட்டா²னேஸு ஸேதவண்ணஸ்ஸ
யேபு⁴ய்யேன ச நீலவண்ணஸ்ஸ நீலட்டா²னே நீலஸாடகபாருதஸ்ஸேவ
ச²வஸ்ரீரஸ்ஸேதங் அதி⁴வசனங். பரிபி⁴ன்னட்டா²னேஹி நவஹி வா
வணமு³கே³ஹி விஸ்ஸந்த³மானங் புப்³பங் விபுப்³பங், விபுப்³பமேவ
விபுப்³பகங். படிகூலத்தா வா குச்சி²தங் விபுப்³பந்தி விபுப்³பகங். விபுப்³பகங்
ஜாதங் ததா²பா⁴வங் க³தந்தி விபுப்³பகஜாதங்.

ஸோ இமமேவ காயந்தி ஸோ பி⁴க்கு² இமங் அத்தனோ காயங் தேன
காயேன ஸத்³தி⁴ங் ஞானேன உபஸங்ஹரதி உபனேதி. கத²ங்? அயம்பி கோ²
காயோ ஏவங்த⁴ம்மோ ஏவங்பா⁴வீ ஏவங்அனதீதோதி. இத³ங் வுத்தங்
ஹோதி - ஆயு உஸ்மா விஞ்ஞாணந்தி இமேஸங் திண்ணங் த⁴ம்மானங்
அத்தி²தாய அயங் காயோ டா²னக³மனாதி³க²மோ ஹோதி, இமேஸங் பன

விக³மா அயம்பி ஏவங்த⁴ம்மோ ஏவங்பூதிகஸபா⁴வோயேவாதி.
ஏவங்பா⁴வீதி ஏவமேவங் உத்³து⁴மாதாதி³பே⁴தோ³ ப⁴விஸ்ஸதி. ஏவங்
அனதீதோதி ஏவங் உத்³து⁴மாதாதி³பா⁴வங் அனதிக்கந்தோ.

க²ஜ்ஜமானந்தி உத³ராதி³ஸு நிஸீதி³த்வா
உத³ரமங்ஸஒட்ட²மங்ஸஅக்கி²கமங்ஸாதீ³னி லுஞ்சித்வா லுஞ்சித்வா
கா²தி³யமானங். ஸமங்ஸலோஹிதந்தி
ஸேஸாவஸேஸமங்ஸலோஹிதயுத்தங். நிம்மங்ஸலோஹிதமக்கி²தந்தி
மங்ஸே கீ²ணேபி லோஹிதங் ந ஸுஸ்ஸதி, தங் ஸந்தா⁴ய வுத்தங் -
“நிம்மங்ஸலோஹிதமக்கி²த”ந்தி. அஞ்ஞேனாதி அஞ்ஞேன தி³ஸாபா⁴கே³ன.
ஹத்த²ட்டி²கந்தி சதுஸட்டி²பே⁴த³ம்பி ஹத்த²ட்டி²கங் பாடியேக்கங் பாடியேக்கங்
விப்பகிண்ணங். பாத³ட்டி²காதி³ஸுபி ஏஸேவ நயோ. தேரோவஸ்ஸிகானீதி
அதிக்கந்தஸங்வச்ச²ரானி. பூதீ³னீதி அப்³போ⁴காஸே டி²தானி
வாதாதபவுட்டி²ஸம்ப²ஸ்ஸேன தேரோவஸ்ஸிகானேவ பூதீ³னி ஹொந்தி,
அந்தோபூ⁴மிக³தானி பன சிரதரங் திட்ட²ந்தி. சுண்ணகஜாதானீதி
சுண்ணவிசுண்ணங் ஹுத்வா விப்பகிண்ணானி. ஸப்³ப³த்த² ஸோ இமமேவாதி
வுத்தனயேன க²ஜ்ஜமானாதீ³னங் வஸேன யோஜனா காதப்³பா³.
அஸ்மிமானஸமுக்³கா⁴தாயாதி அஸ்மீதி பவத்தஸ்ஸ நவவித⁴ஸ்ஸ
மானஸ்ஸ ஸமுக்³கா⁴தத்த²ய. அனேகதா⁴துபடிவேதா⁴யாதி
அனேகதா⁴தூனங் படிவிஜ்ஜ²னத்த²ய. ஸதோவ அபி⁴க்கமதீதி க³ச்ச²ந்தோ
ஸதிபஞ்ஞாஹி ஸமன்னாக³தோவ க³ச்ச²தி. ஸதோவ படிக்கமதீதி
படினிவத்தந்தோபி ஸதிபஞ்ஞாஹி ஸமன்னாக³தோவ நிவத்ததி.
ஸேஸபதே³ஸுபி ஏஸேவ நயோ. ஸதிஸம்பஜஞ்ஞாயாதி ஸதியா ச
ஞாணஸ்ஸ ச அத்த²ய. இதி இமஸ்மிங் ஸுத்தே ஸதிஞாணானி
மிஸ்ஸகானி கதி²தானீதி.

10. அனுத்தரியஸுத்தவண்ணனா

30. த³ஸமே உச்சாவசந்தி யங் கிஞ்சி மஹந்தகு²த்³த³கங், உச்சனீசங் வா.
ஹீனந்தி நிஹீனங். க³ம்மந்தி கா³மவாஸிகானங் த³ஸ்ஸனங்.
போது²ஜ்ஜனிகந்தி புது²ஜ்ஜனானங் ஸந்தகங். அனரியந்தி ந அரியங் ந உத்தமங்
ந பரிஸுத்த⁴ங். அனத்த²ஸங்ஹிதந்தி ந அத்த²ஸன்னிஸ்ஸிதங். ந
நிப்³பி³தா³யாதி ந வட்டே நிப்³பி³ந்த³னத்த²ய. ந விராகா³யாதி ந ராகா³தீ³னங்
விரஜ்ஜனத்த²ய. ந நிரோதா⁴யாதி ந ராகா³தீ³னங் அப்பவத்தினிரோதா⁴ய. ந
உபஸமாயாதி ந ராகா³தீ³னங் லுபஸமனத்த²ய. ந அபி⁴ஞ்ஞாயாதி ந
அபி⁴ஜானந்த²ய. ந ஸம்போ³தா⁴யாதி ந ஸம்போ³தி⁴ஸங்கா²தஸ்ஸ
சதுமக்³க³ஞாணஸ்ஸ படிவிஜ்ஜ²னத்த²ய. ந நிப்³பா³னாயாதி ந நிப்³பா³னஸ்ஸ
ஸச்சி²கிரியாய.

நிவிட்ட²ஸத்³தோ⁴தி பதிட்டி²தஸத்³தோ⁴. நிவிட்ட²பேமோதி
பதிட்டி²தபேமோ. ஏகந்தக்³தோதி ஏகந்தங் க³தோ, அசலப்பத்தோதி அத்தோ².
அபி⁴ப்பஸன்னோதி அதிவிய பஸன்னோ. ஏததா³னுத்தரியந்தி ஏதங்
அனுத்தரங். ஹத்தி²ஸ்மிம்பி ஸிக்க²தீதி ஹத்தி²னிமித்தங் ஸிக்கி²தப்³பங்
ஹத்தி²ஸிப்பங் ஸிக்க²தி. ஸேஸபதே³ஸுபி ஏஸேவ நயோ. உச்சாவசந்தி
மஹந்தகு²த்³த³கங் ஸிப்பங் ஸிக்க²தி.

உபட்டி²தா பாரிசரியேதி பாரிசரியாய பச்சுபட்டி²தா. பா⁴வயந்தி
அனுஸ்ஸதிந்தி அனுத்தரங் அனுஸ்ஸதிங் பா⁴வெந்தி.
விவேகப்படிஸங்யுத்தந்தி நிப்³பா³னநிஸ்ஸிதங் கத்வா. கே²மந்தி நிருபத்³த³வங்.
அமதகா³மினந்தி நிப்³பா³னகா³மினங், அரியமக்³க³ங் பா⁴வெந்தீதி அத்தோ².
அப்பமாதே³ பமோதி³தாதி ஸதியா அவிப்பவாஸஸங்கா²தே அப்பமாதே³
ஆமோதி³தா பமோதி³தா. நிபகாதி நேபக்கேன ஸமன்னாக³தா. ஸீலஸங்வுதாதி
ஸீலேன ஸங்வுதா பிஹிதா. தே வே காலேன பச்செந்தீதி தே வே
யுத்தப்பயுத்தகாலே ஜானந்தி. யத்த² து³க்க²ங் நிருஜ்ஜ²தீதி யஸ்மிங் டா²னே
ஸகலங் வட்டது³க்க²ங் நிருஜ்ஜ²தி, தங் அமதங் மஹானிப்³பா³னங் தே பி⁴க்க²²
ஜானந்தீதி. இமஸ்மிங் ஸுத்தே ச² அனுத்தரியானி மிஸ்ஸகானி கதி²தானீதி.

அனுத்தரியவக்³கோ³ ததியோ.

4. தே³வதாவக்³கோ³

1. ஸேக்²ஸுத்தவண்ணனா

31. சதுத்த²ஸ்ஸ பட²மே ஸேக்²ஸஸாதி ஸத்தவித²⁴ஸ்ஸ ஸேக்²ஸஸ.
புது²ஜ்ஜனே பன வத்தப்³ப³மேவ நத்தி². பரிஹானாயாதி
உபருபரிகு³ணபரிஹானாய.

2-3. அபரிஹானஸுத்தத்³வயவண்ணனா

32-33. து³தியே ஸத்து²கா³ரவதாதி ஸத்த²ரி க³ருபா⁴வோ.
த²⁴ம்மகா³ரவதாதி நவவிதே⁴ லோகுத்தரத²⁴ம்மே க³ருபா⁴வோ.
ஸங்க⁴கா³ரவதாதி ஸங்கே⁴ க³ருபா⁴வோ. ஸிக்கா²கா³ரவதாதி தீஸு
ஸிக்கா²ஸு க³ருபா⁴வோ. அப்பமாத³கா³ரவதாதி அப்பமாதே³ க³ருபா⁴வோ.
படிஸந்தா²ரகா³ரவதாதி த²⁴ம்மாமிஸவஸேன து³விதே⁴ படிஸந்தா²ரே
க³ருபா⁴வோ. ஸத்தா² க³ரு அஸ்ஸாதி ஸத்து²க³ரு. த²⁴ம்மோ க³ரு
அஸ்ஸாதி த²⁴ம்மக³ரு. திப்³ப³கா³ரவோதி ப³ஹலகா³ரவோ. படிஸந்தா²ரே
கா³ரவோ அஸ்ஸாதி படிஸந்தா²ரகா³ரவோ. ததியே ஸப்பதிஸ்ஸோதி
ஸஜெட்ட²கோ ஸகா³ரவோ. ஹிரொத்தப்பங் பனெத்த² மிஸ்ஸகங் கதி²தங்.

4. மஹாமொக்³க³ல்லானஸுத்தவண்ணனா

34. சதுத்தே² திஸ்ஸோ நாம பி⁴க்க²தி தே²ரஸ்ஸேவ
ஸத்தி²⁴விஹாரிகோ. மஹித்தி²⁴கோ மஹானுபா⁴வோதி இஜ்ஜனட்டே²ன
மஹதீ இத்தி²⁴ அஸ்ஸாதி மஹித்தி²⁴கோ. அனுப²ரணட்டே²ன மஹா
ஆனுபா⁴வோ அஸ்ஸாதி மஹானுபா⁴வோ. சிரஸ்ஸங் கோ², மாரிஸ
மொக்³க³ல்லான, இமங் பரியாயமகாஸீதி ஏவருபங் லோகே பகதியா
பியஸமுதா³ஹாரவசனங் ஹோதி. லோகியா ஹி சிரஸ்ஸங் ஆக³தம்பி
அனாக³தபு³ப³ம்பி மனாபஜாதியங் ஆக³தங் தி³ஸ்வா “குதோ ப⁴வங் ஆக³தோ,
சிரஸ்ஸங் ப⁴வங் ஆக³தோ, கத²ங் தே இதா⁴க³மனமக்³கோ³ ஞாதோ, கிங்
மக்³க³முள்ஹோஸீ”திஆதீ³னி வத³ந்தி. அயங் பன ஆக³தபு³ப³த்தாயேவ
ஏவமாஹ. தே²ரோ ஹி காலேன காலங் ப³ரஹ்மலோகங் க³ச்ச²தியேவ. தத்த²
பரியாயமகாஸீதி வாரங் அகாஸி. யதி³த³ங் இதா⁴க³மனாயாதி யோ அயங்
இதா⁴க³மனாய வாரோ, தங் சிரஸ்ஸங் அகாஸீதி வத்தங் ஹோதி.
இத³மாஸனங் பஞ்ஞத்தந்தி மஹாரஹங் ப³ரஹ்மபல்லங்கங் பஞ்ஞாபெத்வா
ஏவமாஹ. அவேச்சப்பஸாதே³னாதி அதி⁴க³தேன அசலேன
மக்³க³ப்பஸாதே³ன. இமஸ்மிங் ஸுத்தே ஸோதாபத்திமக்³க³ஞாணங் கதி²தங்.

5. விஜ்ஜாபா⁴கி³யஸுத்தவண்ணனா

35. பஞ்சமே விஜ்ஜாபா⁴கி³யாதி விஜ்ஜாகொட்டா²ஸிகா. அனிச்சஸஞ்ஞாதி அனிச்சானுபஸ்ஸனாஞானே உப்பன்னஸஞ்ஞா. அனிச்சே து³க்க²ஸஞ்ஞாதி து³க்கா²னுபஸ்ஸனாஞானே உப்பன்னஸஞ்ஞா. து³க்கே² அனத்தஸஞ்ஞாதி அனத்தானுபஸ்ஸனாஞானே உப்பன்னஸஞ்ஞா. பஹானஸஞ்ஞாதி பஹானானுபஸ்ஸனாஞானே உப்பன்னஸஞ்ஞா. விராக³ஸஞ்ஞாதி விராகா³னுபஸ்ஸனாஞானே உப்பன்னஸஞ்ஞா. நிரோத⁴ஸஞ்ஞாதி நிரோதா⁴னுபஸ்ஸனாஞானே உப்பன்னஸஞ்ஞா.

6. விவாத³மூலஸுத்தவண்ணனா

36. ச²ட்டே² விவாத³மூலானீதி விவாத³ஸ்ஸ மூலானி. கோத⁴னோதி குஜ்ஜ²னலக்க²ணேன கோதே⁴ன ஸமன்னாக³தோ. உபனாஹீதி வேரஅப்படினிஸ்ஸக்³க³லக்க²ணேன உபனாஹேன ஸமன்னாக³தோ. அஹிதாய து³க்கா²ய தே³வமனுஸ்ஸானந்தி த்³வின்னங் பி⁴க்க²னங் விவாதோ³ கத²ங் தே³வமனுஸ்ஸானங் அஹிதாய து³க்கா²ய ஸங்வத்ததி? கோஸம்ப³கக்க²ந்த⁴கே விய த்³வீஸு பி⁴க்க²ஸு விவாத³ங் ஆபன்னேஸு தஸ்மிங் விஹாரே தேஸங் அந்தேவாஸிகா விவத³ந்தி, தேஸங் ஓவாத³ங் க³ண்ணந்தோ பி⁴க்கு²னிஸங்கோ⁴ விவத³தி. ததோ தேஸங் உபட்டா²கா விவத³ந்தி, அத² மனுஸ்ஸானங் ஆரக்க²தே³வதா த்³வே கொட்டா²ஸா ஹொந்தி. ததா² த⁴ம்மவாதீ³னங் ஆரக்க²தே³வதா த⁴ம்மவாதி³னியோ ஹொந்தி, அத⁴ம்மவாதீ³னங் அத⁴ம்மவாதி³னியோ. ததோ ஆரக்க²தே³வதானங் மித்தா பு⁴ம்மதே³வதா பி⁴ஜ்ஜந்தி. ஏவங் பரம்பராய யாவ ப்³ரஹ்மலோகா ட²பெத்வா அரியஸாவகே ஸப்³பே³ தே³வமனுஸ்ஸா த்³வே கொட்டா²ஸா ஹொந்தி. த⁴ம்மவாதீ³ஹி பன அத⁴ம்மவாதி³னோவ ப்³ஹுதரா ஹொந்தி. ததோ யங் ப்³ஹுகேஹி க³ஹிதங், தங் க³ச்ச²ந்தி. த⁴ம்மங் விஸ்ஸஜ்ஜெத்வா ப்³ஹுதராவ அத⁴ம்மங் க³ண்ணந்தி. தே அத⁴ம்மங் புரக்க²த்வா விஹரந்தா அபாயே நிப்³ப்த்தந்தி. ஏவங் த்³வின்னங் பி⁴க்க²னங் விவாதோ³ தே³வமனுஸ்ஸானங் அஹிதாய து³க்கா²ய ஹொதி. அஜ்ஜத்தங் வாதி தும்ஹாகங் அப்³ப⁴ந்தரபரிஸாய. ப்³ஹித்தா⁴தி பரேஸங் பரிஸாய.

மக்கீ²தி பரேஸங் கு³ணமக்க²னலக்க²ணேன மக்கே²ன ஸமன்னாக³தோ. பளாஸீதி யுக³க்கா³ஹலக்க²ணேன பளாஸேன ஸமன்னாக³தோ. இஸ்ஸகீதி பரஸ்ஸ ஸக்காராதீ³னி இஸ்ஸாயனலக்க²ணாய இஸ்ஸாய ஸமன்னாக³தோ. மச்சரீதி ஆவாஸமச்ச²ரியாதீ³ஹி ஸமன்னாக³தோ. ஸடோ²தி கேராடிகோ. மாயாவீதி கதபடிச்சா²த³கோ. பாபிச்சோ²தி அஸந்தஸம்பா⁴வனிச்ச²கோ து³ஸ்ஸீலோ. மிச்சா²தி³ட்டி²தி நத்தி²கவாதீ³, அஹேதுவாதீ³, அகிரியவாதீ³. ஸந்தி³ட்டி²பராமாஸீதி ஸயங் தி³ட்ட²மேவ பராமஸதி. ஆதா⁴னக்³கா³ஹீதி த்³ஹக்³கா³ஹீ. து³ப்படினிஸ்ஸக்³கீதி ந ஸக்கா ஹொதி க³ஹிதங் விஸ்ஸஜ்ஜாபேதுங். இமஸ்மிங் ஸுத்தே வட்டமேவ கதி²தங்.

7. தா³னஸுத்தவண்ணனா

37. ஸத்தமே வேளுகண்ட³கீதி வேளுகண்ட³கனக்³ரவாஸினீ.
ச²ளங்க³ஸமன்னாக³தந்தி ச²ஹி கு³ணங்கே³ஹி ஸமன்னாக³தங். த³க்கி²ணங்
பதிட்டா²பேதீதி தா³னங் தே³தி. பு³பே³வ தா³னா ஸுமனோதி தா³னங்
த³ஸ்ஸாமீதி மாஸட்³ட³மாஸதோ பட்டா²ய ஸோமனஸ்ஸப்பத்தோ ஹோதி.
எத்த² ஹி பு³பே³சேதனா த³ஸ்ஸாமீதி சித்துப்பாத³காலதோ பட்டா²ய “இதோ
உட்டி²தேன தா³னங் த³ஸ்ஸாமீ³தி கெ²த்தக்³க³ஹணங் ஆதி³ங் கத்வா
சிந்தெந்தஸ்ஸ லப்³ப³தி. த³த³ங் சித்தங் பஸாதே³தீதி ஏவங் வத்தா
முஞ்சசேதனா பன தா³னகாலேயேவ லப்³ப³தி. த³த்வா அத்தமனோ ஹோதீதி
அயங் பன அபரசேதனா அபராபரங் அனுஸ்ஸரந்தஸ்ஸ லப்³ப³தி. வீதராகா³தி
விக³தராகா³ கீணாஸவா. ராக³வினயாய வா படிபன்னாதி ராக³வினயபடிபத³ங்
படிபன்னா. உக்கட்ட²தே³ஸனா சேஸா, ந கேவலங் பன கீணாஸவானங்,
அனாகா³மி-ஸகதா³கா³மி-ஸோதாபன்னானம்பி அந்தமஸோ
தத³ஹுபப்³ப³ஜிதஸ்ஸ ப³ண்ட³கா³ஹகஸாமணேரஸ்ஸாபி தி³ன்னா த³க்கி²ணா
ச²ளங்க³ஸமன்னாக³தாவ ஹோதி. ஸோபி ஹி ஸோதாபத்திமக்³க³த்த²மேவ
பப்³ப³ஜிதோ.

யஞ்ஞஸ்ஸ ஸம்பதா³தி தா³னஸ்ஸ பரிபுண்ணதா. ஸஞ்ஞதாதி
ஸீலஸஞ்ஞமேன ஸஞ்ஞதா. ஸயங் ஆசமயித்வானாதி அத்தனாவ
ஹத்த²பாதே³ தோ³வித்வா முக²ங் விக்கா²லெத்வா. ஸகேஹி பாணிபீ³தி
அத்தனோ ஹத்தே²ஹி. ஸயேஹீதிபி பாடோ². ஸத்³தோ³தி ரதனத்தயகு³ணே
ஸத்³த³ஹந்தோ. முத்தேன சேதஸாதி லாப³மச்ச²ரியாதீ³ஹி விமுத்தேன
சித்தேன. அப்³யாபஜ்ஜ²ங் ஸுக²ங் லோகந்தி நித்³து³க்க²ங்
உளாரஸுக²ஸோமனஸ்ஸங் தே³வலோகங்.

8. அத்தகாரீஸுத்தவண்ணனா

38. அட்ட²மே அத³த³ஸங் வா அஸ்ஸோஸிங் வாதி அக்கீ²னி
உம்மீலெத்வா மா அத³த³ஸங், அஸுகஸ்மிங் நாம டா²னே வஸதீதி மா
அஸ்ஸோஸிங், கதெ²ந்தஸ்ஸ வா வசனங் மா அஸ்ஸோஸிங். கத²ஞ்ஹி
நாமாதி கேன நாம காரணேன. ஆரம்ப³தா³தூதி ஆரப³னவஸேன
பவத்தவீரியங். நிக்கமதா³தூதி கோஸஜ்ஜதோ நிக்க²மனஸபா³வங் வீரியங்.
பரக்கமதா³தூதி பரக்கமஸபா³வோ. தா²மதா³தூதி தா²மஸபா³வோ.
டி³திதா³தூதி டி³திஸபா³வோ. உபக்கமதா³தூதி உபக்கமஸபா³வோ.
ஸப்³ப³ங் சேதங் தேன தேனாகாரேன பவத்தஸ்ஸ வீரியஸ்ஸேவ நாமங்.

9-10. நிதா³னஸுத்தாதி³வண்ணனா

39-40. நவமே கம்மானந்தி வட்டகா³மிகம்மானங். ஸமுத³யாயாதி
பிண்ட³கரணத்தா²ய. நிதா³னந்தி பச்சயோ. லோப⁴ஜேனாதி லோப⁴தோ
ஜாதேன. ந பஞ்ஞாயந்தீதி “ஏவருபேன கம்மேன நிப்³பத்தா²”தி ந தி³ஸ்ஸந்தி.
ஸுக்கபக்கே² கம்மானந்தி விவட்டகா³மிகம்மானங். இதி இமஸ்மிங் ஸுத்தே
வட்டவிவட்டங் கதி²தங். த³ஸமே நிசுவனேதி மஹாமுசலிந்த³வனே.
ஸத்த⁴ம்மோதி ஸாஸனஸத்த⁴ம்மோ.

11. தா³ருக்கந்த⁴ஸுத்தவண்ணனா

41. ஏகாத³ஸமே சேதோவஸிப்பத்தோதி சித்தவஸிபா⁴வங் பத்தோ.
பத²வீத்வேவ அதி⁴முச்செய்யாதி த²த்தா⁴காரங் பத²வீதா⁴தூதி
ஸல்லக்கெ²ய்ய. யங் நிஸ்ஸாயாதி யங் விஜ்ஜமானங் த²த்தா⁴காரங்
பத²வீதா⁴தூங் நிஸ்ஸாய அமுங் தா³ருக்கந்த⁴ங் பத²வீத்வேவ
அதி⁴முச்செய்ய, ஸா எத்த² பத²வீதா⁴து அத்தீ²தி. இமினா நயேன
ஸேஸபதா³னிபி வேதி³தப்³பா³னி. யதே²வ ஹி தஸ்மிங் த²த்தா⁴காரா
பத²வீதா⁴து அத்தி², ஏவங் யுஸாகாரா ஆபோதா⁴து, உண்ஹாகாரா
தேஜோதா⁴து, வித்த²ம்ப⁴னாகாரா வாயோதா⁴து, ரத்தவண்ணம்ஹி ஸாரே
பது³மபுப்ப²வண்ணா ஸுப⁴தா⁴து, பூதிபூ⁴தே சுண்ணே சேவ
பெ²க்³கு³பபடிகாஸு ச அமனுஞ்ஞவண்ணா அஸுப⁴தா⁴து, தங் நிஸ்ஸாய
அமுங் தா³ருக்கந்த⁴ங் அஸுப⁴ந்தவேவ அதி⁴முச்செய்ய
ஸல்லக்கெ²ய்யாதி. இமஸ்மிங் ஸுத்தே மிஸ்ஸகவிஹாரோ நாம கதி²தோ.

12. நாகி³தஸுத்தவண்ணனா

42. த³வாத³ஸமே கா³மந்தவிஹாரிந்தி கா³மந்தஸேனாஸனவாஸிங்.
ஸமாஹிதங் நிஸின்னந்தி தஸ்மிங் கா³மந்தஸேனாஸனே ஸமாதி⁴ங்
அப்பெத்வா நிஸின்னங். இதா³னிமந்தி இதா³னி இமங். ஸமாதி⁴ம்ஹா
சாவெஸ்ஸதீதி ஸமாதி⁴தோ உட்டா²பெஸ்ஸதி. ந அத்தமனோ ஹோமீதி ந
ஸகமனோ ஹோமி. பசலாயமானந்தி நித்³தா³யமானங். ஏகத்தந்தி
ஏகஸபா⁴வங், ஏகக்³தாபூ⁴தங் அரஞ்ஞஸஞ்ஞங்யேவ சித்தே கரிஸ்ஸதீதி
அத்தோ². அனுரக்கி²ஸ்ஸதீதி அனுக்³க³ண்ஹிஸ்ஸதி. அவிமுத்தங் வா சித்தங்
விமோசெஸ்ஸதீதி அஞ்ஞஸ்மிங் காலே அவிமுத்தங் சித்தங் இதா³னி
பஞ்சஹி விமுத்தீஹி விமோசயிஸ்ஸதி. ரிஞ்சதீதி வஜ்ஜேதி விஸ்ஸஜ்ஜேதி.
படிபணாமெத்வாதி பனுதி³த்வா விஸ்ஸஜ்ஜேத்வா.
உச்சாரபஸ்ஸாவகம்மாயாதி உச்சாரபஸ்ஸாவகரணத்தா²ய. இமினா எத்தகேன
டா²னேன ஸத்தா²ரா அரஞ்ஞஸேனாஸனஸ்ஸ வண்ணோ கதி²தோ.
ஸுத்தஸ்ஸ பன பட²மகொட்டா²ஸே யங் வத்தப்³பங், தங் ஹெட்டா²
வுத்தமேவாதி.

தே³வதாவக்³கோ³ சதுத்தோ².

5. த⁴ம்மிகவக்³கோ³

1. நாக³ஸுத்தவண்ணனா

43. பஞ்சமஸ்ஸ பட²மே ஆயஸ்மதா ஆனந்தே³ன ஸத்³தி⁴ந்தி இத³ங் “ஆயாமானந்தா³”தி தே²ரங் ஆமந்தெத்வா க³தத்தா வுத்தங், ஸத்தா² பன அனானேஹி பஞ்சஹி பி⁴க்கு²ஸதேஹி பரிவுதோ தத்த² அக³மாஸீதி வேதி³தப்³போ³. தேனுபஸங்கமீதி தேஹேவ பஞ்சஹி பி⁴க்கு²ஸதேஹி பரிவுதோ உபஸங்கமி. பரிஸிஞ்சித்வாதி வோஹாரவசனமேதங், ந்ஹாயித்வாதி அத்தோ². புப்³பா³பயமானோதி ரத்தது³பட்டங் நிவாஸெத்வா உத்தராஸங்க³சீவரங் த்³வீஹி ஹத்தே²ஹி க³ஹெத்வா பச்சி²மலோகதா⁴துங் பிட்டி²தோ கத்வா புரத்தி²மலோகதா⁴துங் அபி⁴முகோ² வோத³கபா⁴வேன கத்தானி புப்³புஸதி³ஸானி குருமானோ அட்டா²ஸீதி அத்தோ². பி⁴க்கு²ஸங்கோ⁴பி தேன தேன டா²னேன ஓதரித்வா ந்ஹத்வா பச்சுத்தரித்வா ஸத்தா²ரங்யேவ பரிவாரெத்வா அட்டா²ஸி. இதி தஸ்மிங் ஸமயே ஆகாஸதோ பதமானங் ரத்தஸுவண்ணகுண்ட³லங் விய ஸூரியோ பச்சி²மலோகதா⁴துங் படிபஜ்ஜி, பரிஸுத்³த⁴ரஜதமண்ட³லோ விய பாசீனலோகதா⁴துதோ சந்தோ³ அப்³பு⁴க்³ஞ்சி², மஜ்ஜட்டா²னேபி பஞ்சபி⁴க்கு²ஸதபரிவாரோ ஸம்மாஸம்புத்³தோ⁴ சப்³புண்ணபுத்³த⁴ரஸ்மியோ விஸ்ஸஜ்ஜெத்வா புப்³புகொட்ட²கனதீ³தீரே லோகங் அலங்குருமானோ அட்டா²ஸி.

தேன கோ² பன ஸமயேன...பே... ஸேதோ நாம நாகோ³தி ஸேதவண்ணதாய ஏவங் லத்³த⁴னாமோ ஹத்தி²னாகோ³. மஹாதூரியதாளிதவாதி³தேனாதி மஹந்தேன தூரியதாளிதவாதி³தேன. தத்த² பட²மங் ஸங்க⁴ட்டனங் தாளிதங் நாம ஹோதி, ததோ பரங் வாதி³தங். ஜனோதி ஹத்தி²த³ஸ்ஸனத்த²ங் ஸன்னிபதிதமஹாஜனோ. தி³ஸ்வா ஏவமாஹாதி அங்க³பச்சங்கா³னி க⁴ங்ஸித்வா ந்ஹாபெத்வா உத்தாரெத்வா ப்³ஹிதீரே ட²பெத்வா கத்தானி வோத³கானி கத்வா ஹத்தா²லங்காரேன அலங்கதங் தங் மஹானாக³ங் தி³ஸ்வா இத³ங் “அபி⁴ருபோ வத, போ⁴”தி பஸங்ஸாவசனமாஹ. காயுபபன்னோதி ஸரீரஸம்பத்தியா உபபன்னோ, பரிபுண்ணங்க³பச்சங்கோ³தி அத்தோ². ஆயஸ்மா உதா³யீதி படிஸம்பி⁴தா³ப்பத்தோ காளுதா³யித்தே²ரோ. ஏதத³வோசாதி தங் மஹாஜனங் ஹத்தி²ஸ்ஸ வண்ணங் ப⁴ணந்தங் தி³ஸ்வா “அயங் ஜனோ அஹேதுகபடிஸந்தி⁴யங் நிப்³புத்தஹத்தி²னோ வண்ணங் கதே²தி, ந புத்³த⁴ஹத்தி²ஸ்ஸ. அஹங் தா³னி இமினா ஹத்தி²னாகே³ன உபமங் கத்வா புத்³த⁴னாக³ஸ்ஸ வண்ணங் கதே²ஸ்ஸாமீ”தி சிந்தெத்வா ஏதங் “ஹத்தி²மேவ நு கோ², ப⁴ந்தே”திஆதி³வசனங் அவோச. தத்த² மஹந்தந்தி ஆரோஹஸம்பன்னங். ப்³ரஹந்தந்தி பரிணாஹஸம்பன்னங். ஏவமாஹாதி

ஏவங் வத³தி. அத² ப⁴க³வா யஸ்மா அயங் நாக³ஸத்³தோ³ ஹத்தி²ம்ஹிசேவ
அஸ்ஸகோ³ணஉரக³ருக்க²மனுஸ்ஸேஸு சாபி பவத்ததி, தஸ்மா ஹத்தி²ம்பி
கோ²திஆதி³மாஹ.

ஆகு³ந்தி பாபகங் லாமகங் அகுஸலத⁴ம்மங். தமஹங் நாகோ³தி ப்³ருமீதி
தங் அஹங் இமேஹி தீஹி த்³வாரேஹி த்³ஸன்னங் அகுஸலகம்மபதா²னங்
த்³வாத்³ஸன்னஞ்ச அகுஸலசித்தானங் அகரணதோ நாகோ³தி வதா³மி.
அயஞ்ஹி ந ஆகு³ங் கரோதீதி இமினா அத்²தே²ன நாகோ³. இமாஹி கா³தா²ஹி
அனுமோதா³மீதி இமாஹி சதுஸட்டி²பதா³ஹி ஸோளஸஹி கா³தா²ஹி
அனுமோதா³மி அபி⁴னந்தா³மி.

மனுஸ்ஸபூ⁴தந்தி தே³வாதி³பா⁴வங் அனுபக³ந்த்வா மனுஸ்ஸமேவ
பூ⁴தங். அத்தத³ந்தந்தி அத்தனாயேவ த³ந்தங், ந அஞ்ஞேஹி த³மத²ங்
உபனீதங். ப⁴க³வா ஹி அத்தனா உப்பாதி³தேனேவ மக்³க³த³மதே²ன சக்கு²தோபி
த³ந்தோ, ஸோததோபி, கா⁴னதோபி, ஜிவ்ஹாதோபி, காயதோபி, மனதோபீதி
இமேஸு ச²ஸு டா²னேஸு த³ந்தோ ஸந்தோ நிப்³பு³தோ பரினிப்³பு³தோ.
தேனாஹ - “அத்தத³ந்த”ந்தி. ஸமாஹிதந்தி து³விதே⁴னாபி ஸமாதி⁴னா
ஸமாஹிதங். இரியமானந்தி விஹரமானங். ப்³ரஹ்மபதே²தி ஸெட்ட²பதே²,
அமதபதே², நிப்³பா³னபதே². சித்தஸ்ஸுபஸமே ரதந்தி பட²மஜ்ஜா²னேன பஞ்ச
நீவரணானி லுபஸமெத்வா, து³தியஜ்ஜா²னேன விதக்கவிசாரே, ததியஜ்ஜா²னேன
பீதிங், சதுத்த²ஜ்ஜா²னேன ஸுக²து³க்க²ங் லுபஸமெத்வா தஸ்மிங்
சித்தஸ்ஸுபஸமே ரதங் அபி⁴ரதங்.

நமஸ்ஸந்தீதி காயேன நமஸ்ஸந்தி, வாசாய நமஸ்ஸந்தி, மனஸா
நமஸ்ஸந்தி, த⁴ம்மானுத⁴ம்மபடிபத்தியா நமஸ்ஸந்தி, ஸக்கரொந்தி க³ருங்
கரொந்தி. ஸப்³பு³த⁴ம்மானபாரகு³ந்தி ஸப்³பே³ஸங்
க³ந்தா⁴யதனதா⁴துத⁴ம்மானங் அபி⁴ஞ்ஞாபாரக³, பரிஞ்ஞாபாரக³,
பஹானபாரக³, பா⁴வனாபாரக³, ஸச்சி²கிரியாபாரக³, ஸமாபத்திபாரக³தி
ச²ப்³பி³தே⁴ன பாரக³மனேன பாரக³தங் பாரப்பத்தங் மத்த²கப்பத்தங். தே³வாபி
தங் நமஸ்ஸந்தீதி து³க்க²ப்பத்தா ஸப்³ரஹ்மதே³வபுத்தாத³யோ ஸுக²ப்பத்தா ச
ஸப்³பே³வ த்³ஸஸஹஸ்ஸசக்கவாளவாஸினோ தே³வாபி தும்ஹே
நமஸ்ஸந்தி. இதி மே அரஹதோ ஸுதந்தி இதி மயா சதுஹி காரணேஹி
அரஹாதி லத்³த⁴வோஹாரானங் தும்ஹாகங்யேவ ஸந்திகே ஸுதந்தி தீ³பேதி.

ஸப்³பு³ஸங்யோஜனாதீதந்தி ஸப்³பா³னி த்³ஸவித⁴ஸங்யோஜனானி
அதிக்கந்தங். வனா நிப்³பு³னமாக³தந்தி கிலேஸவனதோ நிப்³பு³னங்
கிலேஸவனரஹிதங் நிப்³பா³னங் ஆக³தங் ஸம்பத்தங். காமேஹி
நெக்க²ம்மரதந்தி து³விதே⁴ஹி காமேஹி நிக்க²ந்தத்தா பப்³பு³ஜ்ஜா அட்ட²
ஸமாபத்தியோ சத்தாரோ ச அரியமக்³கா³ காமேஹி நெக்க²ம்மங் நாம, தத்த²

ரதங் அபி⁴ரதங். முத்தங் ஸேலாவ கஞ்சனந்தி ஸேலதா⁴துதோ முத்தங் கஞ்சனஸதி³ஸங்.

ஸப்³பே³ அச்சருசீதி ஸப்³பு³ஸத்தே அதிக்கமித்வா பவத்தருசி.
அட்ட²மகஞ்ஹி அதிக்கமித்வா பவத்தருசிதாய ஸோதாபன்னோ அச்சருசி நாம,
ஸோதாபன்னங் அதிக்கமித்வா பவத்தருசிதாய ஸகதா³கா³மீ...பே... கீ²ணாஸவங்
அதிக்கமித்வா பவத்தருசிதாய பச்சேகஸம்பு³த்தோ⁴, பச்சேகஸம்பு³த்த⁴ங்
அதிக்கமித்வா பவத்தருசிதாய ஸம்மாஸம்பு³த்தோ⁴ அச்சருசி நாம.
ஹிமவாவஞ்ஞே ஸிலுச்சயேதி யதா² ஹிமவா பப்³பு³தராஜா அஞ்ஞே பப்³பு³தே
அதிரோசதி, ஏவங் அதிரோசதீதி அத்தோ². ஸச்சனாமோதி தச்சனாமோ
பூ⁴தனாமோ ஆகு³ங் அகரணேனேவ நாகோ³தி ஏவங் அவிதத²னாமோ.

ஸோரச்சந்தி ஸுசிஸீலங். அவிஹிங்ஸாதி கருணா ச
கருணாபுப்³பா⁴கோ³ ச. பாதா³ நாக³ஸ்ஸ தே துவேதி தே
பு³த்த⁴னாக³ஸ்ஸ துவே புரிமபாதா³.

தபோதி து⁴தஸமாதா³னங். ப்³ரஹ்மசரியந்தி அரியமக்³க³ஸீலங். சரணா
நாக³ஸ்ஸ த்யாபரேதி தே பு³த்த⁴னாக³ஸ்ஸ அபரே த்³வே பச்சி²மபாதா³.
ஸத்தா⁴ஹத்தோ²தி ஸத்தா⁴மயாய ஸொண்டா³ய ஸமன்னாக³தோ.
உபெக்கா²ஸேதத³ந்தவாதி ச்²ளங்கு³பெக்கா²மயேஹி ஸேதத³ந்தேஹி
ஸமன்னாக³தோ.

ஸதி கீ³வாதி யதா² நாக³ஸ்ஸ அங்க³பச்சங்க³ஸ்மிங் ஸிராஜாலானங் கீ³வா
பதிட்டா², ஏவங் பு³த்த⁴னாக³ஸ்ஸ ஸோரச்சாதீனங் த⁴ம்மானங் ஸதி. தேன
வுத்தங் - “ஸதி கீ³வா”தி. ஸிரோ பஞ்ஞாதி யதா² ஹத்தி²னாக³ஸ்ஸ ஸிரோ
உத்தமங்கோ³, ஏவங் பு³த்த⁴னாக³ஸ்ஸ ஸப்³பு³ஞ்ஞுதஞ்ஞாணங். தேன ஹி ஸோ
ஸப்³பு³த⁴ம்மே ஜானாதி. தேன வுத்தங் - “ஸிரோ பஞ்ஞா”தி. வீமங்ஸா
த⁴ம்மசிந்தனாதி யதா² ஹத்தி²னாக³ஸ்ஸ அக்³க³ஸொண்டோ³ வீமங்ஸா நாம
ஹோதி. ஸோ தாய த²த்த⁴முது³கங் கா²தி³தப்³பா³கா²தி³தப்³பு³ஞ்ச வீமங்ஸதி,
ததோ பஹாதப்³பங் பஜஹதி, ஆதா³தப்³பங் ஆதி³யதி, ஏவமேவ
பு³த்த⁴னாக³ஸ்ஸ த⁴ம்மகொட்டா²ஸபரிச்சே²த³கஞ்ஞாணஸங்கா²தா
த⁴ம்மசிந்தனா வீமங்ஸா. தேன ஹி ஞாணேன ஸோ ப⁴ப்³பா³ப⁴ப்³பே³
ஜானாதி. தேன வுத்தங் - “வீமங்ஸா த⁴ம்மசிந்தனா”தி .
த⁴ம்மகுச்சி²ஸமாதபோதி த⁴ம்மோ வுச்சதி சதுத்த²ஜ்ஜா²னஸமாதி⁴,
குச்சி²யேவ ஸமாதபோ குச்சி²ஸமாதபோ. ஸமாதபோ நாம
ஸமாதபனட்டா²னங். த⁴ம்மோ குச்சி²ஸமாதபோ அஸ்ஸாதி
த⁴ம்மகுச்சி²ஸமாதபோ. சதுத்த²ஜ்ஜா²னஸமாதி⁴ஸ்மிங் டி²தஸ்ஸ ஹி தே தே
இத்தி⁴விதா⁴தி³த⁴ம்மா இஜ்ஜ²ந்தி, தஸ்மா ஸோ குச்சி²ஸமாதபோதி
வுத்தோ. விவேகோதி காயசித்தபதி⁴விவேகோ. யதா² நாக³ஸ்ஸ வாலதி⁴

மக்கி²கா வாரேதி, ஏவங் ததா²க³தஸ்ஸ விவேகோ க³ஹட்ட²பப்³புஜிதே வாரேதி.
தஸ்மா ஸோ வாலதீ⁴தி வுத்தோ.

ஜா²யீதி து³விதே⁴ன ஜா²னேன ஜா²யீ. அஸ்ஸாஸரதோதி நாக³ஸ்ஸ ஹி
அஸ்ஸாஸபஸ்ஸாஸா விய பு³த்த⁴னாக³ஸ்ஸ ப²லஸமாபத்தி, தத்த² ரதோ,
அஸ்ஸாஸபஸ்ஸாஸேஹி விய தாய வினா ந வத்ததீதி அத்தோ². ஸப்³புத்த²
ஸங்வுதோதி ஸப்³புத்³வாரேஸு ஸங்வுதோ. அனவஜ்ஜானீதி
ஸம்மாஆஜீவேன உப்பன்னபோ⁴ஜனானி. ஸாவஜ்ஜானீதி
பஞ்சவித⁴மிச்சா²ஜீவவஸேன உப்பன்னபோ⁴ஜனானி.

அணுங்து²லந்தி கு²த்த³கஞ்ச மஹந்தஞ்ச. ஸப்³புங் செ²த்வான
புந்த⁴னந்தி ஸப்³புங் து³ஸவித⁴ம்பி ஸங்யோஜனங் சி²ந்தி³த்வான.
நுபலிப்பதி லோகேனாதி லோகேன ஸத்³தி⁴ங் தண்ஹாமானதி³ட்டி²லேபேஹி
ந லிப்பதி. மஹாகி³னீதி மஹாஅக்³கி³. விஞ்ஞாஹி தே³ஸிதாதி இத⁴
படிஸம்பி⁴தா³ப்பத்தோ காளுதா³யித்தே²ரோவ விஞ்ஞா பண்டி³தோ, தேன
தே³ஸிதாதி அத்தோ². விஞ்ஞுஸ்ஸந்தி மஹானாகா³, நாக³ங் நாகே³ன
தே³ஸிதந்தி உதா³யித்தே²ரனாகே³ன தே³ஸிதங் பு³த்த⁴னாக³ங் இதரே
கீ²ணாஸவா நாகா³ விஜானிஸ்ஸந்தி.

ஸரீரங் விஜஹங் நாகோ³, பரினிப்³பிஸ்ஸதீதி போ³தி⁴பல்லங்கே
கிலேஸபரினிப்³பா³னேன பரினிப்³புதோ, யமகஸாலந்தரே அனுபாதி³ஸேஸாய
நிப்³பா³னதா⁴துயா பரினிப்³பா³யிஸ்ஸதி. ஏவங் படிஸம்பி⁴தா³ப்பத்தோ
உதா³யித்தே²ரோ ஸோளஸஹி கா³தா²ஹி சதுஸட்டி²யா பதே³ஹி
து³ஸப³லஸ்ஸ வண்ணங் கதே²ந்தோ தே³ஸனங் நிட்டா²பேஸி . ப⁴க³வா
அனுமோதி³. தே³ஸனாவஸானே சதுராஸீதிபாணஸஹஸ்ஸானி அமதபானங்
பிவிங்ஸுதி.

2. மிக³ஸாலாஸுத்தவண்ணனா

44. து³தியே கத²ங் கத²ங் நாமாதி கேன கேன காரணேன. அஞ்ஞெய்யோதி
ஆஜானிதப்³போ³. யத்ர ஹி நாமாதி யஸ்மிங் நாம த⁴ம்மே.
ஸமஸமக³திகாதி ஸமபா⁴வேனேவ ஸமக³திகா. ப⁴விஸ்ஸந்தீதி ஜாதா.
ஸகதா³கா³மிபத்தோ து³ஸிதங் காயங் உபபன்னோதி ஸகதா³கா³மிபுக்³க³லோ
ஹுத்வா து³ஸிதப⁴வனேயேவ நிப்³புத்தோ. கத²ங் கத²ங் நாமாதி கேன கேன
நு கோ² காரணேன, கிங் நு கோ² ஜானித்வா தே³ஸிதோ, உதா³ஹு
அஜானித்வாதி. தே²ரோ காரணங் அஜானந்தோ ஏவங் கோ² பனேதங் ப⁴கி³னி
ப⁴க³வதா ப்யாகதந்தி ஆஹ.

அம்மகா அம்மகபஞ்ஞாதி இத்தீ² ஹுத்வா இத்தி²ஸஞ்ஞாய ஏவ
ஸமன்னாக³தா. கே ச புரிஸபுக்³க³லபரோபரியஞாணேதி எத்த²

புரிஸபுக்³லபரோபரியஞாணங் வுச்சதி புரிஸபுக்³லானங் திக்க²முது³வஸேன
இந்த³ரியபரோபரியஞாணங். தஸ்மா கா ச பா³லா மிக³ஸாலா, கே ச
புரிஸபுக்³லானங் இந்த³ரியபரோபரியஞாணே அப்படிஹதவிஸயா
ஸம்மாஸம்பு³த்தா⁴, உப⁴யமேதங் து³ரே ஸுவிது³ரேதி அயமெத்த²
ஸங்கே²போ.

இதா³னி மிக³ஸாலாய அத்தனோ து³ரபா⁴வங் த³ஸ்ஸெந்தோ ச²யிமே,
ஆனந்தா³திஆதி³மாஹ. ஸோரதோ ஹோதீதி பாபதோ ஸு²ட² ஓரதோ
விரதோ ஹோதி. ஸு³ரதோதிபி பாடோ². அபி⁴னந்த³ந்தி ஸப்³ரஹ்மசாரீ
ஏகத்தவாஸேனாதி தேன ஸத்³தி⁴ங் ஏகதோவாஸேன ஸப்³ரஹ்மசாரீ
அபி⁴னந்த³ந்தி துஸ்ஸந்தி. ஏகந்தவாஸேனாதிபி பாடோ², ஸததவாஸேனாதி
அத்தோ². ஸவனேனபி அகதங் ஹோதீதி ஸோதப்³யுத்தகங் அஸுதங்
ஹோதி. பா³ஹுஸச்சேனபி அகதங் ஹோதீதி எத்த² பா³ஹுஸச்சங் வுச்சதி
வீரியங், வீரியேன கத்தப்³யுத்தகங் அகதங் ஹோதீதி அத்தோ². தி³ட்டி²யாபி
அப்படிவித்³த⁴ங் ஹோதீதி தி³ட்டி²யா படிவிஜ்ஜி²தப்³ங் அப்படிவித்³த⁴ங்
ஹோதி. ஸாமாயிகம்பி விமுத்திங் ந லப⁴தீதி காலானுகாலங்
த⁴ம்மஸ்ஸவனங் நிஸ்ஸாய பீதிபாமோஜ்ஜங் ந லப⁴தி. ஹானகா³மீயேவ
ஹோதீதி பரிஹானிமேவ க³ச்ச²தி.

பமாணிகாதி புக்³லேஸு பமாணக்³கா³ஹகா. பமினந்தீதி பமேதுங்
துலேதுங் ஆரப⁴ந்தி. ஏகோ ஹீனோதி ஏகோ கு³ணேஹி ஹீனோ. ஏகோ
பணீதோதி ஏகோ கு³ணேஹி பணீதோ. தங் ஹீதி தங் பமாணகரணங்.

அபி⁴க்கந்ததரோதி ஸுந்த³ரதரோ. பணீததரோதி உத்தமதரோ.
த⁴ம்மஸோதோ நிப்³ஹதீதி ஸு³ரங் ஹுத்வா
பவத்தமானவிபஸ்ஸனாஞாணங் நிப்³ஹதி, அரியபு⁴மிங் ஸம்பாபேதி.
தத³ந்தரங் கோ ஜானெய்யாதி தங் அந்தரங் தங் காரணங் அஞ்ஞத்ர
ததா²க³தேன கோ ஜானெய்யாதி அத்தோ².

கோத⁴மானோதி கோதோ⁴ ச மானோ ச. லோப⁴த⁴ம்மாதி
லோபோ⁴யேவ. வசீஸங்கா²ராதி ஆலாபஸல்லாபவஸேன வசனானேவ. யோ
வா பனஸ்ஸ மாதி³ஸோதி யோ வா பன அஞ்ஞோபி மயா ஸதி³ஸோ
ஸம்மாஸம்பு³த்தோ⁴யேவ அஸ்ஸ, ஸோ புக்³லேஸு பமாணங்
க³ண்ஹெய்யாதி அத்தோ². க²ஞ்ஞதீதி கு³ணக²ணனங் பாபுணாதி. இமே கோ²,
ஆனந்த³, ச² புக்³லாதி த்³வே ஸோரதா, த்³வே
அதி⁴க³தகோத⁴மானலோப⁴த⁴ம்மா, த்³வே
அதி⁴க³தகோத⁴மானவசீஸங்கா²ராதி இமே ச² புக்³லா. க³திந்தி ஞாணக³திங்.
ஏகங்க³ஹீனாதி ஏகேகேன கு³ணங்கே³ன ஹீனா. பூரணோ ஸீலேன விஸேஸீ
அஹோஸி, இஸித³த்தோ பஞ்ஞாய. பூரணஸ்ஸ ஸீலங் இஸித³த்தஸ்ஸ

பஞ்ஞாடா²னே டி²தங், இஸித³த்தஸ்ஸ பஞ்ஞா பூரணஸ்ஸ ஸீலட்டா²னே டி²தாதி.

3. இணஸுத்தவண்ணனா

45. ததியே தா³லித்³தியந்தி த³லித்³த³பா⁴வோ. காமபோ⁴கி³னோதி காமே பு⁴ஞ்ஜனகஸத்தஸ்ஸ. அஸ்ஸகோதி அத்தனோ ஸந்தகேன ரஹிதோ. அனாள்ஹிகோதி ந அட்³டோ⁴. இணங் ஆதி³யதீதி ஜீவிதுங் அஸக்கொந்தோ இணங் ஆதி³யதி. வட்³டி⁴ங் படிஸ்ஸுணாதீதி தா³துங் அஸக்கொந்தோ வட்³டி⁴ங் த³ஸ்ஸாமீதி படிஜானாதி. அனுசரந்திபி நந்தி பரிஸமஜ்ஜ²க³ணமஜ்ஜா²தீ³ஸு ஆதபட்²பனபங்ஸுஓகிரணாதீ³ஹி விப்பகாரங் பாபெந்தோ பச்ச²தோ பச்ச²தோ அனுபந்த⁴ந்தி. ஸத்தா⁴ நத்தீ²தி ஓகப்பனகஸத்தா⁴மத்தகம்பி நத்தி². ஹிரீ நத்தீ²தி ஹிரீயனாகாரமத்தகம்பி நத்தி². ஒத்தப்பங் நத்தீ²தி பா⁴யனாகாரமத்தகம்பி நத்தி². வீரியங் நத்தீ²தி காயிகவீரியமத்தகம்பி நத்தி². பஞ்ஞா நத்தீ²தி கம்மஸ்ஸகதபஞ்ஞாமத்தகம்பி நத்தி². இணாதா³னஸ்மிங் வதா³மீதி இணக்³ஹணங் வதா³மி. மா மங் ஜஞ்ஞாதி மா மங் ஜானாது.

தா³லித்³தியங் து³க்க²ந்தி த⁴னத³லித்³த³பா⁴வோ து³க்க²ங். காமலாபா⁴பி⁴ஜப்பினந்தி காமலாப⁴ங் பத்தெ²ந்தானங். பாபகம்மவினிப்ப³யோதி பாபகம்மவட்³ட⁴கோ. ஸங்ஸப்பதீதி பரிப்பந்த³தி. ஜானந்தி ஜானந்தோ. யஸ்ஸ விப்படிஸாரஜாதி யே அஸ்ஸ விப்படிஸாரதோ ஜாதா. யோனிமஞ்ஞதரந்தி ஏகங் திரச்சா²னயோனிங். து³த³ங் சித்தங் பஸாத³யந்தி சித்தங் பஸாதெ³ந்தோ து³த³மானோ.

கடக்³கா³ஹோதி ஜயக்³கா³ஹோ, அனபராத⁴க்³கா³ஹோ ஹோதி. க⁴ரமேஸினோதி க⁴ராவாஸங் பரியேஸந்தஸ்ஸ வஸமானஸ்ஸ வா. சாகோ³ புஞ்ஞங் பவட்³ட⁴தீதி சாகோ³தி ஸங்க²ங் க³தங் புஞ்ஞங் வட்³ட⁴தி. சாகா³ புஞ்ஞந்தி வா பாடோ². பதிட்டி²தாதி பதிட்டி²தஸத்தா⁴ நாம ஸோதாபன்னஸ்ஸ ஸத்தா⁴. ஹிரிமனோதி ஹிரிஸம்பயுத்தசித்தோ. நிராமிஸங் ஸுக²ந்தி தீணி ஜா²னானி நிஸ்ஸாய உப்பஜ்ஜனகஸுக²ங். உபெக்க²ந்தி சதுத்த²ஜ்ஜா²னுபெக்க²ங். ஆரத்³த⁴வீரியோதி பரிபுண்ணபக்³ஹிதவீரியோ. ஜா²னானி உபஸம்பஜ்ஜாதி சத்தாரி ஜா²னானி பத்வா. ஏகோதி³ நிபகோ ஸதோதி ஏகக்³சித்தோ கம்மஸ்ஸகதஞாணஸதீஹி ச ஸமன்னாக³தோ.

ஏவங் சூத்வா யதா²பூ⁴தந்தி ஏவங் எத்தகங் காரணங் யதா²ஸபா⁴வங் ஜானித்வா. ஸப்ப³ஸங்யோஜனக்க²யேதி நிப்ப³பா³னே. ஸப்ப³ஸோதி ஸப்ப³பா³காரேன. அனுபாதா³யாதி அக்³ஹெத்வா. ஸம்மா சித்தங் விமுச்சதீதி இத³ங் வுத்தங் ஹோதி - ஸப்ப³ஸங்யோஜனக்க²யஸங்கா²தே நிப்ப³பா³னே

ஸப்³ஸோ அனுபாதி³யித்வா ஸம்மா ஹேதுனா நயேன மக்³க³சித்தங் விமுச்சதி. “ஏதங் ஞத்வா யதா²பூ⁴தங், ஸப்³ஸங்யோஜனக்க²ய”ந்திபி பானியங் லிகி²தங், தஸ்ஸ ஏதங் ஸப்³ஸங்யோஜனக்க²யஸங்கா²தங் நிப்³பா³னங் யதா²பூ⁴தங் ஞத்வாதி அத்தோ². புரிமபச்சி²மேஹி பன ஸத்³தி⁴ங் ந க⁴டயதி.

தஸ்ஸ ஸம்மா விமுத்தஸ்ஸாதி தஸ்ஸ ஸம்மா விமுத்தஸ்ஸ கீ²ணாஸவஸ்ஸ. ஞாணங் ஹோதீதி பச்சவெக்க²ணஞாணங் ஹோதி. தாதி³னோதி தங்ஸண்டி²தஸ்ஸ. அகுப்பாதி அகுப்பாரம்மணத்தா குப்பகாரணானங் கிலேஸானஞ்ச அபா⁴வேன அகுப்பா. விமுத்தீதி மக்³க³விமுத்திபி ப²லவிமுத்திபி. ப⁴வஸங்யோஜனக்க²யேதி ப⁴வஸங்யோஜனக்க²யஸங்கா²தே நிப்³பா³னே ப⁴வஸங்யோஜனானஞ்ச க²யந்தே உப்பன்னா. ஏதங் கோ² பரமங் ஞாணந்தி ஏதங் மக்³க³ப²லஞாணங் பரமஞாணங் நாம. ஸுக²மனுத்தரந்தி ஏததே³வ மக்³க³ப²லஸுக²ங் அனுத்தரங் ஸுக²ங் நாம. ஆணண்யமுத்தமந்தி ஸப்³பே³ஸங் அணணானங் கீ²ணாஸவோ உத்தமஅண்ணோ , தஸ்மா அரஹத்தப²லங் ஆணண்யமுத்தமந்தி அரஹத்தப²லேன தே³ஸனாய கூடங் க³ண்ஹி. இமஸ்மிஞ்ச ஸுத்தே வட்டமேவ கதெ²த்வா கா³தா²ஸு வட்டவிவட்டங் கதி²தந்தி.

4. மஹாசுந்த³ஸுத்தவண்ணனா

46. சதுத்தே² சேதீஸுதி சேதிரட்டே². ஸயங்ஜாதியந்தி ஏவங்னாமகே நிக³மே. மஹாசுந்தோ³தி த⁴ம்மஸேனாபதிஸ்ஸ கனிட்ட²பா⁴தி⁴கோ. த⁴ம்மே யோகோ³ அனுயோகோ³ ஏதேஸந்தி த⁴ம்மயோகா³. த⁴ம்மகதி²கானங் ஏதங் நாமங். ஜா²யந்தீதி ஜா²யீ. அபஸாதெ³ந்தீதி க⁴ட்டெந்தி ஹிங்ஸந்தி. ஜா²யந்தீதி சிந்தெந்தி. பஜ்ஜா²யந்தீதிஆதீ³னி உபஸக்³வஸேன வட்³டி⁴தானி. கிமிமே ஜா²யந்தீதி கிங் நாம இமே ஜா²யந்தி. கிந்திமே ஜா²யந்தீதி கிமத்த²ங் இமே ஜா²யந்தி. கத²ங் இமே ஜா²யந்தீதி கேன காரணேன இமே ஜா²யந்தி. அமதங் தா⁴துங் காயேன பு²ஸித்வா விஹரந்தீதி மரணவிரஹிதங் நிப்³பா³னதா⁴துங் ஸந்தா⁴ய கம்மட்டா²னங் க³ஹெத்வா விஹரந்தா அனுக்கமேன தங் நாமகாயேன பு²ஸித்வா விஹரந்தி. க³ம்பீ⁴ரங் அத்த²பத³ந்தி கு³ள்ஹங் படிச்ச²ன்னங் க²ந்த⁴தா⁴துஆயதனாதி³அத்த²ங். பஞ்ஞாய அதிவிஜ்ஜ² பஸ்ஸந்தீதி ஸஹவிபஸ்ஸனாய மக்³க³பஞ்ஞாய படிவிஜ்ஜி²த்வா பஸ்ஸந்தி. இமஸ்மிங் பனத்தே² ஸம்மஸனபடிவேத⁴பஞ்ஞாபி உக்³க³ஹபரிபுச்சா²பஞ்ஞாபி வட்டதியேவாதி.

5-6. ஸந்தி³ட்டி²கஸுத்தத்³வயவண்ணனா

47-48. பஞ்சமே ஸந்தங் வா அஜ்ஜ²த்தந்தி நியகஜ்ஜ²த்தே விஜ்ஜமானங். லோபோ⁴திஆதீ³ஹி தீணி அகுஸலமூலானி த³ஸ்ஸிதானி.

லோபு⁴த⁴ம்மதிஆதீ³ஹி தங்ஸம்பயுத்தகா த⁴ம்மா. ச²ட்டே²
காயஸந்தோ³ஸந்தி காயத்³வாரஸ்ஸ து³ஸ்ஸனாகாரங். ஸேஸத்³வயேபி
ஏஸேவ நயோ. இமேஸு த்³வீஸு ஸுத்தேஸு பச்சவெக்க²ணாவ கதி²தா.

7. கே²மஸுத்தவண்ணனா

49. ஸத்தமே வுஸிதவாதி வுத்த²ப்³ரஹ்மசரியவாஸோ. கதகரணீயோதி
சதூஹி மக்³கே³ஹி கத்தப்³ப³ங் கத்வா டி²தோ. ஓஹிதபா⁴ரோதி
க²ந்த⁴பா⁴ரங் கிலேஸபா⁴ரங் அபி⁴ஸங்கா²ரபா⁴ரஞ்ச ஓதாரெத்வா டி²தோ.
அனுப்பத்தஸத³த்தோ²தி ஸத³த்தோ² வுச்சதி அரஹத்தங், தங் பத்தோதி
அத்தோ². பரிக்²ணப⁴வஸங்யோஜனோதி கீ²ணப⁴வப³ந்த⁴னோ.
ஸம்மத³ஞ்ஞா விமுத்தோதி ஸம்மா ஹேதுனா காரணேன ஜானித்வா
விமுத்தோ. தஸ்ஸ ந ஏவங் ஹோதி அத்தி² மே ஸெய்யோதி வாதிஆதீ³ஹி
ஸெய்யஸ்ஸ ஸெய்யோஹமஸ்மீதி மானாத³யோ தயோ மானா படிக்கி²த்தா. ந
ஹி கீ²ணாஸவஸ்ஸ “அத்தி² மய்ஹங் ஸெய்யோ, அத்தி² ஸதி³ஸோ, அத்தி²
ஹீனோ”தி மானோ ஹோதி. நத்தி² மே ஸெய்யோதிஆதீ³ஹிபி தேயேவ
படிக்கி²த்தா. ந ஹி கீ²ணாஸவஸ்ஸ “அஹமேவ ஸெய்யோ, அஹங்
ஸதி³ஸோ, அஹங் ஹீனோ, அஞ்ஞே ஸெய்யாத³யோ நத்தி²”தி ஏவங் மானோ
ஹோதி.

அசிரபக்கந்தேஸு³தி அரஹத்தங் ப்³யாகரித்வா அசிரங்யேவ பக்கந்தேஸு.
அஞ்ஞங் ப்³யாகரொந்தீதி அரஹத்தங் கதெ²ந்தி. ஹஸமானகா மஞ்ஞே
அஞ்ஞங் ப்³யாகரொந்தீதி ஹஸமானா விய கதெ²ந்தி. விகா⁴தங்
ஆபஜ்ஜந்தீதி து³க்க²ங் ஆபஜ்ஜந்தி.

ந உஸ்ஸேஸு ந ஓமேஸு, ஸமத்தே நோபனீயரேதி எத்த² உஸ்ஸாதி
உஸ்ஸிததா ஸெய்யபுக்³க³லா. ஓமாதி ஹீனா. ஸமத்தோதி ஸதி³ஸோ. இதி
இமேஸு தீஸுபி ஸெய்யஹீனஸதி³ஸேஸு கீ²ணாஸவா மானேன ந
உபனீயரே, ந உபனெந்தி, ந உபகச்ச²ந்தீதி அத்தோ². கீ²ணா ஜாதீதி கீ²ணா
தேஸங் ஜாதி. வுஸிதங் ப்³ரஹ்மசரியந்தி வுத்த²ங் மக்³க³ப்³ரஹ்மசரியங். சரந்தி
ஸங்யோஜனவிப்பமுத்தாதி ஸப்³ப³ஸங்யோஜனேஹி விமுத்தா ஹுத்வா
சரந்தி. ஸுத்தேபி கா³தா²யம்பி கீ²ணாஸவோ கதி²தோ.

8. இந்த்³ரியஸங்வரஸுத்தவண்ணனா

50. அட்ட²மே ஹதூபனிஸங் ஹோதீதி ஹதூபனிஸ்ஸயங் ஹோதி.
ஸீலவிபன்னஸ்ஸாதி விபன்னஸீலஸ்ஸ. யதா²பூ⁴தஞாணத³ஸ்ஸனந்தி
தருணவிபஸ்ஸனாஞாணங். நிப்³பி³தா³விராகோ³தி எத்த² நிப்³பி³தா³
ப³லவவிபஸ்ஸனா, விராகோ³ அரியமக்³கோ³. விமுத்திஞாணத³ஸ்ஸனந்தி
எத்த² விமுத்தீதி அரஹத்தப²லங், ஞாணத³ஸ்ஸனந்தி பச்சவெக்க²ணஞாணங்.

உபனிஸ்ஸயஸம்பன்னங் ஹோதீதி ஸம்பன்னஉபனிஸ்ஸயங் ஹோதி.
இமஸ்மிங் ஸுத்தே ஸீலானுரக்கணஇந்த்³ரியஸங்வரோ கதி²தோ.

9. ஆனந்த்³ஸுத்தவண்ணனா

51. நவமே கித்தாவதாதி கித்தகேன. அஸ்ஸுதஞ்சேவாதி அஞ்ஞஸ்மிங்
காலே அஸ்ஸுதபு³பங். ந ஸம்மோஸங் க³ச்சந்தீதி வினாஸங் ந க³ச்சந்தி.
சேதஸோ ஸம்பு²ட்ட²பு³பா³தி சித்தேன பு²ஸிதபு³பா³. ஸமுதா³சரந்தீதி
மனொத்வாரே சரந்தி. அவிஞ்ஞாதஞ்ச விஜானாதீதி அஞ்ஞஸ்மிங் காலே
அவிஞ்ஞாதகாரணங் ஜானாதி. பரியாபுணாதீதி வளஞ்ஜேதி கதே²தி. தே³ஸேதீதி
பகாஸேதி. பரங் வாசேதீதி பரங் உக்³க³ண்ணஹாபேதி.

ஆக³தாக³மாதி தீ³கா⁴தீ³ஸு யோ கோசி ஆக³மோ ஆக³தோ ஏதேஸந்தி
ஆக³தாக³மா. த⁴ம்மத⁴ராதி ஸுத்தந்தபிடகத⁴ரா. வினயத⁴ராதி
வினயபிடகத⁴ரா. மாதிகாத⁴ராதி த்³வேபாதிமொக்க²த⁴ரா. பரிபுச்சதீதி
அனுஸந்தி⁴பு³பா³பரங் புச்ச²தி. பரிபஞ்ஹதீதி இத³ஞ்சித³ஞ்ச புச்சி²ஸ்ஸாமீதி
பரிதுலதி பரிச்சிந்த³தி. இத³ங், ப⁴ந்தே, கத²ந்தி, ப⁴ந்தே, இத³ங்
அனுஸந்தி⁴பு³பா³பரங் கத²ங் ஹோதீதி புச்ச²தி. இமஸ்ஸ க்வத்தோ²தி
இமஸ்ஸ பா⁴ஸிதஸ்ஸ கோ அத்தோ²தி புச்ச²தி. அவிவடந்தி அவிவரிதங்.
விவரந்தீதி பாகடங் கரொந்தி. கங்கா²டா²னியேஸுதி கங்கா²ய
காரணபூ⁴தேஸு. தத்த² யஸ்மிங் த⁴ம்மே கங்கா² உப்பஜ்ஜதி, ஸ்வேவ
கங்கா²டா²னியோ நாமாதி வேதி³தப்³போ³.

10. க²த்தியஸுத்தவண்ணனா

52. த³ஸமே போ⁴கா³தி⁴ப்பாயாதி போ⁴க³ஸங்ஹரணத்த²ங்
ட²பிதாதி⁴ப்பாயா பவத்தஅஜ்ஜா²ஸயா. பஞ்ஞாபவிசாராதி பஞ்ஞவந்தோ
ப⁴வெய்யாமாதி ஏவங் பஞ்ஞத்தா²ய பவத்தாபவிசாரா. அயமேவ நேஸங்
விசாரோ சித்தே உபவிசரதி. ப³லாதி⁴ட்டா²னாதி ப³லகாயாதி⁴ட்டா²னா.
ப³லகாயஞ்ஹி லத்³தா⁴ தே லத்³த⁴பதிட்டா² நாம ஹொந்தி.
பத²விபி⁴னிவேஸாதி பத²விஸாமினோ ப⁴விஸ்ஸாமாதி ஏவங்
பத²விஅத்தா²ய கதசித்தாபி⁴னிவேஸா. இஸ்ஸரியபரியோஸானாதி
ரஜ்ஜாபி⁴ஸேகபரியோஸானா. அபி⁴ஸேகஞ்ஹி பத்வா தே
பரியோஸானப்பத்தா நாம ஹொந்தி. இமினா நயேன ஸப்³புத்த² அத்தோ²
வேதி³தப்³போ³.

ஸேஸபதே³ஸு பனெத்த² அயமதி⁴ப்பாயோ - ப்³ராஹ்மணா தாவ மந்தே
லபி⁴த்வா லத்³த⁴பதிட்டா² நாம ஹொந்தி, க³ஹபதிகா யங்கிஞ்சி ஸிப்பங்,
இத்தீ² குலதா³யஜ்ஜஸாமிகங் புத்தங், சோரா யங்கிஞ்சி ஆவுத⁴ஸத்த²ங் ,

ஸமணா ஸீலபரிபுண்ணா லத்³த⁴பதிட்டா² நாம ஹொந்தி. தஸ்மா மந்தாதி⁴ட்டா²னாதிஆதீ³னி வுத்தானி.

ப்³ராஹ்மணானஞ்ச “யஞ்ஞங் யஜிஸ்ஸாமா”தி சித்தங் அபி⁴னிவிஸதி, ப்³ரஹ்மலோகே பத்தே பரியோஸானப்பத்தா நாம ஹொந்தி. தஸ்மா தே யஞ்ஞாபி⁴னிவேஸா ப்³ரஹ்மலோகபரியோஸானாதி வுத்தா. கம்மந்தகரணத்தா²ய மனோ ஏதேஸங் அபி⁴னிவிஸதீதி கம்மந்தாபி⁴னிவேஸா. கம்மே நி⁴ட்டி²தே பரியோஸானப்பத்தா நாம ஹொந்தீதி நி⁴ட்டி²தகம்மந்தபரியோஸானா.

புரிஸாதி⁴ப்பாயாதி புரிஸேஸு பவத்தஅஜ்ஜா²ஸயா. அலங்காரத்தா²ய மனோ உபவிசரதி ஏதிஸ்ஸாதி அலங்காருபவிசாரா. அஸபத்தீ ஹுத்வா ஏகிகாவ க⁴ரே வஸெய்யந்தி ஏவமஸ்ஸா சித்தங் அபி⁴னிவிஸதீதி அஸபத்தீபி⁴னிவேஸா. க⁴ராவாஸிஸ்ஸரியே லத்³தே⁴ பரியோஸானப்பத்தா நாம ஹொந்தீதி இஸ்ஸரியபரியோஸானா.

பரப⁴ண்ட³ஸ்ஸ ஆதா³னே அதி⁴ப்பாயோ ஏதேஸந்தி ஆதா³னாதி⁴ப்பாயா. க³ஹனே நிலீயனட்டா²னே ஏதேஸங் மனோ உபவிசரதீதி க³ஹனாபவிசாரா. அந்த⁴காரத்தா²ய ஏதேஸங் சித்தங் அபி⁴னிவிஸதீதி அந்த⁴காராபி⁴னிவேஸா. அத³ஸ்ஸனப்பத்தா பரியோஸானப்பத்தா ஹொந்தீதி அத³ஸ்ஸனபரியோஸானா.

அதி⁴வாஸனக்க²ந்தியஞ்ச ஸுசிபா⁴வஸீலே ச அதி⁴ப்பாயோ ஏதேஸந்தி க²ந்திஸோரச்சாதி⁴ப்பாயா. அகிஞ்சனபா⁴வே நிக்³க³ஹணபா⁴வே சித்தங் ஏதேஸங் அபி⁴னிவிஸதீதி ஆகிஞ்சஞ்ஞாபி⁴னிவேஸா. நிப்³பா³னப்பத்தா பரியோஸானப்பத்தா ஹொந்தீதி நிப்³பா³னபரியோஸானா.

11. அப்பமாத³ஸுத்தவண்ணனா

53. ஏகாத³ஸமே ஸமதி⁴க்³க³ய்ஹாதி ஸுட்டு² க³ண்ஹித்வா. ஜங்க³லானங் பாணானந்தி பத²வீதலசாரீனங் ஸபாத³கபாணானங். பத³ஜாதானீதி பதா³னி. ஸமோதா⁴னங் க³ச்ச²ந்தீதி ஓதா⁴னங் உபனிக்²கே²பங் க³ச்ச²ந்தி. அக்³க³மக்கா²யதீதி ஸெட்ட²ங் அக்கா²யதி. பப்³ப³ஜலாயகோதி பப்³ப³ஜதிணச்சே²த³கோ. ஓது⁴னாதீதி ஹெட்டா² முக²ங் து⁴னாதி. நிது⁴னாதீதி உபோ⁴ஹி பஸ்ஸேஹி து⁴னாதி. நிச்சா²தே³தீதி பா³ஹாய வா பஹரதி, ருக்கே² வா பஹரதி. அம்ப³பிண்டி³யாதி அம்ப³ப²லபிண்டி³யா. வண்டுபனிப³ந்த⁴னானீதி வண்டே உபனிப³ந்த⁴னானி , வண்டே வா பதிட்டி²தானி. தத³ன்வயானி ப⁴வந்தீதி வண்டானுவத்தகானி ப⁴வந்தி, அம்ப³பிண்டி³த³ண்ட³கானுவத்தகானி ப⁴வந்தீதிபி அத்தோ². கு²த்³த³ராஜானோதி கு²த்³த³கராஜானோ, பகதிராஜானோ வா.

12. த⁴ம்மிகஸுத்தவண்ணனா

54. த³வாத³ஸமே ஸப்³புஸோதி ஸப்³பேஸு. ஸத்தஸு விஹாரேஸுதி ஸத்தஸு பரிவேணேஸு. பரிபா⁴ஸதீதி பரிப⁴வதி ப⁴யங் உபத³ங்ஸேதி. விஹிங்ஸதீதி விஹேடே²தி. விதுத³தீதி விஜ்ஜ²தி. ரோஸேதி வாசாயாதி வாசாய க⁴ட்டேதி. பக்கமந்தீதி தி³ஸா பக்கமந்தி. ந ஸண்ட²ஹந்தீதி நப்பதிட்ட²ஹந்தி. ரிஞ்சந்தீதி ச²ட்³டெ³ந்தி விஸ்ஸஜ்ஜெந்தி. பப்³பா³ஜெய்யாமாதி நீஹரெய்யாம. ஹந்தா³தி வவஸ்ஸக்³க³த்தே² நிபாதோ. அலந்தி யுத்தமேதங், யங் தங் பப்³பா³ஜெய்யந்தி அத்தோ². கிங் தே இமினாதி கிங் தவ இமினா ஜாதிபு⁴மியங் வாலேஸன. தீரத³ஸ்ஸிங் ஸகுணந்தி தி³ஸாகாகங். முஞ்சந்தீதி தி³ஸாத³ஸ்ஸனத்த²ங் விஸ்ஸஜ்ஜெந்தி. ஸாமந்தாதி அவிதூ³ரே. ஸமந்தாதிபி பாடோ², ஸமந்ததோதி அத்தோ². அபி⁴னிவேஸோதி பத்த²ரித்வா டி²தஸாகா²னங் நிவேஸோ. மூலஸந்தானகானந்தி மூலானங் நிவேஸோ.

ஆள்ஹகதா²லிகாதி தண்டு³லாள்ஹகஸ்ஸ ப⁴த்தபசனதா²லிகா. கு²த்³த³ங் மது⁴ந்தி கு²த்³த³மக்கி²காஹி கதங் த³ண்ட³கமது⁴ங். அனேலகந்தி நித்³தோ³ஸங். ந ச ஸுத³ங் அஞ்ஞமஞ்ஞஸ்ஸ ப²லானி ஹிங்ஸந்தீதி அஞ்ஞமஞ்ஞஸ்ஸ கொட்டா²ஸே ப²லானி ந ஹிங்ஸந்தி. அத்தனோ கொட்டா²ஸேஹி மூலங் வா தசங் வா பத்தங் வா சி²ந்த³ந்தோ நாம நத்தி², அத்தனோ அத்தனோ ஸாகா²ய ஹெட்டா² பதிதானேவ பரிபு⁴ஞ்ஜந்தி. அஞ்ஞஸ்ஸ கொட்டா²ஸதோ அஞ்ஞஸ கொட்டா²ஸங் பரிவத்தித்வா க³தம்பி “ந அம்ஹாகங் ஸாகா²ய ப²ல”ந்தி ஞத்வா நோ கா²த³ந்தி. யாவத³த்த²ங் ப⁴க்கி²த்வாதி கண்ட²ப்பமானேன கா²தி³த்வா. ஸாக²ங் ப⁴ஞ்ஜித்வாதி ச²த்தப்பமாணமத்தங் சி²ந்தி³த்வா சா²யங் கத்வா பக்காமி. யத்ர ஹி நாமாதி யோ ஹி நாம. பக்கமிஸ்ஸதீதி பக்கந்தோ. நாதா³ஸீதி தே³வதாய ஆனுபா⁴வேன ப²லமேவ ந க³ண்ஹி. ஏவஞ்ஹி ஸா அதி⁴ட்டா²ஸி.

தேனுபஸங்கமீதி ஜனபத³வாஸீஹி க³ந்த்வா, “மஹாராஜ, ருக்கோ² ப²லங் ந க³ண்ஹி, அம்ஹாகங் நு கோ² தோ³ஸோ தும்ஹாக”ந்தி வுத்தே “நேவ மய்ஹங் தோ³ஸோ அத்தி², ந ஜானபதா³னங், அம்ஹாகங் விஜிதே அத⁴ம்மோ நாம ந வத்ததி, கேன நு கோ² காரணேன ருக்கோ² ந ப²லிதோ, ஸக்கங் உபஸங்கமித்வா புச்சி²ஸ்ஸாமீ”தி சிந்தெத்வா யேன ஸக்கோ தே³வானமிந்தோ³ தேனுபஸங்கமி. பவத்தேஸீதி பரிவத்தேஸி. உம்மூலமகாஸீதி உத்³த⁴ங்மூலங் அகாஸி. அபி நு த்வந்தி அபி நு தவ. அட்டி²தாயேவாதி அட்டி²தாய ஏவ. ஸச்ச²வீனீதி ஸமானச்ச²வீனி பகதிட்டா²னே டி²தானி. ந பச்சக்கோஸதீதி நப்படிக்கோஸதி. ரோஸந்தந்தி க⁴ட்டெந்தங். ப⁴ண்ட³ந்தந்தி பஹரந்தங்.

ஸுனெத்தோதி நெத்தா வுச்சந்தி அக்கீனி, தேஸங் ஸுந்த்ரதாய ஸுனெத்தோ. தித்த²கரோதி ஸுக³திஓகா³ஹனதித்த²ஸ்ஸ காரகோ. வீதராகோ³தி விக்²ம்பு⁴னவஸேன விக³தராகோ³. பஸவதீதி படிப⁴தி. தி³ட்டி²ஸம்பன்னந்தி த³ஸ்ஸனஸம்பன்னங், ஸோதாபன்னந்தி அத்தோ². க²ந்திந்தி அத்தனோ கு³ணக²ணனங். யதா²மங் ஸப்³ரஹ்மசாரீஸுதி யதா² இமங் ஸப்³ரஹ்மசாரீஸு அக்கோஸனபரிபா⁴ஸனங், அஞ்ஞங் ஏவருபங் கு³ணக²ந்திங் ந வதா³மீதி அத்தோ². ந நோ ஸமஸப்³ரஹ்மசாரீஸுதி எத்த² ஸமஜனோ நாம ஸகஜனோ வுச்சதி. தஸ்மா ந நோ ஸகேஸு ஸமானப்³ரஹ்மசாரீஸு சித்தானி பது³ட்டா²னி ப⁴விஸ்ஸந்தீதி அயமெத்த² அத்தோ².

ஜோதிபாலோ ச கோ³விந்தோ³தி நாமேன ஜோதிபாலோ டா²னேன மஹாகோ³விந்தோ³. ஸத்தபுரோஹிதோதி ரேணுஆதீ³னங் ஸத்தன்னங் ராஜனங் புரோஹிதோ. அஹிங்ஸகா அதீதங்ஸேதி ஏதே ச² ஸத்தா²ரோ அதீதங்ஸே அஹிங்ஸகா அஹேஸுங். நிராமக²ந்தா⁴தி கோதா⁴மக²ந்தே⁴ன நிராமக²ந்தா⁴. கருணேவிமுத்தாதி கருணஜ்ஜா²னே அதி⁴முத்தா, கருணாய ச கருணாபு³ப³பா⁴கே³ ச டி²தா. யேதேதி ஏதே, அயமேவ வா பாடோ². ந ஸாது⁴ருபங் ஆஸீதே³தி ஸாது⁴ஸபா⁴வங் ந க⁴ட்டெய்ய. தி³ட்டி²ட்டா²னப்பஹாயினந்தி த³வாஸட்டி²தி³ட்டி²க³தப்பஹாயினங். ஸத்தமோதி அரஹத்ததோ பட்டா²ய ஸத்தமோ. அவீதராகோ³தி அவிக³தராகோ³. ஏதேன அனாகா³மிபா⁴வங் படிக்கி²பதி. பஞ்சிந்த்³ரியா முதூ³தி பஞ்ச விபஸ்ஸனிந்த்³ரியானி முதூ³னி. தஸ்ஸ ஹி தானி ஸகதா³கா³மிங் உபாதா³ய முதூ³னி நாம ஹொந்தி. விபஸ்ஸனாதி ஸங்கா²ரபரிக்க³ஹஞாணங். பு³பே³வ உபஹஞ்ஞதீதி பட²மதரஞ்ஞேவ உபஹஞ்ஞதி. அக்க²தோதி கு³ணக²ணனேன அக்க²தோ அனுபஹதோ ஹுத்வா. ஸேஸங் ஸப்³ப³த்த² உத்தானமேவாதி.

த⁴ம்மிகவக்³கோ³ பஞ்சமோ.

பட²மபண்ணாஸகங் நிட்டி²தங்.

2. து³தியபண்ணாஸகங்

6. மஹாவக்³கோ³

1. ஸோணஸுத்தவண்ணனா

55. ச²ட்ட²ஸ்ஸ பட²மே ஸோணோதி ஸுகு²மாலஸோணத்தே²ரோ. ஸீதவனேதி ஏவங்னாமகே ஸுஸானே. தஸ்மிங் கிர படிபாடியா பஞ்ச சங்கமனபண்ணஸாலாஸதானி மாபிதானி, தேஸு தே²ரோ அத்தனோ ஸப்பாயசங்கமனங் க³ஹெத்வா ஸமணத⁴ம்மங் கரோதி. தஸ்ஸ ஆரத்³த⁴வீரியஸ்ஸ ஹுத்வா சங்கமதோ பாத³தலானி பி⁴ஜ்ஜிங்ஸு, ஜாணாஹி சங்கமதோ ஜாணுகானிபி ஹத்த²தலானிபி பி⁴ஜ்ஜிங்ஸு, சி²த்த³தா³னி அஹேஸுங். ஏவங் ஆரத்³த⁴வீரியோ விஹரந்தோ ஓபா⁴ஸனிமித்தமத்தகம்பி த³ஸ்ஸேதுங் நாஸக்கி². தஸ்ஸ வீரியேன கிலமிதகாயஸ்ஸ கோடியங் பாஸாணப²லகே நிஸின்னஸ்ஸ யோ விதக்கோ உத³பாதி³, தங் த³ஸ்ஸேதுங் அத² கோ² ஆயஸ்மதோதிஆதி³ வுத்தங். தத்த² ஆரத்³த⁴வீரியாதி பரிபுண்ணபக்³க³ஹிதவீரியா. ந அனுபாதா³ய ஆஸவேஹி சித்தங் விமுச்சதீதி ஸசே ஹி அஹங் உக்³க⁴டிதஞ்ஞா வா அஸ்ஸங் விபஞ்சிதஞ்ஞா வா நெய்யோ வா, நூன மே சித்தங் விமுச்செய்ய. அத்³தா⁴ பனஸ்மி பத³பரமோ, யேன மே சித்தங் ந விமுச்சதீதி ஸன்னிட்டா²னங் கத்வா ஸங்விஜ்ஜந்தி கோ² பனாதிஆதீ³னி சிந்தேஸி. தத்த² போ⁴கா³தி உபயோகத்தே² பச்சத்தங்.

பாதூரஹோஸீதி தே²ரஸ்ஸ சித்தாசாரங் சூத்வா “அயங் ஸோணோ அஜ்ஜ ஸீதவனே பதா⁴னபூ⁴மியங் நிஸின்னோ இமங் விதக்கங் விதக்கேதி, க³ந்த்வாஸ்ஸ விதக்கங் ஸஹொத்த²ங் க³ணஹித்வா வீணோபமங் கம்மட்டா²னங் கதே²ஸ்ஸாமீ”தி பமுகே² பாகடோ அஹோஸி. பஞ்ஞுத்தே ஆஸனேதி பதா⁴னிகபி⁴க்க² அத்தனோ வஸனட்டா²னே ஓவதி³துங் ஆக³தஸ்ஸ புத்³த⁴ஸ்ஸ ப⁴க³வதோ நிஸீத³னத்த²ங் யதா²லாபே⁴ன ஆஸனங் பஞ்ஞாபெத்வாவ பதா⁴னங் கரொந்தி, அஞ்ஞங் அலப⁴மானா புராணபண்ணானிபி ஸந்த²ரித்வா உபரி ஸங்கா⁴டிங் பஞ்ஞபெந்தி. தே²ரோபி ஆஸனங் பஞ்ஞாபெத்வா பதா⁴னங் அகாஸி. தங் ஸந்தா⁴ய வுத்தங் - “பஞ்ஞுத்தே ஆஸனே”தி.

தங் கிங் மஞ்ஞஸீதி ஸத்தா² “இமஸ்ஸ பி⁴க்கு²னோ அவஸேஸகம்மட்டா²னேஹி அத்தோ² நத்தி², அயங் க³ந்த⁴ப³ஸிப்பே சே²கோ சிண்ணவஸ், அத்தனோ விஸயே கதி²யமானங் கி²ப்பமேவ ஸல்லக்கெ²ஸ்ஸதீ”தி வீணோபமங் கதே²துங் “தங் கிங் மஞ்ஞஸீ”திஆதி³மாஹ. வீணாய தந்திஸ்ஸரே குஸலதா நாம வீணாய வாத³னகுஸலதா, ஸோ ச தத்த² குஸலோ. மாதாபிதரோ ஹிஸ்ஸ “அம்ஹாகங் புத்தோ அஞ்ஞங் ஸிப்பங் ஸிக்க³ந்தோ காயேன கிலமிஸ்ஸதி, இத³ங் பன ஸயனே நிஸின்னேனேவ

ஸக்கா உக்³க³ண்ஹிது³ந்தி க³ந்த⁴ப³ப³ஸிப்பமேவ உக்³க³ண்ஹாபேஸுங்.
தஸ்ஸ -

“ஸத்த ஸரா தயோ கா³மா, முச்ச²னா ஏகவீஸதி;
டா²னா ஏக³னபஞ்ஞாஸ, இச்சேதே ஸரமண்ட³லா³தி. -

ஆதி³கங் க³ந்த⁴ப³ப³ஸிப்பங் ஸப்³ப³மேவ பகு³ணங் அஹோஸி. அச்சாயதாதி
அதிஆயதா க²ரமுச்ச²னா. ஸரவதீதி ஸரஸம்பன்னா. கம்மஞ்ஞாதி கம்மக்க²மா
கம்மயொக்கா³. அதிஸிதி²லாதி மந்த³முச்ச²னா. ஸமே கு³ணே பதிட்டி²தாதி
மஜ்ஜி²மே ஸரே ட²பெத்வா முச்சி²தா.

அச்சாரத்⁴ந்தி அதிகா³ள்ஹங். உத்³த⁴ச்சாய ஸங்வத்ததீதி
உத்³த⁴தபா⁴வாய ஸங்வத்ததி. அதிலீனந்தி அதிஸிதி²லங். கோஸஜ்ஜாயாதி
குஸீதபா⁴வத்தா²ய. வீரியஸமத²ங் அதி⁴ட்ட²ஹாதி வீரியஸம்பயுத்தங்
ஸமத²ங் அதி⁴ட்ட²ஹ, வீரியங் ஸமதே²ன யோஜேஹீதி அத்தோ².
இந்த்³ரியானஞ்ச ஸமதங் படிவிஜ்ஜா²தி ஸத்த³தா⁴தீ³னங் இந்த்³ரியானங்
ஸமதங் ஸமபா⁴வங் அதி⁴ட்ட²ஹி. தத்த² ஸத்³த⁴ங் பஞ்ஞாய, பஞ்ஞஞ்ச
ஸத்³தா⁴ய, வீரியங் ஸமாதி⁴னா, ஸமாதி⁴ஞ்ச வீரியேன யோஜயதா
இந்த்³ரியானங் ஸமதா அதி⁴ட்டி²தா நாம ஹோதி. ஸதி பன ஸப்³ப³த்தி²கா,
ஸா ஸதா³ ப³லவதீயேவ வட்டதி. தஞ்ச பன தேஸங் யோஜனாவிதா⁴னங்
விஸுத்³தி⁴மக்³கே³ (விஸுத்³தி⁴. 1.60-62) பகாஸிதமேவ. தத்த² ச நிமித்தங்
க³ண்ஹாஹீதி தஸ்மிஞ்ச ஸமபா⁴வே ஸதி யேன ஆதா³ஸே
முக²பி³ம்பே³னேவ நிமித்தேன உப்பஜ்ஜிதப்³ப³ங், தங் ஸமத²னிமித்தங்
விபஸ்ஸனானிமித்தங் மக்³க³னிமித்தங் ப²லனிமித்தஞ்ச க³ண்ஹாஹி
நிப்³ப³த்தேஹீதி ஏவமஸ்ஸ ஸத்தா² அரஹத்தே பக்கி²பித்வா கம்மட்டா²னங்
கதே²ஸி.

தத்த² ச நிமித்தங் அக்³க³ஹேஸீதி ஸமத²னிமித்தஞ்ச
விபஸ்ஸனானிமித்தஞ்ச அக்³க³ஹேஸி. ச² டா²னானீதி ச² காரணானி.
அதி⁴முத்தோ ஹோதீதி படிவிஜ்ஜி²த்வா பச்சக்க²ங் கத்வா டி²தோ ஹோதி.
நெக்க²ம்மாதி⁴முத்தோதிஆதி³ ஸப்³ப³ங் அரஹத்தவஸேனேவ வுத்தங்.
அரஹத்தஞ்ஹி ஸப்³ப³கிலேஸேஹி நிக்க²ந்தத்தா நெக்க²ம்மங், தேஹேவ
பவிவித்தத்தா பவிவேகோ, ப்யாபஜ்ஜா²பா⁴வதோ அப்யாபஜ்ஜ²ங்,
தண்ஹாக்க²யந்தே உப்பன்னத்தா தண்ஹாக்க²யோ , உபாதா³னக்க²யந்தே
உப்பன்னத்தா உபாதா³னக்க²யோ, ஸம்மோஹாபா⁴வதோ அஸம்மோஹோதி
வுச்சதி.

கேவலங் ஸத்³தா⁴மத்தகந்தி படிவேத⁴ரஹிதங் கேவலங்
படிவேத⁴பஞ்ஞாய அஸம்மிஸ்ஸகங் ஸத்³தா⁴மத்தகங். படிசயந்தி புனப்புனங்
கரணேன வட்³டி⁴ங். வீதராக³த்தாதி மக்³க³படிவேதே⁴ன ராக³ஸ்ஸ

விக³த்தாயேவ நெக்க²ம்மஸங்கா²தங் அரஹத்தங் படிவிஜ்ஜி²த்வா ஸச்சி²கத்வா
டி²தோ ஹோதி, ப²லஸமாபத்திவிஹாரேன விஹரதி,
தன்னின்னமானஸோயேவ ச ஹோதீதி அத்தோ². ஸேஸபதே³ஸுபி ஏஸேவ
நயோ.

லாப⁴ஸக்காரஸிலோகந்தி சதுபச்சயலாப⁴ஞ்ச தேஸஞ்ஞேவ
ஸுகதபா⁴வஞ்ச வண்ணப⁴ணனஞ்ச. நிகாமயமானோதி இச்ச²மானோ
பத்த²யமானோ. பவிவேகாதி⁴முத்தோதி பவிவேகே அதி⁴முத்தோ அரஹந்தி
ஏவங் அரஹத்தங் ப்யாகரோதீதி அத்தோ².

ஸீலப்³ப³தபராமாஸந்தி ஸீலஞ்ச வதஞ்ச பராமஸித்வா க³ஹிதங்
க³ஹணமத்தங். ஸாரதோ பச்சாக³ச்ச²ந்தோதி ஸாரபா⁴வேன ஜானந்தோ.
அப்யாபஜ்ஜா²தி⁴முத்தோதி அப்யாபஜ்ஜ²ங் அரஹத்தங் ப்யாகரோதி.
இமினாவ நயேன ஸப்³ப³ட்டா²னேஸு அத்தோ² த³ட்ட²ப்³போ³. அபிசெத்த²
“நெக்க²ம்மாதி⁴முத்தோதி இமஸ்மிந்யேவ அரஹத்தங் கதி²தங், ஸேஸேஸு
பஞ்சஸு நிப்³பா³ன”ந்தி ஏகே வத³ந்தி. அபரே “அஸம்மோஹாதி⁴முத்தோதி
எத்தே²வ நிப்³பா³னங் கதி²தங், ஸேஸேஸு அரஹத்த”ந்தி வத³ந்தி. அயங்
பனெத்த² ஸாரோ - ஸப்³பெ³ஸ்வேவ தேஸு அரஹத்தம்பி நிப்³பா³னம்பி
கதி²தமேவாதி.

பு⁴ஸாதி ப³லவந்தோ தி³ப்³ப³ருபஸதி³ஸா. நேவஸ்ஸ சித்தங்
பரியாதி³யந்தீதி ஏதஸ்ஸ கீணாஸவஸ்ஸ சித்தங் க³ஹேத்வா டா²துங் ந
ஸக்கொந்தி. கிலேஸா ஹி உப்பஜ்ஜமானா சித்தங் க³ண்ஹந்தி நாம.
அமிஸ்ஸீகதந்தி கிலேஸா ஹி ஆரம்மணேன ஸத்தி³⁴ங் சித்தங் மிஸ்ஸங்
கரொந்தி, தேஸங் அபா⁴வா அமிஸ்ஸீகதங். டி²தந்தி பதிட்டி²தங்.
ஆனேஞ்ஜப்பத்தந்தி அசலப்பத்தங். வயஞ்சஸ்ஸானுபஸ்ஸதீதி தஸ்ஸ சேஸ
சித்தஸ்ஸ உப்பாத³ம்பி வயம்பி பஸ்ஸதி. பு⁴ஸா வாதவுட்டி²தி ப³லவா
வாதக்க²ந்தோ⁴. நேவ ஸம்பகம்பெய்யாதி ஏகபா⁴கே³ன சாலேதுங் ந
ஸக்குணெய்ய. ந ஸம்பகம்பெய்யாதி தூ²ணங் விய ஸப்³ப³பா⁴க³தோ
கம்பேதுங் ந ஸக்குணெய்ய. ந ஸம்பவேதெ⁴ய்யாதி வேதெ⁴த்வா
பவேதெ⁴த்வா பாதேதுங் ந ஸக்குணெய்ய.

நெக்க²ம்மங் அதி⁴முத்தஸ்ஸாதி அரஹத்தங் படிவிஜ்ஜி²த்வா டி²தஸ்ஸ
கீணாஸவஸ்ஸ. ஸேஸபதே³ஸுபி அரஹத்தமேவ கதி²தங்.
உபாதா³னக்க²யஸ்ஸ சாதி உபயோக³த்தே² ஸாமிவசனங். அஸம்மோஹஞ்ச
சேதஸோதி சித்தஸ்ஸ ச அஸம்மோஹங் அதி⁴முத்தஸ்ஸ. தி³ஸ்வா
ஆயதனுப்பாத³ந்தி ஆயதனாநங் உப்பாத³ஞ்ச வயஞ்ச தி³ஸ்வா. ஸம்மா
சித்தங் விமுச்சதீதி ஸம்மா ஹேதுனா நயேன இமாய விபஸ்ஸனாபடிபத்தியா
ப²லஸமாபத்திவஸேன சித்தங் விமுச்சதி, நிப்³பா³னாரம்மணே அதி⁴முச்சதி.

அத² வா இமினா கீ²ணாஸவஸ்ஸ படிபதா³ கதி²தா. தஸ்ஸ ஹி
ஆயதனுப்பாத³ங் தி³ஸ்வா இமாய விபஸ்ஸனாய அதி⁴க³தஸ்ஸ
அரியமக்³க³ஸ்ஸானுபா⁴வேன ஸப்³ப³கிலேஸேஹி ஸம்மா சித்தங் விமுச்சதி.
ஏவங் தஸ்ஸ ஸம்மா விமுத்தஸ்ஸ...பே... ந விஜ்ஜதி. தத்த²
ஸந்தசித்தஸ்ஸாதி நிப்³பு³தசித்தஸ்ஸ. ஸேஸமெத்த² உத்தானத்த²மேவாதி.

2. ப²க்³கு³னஸுத்தவண்ணனா

56. து³தியே ஸமதோ⁴ஸீதி உட்டா²னாகாரங் த³ஸ்ஸேஸி. படிக்கமந்தீதி
பரிஹாயந்தி. நோ அபி⁴க்கமந்தீதி ந வட்³ட⁴ந்தி. ஸீஸவேட²னங்
த³தெ³ய்யாதி ஸீஸங் வேடெ²த்வா த³ண்ட³கேன ஸம்பரிவத்தகங் ப³ந்தெ⁴ய்ய.
இந்த³ரியானி விப்பஸீதி³ங்ஸுதி தஸ்மிங் மரணஸமயே ச² இந்த³ரியானி
விப்பஸன்னானி அஹேஸுங். அத்து²பபரிக்கா²யாதி அத்தா²னத்த²ங்
காரணாகாரணங் உபபரிக்க²னே. அனுத்தரே உபதி⁴ஸங்க²யேதி நிப்³பா³னே.
அவிமுத்தங் ஹோதீதி அரஹத்தப²லேன அதி⁴முத்தங் ஹோதி.

3. ச²ளபி⁴ஜாதிஸுத்தவண்ணனா

57. ததியே ச²ளபி⁴ஜாதியோதி ச² ஜாதியோ. தத்ரித³ந்தி தத்ராயங்.
லுத்த³தா³தி தா³ருணா. பி⁴க்க² கண்டகவுத்திகாதி ஸமணா நாமேதே.
ஏகஸாடகாதி ஏகேனேவ பிலோதிகக²ண்டே³ன புரதோ படிச்சா²த³னகா.
அகாமகஸ்ஸ பி³லங் ஓலக்³கெ³ய்யுந்தி ஸத்தே² க³ச்ச²மானே கோ³ணம்ஹி
மதே கோ³மங்ஸமுலங் உப்பாத³னத்தா²ய விப⁴ஜித்வா கா²த³மானா ஏகஸ்ஸ
கோ³மங்ஸங் அனிச்ச²ந்தஸ்ஸேவ கொட்டா²ஸங் கத்வா “அயஞ்ச தே
கா²தி³தப்³போ³, முலஞ்ச தா³தப்³ப³”ந்தி தங் கொட்டா²ஸஸங்கா²தங் பி³லங்
ஓலக்³கெ³ய்யுங், ப³லக்காரேன ஹத்தே² ட²பெய்யுந்தி அத்தோ².
அகெ²த்தஞ்ஞனாதி அபி⁴ஜாதிபஞ்ஞத்தியா கெ²த்தங் அஜானந்தேன. தங்
ஸுணாஹீதி தங் மம பஞ்ஞத்திங் ஸுணாஹி. கண்ஹாபி⁴ஜாதிகோதி
காளகஜாதிகோ. கண்ஹங் த⁴ம்மங் அபி⁴ஜாயதீதி கண்ஹஸபா⁴வோ
ஹுத்வா ஜாயதி நிப்³பு³த்ததி, கண்ஹாபி⁴ஜாதியங் வா ஜாயதி. நிப்³பா³னங்
அபி⁴ஜாயதீதி நிப்³பா³னங் பாபுணாதி, அரியபூ⁴மிஸங்கா²தாய வா
நிப்³பா³னஜாதியா ஜாயதி.

4. ஆஸவஸுத்தவண்ணனா

58. சதுத்தே² ஸங்வரா பஹாதப்³பா³தி ஸங்வரேன பஹாதப்³பா³.
ஸேஸேஸுபி ஏஸேவ நயோ. இதா⁴தி இமஸ்மிங் ஸாஸனே. படிஸங்கா²தி
படிஸஞ்ஜானித்வா, பச்சவெக்கி²த்வாதி அத்தோ². யோனிஸோதி உபாயேன
பதே²ன. எத்த² ச அஸங்வரே ஆதீனவபடிஸங்கா² யோனிஸோ படிஸங்கா²தி
வேதி³தப்³பா³. ஸா சாயங் “வரங், பி⁴க்க²வே, தத்தாய அயோஸலாகாய

ஆதி³த்தாய ஸம்பஜ்ஜலிதாய ஸஜோதிபு⁴தாய சக்கு²ந்த்³ரியங் ஸம்பலிமட்ட²ங்,
ந த்வேவ சக்கு²விஞ்ஞெய்யேஸு ரூபேஸு அனுப்³யஞ்ஜனஸோ
நிமித்தக்³கா³ஹோ³திஆதி³னா ஆதி³த்தபரியாயேன (ஸங். நி. 4.235) வேதி³தப்³பா³.
சக்கு²ந்த்³ரியஸங்வரஸங்வுதோ விஹரதீதி எத்த² சக்கு²மேவ இந்த்³ரியங்
சக்கு²ந்த்³ரியங், ஸங்வரணதோ ஸங்வரோ, பித³ஹனதோ த²கனதோதி வுத்தங்
ஹோதி. ஸதியா ஏதங் அதி⁴வசனங். சக்கு²ந்த்³ரியே ஸங்வரோ
சக்கு²ந்த்³ரியஸங்வரோ. ஜவனே உப்பஜ்ஜமானோபி ஹேஸ தஸ்மிங் த்³வாரே
கிலேஸானங் உப்பத்திவாரணதோ சக்கு²ந்த்³ரியஸங்வரோதி வுச்சதி.
ஸங்வுதோதி தேன ஸங்வரேன உபேதோ. ததா² ஹி
“பாதிமொக்க²ஸங்வரஸங்வுதோ”தி இமஸ்ஸ விப⁴ங்கே³ “இமினா
பாதிமொக்க²ஸங்வரேன உபேதோ ஹோதி...பே... ஸமன்னாக³தோ”தி வுத்தங்.
அத² வா ஸங்வரீதி ஸங்வுதோ, த²கேஸி பித³ஹீதி வுத்தங் ஹோதி.
சக்கு²ந்த்³ரியஸங்வரஸங்வுதோதி சக்கு²ந்த்³ரியஸங்வரஸங்கா²தங் ஸதிகவாடங்
சக்கு²த்³வாரே க⁴ரத்³வாரே கவாடங் விய ஸங்வரி த²கேஸி பித³ஹீதி வுத்தங்
ஹோதி. அயமேவெத்த² அத்தோ² ஸுந்த்³ரதரோ. ததா² ஹி
“சக்கு²ந்த்³ரியஸங்வரங் அஸங்வுதஸ்ஸ விஹரதோ, ஸங்வுதஸ்ஸ
விஹரதோ”தி ஏதேஸு பதே³ஸு அயமேவத்தோ² தி³ஸ்ஸதீதி.

யங் ஹிஸ்ஸாதிஆதி³ம்ஹி யங் சக்கு²ந்த்³ரியஸங்வரங் அஸ்ஸ
பி⁴க்கு²னோ அஸங்வுதஸ்ஸ அத²கெத்வா அபித³ஹித்வா விஹரந்தஸ்ஸாதி
அத்தோ². யேகாரஸ்ஸ வா ஏஸ யந்தி ஆதே³ஸோ, யே அஸ்ஸாதி அத்தோ².
ஆஸவா விகா⁴தபரிளாஹாதி சத்தாரோ ஆஸவா ச அஞ்ஞே ச விகா⁴தகரா
கிலேஸபரிளாஹா விபாகபரிளாஹா வா. சக்கு²த்³வாரஸ்மிஞ்ஹி
இட்டா²ரம்மணங் ஆபாத²க³தங் காமஸ்ஸாத³வஸேன அஸ்ஸாத³யதோ
அபி⁴னந்த³தோ காமாஸவோ உப்பஜ்ஜதி, “ஈதி³ஸங் அஞ்ஞஸ்மிம்பி
ஸுக³திப⁴வே லபி⁴ஸ்ஸாமீ”தி ப⁴வபத்த²னாய அஸ்ஸாத³யதோ
ப⁴வாஸவோ உப்பஜ்ஜதி, ஸத்தோதி வா ஸத்தஸ்ஸாதி வா க³ண்ஹதோ
தி³ட்டா²ஸவோ உப்பஜ்ஜதி, ஸப்³பே³ஹேவ ஸஹஜாதங் அஞ்ஞாணங்
அவிஜ்ஜாஸவோதி சத்தாரோ ஆஸவா உப்பஜ்ஜந்தி . ஏதேஹி ஸம்பயுத்தா
அபரே கிலேஸா விகா⁴தபரிளாஹா ஆயதிங் வா தேஸங் விபாகா தேஹிபி
அஸங்வுதஸ்ஸேவ விஹரதோ உப்பஜ்ஜெய்யந்தி வுச்சந்தி. ஏவங்ஸ தேதி
ஏவங் அஸ்ஸ தே, ஏதேனுபாயேன ந ஹொந்தி, நோ அஞ்ஞதா²தி வுத்தங்
ஹோதி. படிஸங்கா² யோனிஸோ
ஸோதிந்த்³ரியஸங்வரஸங்வுதோதிஆதி³ஸுபி ஏஸேவ நயோ. இமே வுச்சந்தி
ஆஸவா ஸங்வரா பஹாதப்³பா³தி இமேஸு ச²ஸு த்³வாரேஸு சத்தாரோ
சத்தாரோ கத்வா சதுவீஸதி ஆஸவா ஸங்வரேன பஹாதப்³பா³தி வுச்சந்தி.

படிஸங்கா² யோனிஸோ சீவரந்திஆதி³ஸு யங் வத்தப்³பங், தங் ஸப்³பங்
விஸுத்³தி⁴மக்³கே³ (விஸுத்³தி⁴. 1.18) ஸீலகதா²ய வுத்தமேவ. யங்

ஹிஸ்ஸாதி யஞ்ஹி சீவரங் பிண்ட³பாதா³ஸு வா அஞ்ஞதரங் அஸ்ஸ. அப்படிஸேவதோதி ஏவங் யோனிஸோ அப்படிஸேவந்தஸ்ஸ. இமஸ்மிங் வாரே அலத்³த⁴ங் சீவராதி³ங் பத்த²யதோ லத்³த⁴ங் வா அஸ்ஸாத³யதோ காமாஸவஸ்ஸ உப்பத்தி வேதி³தப்³பா³, ஈதி³ஸங் அஞ்ஞஸ்மிம்பி ஸுக³திப⁴வே லபி⁴ஸ்ஸாமீதி ப⁴வபத்த²னாய அஸ்ஸாத³யதோ ப⁴வாஸவஸ்ஸ, அஹங் லபா⁴மி ந லபா⁴மீதி வா மய்ஹங் வா இத³ந்தி அத்தஸஞ்ஞங் அதி⁴ட்ட²ஹதோ தி³ட்டா²ஸவஸ்ஸ, ஸப்³பே³ஹேவ பன ஸஹஜாதோ அவிஜ்ஜாஸவோதி ஏவங் சதுன்னங் ஆஸவானங் உப்பத்தி விகா⁴தபரிளாஹாவ நவவேத³னுப்பாத³னதோபி வேதி³தப்³பா³. இமே வுச்சந்தி, பி⁴க்க²வே, ஆஸவா படிஸேவனா பஹாதப்³பா³தி இமே ஏகமேகஸ்மிங் பச்சயே சத்தாரோ சத்தாரோ கத்வா ஸோளஸ ஆஸவா இமினா ஞாணஸங்வரஸங்கா²தேன பச்சவெக்க²ணபடிஸேவனேன பஹாதப்³பா³தி வுச்சந்தி.

படிஸங்கா² யோனிஸோ க²மோ ஹோதி ஸீதஸ்ஸாதி உபாயேன பதே²ன பச்சவெக்கி²த்வா க²ந்தா ஹோதி ஸீதஸ்ஸ, ஸீதங் க²மதி ஸஹதி, ந அவிரபுரிஸோ விய அப்பமத்தகேனபி ஸீதேன சலதி கம்பதி கம்மட்டா²னங் விஜஹதி. உண்ஹாதீ³ஸுபி ஏஸேவ நயோ. எத்த² ச வசனமேவ வசனபதோ²தி வேதி³தப்³பா³. து³க்கா²னந்திஆதீ³ஸு து³க்க²மனட்டே²ன து³க்கா², ப³ஹலட்டே²ன திப்³பா³, ப²ருஸட்டே²ன க²ரா, திகி²ணட்டே²ன கடுகா, அஸ்ஸாத³விரஹதோ அஸாதா, மனங் அவட்³ட⁴னதோ அமனாபா, பாணஹரணஸமத்த²தாய பாணஹராதி வேதி³தப்³பா³. யங் ஹிஸ்ஸாதி ஸீதாதீ³ஸு யங்கிஞ்சி ஏகத⁴ம்மம்பி அஸ்ஸ. அனதி⁴வாஸதோதி அனதி⁴வாஸெந்தஸ்ஸ அக்க²மந்தஸ்ஸ. ஆஸவுப்பத்தி பனெத்த² ஏவங் வேதி³தப்³பா³ - ஸீதேன பு²ட்ட²ஸ்ஸ உண்ஹங் பத்த²யதோ காமாஸவோ உப்பஜ்ஜதி, ஏவங் ஸப்³புத்த². “நத்தி² ஸுக³திப⁴வே ஸீதங் வா உண்ஹங் வா”தி ப⁴வங் பத்தெ²ந்தஸ்ஸ ப⁴வாஸவோ, மய்ஹங் ஸீதங் உண்ஹந்தி கா³ஹோ தி³ட்டா²ஸவோ, ஸப்³பே³ஹேவ ஸம்பயுத்தோ அவிஜ்ஜாஸவோதி. இமே வுச்சந்தீதி இமே ஸீதாதீ³ஸு ஏகமேகஸ்ஸ வஸேன சத்தாரோ சத்தாரோ கத்வா அனேகே ஆஸவா இமாய க²ந்திஸங்வரஸங்கா²தாய அதி⁴வாஸனாய பஹாதப்³பா³தி வுச்சந்தீதி அத்தோ².

படிஸங்கா² யோனிஸோ சண்ட³ங் ஹத்தி²ங் பரிவஜ்ஜேதீதி அஹங் ஸமணோதி ந சண்ட³ஸ்ஸ ஹத்தி²ஸ்ஸ ஆஸன்னே டா²தப்³பங். ததோனிதா³னஞ்ஹி மரணம்பி மரணமத்தம்பி து³க்க²ங் ப⁴வெய்யாதி ஏவங் உபாயேன பதே²ன பச்சவெக்கி²த்வா சண்ட³ங் ஹத்தி²ங் பரிவஜ்ஜேதி படிக்கமதி. ஏஸ நயோ ஸப்³புத்த². சண்ட³ந்தி து³ட்ட²ங் வாளங். கா²ணுந்தி க²தி³ரகா²ணுகாதி³ங். கண்டகட்டா²னந்தி யத்த² கண்டகா விஜ்ஜந்தி, தங் ஓகாஸங். ஸொப்³ப⁴ந்தி ஸப்³புதோ சி²ன்னதடங். பபாதந்தி ஏகதோ

சி²ன்னதடங். சந்த³னிகந்தி உச்சி²ட்டோ²த³கக³ப³ப⁴மலாதீ³னங்
ச²ட்³ட³னட்டா²னங். ஓளிக³ல்லந்தி தேஸங்யேவ கத்³த³மாதீ³னங்
ஸந்த³னோகாஸங். தங் ஜண்ணுமத்தம்பி அஸுசிப⁴ரிதங் ஹோதி. த்³வேபி
சேதானி டா²னானி அமனுஸ்ஸுஸ்ஸத³ட்டா²னானி ஹோந்தி, தஸ்மா
வஜ்ஜேதப்³பா³னி. அனாஸனேதி எத்த² அயுத்தங் ஆஸனங் அனாஸனங், தங்
அத்த²தோ அனியதவத்து²பு⁴தங் ரஹோபடிச்ச²ன்னாஸனந்தி வேதி³தப்³பங்.
அகோ³சரேதி எத்த²பி அயுத்தோ கோ³சரோ அகோ³சரோ. ஸோ
வேஸியாதி³பே⁴த³தோ பஞ்சவிதோ⁴. பாபகே மித்தேதி லாமகே து³ஸ்ஸீலே
மித்தபதி²ருபகே அமித்தே. பாபகேஸு²தி லாமகேஸு. ஓகப்பெய்யுந்தி
ஸத்³த³ஹெய்யுங் அதி⁴முச்செய்யுங் “அத்³தா⁴ அயமாயஸ்மா அகாஸி வா
கரிஸ்ஸதி வா”தி. யங் ஹிஸ்ஸாதி ஹத்தி²ஆதீ³ஸு யங்கிஞ்சி ஏகம்பி
அஸ்ஸ. ஆஸவுப்பத்தி பனெத்த² ஏவங் வேதி³தப்³பா³ - ஹத்தி²ஆதி³னிதா³னேன
து³க்கே²ன பு²ட்ட²ஸ்ஸ ஸுக²ங் பத்த²யதோ காமாஸவோ உப்பஜ்ஜதி, “நத்தி²
ஸுக³திப⁴வே ஈதி³ஸங் து³க்க²”ந்தி ப⁴வங் பத்தெ²ந்தஸ்ஸ ப⁴வாஸவோ,
மங் ஹத்தி² மத்³த³தி மங் அஸ்ஸோதி கா³ஹோ தி³ட்டா²ஸவோ,
ஸப்³பே³ஹேவ ஸம்பயுத்தோ அவிஜ்ஜாஸவோதி. இமே வுச்சந்தீ²தி இமே
ஹத்தி²ஆதீ³ஸு ஏகேகஸ்ஸ வஸேன சத்தாரோ சத்தாரோ கத்வா அனேகே
ஆஸவா இமினா ஸீலஸங்வரஸங்கா²தேன பரிவஜ்ஜனேன பஹாதப்³பா³தி
வுச்சந்தி.

படிஸங்கா² யோனிஸோ உப்பன்னங் காமவிதக்கங் நாதி⁴வாஸேதீ²தி
“இதிபாயங் விதக்கோ அகுஸலோ, இதிபி ஸாவஜ்ஜோ, இதிபி து³க்க²விபாகோ,
ஸோ ச கோ² அத்தப்³யாபா³தா⁴ய ஸங்வத்தீ²திஆதி³னா (ம. நி. 1.207-208)
நயேன யோனிஸோ காமவிதக்கே ஆதீ³னவங் பச்சவெக்கி²த்வா தஸ்மிங்
தஸ்மிங் ஆரம்மணே உப்பன்னங் காமவிதக்கங் நாதி⁴வாஸேதி, சித்தங்
ஆரோபெத்வா ந வாஸேதி, அப்³ப⁴ந்தரே வா ந வாஸேதீ²தி அத்தோ².
அனதி⁴வாஸெந்தோ கிங் கரோதீ²தி? பஜஹதி. கிங் கசவரங் விய பிடகேனாதி?
ந ஹி, அபி ச கோ² நங் வினோதே³தி து³தி விஜ்ஜ²தி நீஹரதி. கிங்
ப³லிப³த்³த³ங் விய பதோதே³னாதி? ந ஹி, அத² கோ² நங் ப்³யந்தீ²கரோதி
விக³தந்தங் கரோதி, யதா²ஸ்ஸ அந்தோபி நாவஸிஸ்ஸதி அந்தமஸோ
ப⁴ங்க³மத்தம்பி, ததா² நங் கரோதி. கத²ங் பன நங் ததா² கரோதீ²தி?
அனபா⁴வங் க³மேதி அனு அனு அபா⁴வங் க³மேதி,
விக்க²ம்ப⁴னப்பஹானேன யதா² ஸுவிக்க²ம்பி⁴தோ ஹோதி, ததா² கரோதி.
ஸேஸவிதக்கத்³வயேபி ஏஸேவ நயோ. உப்பன்னுப்பன்னேதி உப்பன்னே
உப்பன்னே, உப்பன்னமத்தேயேவாதி வுத்தங் ஹோதி. ஸகிங் வா உப்பன்னே
வினோதெ³த்வா து³தியே வாரே அஜ்ஜ²பெக்கி²தா ந ஹோதி, ஸதக்க²த்தும்பி
உப்பன்னே உப்பன்னே வினோதே³தியேவ. பாபகே அகுஸலே த⁴ம்மேதி
தேயேவ காமவிதக்காத³யோ, ஸப்³பே³பி வா நவ மஹாவிதக்கே. தத்த² தயோ

வுத்தா, அவஸேஸா “ஞாதிவிதக்கோ, ஜனபத்³விதக்கோ, அமராவிதக்கோ, பரானுத்³யதாபடிஸங்யுத்தோ விதக்கோ, லாப⁴ஸக்காரஸிலோகப்படிஸங்யுத்தோ விதக்கோ, அனவஞ்ஞத்திப்படிஸங்யுத்தோ விதக்கோ”தி (மஹானி. 207) இமே ச². யங் ஹிஸ்ஸாதி ஏதேஸு விதக்கேஸு யங்கிஞ்சி அஸ்ஸ. காமவிதக்கோ பனெத்த² காமாஸவோ ஏவ, தப்³பி³ஸேஸோ ப⁴வாஸவோ, தங்ஸம்பயுத்தோ தி³ட்டா²ஸவோ, ஸப்³பி³விதக்கேஸு அவிஜ்ஜா அவிஜ்ஜாஸவோதி ஏவங் ஆஸவுப்பத்தி வேதி³தப்³பா³. இமே வுச்சந்தீதி இமே காமவிதக்காதி³வஸேன வுத்தப்பகாரா ஆஸவா இமினா தஸ்மிங் தஸ்மிங் விதக்கே ஆதி³னவபச்சவெக்க²ணஸஹிதேன விரியஸங்வரஸங்கா²தேன வினோத³னேன பஹாதப்³பா³தி வுச்சந்தி.

படிஸங்கா² யோனிஸோ ஸதிஸம்பொ³ஜ்ஜ²ங்க³ங் பா⁴வேதீதி அபா⁴வனாய ஆதி³னவங் பா⁴வனாய ச ஆனிஸங்ஸங் உபாயேன பதே²ன பச்சவெக்கி²த்வா ஸதிஸம்பொ³ஜ்ஜ²ங்க³ங் பா⁴வேதி. ஏஸேவ நயோ ஸப்³பி³த்த². பொ³ஜ்ஜ²ங்கா³னங் பா⁴வனா ஹெட்டா² வித்தா²ரிதாவ. யங் ஹிஸ்ஸாதி ஏதேஸு பொ³ஜ்ஜ²ங்கே³ஸு யங்கிஞ்சி அஸ்ஸ. ஆஸவுப்பத்தியங் பனெத்த² இமேஸங் அரியமக்³ஸம்பயுத்தானங் பொ³ஜ்ஜ²ங்கா³னங் அபா⁴விதத்தா யே உப்பஜ்ஜெய்யுங் காமாஸவாத³யோ ஆஸவா, பா⁴வயதோ ஏவங்ஸ தே ந ஹொந்தீதி அயங் நயோ வேதி³தப்³போ³. இமே வுச்சந்தீதி இமே காமாஸவாத³யோ ஆஸவா இமாய லோகுத்தராய பொ³ஜ்ஜ²ங்க³பா⁴வனாய பஹாதப்³பா³தி வுச்சந்தி. இமேஹி ச²ஹாகாரேஹி பஹீனாஸவங் பி⁴க்கு²ங் தோ²மெந்தோ யதோ கோ², பி⁴க்க²வேதிஆதி³மாஹ. தத்த² யதோதி ஸாமிவசனே தோ-காரோ, யஸ்ஸாதி வுத்தங் ஹொதி. போராணா பன யம்ஹி காலேதி வண்ணயந்தி. யே ஆஸவா ஸங்வரா பஹாதப்³பா³, தே ஸங்வரா பஹீனா ஹொந்தீதி யே ஆஸவா ஸங்வரேன பஹாதப்³பா³, தே ஸங்வரேனேவ பஹீனா ஹொந்தி, ந அப்பஹீனேஸுயேவ பஹீனஸஞ்ஞீ ஹொதீதி.

5. தா³ருகம்மிகஸுத்தவண்ணனா

59. பஞ்சமே தா³ருகம்மிகோதி தா³ருவிக்கயேன பவத்திதாஜீவோ ஏகோ உபாஸகோ. காஸிகசந்த³னந்தி ஸண்ஹசந்த³னங். அங்கே³னாதி அகு³ணங்கே³ன, ஸுக்கபக்கே² கு³ணங்கே³ன. நேமந்தனிகோதி நிமந்தனங் க³ண்ஹனகோ. ஸங்கே⁴ தா³னங் த³ஸ்ஸாமீதி பி⁴க்கு²ஸங்க⁴ஸ்ஸ த³ஸ்ஸாமி. ஸோ ஏவங் வத்வா ஸத்தா²ரங் அபி⁴வாதே³த்வா பக்காமி. அத²ஸ்ஸ அபரபா⁴கே³ பஞ்சஸதா குலுபகா பி⁴க்க² கி³ஹிபா⁴வங் பாபுணிங்ஸு. ஸோ “குலுபகபி⁴க்க² தே விப்³ப⁴ந்தா”தி வுத்தே “கிங் எத்த²

மய்ஹு”ந்தி வத்வா சித்துப்பாத³வேமத்தமத்தம்பி ந அகாஸி. இத³ங் ஸந்தா⁴ய ஸத்தா² ஸங்கே⁴ தே தா³னங் த³த³தோ சித்தங் பஸீதி³ஸ்ஸதீதி ஆஹ.

6. ஹத்தி²ஸாரிபுத்தஸுத்தவண்ணனா

60. ச²ட்டே² அபி⁴த⁴ம்மகத²ந்தி அபி⁴த⁴ம்மமிஸ்ஸகங் கத²ங். கத²ங் ஓபாதேதீதி தேஸங் கத²ங் விச்சி²ந்தி³த்வா அத்தனோ கத²ங் கதே²தி. தே²ரானங் பி⁴க்க²னந்தி கரணத்தே² ஸாமிவசனங், தே²ரேஹி பி⁴க்க²ஹி ஸத்தி⁴ந்தி அத்தோ². யா ச தே²ரானங் அபி⁴த⁴ம்மகதா², தங் அயம்பி கதே²துங் ஸக்கோதீதி அத்தோ². சேதோபரியாயந்தி சித்தவாரங். இதா⁴தி இமஸ்மிங் லோகே. ஸோரதஸோரதோதி ஸூரதோ விய ஸூரதோ, ஸோரச்சஸமன்னாக³தோ வியாதி அத்தோ². நிவாதனிவாதோதி நிவாதோ விய நிவாதோ, நிவாதவுத்தி வியாதி அத்தோ². உபஸந்துபஸந்தோதி உபஸந்தோ விய உபஸந்தோ . வபகஸ்ஸதேவ ஸத்தா²ராதி ஸத்து² ஸந்திகா அபக³ச்ச²தி. ஸங்ஸட்ட²ஸ்ஸாதி பஞ்சஹி ஸங்ஸக்³கே³ஹி ஸங்ஸட்ட²ஸ்ஸ. விஸ்ஸட்ட²ஸ்ஸாதி விஸ்ஸஜ்ஜிதஸ்ஸ. பாகதஸ்ஸாதி பாகதிந்த³ரியஸ்ஸ.

கிட்டா²தோ³தி கிட்ட²கா²த³கோ. அந்தரதா⁴பெய்யாதி நாளெய்ய. கோ³பஸுதி கா³வோ ச அஜிகா ச. ஸிப்பிஸம்புகந்தி ஸிப்பியோ ச ஸம்புகா ச. ஸக்க²ரகட²லந்தி ஸக்க²ரா ச கட²லானி ச. ஆபி⁴தோ³ஸிகந்தி அபி⁴ஞ்ஞாததோ³ஸங் குத்³ருஸகபோ⁴ஜனங். நச்சா²தெ³ய்யாதி ந ருச்செய்ய. தத்த² யதே³தங் புரிஸங் பு⁴த்தாவிந்தி உபயோக³வசனங், தங் ஸாமிஅத்தே² த³ட்ட²ப்³ங். அமுங் ஹாவுஸோ, புரிஸந்தி, ஆவுஸோ, அமுங் புரிஸங்.

ஸப்³ப³னிமித்தானந்தி ஸப்³பே³ஸங் நிச்சனிமித்தாதீ³னங் நிமித்தானங். அனிமித்தங் சேதோஸமாதி⁴ந்தி ப³லவவிபஸ்ஸனாஸமாதி⁴ங். சீரிகஸத்³தோ³தி ஜ²ல்லிகஸத்³தோ³. ஸரிஸ்ஸதி நெக்க²ம்மஸ்ஸாதி பப்³ப³ஜ்ஜாய கு³ணங் ஸரிஸ்ஸதி. அரஹதங் அஹோஸீதி ப⁴க³வதோ ஸாவகானங் அரஹந்தானங் அந்தரே ஏகோ அரஹா அஹோஸி. அயஞ்ஹி தே²ரோ ஸத்த வாரே கி³ஹீ ஹுத்வா ஸத்த வாரே பப்³ப³ஜி. கிங் காரணா? கஸ்ஸபஸம்மாஸம்பு³த்³த⁴காலே கிரேஸ ஏகஸ்ஸ பி⁴க்கு²னோ கி³ஹிபா⁴வே வண்ணங் கதே²ஸி. ஸோ தேனேவ கம்மேன அரஹத்தஸ்ஸ உபனிஸ்ஸயே விஜ்ஜமானேயேவ ஸத்த வாரே கி³ஹிபா⁴வே ச பப்³ப³ஜ்ஜாய ச ஸஞ்சரந்தோ ஸத்தமே வாரே பப்³ப³ஜித்வா அரஹத்தங் பாபுணீதி.

7. மஜ்ஜே²ஸுத்தவண்ணனா

61. ஸத்தமே பாராயனே மெத்தெய்யபஞ்ஹேதி பாராயனஸமாக³மம்ஹி மெத்தெய்யமாணவஸ்ஸ பஞ்ஹே. உபொ⁴ந்தே விதி³த்வானாதி த³வே அந்தே த³வே கொட்டா²ஸே ஜானித்வா. மஜ்ஜே² மந்தா ந லிப்பதீதி மந்தா வுச்சதி

பஞ்ஞா, தாய உபோ⁴ அந்தே விதி³த்வா மஜ்ஜே² ந லிப்பதி,
வேமஜ்ஜே²ட்டா²னே ந லிப்பதி. ஸிப்³ப³னிமச்சகா³தி ஸிப்³ப³னிஸங்கா²தங்
தண்ஹங் அதீதோ. ப²ஸ்ஸோதி ப²ஸ்ஸவஸேன நிப்³ப³த்தத்தா அயங்
அத்தபா⁴வோ. ஏகோ அந்தோதி அயமேகோ கொட்டா²ஸோ.
ப²ஸ்ஸஸமுத³யோதி ப²ஸ்ஸோ ஸமுத³யோ அஸ்ஸாதி ப²ஸ்ஸஸமுத³யோ,
இமஸ்மிங் அத்தபா⁴வே கதகம்மப²ஸ்ஸபச்சயா நிப்³ப³த்தோ
அனாக³த்தபா⁴வோ. து³தியோ அந்தோதி து³தியோ கொட்டா²ஸோ.
ப²ஸ்ஸனி³ரோதோ⁴தி நிப்³ப³னங். மஜ்ஜே²தி ஸிப்³ப³னிதண்ஹங் செ²த்வா
த்³விதா⁴கரணட்டே²ன நிப்³ப³னங் மஜ்ஜே² நாம ஹோதி. தண்ஹா ஹி நங்
ஸிப்³ப³தீதி தண்ஹா நங் அத்தபா⁴வத்³வயஸங்கா²தங் ப²ஸ்ஸஞ்ச
ப²ஸ்ஸஸமுத³யஞ்ச ஸிப்³ப³தி க⁴ட்டேதி. கிங் காரணா? தஸ்ஸ தஸ்ஸேவ
ப⁴வஸ்ஸ அபி⁴னிப்³ப³த்தியா. யதி³ ஹி தண்ஹா ந ஸிப்³பெய்ய, தஸ்ஸ
தஸ்ஸ ப⁴வஸ்ஸ நிப்³ப³த்தி ந ப⁴வெய்ய. இமஸ்மிங் டா²னே
கோடிமஜ்ஜி²கூபமங் க³ண்ஹந்தி. த்³வின்னஞ்ஹி கண்டா³னங் ஏகதோ கத்வா
மஜ்ஜே² ஸுத்தேன ஸங்ஸிப்³பி³தானங் கோடி மஜ்ஜ²ந்தி வுச்சதி. ஸுத்தே
சி²ன்னே உபோ⁴ கண்டா³னி உப⁴தோ பதந்தி. ஏவமெத்த² கண்ட³த்³வயங் விய
வுத்தப்பகாரா த்³வே அந்தா, ஸிப்³பி³த்வா டி²தஸுத்தங் விய தண்ஹா, ஸுத்தே
சி²ன்னே கண்ட³த்³வயஸ்ஸ உப⁴தோபதனங் விய தண்ஹாய நிருத்தா⁴ய
அந்தத்³வயங் நிருத்த⁴மேவ ஹோதி. எத்தாவதாதி எத்தகேன இமினா
உபோ⁴ அந்தே விதி³த்வா தண்ஹாய மஜ்ஜே² அனுபலித்தபா⁴வேன
அபி⁴ஞ்ஞெய்யங் சதுஸச்சத⁴ம்மங் அபி⁴ஜானாதி நாம, தீரணபரிஞ்ஞாய ச
பஹானபரிஞ்ஞாய ச பரிஜானிதப்³பங் லோகியஸச்சத்³வயங் பரிஜானாதி நாம.
தி³ட்டே²வ த⁴ம்மேதி இமஸ்மிங்யேவ அத்தபா⁴வே. து³க்க²ஸ்ஸந்தகரோ
ஹோதீதி வட்டது³க்க²ஸ்ஸ கோடிகரோ பரிச்சே²த³பரிவடுமகரோ ஹோதி நாம.

து³தியவாரே திண்ணங் கண்டா³னங் வஸேன உபமா வேதி³தப்³பா³.
திண்ணஞ்ஹி கண்டா³னங் ஸுத்தேன ஸங்ஸிப்³பி³தானங் ஸுத்தே சி²ன்னே
தீணி கண்டா³னி தீஸு டா²னேஸு பதந்தி, ஏவமெத்த² கண்ட³த்தயங் விய
அதீதானாக³தபச்சப்பன்னா க²ந்தா⁴, ஸுத்தங் விய தண்ஹா. ஸா ஹி அதீதங்
பச்சப்பன்னேன, பச்சப்பன்னஞ்ச அனாக³தேன ஸத்³தி⁴ங் ஸங்ஸிப்³ப³தி.
ஸுத்தே சி²ன்னே கண்ட³த்தயஸ்ஸ தீஸு டா²னேஸு பதனங் விய தண்ஹாய
நிருத்தா⁴ய அதீதானாக³தபச்சப்பன்னா க²ந்தா⁴ நிருத்தா⁴வ ஹோந்தி.

ததியவாரே அது³க்க²மஸுகா² மஜ்ஜே²தி த்³வின்னங் வேத³னானங்
அந்தரட்ட²கபா⁴வேன மஜ்ஜே². ஸுக²ஞ்ஹி து³க்க²ஸ்ஸ, து³க்க²ங் வா
ஸுக²ஸ்ஸ அந்தரங் நாம நத்தி². தண்ஹா ஸிப்³பி³னீதி வேத³னாஸு
நந்தி³ராகோ³ வேத³னானங் உபச்சே²த³ங் நிவாரேதீதி தா ஸிப்³ப³தி நாம.

சதுத்த²வாரே விஞ்ஞாணங் மஜ்ஜே²தி படிஸந்தி⁴விஞ்ஞாணம்பி
ஸேஸவிஞ்ஞாணம்பி நாமருபபச்சயஸமுதா³க³தத்தா நாமருபானங் மஜ்ஜே²
நாம.

பஞ்சமவாரே விஞ்ஞாணங் மஜ்ஜே²தி கம்மவிஞ்ஞாணங் மஜ்ஜே²,
அஜ்ஜ²த்திகாயதனேஸு வா மனாயதனேன கம்மஸ்ஸ க³ஹிதத்தா இத⁴
யங்கிஞ்சி விஞ்ஞாணங் மஜ்ஜே² நாம, மனொத்³வாரே வா ஆவஜ்ஜனஸ்ஸ
அஜ்ஜ²த்திகாயதனநிஸ்ஸிதத்தா ஜவனவிஞ்ஞாணங் மஜ்ஜே² நாம.

ச²ட்ட²வாரே ஸக்காயோதி தேபூ⁴மகவட்டங். ஸக்காயஸமுத³யோதி
ஸமுத³யஸச்சங். ஸக்காயனிரோதோ⁴தி நிரோத⁴ஸச்சங். பரியாயேனாதி
தேன தேன காரணேனேவ. ஸேஸங் ஸப்³ப³த்த² வுத்தனயேனேவ வேதி³தப்³ப³ங்.

8. புரிஸிந்த்³ரியஞாணஸுத்தவண்ணனா

62. அட்ட²மே அஞ்ஞுதரோதி தே³வத³த்தபக்கி²கோ ஏகோ.
ஸமன்னாஹரித்வாதி ஆவஜ்ஜித்வா. இத³ங் ஸோ “கிங் நு கோ² ப⁴க³வதா
ஜானித்வா கதி²தங், உதா³ஹு அஜானித்வா, ஏகங்ஸிகங் வா கதி²தங் உதா³ஹு
விப⁴ஜ்ஜகதி²த”ந்தி அதி⁴ப்பாயேன புச்ச²தி. ஆபாயிகோதி அபாயே
நிப்³ப³த்தனகோ. நேரயிகோதி நிரயகா³மீ. கப்பட்டோ²தி கப்பட்டி²யகம்மஸ்ஸ
கதத்தா கப்பங் ட²ஸ்ஸதி. அதேகிச்சோ²தி ந ஸக்கா திகிச்சி²துங். த³வெஜ்ஜ²ந்தி
த³விதா⁴பா⁴வங். வாலக்³கோடினித்துத³னமத்தந்தி வாலஸ்ஸ
அக்³கோடியா த³ஸ்ஸேதப்³ப³மத்தகங், வாலக்³கோடினிபாதமத்தகங் வா.
புரிஸிந்த்³ரியஞாணானீதி புரிஸபுக்³லானங் இந்த³ரியபரோபரியத்தஞாணானி,
இந்த³ரியானங் திக்க²முது³பா⁴வஜானநஞாணானீதி அத்தோ².

விஜ்ஜமானா குஸலாபி த⁴ம்மா அகுஸலாபி த⁴ம்மாதி எத்தகா குஸலா
த⁴ம்மா விஜ்ஜந்தி, எத்தகா அகுஸலா த⁴ம்மாதி ஜானாமி. அந்தரஹிதாதி
அத³ஸ்ஸனங் க³தா. ஸம்முகீபூ⁴தாதி ஸமுதா³சாரவஸேன பாகடா ஜாதா.
குஸலமூலந்தி குஸலஜ்ஜா²ஸயோ. குஸலா குஸலந்தி தம்ஹா
குஸலஜ்ஜா²ஸயா அஞ்ஞும்பி குஸலங் நிப்³ப³த்திஸ்ஸதி. ஸாரதா³னீதி
ஸாராதா³னி க³ஹிதஸாரானி, ஸரத³மாலேஸ வா நிப்³ப³த்தானி.
ஸுக²ஸயிதானீதி ஸுக²ஸன்னிசிதானி. ஸுகெ²த்தேதி மண்ட³கெ²த்தே.
நிக்கி²த்தானீதி வுத்தானி. ஸப்படிபா⁴கா³தி ஸரிக்க²கா. அபி⁴தோ³
அத்³த⁴ரத்தந்தி அபி⁴அத்³த⁴ரத்தங் அத்³த⁴ரத்தே அபி⁴முகீபூ⁴தே.
ப⁴த்தகாலஸமயேதி ராஜகுலானங் ப⁴த்தகாலஸங்கா²தே ஸமயே.
பரிஹானத⁴ம்மோதி கோ ஏவங் ப⁴க³வதா ஞாதோதி? அஜாதஸத்துராஜா.
ஸோ ஹி பாபமித்தங் நிஸ்ஸாய மக்³க³ப²லேஹி பரிஹீனோ. அபரேபி
ஸுப்பபு³த்³த⁴ஸுனக்க²த்தாத³யோ ப⁴க³வதா ஞாதாவ.
அபரிஹானத⁴ம்மோதி ஏவங் ப⁴க³வதா கோ ஞாதோ? ஸுஸீமோ

பரிப்³பா³ஜகோ அஞ்ஞே ச ஏவருபா. பரினிப்³பா³யிஸ்ஸதீதி ஏவங் கோ ஞாதோ
ப⁴க³வதாதி? ஸந்ததிமஹாமத்தோ அஞ்ஞே ச ஏவருபா.

9. நிப்³பே³தி⁴கஸுத்தவண்ணனா

63. நவமே அனிப்³பி³த்த³த⁴பு³பே³ அப்பதா³லிதபு³பே³
லோப⁴க்க²ந்தா⁴த³யோ நிப்³பி³ஜ்ஜ²தி பதா³லேதீதி நிப்³பே³தி⁴கபரியாயோ,
நிப்³பி³ஜ்ஜ²னகாரணந்தி அத்தோ². நிதா³னஸம்ப⁴வோதி காமே நிதே³தி
உப்பாத³னஸமத்த²தாய நிய்யாதே³தீதி நிதா³னங். ஸம்ப⁴வதி ததோதி
ஸம்ப⁴வோ, நிதா³னமேவ ஸம்ப⁴வோ நிதா³னஸம்ப⁴வோ. வேமத்ததாதி
நானாகரணங்.

காமகு³ணாதி காமயிதப்³பு³ட்டே²ன காமா, ப³ந்த⁴னட்டே²ன கு³ணா
“அந்தகு³ண”ந்திஆதீ³ஸு விய. சக்கு²விஞ்ஞெய்யாதி சக்கு²விஞ்ஞானேன
பஸ்ஸிதப்³பா³. இட்டா²தி பரியிட்டா² வா ஹொந்து மா வா,
இட்டா²ரம்மணபு⁴தாதி அத்தோ². கந்தாதி கமனீயா. மனாபாதி
மனவட்³ட⁴னகா. பியருபாதி பியஜாதிகா. காமுபஸஞ்ஹிதாதி ஆரம்மணங்
கத்வா உப்பஜ்ஜமானேன காமேன உபஸஞ்ஹிதா. ரஜனீயாதி
ராகு³ப்பத்திகாரணபு⁴தா. நேதே காமாதி ந ஏதே கமனட்டே²ன காமா நாம
ஹொந்தி. ஸங்கப்பராகோ³தி ஸங்கப்பவஸேன உப்பன்னராகோ³. காமோதி
அயங் காமப்பஹானாய படிபன்னேஹி பஹாதப்³போ³. கமனட்டே²ன காமா நாம.
சித்ரானீதி சித்ரவிசித்ராரம்மணானி.

ப²ஸ்ஸோதி ஸஹஜாதப²ஸ்ஸோ. காமயமானோதி காமங் காமயமானோ.
தஜ்ஜங் தஜ்ஜந்தி தஜ்ஜாதிகங் தஜ்ஜாதிகங். புஞ்ஞபா⁴கி³யந்தி தி³ப்³பே³ காமே
பத்தெ²த்வா ஸுசரிதபாரிபூரியா தே³வலோகே நிப்³பு³த்தஸ்ஸ அத்தபா⁴வோ
புஞ்ஞபா⁴கி³யோ நாம, து³ச்சரிதபாரிபூரியா அபாயே நிப்³பு³த்தஸ்ஸ
அத்தபா⁴வோ அபுஞ்ஞபா⁴கி³யோ நாம. அயங் வுச்சதி, பி⁴க்க²வே,
காமானங் விபாகோதி அயங் து³விதோ⁴பி காமபத்த²னங் நிஸ்ஸாய
உப்பன்னத்தா காமானங் விபாகோதி வுச்சதி. ஸோ இமங் நிப்³பே³தி⁴கந்தி
ஸோ பி⁴க்கு² இமங் ச²த்திங்ஸட்டா²னேஸு நிப்³பி³ஜ்ஜ²னகங் ஸெட்ட²சரியங்
ஜானாதி. காமனிரோத⁴ந்தி காமானங் நிரோத⁴னே ஏவங் லத்³த⁴னாமங்.
இமஸ்மிஞ்ஹி டா²னே ப்³ரஹ்மசரியஸங்கா²தோ மக்³கோ³வ காமனிரோதோ⁴தி
வுத்தோ.

ஸாமிஸாதி கிலேஸாமிஸஸம்பயுத்தா. இமினா நயேன ஸப்³ப³டா²னேஸு
அத்தோ² வேதி³தப்³போ³. அபிசெத்த² வோஹாரவேபக்கந்தி வோஹாரவிபாகங்.
கதா²ஸங்கா²தோ ஹி வோஹாரோ ஸஞ்ஞாய விபாகோ நாம. யதா² யதா²
நந்தி எத்த² நங்-இதி நிபாதமத்தமேவ. இதி யஸ்மா யதா² யதா² ஸஞ்ஜானாதி,

ததா² ததா² ஏவங்ஸஞ்ஞீ அஹோஸிந்தி கதே²தி, தஸ்மா வோஹாரவேபக்காதி அத்தோ².

அவிஜ்ஜாதி அட்ட²ஸு டா²னேஸு அஞ்ஞாணபு²தா ப³ஹலஅவிஜ்ஜா. நிரயங் க³மெந்தீதி நிரயக³மனீயா, நிரயே நிப்³புத்திபச்சயாதி அத்தோ². ஸேஸேஸுபி ஏஸேவ நயோ. சேதனாஹந்தி சேதனங் அஹங். இத² ஸப்³புஸங்கா³ஹிகா ஸங்வித³ஹனசேதனா க³ஹிதா. சேதயித்வாதி த³வாரப்பவத்தசேதனா. மனஸாதி சேதனாஸம்பயுத்தசித்தேன. நிரயவேத³னீயந்தி நிரயே விபாகதா³யகங். ஸேஸேஸுபி ஏஸேவ நயோ. அதி²மத்தந்தி ப³லவது³க்க²ங். த³ந்த²விராகீ³தி க³ருகங் ந கி²ப்பங் ஸணிகங் விக³ச்ச²னகது³க்க²ங். உரத்தாளிங் கந்த³தீதி உரங் தாளெத்வா ரோத³தி. பரியெட்டி²ந்தி பரியேஸனங். ஏகபத³ங் த³விபத³ந்தி ஏகபத³மந்தங் வா த³விபத³மந்தங் வா, கோ மந்தங் ஜானாதீதி அத்தோ². ஸம்மோஹவேபக்கந்தி ஸம்மோஹவிபாகங். து³க்க²ஸ்ஸ ஹி ஸம்மோஹோ நிஸ்ஸந்த³விபாகோ நாம. து³தியபதே³பி ஏஸேவ நயோ. பரியேஸனாபி ஹி தஸ்ஸ நிஸ்ஸந்த³விபாகோதி. இமஸ்மிங் ஸுத்தே வட்டவிவட்டங் கதி²தங்.

10. ஸீஹனாத³ஸுத்தவண்ணனா

64. த³ஸமே ஆஸப²ங் டா²னந்தி ஸெட்ட²ங் நிச்சலட்டா²னங். ஸீஹனாத³ந்தி அபீ²தனாத³ங் பமுக்²னாத³ங். ப³ரஹ்மசக்கந்தி ஸெட்ட²ஞாணசக்கங் படிவேத²ஞாணஞ்சேவ தே³ஸனாஞாணஞ்ச. டா²னஞ்ச டா²னதோதி காரணஞ்ச காரணதோ. யம்பீதி யேன ஞானேன. இத³ம்பி ததா²க³தஸ்ஸாதி இத³ம்பி டா²னாட்டா²னஞாணங் ததா²க³தஸ்ஸ ததா²க³தப³லங் நாம ஹோதி. ஏவங் ஸப்³புபதே³ஸு அத்தோ² வேதி³தப்³போ³. கம்மஸமாதா³னானந்தி ஸமாதி³யித்வா கதானங் குஸலாகுஸலகம்மானங், கம்மமேவ வா கம்மஸமாதா³னங். டா²னஸோ ஹேதுஸோதி பச்சயதோ சேவ ஹேதுதோ ச. தத்த² க³திஉபதி²காலபயோகா³ விபாகஸ்ஸ டா²னங், கம்மங் ஹேது. ஜா²னவிமொக்க²ஸமாதி²ஸமாபத்தீனந்தி சதுன்னங் ஜா²னானங் அட்ட²ன்னங் விமொக்க²னங் திண்ணங் ஸமாதீ²னங் நவன்னங் அனுபுப்³ஸமாபத்தீனஞ்ச. ஸங்கிலேஸந்தி ஹானபா²கியங் த²ம்மங். வோதா³னந்தி விஸேஸபா²கியங் த²ம்மங். வுட்டா²னந்தி “வோதா³னம்பி வுட்டா²னங், தம்ஹா தம்ஹா ஸமாதி²ம்ஹா வுட்டா²னம்பி வுட்டா²ன”ந்தி (விப². 828) ஏவங் வுத்தங் பகு³ணஜ்ஜா²னஞ்சேவ ப²வங்க³னப³லஸமாபத்தியோ ச. ஹெட்டி²மங் ஹெட்டி²மஞ்ஹி பகு³ணஜ்ஜா²னங் உபரிமஸ்ஸ உபரிமஸ்ஸ பத³ட்டா²னங் ஹோதி, தஸ்மா “வோதா³னம்பி வுட்டா²ன”ந்தி வுத்தங். ப²வங்கே³ன பன ஸப்³புஜ்ஜா²னேஹி வுட்டா²னங் ஹோதி, ப³லஸமாபத்தியா நிரோத²ஸமாபத்திதோ வுட்டா²னங் ஹோதி. தங் ஸந்தா²ய “தம்ஹா தம்ஹா ஸமாதி²ம்ஹா வுட்டா²னம்பி வுட்டா²ன”ந்தி வுத்தங். அனேகவிஹிதந்திஆதீ³னி

விஸுத்தி⁴மக்³கே³ (விஸுத்தி⁴. 2.402) வண்ணிதானி. ஆஸவக்²யஞாணங்
ஹெட்டா² வுத்தத்த²மேவ. புரிமஸ்ஸாபி ஞாணத்தயஸ்ஸ வித்தா²ரகத²ங்
இச்ச²ந்தேன மஜ்ஜி²மட்ட²கதா²ய மஹாஸீஹனாத³வண்ணனா (ம. நி. அட்ட².
1.146 ஆத³யோ) ஓலோகேதப்³பா³. ஸமாஹிதஸ்ஸாதி ஏகக்³க³சித்தஸ்ஸ.
ஸமாதி⁴ மக்³கோ³தி ஸமாதி⁴ ஏதேஸங் ஞாணானங் அதி⁴க³மாய
உபாயோ. அஸமாதீ⁴தி அனேகக்³க³பா⁴வோ. கும்மக்³கோ³தி மிச்சா²மக்³கோ³.
இமஸ்மிங் ஸுத்தே ததா²க³தஸ்ஸ ஞாணப³லங் கதி²தந்தி.

மஹாவக்³கோ³ ச²ட்டோ².

7. தே³வதாவக்³கோ³

1-3. அனாகா³மிப²லஸுத்தாதி³வண்ணனா

65-67. ஸத்தமஸ்ஸ பட²மே அஸ்ஸத்³தி⁴யந்தி அஸ்ஸத்³த⁴பா⁴வங். து³ப்பஞ்ஞதந்தி நிப்பஞ்ஞபா⁴வங். து³தியே பமாத³ந்தி ஸதிவிப்பவாஸங். ததியே ஆபி⁴ஸமாசாரிகந்தி உத்தமஸமாசாரபூ⁴தங் வத்தவஸேன பண்ணத்திஸீலங். ஸேக²த⁴ம்மந்தி ஸேக²பண்ணத்திஸீலங். ஸீலானீதி சத்தாரி மஹாஸீலானி.

4. ஸங்க³ணிகாராமஸுத்தவண்ணனா

68. சதுத்தே² ஸங்க³ணிகாராமோதி க³ணஸங்க³ணிகாராமோ. ஸுத்தந்திகக³ணாதீ³ஸு பன க³ணேஸு அத்தனோ வா பரிஸாஸங்கா²தே க³ணே ரமதீதி க³ணாராமோ. பவிவேகேதி காயவிவேகே. சித்தஸ்ஸ நிமித்தந்தி ஸமாதி⁴விபஸ்ஸனாசித்தஸ்ஸ நிமித்தங் ஸமாதி⁴விபஸ்ஸனாகாரங். ஸம்மாதி³ட்டி²ந்தி விபஸ்ஸனாஸம்மாதி³ட்டி²ங். ஸமாதி⁴ந்தி மக்³க³ஸமாதி⁴ஞ்சேவ ப²லஸமாதி⁴ஞ்ச. ஸங்யோஜனானீதி த³ஸ ஸங்யோஜனானி. நிப்³பா³னந்தி அபச்சயபரினிப்³பா³னங்.

5. தே³வதாஸுத்தவண்ணனா

69. பஞ்சமே ஸோவசஸ்ஸதாதி ஸுப்³ப³சபா⁴வோ. கல்யாணமித்ததாதி ஸுசிமித்ததா. ஸத்து²கா³ரவோதி ஸத்த²ரி கா³ரவயுத்தோ. ஏஸ நயோ ஸப்³ப³த்த².

6. ஸமாதி⁴ஸுத்தவண்ணனா

70. ச²ட்டே² ந ஸந்தேனாதி பச்சனீககிலேஸேஹி அஹுபஸந்தேன. ந பணீதேனாதி ந அதப்பகேன. ந படிப்பஸ்ஸத்³தி⁴லத்³தே⁴னாதி கிலேஸப்படிப்பஸ்ஸத்³தி⁴யா அலத்³தே⁴ன அப்பத்தேன. ந ஏகோதி³பா⁴வாதி⁴க³தேனாதி ந ஏகக்³பா⁴வங் உபக³தேன.

7. ஸக்கி²ப⁴ப்³ப³ஸுத்தவண்ணனா

71. ஸத்தமே தத்ர தத்ராதி தஸ்மிங் தஸ்மிங் விஸேஸே. ஸக்கி²ப⁴ப்³ப³தந்தி பச்சக்க²பா⁴வங். ஆயதனேதி காரணே. ஹானபா⁴கி³யாத³யோ விஸுத்³தி⁴மக்³கே³ (விஸுத்³தி⁴. 1.39) ஸங்வண்ணிதா. அஸக்கச்சகாரீதி ந ஸுகதகாரீ, ந ஆத³ரகாரீ. அஸப்பாயகாரீதி ந ஸப்பாயகாரீ, ந உபகாரபூ⁴தத⁴ம்மகாரீ.

8. ப³லஸுத்தவண்ணனா

72. அட்ட²மே ப³லதந்தி ப³லபா⁴வங் தா²மபா⁴வங். அஸாதச்சகாரீதி ந
ஸததகாரீ. ஸேஸங் ஹெட்டா² வுத்தனயமேவ.

9-10. தஜ்ஜா²னஸுத்தத்³வயவண்ணனா

73-74. நவமே ந யதா²பூ⁴தங் ஸம்மப்பஞ்ஞாய ஸுதி³ட்டோ² ஹோதீதி
வத்து²காமகிலேஸகாமேஸு ஆதீ³னவோ ந யதா²ஸபா⁴வதோ ஜா²னபஞ்ஞாய
ஸுதி³ட்டோ² ஹோதி. த³ஸமங் உத்தானத்த²மேவாதி.

தே³வதாவக்³கோ³ ஸத்தமோ.

8. அரஹத்தவக்³கோ³

1. து³க்க²ஸுத்தவண்ணனா

75. அட்ட²மஸ்ஸ பட²மே ஸவிகா⁴தந்தி ஸஉபகா⁴தங் ஸோபத்³வங். ஸபரிளாஹந்தி காயிகசேதஸிகேன பரிளாஹேன ஸபரிளாஹங். பாடிகங்கா²தி இச்சி²தப்³பா³ அவஸ்ஸங்பா⁴வினீ.

2. அரஹத்தஸுத்தவண்ணனா

76. து³தியே மானந்தி ஜாதிஆதீ³ஹி மஞ்ஞனங். ஓமானந்தி ஹீனோஹமஸ்மீதி மானங். அதிமானந்தி அதிக்மித்வா பவத்தங் அச்சண்ணதிமானங். அதி⁴மானந்தி அதி⁴க³தமானங். த²ம்ப⁴ந்தி கோத⁴மானேஹி த²த்³த⁴பா⁴வங். அதினிபாதந்தி ஹீனஸ்ஸ ஹீனோஹமஸ்மீதி மானங்.

3. உத்தரிமனுஸ்ஸத⁴ம்மஸுத்தவண்ணனா

77. ததியே உத்தரிமனுஸ்ஸத⁴ம்மாதி மனுஸ்ஸத⁴ம்மதோ உத்தரி. அலமரியஞாணத³ஸ்ஸனவிஸேஸந்தி அரியபா⁴வங் காதுங் ஸமத்த²ங் ஞாணத³ஸ்ஸனவிஸேஸங், சத்தாரோ மக்³கே³ சத்தாரி ச ப²லானீதி அத்தோ². குஹனந்தி திவித⁴ங் குஹனவத்து²ங். லபனந்தி லாப⁴த்தி²கதாய உக்கி²பித்வா அவக்கி²பித்வா வா லபனங்.

4. ஸுக²ஸோமனஸ்ஸஸுத்தவண்ணனா

78. சதுத்தே² யோனி சஸ்ஸ ஆரத்³தா⁴ ஹோதீதி காரணஞ்சஸ்ஸ பரிபுண்ணங் பக்³க³ஹிதங் ஹோதி. த⁴ம்மாராமோதி த⁴ம்மே ரதிங் விந்த³தி. பா⁴வனாய ரமதி, பா⁴வெந்தோ வா ரமதீதி பா⁴வனாராமோ. பஹானே ரமதி, பஹந்தோ வா ரமதீதி பஹானாராமோ. திவிதே⁴ பவிவேகே ரமதீதி பவிவேகாராமோ. அப்³யாபஜ்ஜே² நித்³து³க்க²பா⁴வே ரமதீதி அப்³யாபஜ்ஜா²ராமோ. நிப்பபஞ்சஸங்கா²தே நிப்³பா³னே ரமதீதி நிப்பபஞ்சாராமோ.

5. அதி⁴க³மஸுத்தவண்ணனா

79. பஞ்சமே ந ஆயகுஸலோதி ந ஆக³மனகுஸலோ. ந அபாயகுஸலோதி ந அபக³மனகுஸலோ. ச²ந்த³ந்தி கத்துகம்யதாச²ந்த³ங். ந ஆரக்க²தீதி ந ரக்க²தி.

6. மஹந்தத்தஸுத்தவண்ணனா

80. ச²ட்டே² ஆலோகப³ஹுலோதி ஞாணாலோகப³ஹுலோ.
யோக³ப³ஹுலோதி யோகே³ ப³ஹுலங் கரோதி. வேத³ப³ஹுலோதி
பீதிபாமோஜ்ஜப³ஹுலோ. அஸந்துட்டி²ப³ஹுலோதி குஸலத⁴ம்மேஸு
அஸந்துட்டோ². அனிக்கி²த்தது⁴ரோதி அட்ட²பிதது⁴ரோ பக்³க³ஹிதவீரியோ.
உத்தரி ச பதாரேதீதி ஸம்பதி ச உத்தரிஞ்ச வீரியங் கரோதேவ. ஸத்தமங்
உத்தானமேவ.

8-10. து³தியனிரயஸுத்தாதி³வண்ணனா

82-84. அட்ட²மே பக்³ப³போ⁴தி காயபாக³ப³பி⁴யாதீ³ஹி ஸமன்னாக³தோ.
நவமங் உத்தானத்த²மேவ. த³ஸமே விகா⁴தவாதி மஹிச்ச²தங் நிஸ்ஸாய
உப்பன்னேன லோப⁴து³க்கே²ன து³க்கி²தோ. ஸேஸங் ஸப்³ப³த்த²
உத்தானமேவாதி.

அரஹத்தவக்³கோ³ அட்ட²மோ.

9. ஸீதிவக்³கோ³

1. ஸீதிபா⁴வஸுத்தவண்ணனா

85. நவமஸ்ஸ பட²மே ஸீதிபா⁴வந்தி ஸீதலபா⁴வங். யஸ்மிங் ஸமயே சித்தங் நிக்³க³ண்ஹிதப்³ப³ந்திஆதீ³ஸு உத்³த⁴ச்சஸமயே சித்தங் ஸமாதி⁴னா நிக்³க³ஹேதப்³ப³ங் நாம, கோஸஜ்ஜானுபதிதகாலே வீரியேன பக்³க³ஹேதப்³ப³ங் நாம, நிரஸ்ஸாத³க³தகாலே ஸமாதி⁴னா ஸம்பஹங்ஸிதப்³ப³ங் நாம, ஸமப்பவத்தகாலே பொ³ஜ்ஜ²ங்கு³பெக்கா²ய அஜ்ஜ²பெக்கி²தப்³ப³ங் நாம.

2. ஆவரணஸுத்தவண்ணனா

86. து³தியே கம்மாவரணதாயாதி பஞ்சானந்தரியகம்மேஹி. கிலேஸாவரணதாயாதி நியதமிச்சா²தி³ட்டி²யா. விபாகாவரணதாயாதி அகுஸலவிபாகபடிஸந்தி⁴யா வா குஸலவிபாகேஹி அஹேதுகபடிஸந்தி⁴யா வாதி.

4-5. ஸுஸ்ஸுஸதிஸுத்தாதி³வண்ணனா

88-89. சதுத்தே² அனத்த²ந்தி அவட்³டி⁴ங். அத்த²ங் ரிஞ்சதீதி வட்³டி⁴அத்த²ங் ச²ட்³டே³தி. அனநுலோமிகாயாதி ஸாஸனஸ்ஸ அனநுலோமிகாய. பஞ்சமே தி³ட்டி²ஸம்பத³ந்தி ஸோதாபத்திமக்³க³ங்.

8-11. அப⁴ப்³ப³ட்டா²னஸுத்தசதுக்கவண்ணனா

92-95. அட்ட²மே அனாக³மனீயங் வத்து²ந்தி அனுபக³ந்தப்³ப³ங் காரணங், பஞ்சன்னங் வேரானங் த்வாஸட்டி²யா ச தி³ட்டி²க³தானமேதங் அதி⁴வசனங். அட்ட²மங் ப⁴வந்தி காமாவசரே அட்ட²மங் படிஸந்தி⁴ங். நவமே கோதூஹலமங்க³லேனாதி தி³ட்ட²ஸுதமுதமங்க³லேன . த³ஸமே ஸயங்கதந்திஆதீ³னி அத்ததி³ட்டி²வஸேன வுத்தானி. அதி⁴ச்சஸமுப்பன்னந்தி அஹேதுனிப்³ப³த்தங். ஸேஸங் ஸப்³ப³த்த² உத்தானமேவாதி.

ஸீதிவக்³கோ³ நவமோ.

10. ஆனிஸங்ஸவக்³கோ³

1-2. பாதுபா⁴வஸுத்தாதி³வண்ணனா

96-97. த³ஸமஸ்ஸ பட²மே அரியாயதனேதி மஜ்ஜி²மதே³ஸே.
இந்த³ரியானந்தி மனச்ச²ட்டா²னங். து³தியே ஸத்³த⁴ம்மனியதோதி
ஸாஸனஸத்³த⁴ம்மே நியதோ. அஸாதா⁴ரணேனாதி புது²ஜ்ஜனேஹி
அஸாதா⁴ரணேன.

7. அனவத்தி²தஸுத்தவண்ணனா

102. ஸத்தமே அனோதி⁴ங் கரித்வாதி “எத்தகாவ ஸங்கா²ரா அனிச்சா, ந
இதோ பரே”தி ஏவங் ஸீமங் மரியாத³ங் அகத்வா. அனவத்தி²தாதி அவத்தி²தாய
ரஹிதா, பி⁴ஜ்ஜமானாவ ஹுத்வா உபட்ட²ஹிஸ்ஸந்தீதி அத்தோ².
ஸப்³புலோகேதி ஸகலே தேதா⁴துகே. ஸாமஞ்ஞனாதி ஸமணபா⁴வேன,
அரியமக்³கே³னாதி அத்தோ².

8. உக்கி²த்தாஸிகஸுத்தவண்ணனா

103. அட்ட²மே மெத்தாவதாயாதி மெத்தாயுத்தாய பாரிசரியாய. ஸத்த ஹி
ஸேகா² ததா²க³தங் மெத்தாவதாய பரிசரந்தி, கீ²ணாஸவோ
பரிசிண்ணஸத்து²கோ.

9. அதம்மயஸுத்தவண்ணனா

104. நவமே அதம்மயோதி தம்மயா வச்சந்தி தண்ஹாதி³ட்டி²யோ, தாஹி
ரஹிதோ. அஹங்காராதி அஹங்காரதி³ட்டி². மமங்காராதி மமங்காரதண்ஹா.
ஸேஸங் ஸப்³புத்த² உத்தானமேவாதி.

ஆனிஸங்ஸவக்³கோ³ த³ஸமோ.

து³தியபண்ணாஸகங் நிட்டி²தங்.

11. திகவக்³கோ³

1. ராக³ஸுத்தவண்ணனா

107. ஏகாத்³ஸமஸ்ஸ பட²மே அஸுபா⁴தி அஸுப⁴கம்மட்டா²னங்.
மெத்தாதி மெத்தாகம்மட்டா²னங். பஞ்ஞாதி ஸஹவிபஸ்ஸனா மக்³க³பஞ்ஞா.

6. அஸ்ஸாத்³ஸுத்தவண்ணனா

112. ச²ட்டே² அஸ்ஸாத்³தி³ட்டி²தி ஸஸ்ஸததி³ட்டி². அத்தானுதி³ட்டி²தி
அத்தானங் அனுக்³தா வீஸதிவத்து²கா ஸக்காயதி³ட்டி². மிச்சா²தி³ட்டி²தி
த்³வாஸட்டி²விதா⁴பி தி³ட்டி². ஸம்மாதி³ட்டி²தி மக்³க³ஸம்மாதி³ட்டி², நத்தி²
தி³ன்னந்திஆதி³கா வா மிச்சா²தி³ட்டி², கம்மஸ்ஸகதஞாணங் ஸம்மாதி³ட்டி².

7. அரதிஸுத்தவண்ணனா

113. ஸத்தமே அத⁴ம்மசரியாதி த³ஸ அகுஸலகம்மபதா².

10. உத்³த⁴ச்சு³ஸுத்தவண்ணனா

116. த³ஸமே அஸங்வரோதி அனதி⁴வாஸகபா⁴வோ. ஸேஸங்
ஸப்³புத்த² உத்தானமேவாதி.

திகவக்³கோ³ ஏகாத்³ஸமோ.

12. ஸாமஞ்ஞவக்³க³வண்ணனா

119-121. இதோ பரேஸு தபுஸ்ஸோதி த்³வேவாசிகுபாஸகோ. ததா²க³தே
நிட்ட²ங்க³தோதி பு³த்³த⁴கு³ணேஸு பதிட்டி²தசித்தோ பஹீனகங்கோ². அமதங்
அத்³த³ஸாதி அமதத்³த³ஸோ. அரியேனாதி நித்³தோ³ஸேன லோகுத்தரஸ்ஸேன.
ஞாணேனாதி பச்சவெக்க²ணஞாணேன. விமுத்தியாதி ஸேக²ப²லவிமுத்தியா .
தவகண்ணிகோதி ஏவங்னாமகோ க³ஹபதி. தபகண்ணிகோதிபி பானி.

24. ராக³பெய்யாலவண்ணனா

140. ராக³ஸ்ஸாதி பஞ்சகாமகு³ணிகராக³ஸ்ஸ. ஸேஸங் ஸப்³ப³த்த² உத்தானத்த²மேவாதி.

மனோரத²பூரணியா அங்கு³த்தரனிகாய-அட்ட²கதா²ய

ச²க்கனிபாதஸ்ஸ ஸங்வண்ணனா நிட்டி²தா.

நமோ தஸ்ஸ ப⁴க³வதோ அரஹதோ ஸம்மாஸம்பு³த³த⁴ஸ்ஸ

அங்கு³த்தரனிகாயே

ஸத்தகனிபாத-அட்ட²கதா²

பண்ணாஸகங்

1. த்⁴னவக்³கோ³

1-5. பட²மபியஸுத்தாதி³வண்ணனா

1-5. ஸத்தகனிபாதஸ்ஸ பட²மே அனவஞ்ஞத்திகாமோதி அபி⁴ஞ்ஞாதபா⁴வகாமோ. ததியே யோனிஸோ விசினே த்⁴ம்மந்தி உபாயேன சதுஸச்சத்⁴ம்மங் விசினாதி. பஞ்ஞாயத்த²ங் விபஸ்ஸதீதி ஸஹவிபஸ்ஸனாய மக்³க³பஞ்ஞாய ஸச்சத்⁴ம்மங் விபஸ்ஸதி. பஜ்ஜோதஸ்ஸேவாதி தீ³பஸ்ஸேவ. விமொக்கோ² ஹோதி சேதஸோதி தஸ்ஸ இமேஹி ப³லேஹி ஸமன்னாக³தஸ்ஸ கீ²ணாஸவஸ்ஸ தீ³பனிப்³பா³னங் விய சரிமகசித்தஸ்ஸ வத்தா²ரம்மணேஹி விமொக்கோ² ஹோதி, க³தட்டா²னங் ந பஞ்ஞாயதி. சதுத்தே² ஸத்³தோ⁴ ஹோதீதிஆதீ³னி பஞ்சகனிபாதே வண்ணிதானேவ. பஞ்சமே த்⁴னானீதி அதா³லித்³தீ³யகரணட்டே²ன த்⁴னானி.

7. உக்³க³ஸுத்தவண்ணனா

7. ஸத்தமே உக்³கோ³ ராஜமஹாமத்தோதி பஸேனதி³கோஸலஸ்ஸ மஹாஅமச்சோ. உபஸங்கமீதி பு⁴த்தபாதராஸோ உபஸங்கமி. அட்³டோ⁴தி நிதா⁴னக்³தேன த்⁴னேன அட்³டோ⁴. மிகா³ரோ ரோஹணெய்யோதி ரோஹணெஸட்டி²னோ நத்தாரங் மிகா³ரெஸட்டி²ங் ஸந்தா⁴யேவமாஹ. மஹத்³த்⁴னோதி வளஞ்ஜனத்⁴னேன மஹத்³த்⁴னோ. மஹாபோ⁴கோ³தி உபபோ⁴க³பரிபோ⁴க³ப⁴ண்ட³ஸ்ஸ மஹந்ததாய மஹாபோ⁴கோ³. ஹிரஞ்ஞஸ்ஸாதி ஸுவண்ணஸ்ஸேவ. ஸுவண்ணாமேவ ஹிஸ்ஸ கோடிஸங்க²யங் அஹோஸி. ரூபியஸ்ஸாதி ஸேஸஸ்ஸ தட்டகஸரகஅத்த²ரணபாவுரணாதி³னோ பரிபோ⁴க³பரிக்கா²ரஸ்ஸ பமாணஸங்கா²னே வாதோ³யேவ நத்தி².

8. ஸங்யோஜனஸுத்தவண்ணனா

8. அட்ட²மே அனுனயஸங்யோஜனந்தி காமராக³ஸங்யோஜனங். ஸப்³பா³னேவ சேதானி ப³ந்த⁴னட்டே²ன ஸங்யோஜனானீதி வேதி³தப்³பா³னி. இமஸ்மிங் ஸுத்தே வட்டமேவ கதி²தங். ஸேஸங் ஸப்³புத்த² உத்தானத்த²மேவாதி.

த்⁴னவக்³கோ³ பட²மோ.

2. அனுஸயவக்³கோ³

3. குலஸுத்தவண்ணனா

13. து³தியஸ்ஸ ததியே நாலந்தி ந யுத்தங் நானுச்ச²விகங். ந மனாபேனாதி ந மனம்ஹி அப்பனகேன ஆகாரேன நிஸின்னாஸனதோ பச்சுட்டெ²ந்தி, அனாத³ரமேவ த³ஸ்ஸெந்தி. ஸந்தமஸ்ஸ பரிசு³ஹந்தீதி விஜ்ஜமானம்பி தெ³ய்யத⁴ம்மங் ஏதஸ்ஸ நிகு³ஹந்தி படிச்சா²தெ³ந்தி. அஸக்கச்சங் தெ³ந்தி நோ ஸக்கச்சந்தி லூக²ங் வா ஹோது பணீதங் வா, அஸஹத்தா² அசித்தீகாரேன தெ³ந்தி, நோ சித்தீகாரேன.

4. புக்³கலஸுத்தவண்ணனா

14. சதுத்தே² உப⁴தோபா⁴க³விமுத்தோதி த்³வீஹி பா⁴கே³ஹி விமுத்தோ, அருபஸமாபத்தியா ரூபகாயதோ விமுத்தோ, மக்³கே³ன நாமகாயதோ. ஸோ சதுன்னங் அருபஸமாபத்தீனங் ஏகேகதோ வுட்டா²ய ஸங்கா²ரே ஸம்மஸித்வா அரஹத்தங் பத்தானங் சதுன்னங், நிரோதா⁴ வுட்டா²ய அரஹத்தங் பத்தஅனாகா³மினோ ச வஸேன பஞ்சவிதோ⁴ ஹோதி. பாளி பனெத்த² “கதமோ ச புக்³கலோ உப⁴தோபா⁴க³விமுத்தோ? இதே⁴கச்சோ புக்³கலோ அட்ட² விமொக்கே² காயேன பு²ஸித்வா விஹரதி, பஞ்ஞாய சஸ்ஸ தி³ஸ்வா ஆஸவா பரிக்³ணா ஹொந்தீ”தி (பு. ப. 208) ஏவங் அட்ட²விமொக்க²லாபி⁴னோ வஸேன ஆக³தா.

பஞ்ஞாய விமுத்தோதி பஞ்ஞாவிமுத்தோ. ஸோ ஸுக்க²விபஸ்ஸகோ, சதுஹி ஜா²னேஹி வுட்டா²ய அரஹத்தங் பத்தா சத்தாரோ சாதி இமேஸங் வஸேன பஞ்சவிதோ⁴ ஹோதி. பாளி பனெத்த² அட்ட²விமொக்க²படிக்கே²பவஸேனேவ ஆக³தா. யதா²ஹ - “ந ஹேவ கோ² அட்ட² விமொக்கே² காயேன பு²ஸித்வா விஹரதி, பஞ்ஞாய சஸ்ஸ தி³ஸ்வா ஆஸவா பரிக்³ணா ஹொந்தி. அயங் வச்சதி புக்³கலோ பஞ்ஞாவிமுத்தோ”தி.

புட்ட²ந்தங் ஸச்சிகதோதி காயஸக்கீ². ஸோ ஜா²னப²ஸ்ஸங் பட²மங் புஸதி, பச்சா² நிரோதா⁴ங் நிப்³பா³னங் ஸச்சிகரோதி. ஸோ ஸோதாபத்திபு²லட்ட²ங் ஆதி³ங் கத்வா யாவ அரஹத்தமக்³கட்டா² ச²பு³பி³தோ⁴ ஹோதி. தேனாஹ - “இதே⁴கச்சோ புக்³கலோ அட்ட² விமொக்கே² காயேன பு²ஸித்வா விஹரதி, பஞ்ஞாய சஸ்ஸ தி³ஸ்வா ஏகச்சே ஆஸவா பரிக்³ணா ஹொந்தி. அயங் வச்சதி புக்³கலோ காயஸக்கீ²”தி (பு. ப. 208).

திட்ட²ந்தங் பத்தோதி தி³ட்டி²ப்பத்தோ. தத்ரித³ங் ஸங்கே²பலக்க²ணங் - து³க்கா² ஸங்கா²ரா, ஸுகோ² நிரோதோ⁴தி ஞாதங் ஹோதி தி³ட்ட²ங் விதி³தங்

ஸச்சி²கதங் பு²ஸிதங் பஞ்ஞாயாதி தி³ட்டி²ப்பத்தோ. வித்தா²ரதோ பன ஸோபி காயஸக்கீ² விய ச²பு³பி³தோ⁴ ஹோதி. தேனேவாஹ - “இதே⁴கச்சோ புக்க³லோ ‘இத³ங் துக்க²ந்தி யதா²பு⁴தங் பஜானாதி...பே... ‘அயங் துக்க²னிரோத⁴கா³மினீ படிபதா³தி யதா²பு⁴தங் பஜானாதி, ததா²க³தப்பவேதி³தா சஸ்ஸ த⁴ம்மா பஞ்ஞாய வோதி³ட்டா² ஹொந்தி வோசரிதா பஞ்ஞாய...பே... அயங் வச்சதி புக்க³லோ தி³ட்டி²ப்பத்தோ”தி.

ஸத்தா⁴ய விமுத்தோதி ஸத்தா⁴விமுத்தோ. ஸோபி வுத்தனயேனேவ ச²பு³பி³தோ⁴ ஹோதி. தேனாஹ - “இதே⁴கச்சோ புக்க³லோ ‘இத³ங் துக்க²ந்தி யதா²பு⁴தங் பஜானாதி...பே... ‘அயங் துக்க²னிரோத⁴கா³மினீ படிபதா³தி யதா²பு⁴தங் பஜானாதி, ததா²க³தப்பவேதி³தா சஸ்ஸ த⁴ம்மா பஞ்ஞாய வோதி³ட்டா² ஹொந்தி வோசரிதா பஞ்ஞாய...பே... நோ ச கோ² யதா²தி³ட்டி²ப்பத்தஸ்ஸ. அயங் வச்சதி புக்க³லோ ஸத்தா⁴விமுத்தோ”தி. ஏதஸ்ஸ ஹி ஸத்தா⁴விமுத்தஸ்ஸ பு³பு³பா⁴க³மக்க³க²ணே ஸத்த³ஹந்தஸ்ஸ விய ஓகப்பெந்தஸ்ஸ விய அதி⁴முச்சந்தஸ்ஸ விய ச கிலேஸக்க²யோ ஹோதி, தி³ட்டி²ப்பத்தஸ்ஸ பு³பு³பா⁴க³மக்க³க²ணே கிலேஸச்சே²த³கஞாணங் அத³ந்த⁴ங் திகி²ணங் ஸூரங் ஹுத்வா வஹதி. தஸ்மா யதா² நாம நாதிதிகி²ணேன அஸினா கத³லிங் சி²ந்த³ந்தஸ்ஸ சி²ன்னட்டா²னங் மட்ட²ங் ந ஹோதி, அஸி ஸீக⁴ங் ந வஹதி, ஸத்தோ³ ஸுய்யதி, ப³லவதரோ வாயாமோ காதப்³போ³ ஹோதி, ஏவருபா ஸத்தா⁴விமுத்தஸ்ஸ பு³பு³பா⁴க³மக்க³பா⁴வனா. யதா² பன ஸுனிஸிதேன அஸினா கத³லிங் சி²ந்த³ந்தஸ்ஸ சி²ன்னட்டா²னங் மட்ட²ங் ஹோதி, அஸி ஸீக⁴ங் வஹதி, ஸத்தோ³ ந ஸுய்யதி, ப³லவவாயாமகிச்சங் ந ஹோதி, ஏவருபா பஞ்ஞாவிமுத்தஸ்ஸ பு³பு³பா⁴க³மக்க³பா⁴வனா வேதி³தப்³பா³.

த⁴ம்மங் அனுஸ்ஸரதீதி த⁴ம்மானுஸாரீ. த⁴ம்மோதி பஞ்ஞா, பஞ்ஞாபு³பு³ங்க³மங் மக்க³ங் பா⁴வேதீதி அத்தோ². ஸத்தா⁴னுஸாரிம்ஹிபி ஏஸேவ நயோ. உபோ⁴பேதே ஸோதாபத்திமக்க³ட்டா²யேவ. வுத்தம்பி சேதங் - “யஸ்ஸ புக்க³லஸ்ஸ ஸோதாபத்திப²லஸச்சி²கிரியாய படிபன்னஸ்ஸ பஞ்ஞிந்த³ரியங் அதி⁴மத்தங் ஹோதி, பஞ்ஞாவாஹிங் பஞ்ஞாபு³பு³ங்க³மங் அரியமக்க³ங் பா⁴வேதி. அயங் வச்சதி புக்க³லோ த⁴ம்மானுஸாரீ. யஸ்ஸ புக்க³லஸ்ஸ ஸோதாபத்திப²லஸச்சி²கிரியாய படிபன்னஸ்ஸ ஸத்த³தி⁴ந்த³ரியங் அதி⁴மத்தங் ஹோதி, ஸத்தா⁴வாஹிங் ஸத்தா⁴பு³பு³ங்க³மங் அரியமக்க³ங் பா⁴வேதி. அயங் வச்சதி புக்க³லோ ஸத்தா⁴னுஸாரீ”தி (பு. ப. 208). அயமெத்த² ஸங்கே²போ, வித்தா²ரதோ பனேஸா உப⁴தோபா⁴க³விமுத்தாதி³கதா² விஸுத்தி⁴மக்கே³ (விஸுத்தி⁴. 2.771, 889) பஞ்ஞாபா⁴வனாதி⁴காரே வுத்தா. தஸ்மா தத்த² வுத்தனயேனேவ வேதி³தப்³பா³தி.

5. உத³கூபமாஸுத்தவண்ணனா

15. பஞ்சமே உத³கூபமாதி நிமுஜ்ஜனாதி³ஆகாரங் க³ஹெத்வா உத³கேன உபமிதா. ஸகிங் நிமுக்³கோ³தி ஏகவாரமேவ நிமுக்³கோ³. ஏகந்தகாளகேஹீதி நியதமிச்சா²தி³ட்டி²ங் ஸந்தா⁴ய வுத்தங். உம்முஜ்ஜதீதி உட்ட²ஹதி. ஸாதூ⁴தி ஸோப⁴னா ப⁴த³த³கா. ஹாயதியேவாதி சங்கவாரே ஆஸித்தஉத³கங் விய பரிஹாயதேவ . உம்முஜ்ஜித்வா விபஸ்ஸதி விலோகேதீதி உட்ட²ஹித்வா க³ந்தப்³ப³தி³ஸங் விபஸ்ஸதி விலோகேதி. பதரதீதி க³ந்தப்³ப³தி³ஸாபி⁴முகோ² தரதி நாம. படிகா³த⁴ப்பத்தோ ஹோதீதி உட்ட²ய விலோகெத்வா பதரித்வா ஏகஸ்மிங் டா²னே பதிட்ட²பத்தோ நாம ஹோதி, திட்ட²தி ந புனாக³ச்ச²தி. திண்ணோ பாரங்க³தோ த²லே திட்ட²தீதி ஸப்³ப³கிலேஸோக⁴ங் தரித்வா பரதீரங் க³ந்த்வா நிப்³பா³னத²லே பதிட்டி²தோ நாம ஹோதி. இமஸ்மிங் ஸுத்தே வட்டவிவட்டங் கதி²தங்.

6. அனிச்சானுபஸ்ஸீஸுத்தவண்ணனா

16. ச²ட்டே² அனிச்சாதி ஏவங் பஞ்ஞாய ப²ரந்தோ அனுபஸ்ஸதீதி அனிச்சானுபஸ்ஸீ. அனிச்சாதி ஏவங் ஸஞ்ஞா அஸ்ஸாதி அனிச்சஸஞ்ஞீ. அனிச்சாதி ஏவங் ஞானேன படிஸங்வேதி³தா அஸ்ஸாதி அனிச்சபடிஸங்வேதீ³. ஸததந்தி ஸப்³ப³காலங். ஸமிதந்தி யதா² புரிமசித்தேன பச்சி²மசித்தங் ஸமிதங் ஸமுபக³தங் க⁴ட்டிதங் ஹோதி, ஏவங். அப்³போ³கிண்ணந்தி நிரந்தரங் அஞ்ஞேன சேதஸா அஸங்மிஸ்ஸங். சேதஸா அதி⁴முச்சமானோதி சித்தேன ஸன்னிட்ட²பயமானோ. பஞ்ஞாய பரியோகா³ஹமானோதி விபஸ்ஸனாஞானேன அனுபவிஸமானோ.

அபுப்³ப³ங் அசரிமந்தி அபுரே அபச்சா² ஏகக்க²ணேயேவ. இத⁴ ஸமஸ்ஸீ கதி²தோ. ஸோ சதுப்³பி³தோ⁴ ஹோதி ரோக³ஸமஸ்ஸீ, வேத³னாஸமஸ்ஸீ, இரியாபத²ஸமஸ்ஸீ, ஜீவிதஸமஸ்ஸீதி. தத்த² யஸ்ஸ அஞ்ஞதரேன ரோகே³ன புட்ட²ஸ்ஸ ஸதோ ரோக³ஹுபஸமோ ச ஆஸவக்க²யோ ச ஏகப்பஹாரேனேவ ஹோதி, அயங் ரோக³ஸமஸ்ஸீ நாம. யஸ்ஸ பன அஞ்ஞதரங் வேத³னங் வேத³யதோ வேத³னாஹுபஸமோ ச ஆஸவக்க²யோ ச ஏகப்பஹாரேனேவ ஹோதி, அயங் வேத³னாஸமஸ்ஸீ நாம. யஸ்ஸ பன டா²னாதீ³ஸு இரியாபதே²ஸு அஞ்ஞதரஸமங்கி³னோ விபஸ்ஸந்தஸ்ஸ இரியாபத²ஸ்ஸ பரியோஸானஞ்ச ஆஸவக்க²யோ ச ஏகப்பஹாரேனேவ ஹோதி, அயங் இரியாபத²ஸமஸ்ஸீ நாம. யஸ்ஸ பன உபக்கமதோ வா ஸரஸதோ வா ஜீவிதபரியாதா³னஞ்ச ஆஸவக்க²யோ ச ஏகப்பஹாரேனேவ ஹோதி, அயங் ஜீவிதஸமஸ்ஸீ நாம. அயமித⁴ அதி⁴ப்பேதோ. தத்த² கிஞ்சாபி ஆஸவபரியாதா³னங் மக்³க³சித்தேன, ஜீவிதபரியாதா³னங் சுதிசித்தேன ஹோதீதி உபி⁴ன்னங் ஏகக்க²ணே ஸம்ப⁴வோ நாம நத்தி². யஸ்மா பனஸ்ஸ

ஆஸவேஸு கீணமத்தேஸு பச்சவெக்கணவாரானந்தரமேவ
ஜீவிதபரியாதா³னங் க³ச்ச²தி, அந்தரங் ந பஞ்ஞாயதி, தஸ்மா ஏவங் வுத்தங்.

அந்தராபரினிப்பா³யீதி யோ பஞ்சஸு ஸுத்தா⁴வாஸேஸு யத்த² கத்த²சி
உப்பன்னோ நிப்ப³த்தக்க²ணே வா தோ²கங் அதிக்மித்வா வா வேமஜ்ஜே²
ட²த்வா வா அரஹத்தங் பாபுணாதி, தஸ்ஸேதங் நாமங்.

உபஹச்சபரினிப்பா³யீதி யோ தத்தே²வ ஆயுவேமஜ்ஜ²ங் அதிக்மித்வா
அரஹத்தங் பாபுணாதி. அஸங்கா²ரபரினிப்பா³யீதி யோ தேஸங்யேவ
புக்க³லானங் அஸங்கா²ரேனேவ அப்பயோகே³ன கிலேஸே கே²பேதி.

ஸஸங்கா²ரபரினிப்பா³யீதி யோ ஸஸங்கா²ரேன ஸப்பயோகே³ன கிலேஸே
கே²பேதி. உத்த³ா⁴ங்ஸோதோ அகனிட்ட²கா³மீதி யோ ஹெட்டா² சதுஸு
ஸுத்தா⁴வாஸேஸு யத்த² கத்த²சி நிப்ப³த்தித்வா ததோ சுதோ அனுபுப்பே³ன
அகனிட்டே² உப்பஜ்ஜித்வா அரஹத்தங் பாபுணாதி.

7-9. து³க்கா²னுபஸ்ஸீஸுத்தாதி³வண்ணனா

17-19. ஸத்தமே து³க்கா²னுபஸ்ஸீதி பீளனாகாரங் து³க்க²தோ
அனுபஸ்ஸந்தோ. அட்ட²மே அனத்தானுபஸ்ஸீதி அவஸவத்தனாகாரங்
அனத்தாதி அனுபஸ்ஸந்தோ. நவமே ஸுகா²னுபஸ்ஸீதி ஸுக³ந்தி ஏவங்
ஞானேன அனுபஸ்ஸந்தோ.

10. நித்த³ஸவத்து²ஸுத்தவண்ணனா

20. த³ஸமே நித்த³ஸவத்து²ஸீதி நித்த³ஸாதி³வத்து²னி, “நித்த³ஸோ
பி⁴க்கு², நிப்ப³ீஸோ, நித்திங்ஸோ, நிச்சத்தாலீஸோ, நிப்பஞ்ஞாலீஸோ”தி ஏவங்
வசனகாரணானி. அயங் கிர பஞ்ஹோ தித்தி²யஸமயே உப்பன்னோ. தித்தி²யா
ஹி த³ஸவஸ்ஸகாலே மதங் நிக³ண்ட²ங் நித்த³ஸோதி வத³ந்தி. ஸோ கிர புன
த³ஸவஸ்ஸோ ந ஹோதி. ந கேவலஞ்ச த³ஸவஸ்ஸோ, நவவஸ்ஸோபி
ஏகவஸ்ஸோபி ந ஹோதி. ஏதேனேவ நயேன வீஸதிவஸ்ஸாதி³காலேபி மதங்
நிக³ண்ட²ங் “நிப்ப³ீஸோ நித்திங்ஸோ நிச்சத்தாலீஸோ நிப்பஞ்ஞாலீஸோ”தி
வத³ந்தி. ஆயஸ்மா ஆனந்தோ³ கா³மே விசரந்தோ தங் கத²ங் ஸுத்வா
விஹாரங் க³ந்த்வா ப⁴க³வதோ ஆரோசேஸி. ப⁴க³வா ஆஹ - “ந இத³ங்,
ஆனந்த³, தித்தி²யானங் அதி⁴வசனங், மம ஸாஸனே கீணாஸவஸ்ஸேதங்
அதி⁴வசனங். கீணாஸவோ ஹி த³ஸவஸ்ஸகாலே பரினிப்பு³தோ புன
த³ஸவஸ்ஸோ ந ஹோதி. ந கேவலஞ்ச த³ஸவஸ்ஸோவ, நவவஸ்ஸோபி...
பே... ஏகவஸ்ஸோபி. ந கேவலஞ்ச ஏகவஸ்ஸோவ, ஏகாத³ஸமாஸிகோபி...பே...
ஏகமாஸிகோபி ஏகமுஹுத்திகோபி ந ஹோதியேவ”. கஸ்மா? புன
படிஸந்தி⁴யா அபா⁴வா. நிப்ப³ீஸாதீ³ஸுபி ஏஸேவ நயோ. இதி ப⁴க³வா
“மம ஸாஸனே கீணாஸவஸ்ஸேதங் அதி⁴வசன”ந்தி வத்வா யேஹி

காரணேஹி நித்³த³ஸோ ஹோதி, தானி த³ஸ³ஸேதுங் இமங் தே³ஸனங் ஆரபி⁴.

தத்த² இதா⁴தி இமஸ்மிங் ஸாஸனே. ஸிக்கா²ஸமாதா³னே
திப்³ப³ச்ச²ந்தோ³ ஹோதீதி ஸிக்கா²த்தயபூரணே ப³லவச்ச²ந்தோ³ ஹோதி.
ஆயதிஞ்ச ஸிக்கா²ஸமாதா³னே அவிக³தபேமோதி அனாக³தே
புனதி³வஸாதீ³ஸுபி ஸிக்கா²பூரணே அவிக³தபேமேனேவ ஸமன்னாக³தோ
ஹோதி. த⁴ம்மனிஸந்தியாதி த⁴ம்மனிஸாமனாய. விபஸ்ஸனாயேதங்
அதி⁴வசனங். இச்சா²வினயேதி தண்ஹாவினயே. படிஸல்லானேதி
ஏகீபா⁴வே. வீரியாரம்பே⁴தி காயிகசேதஸிகஸ்ஸ வீரியஸ்ஸ பூரணே.
ஸதினேபக்கேதி ஸதியஞ்சேவ நிபகபா⁴வே. தி³ட்டி²படிவேதே⁴தி
மக்³க³த³ஸ்ஸனே. ஸேஸங் ஸப்³ப³த்த² உத்தானமேவாதி.

அனுஸயவக்³கோ³ து³தியோ.

3. வஜ்ஜிஸத்தகவக்³கோ³

1. ஸாரந்த³த³ஸுத்தவண்ணனா

21. ததியஸ்ஸ பட²மே ஸாரந்த³தே³ சேதியேதி ஏவங்னாமகே விஹாரே. அனுப்பன்னே கிர ததா²க³தே தத்த² ஸாரந்த³த³ஸு யக்க²ஸ்ஸ நிவாஸனட்டா²னங் சேதியங் அஹோஸி, அதெ²த்த² ப⁴க³வதோ விஹாரங் காரேஸுங். ஸோ ஸாரந்த³த³சேதியங்தவேவ ஸங்க²ங் க³தோ. யாவகீவஞ்சாதி யத்தகங் காலங். அபி⁴ண்ஹங் ஸன்னிபாதாதி தி³வஸஸ்ஸ திக்க²த்துங் ஸன்னிபதந்தாபி அந்தரந்தரா ஸன்னிபதந்தாபி அபி⁴ண்ஹங் ஸன்னிபாதாவ. ஸன்னிபாதப³ஹுலாதி “ஹிய்யோபி புரிமதி³வஸம்பி ஸன்னிபதம்ஹ, புன அஜ்ஜ கிமத்த²ங் ஸன்னிபதாமா”தி வோஸானமனாபஜ்ஜனேன ஸன்னிபாதப³ஹுலா. வுத்தி⁴யேவ லிச்ச²வீ வஜ்ஜீனங் பாடிகங்கா² நோ பரிஹானீதி அபி⁴ண்ஹங் அஸன்னிபதந்தா ஹி தி³ஸாஸு ஆக³தங் ஸாஸனங் ந ஸுணந்தி, ததோ “அஸுககா³மஸீமா வா நிக³மஸீமா வா ஆகுலா, அஸுகட்டா²னே சோரா பரியுட்டி²தா”தி ந ஜானந்தி. சோராபி “பமத்தா ராஜானோ”தி ஞத்வா கா³மனிக³மாதீ³னி பஹரந்தா ஜனபத³ங் நாஸெந்தி. ஏவங் ராஜானங் பரிஹானி ஹோதி . அபி⁴ண்ஹங் ஸன்னிபதந்தா பன தங் பவத்திங் ஸுணந்தி, ததோ ப³லங் பேஸெத்வா அமித்தமத்³த³னங் கரொந்தி. சோராபி “அப்பமத்தா ராஜானோ, ந ஸக்கா அம்ஹேஹி வக்³க³பந்த⁴னேன விசரிது”ந்தி பி⁴ஜ்ஜித்வா பலாயந்தி. ஏவங் ராஜானங் வுத்தி⁴ ஹோதி. தேன வுத்தங் - “வுத்தி⁴யேவ லிச்ச²வீ வஜ்ஜீனங் பாடிகங்கா² நோ பரிஹானீதி.

ஸமக்³கா³திஆதீ³ஸு ஸன்னிபாதபே⁴ரியா நிக்³க³தாய “அஜ்ஜ மே கிச்சங் அத்தி² மங்க³லங் அத்தீ²”தி விக்³கே³பங் கரொந்தா ந ஸமக்³கா³ ஸன்னிபதந்தி நாம. பே⁴ரிஸத்³த³ங் பன ஸுத்வாவ பு⁴ஞ்ஜமானாபி அலங்குருமானாபி வத்தா²னி நிவாஸயமானாபி அத்³த⁴பு⁴த்தா அத்³தா⁴லங்கதா வத்த²ங் நிவாஸெந்தாவ ஸன்னிபதந்தா ஸமக்³கா³ ஸன்னிபதந்தி நாம. ஸன்னிபதிதா பன சிந்தெத்வா மந்தெத்வா கத்தப்³ப³ங் கத்வா ஏகதோவ அவுட்ட²ஹந்தா ந ஸமக்³கா³ வுட்ட²ஹந்தி நாம. ஏவங் வுட்டி²தேஸு ஹி யே பட²மங் க³ச்ச²ந்தி, தேஸங் ஏவங் ஹோதி - “அம்ஹேஹி பா³ஹிரகதா²வ ஸுதா, இதா³னி வினிச்ச²யகதா² ப⁴விஸ்ஸதீ”தி. ஏகதோ வுட்ட²ஹந்தா பன ஸமக்³கா³ வுட்ட²ஹந்தி நாம. அபிச “அஸுகட்டா²னே கா³மஸீமா வா நிக³மஸீமா வா ஆகுலா, சோரா வா பரியுட்டி²தா”தி ஸுத்வா “கோ க³ந்த்வா அமித்தமத்³த³னங் கரிஸ்ஸதீ”தி வுத்தே “அஹங் பட²மங் அஹங் பட²ம”ந்தி வத்வா க³ச்ச²ந்தாபி ஸமக்³கா³ வுட்ட²ஹந்தி நாம. ஏகஸ்ஸ பன கம்மந்தே ஓஸீத³மானே ஸேஸா புத்தபா⁴தரோ பேஸெத்வா தஸ்ஸ கம்மந்தங் உபத்த²ம்ப⁴யமானாபி ஆக³ந்துகராஜானங் “அஸுகஸ்ஸ கே³ஹங் க³ச்ச²து, அஸுகஸ்ஸ கே³ஹங்

கச்சுது"தி அவத்வா ஸப்³பே³ ஏகதோ ஸங்க³ண்ஹந்தாபி ஏகஸ்ஸ மங்க³லே
வா ரோகே³ வா அஞ்ஞஸ்மிங் வா பன தாதி³ஸே ஸுக²து³க்கே² உப்பன்னே
ஸப்³பே³ தத்த² ஸஹாயபா⁴வங் கச்சு²ந்தாபி ஸமக்³கா³ வஜ்ஜிகரணீயானி
கரொந்தி நாம.

அப்பஞ்ஞத்தந்திஆதீ³ஸு புப்³பே³ அகதங் ஸுங்கங் வா ப³லிங் வா த³ண்ட³ங்
வா ஆஹராபெந்தா அப்பஞ்ஞத்தங் பஞ்ஞாபெந்தி நாம. போராணபவேணியா
ஆக³தமேவ பன அனாஹராபெந்தா பஞ்ஞத்தங் ஸமுச்சி²ந்த³ந்தி நாம.
சோரோதி க³ஹெத்வா த³ஸ்ஸிதே அவிசினித்வா சே²ஜ்ஜபே⁴ஜ்ஜங்
அனுஸாஸந்தா போராணங் வஜ்ஜித⁴ம்மங் ஸமாதா³ய ந வத்தந்தி நாம.
தேஸங் அபஞ்ஞத்தங் பஞ்ஞாபெந்தானங் அபி⁴னவஸுங்காதி³பீளிதா
மனுஸ்ஸா "அதிஉபத்³து³தம்ஹ, கே இமேஸங் விஜிதே வஸிஸ்ஸந்தீ"தி
பச்சந்தங் பவிஸித்வா சோரா வா சோரஸஹாயா வா ஹுத்வா ஜனபத³ங்
ஹனந்தி. பஞ்ஞத்தங் ஸமுச்சி²ந்த³ந்தானங் பவேணிஆக³தானி ஸுங்காதீ³னி
அக³ண்ஹந்தானங் கோஸோ பரிஹாயதி, ததோ
ஹத்தி²அஸ்ஸப³லகாயஓரோதா⁴த³யோ யதா²னிபத்³த⁴ங் வட்டங்
அலப⁴மானா தா²மப³லேன பரிஹாயந்தி. தே நேவ யுத்³த⁴க்க²மா ஹொந்தி ந
பாரிசரியக்க²மா. போராணங் வஜ்ஜித⁴ம்மங் ஸமாதா³ய அவத்தந்தானங்
விஜிதே மனுஸ்ஸா "அம்ஹாகங் புத்தங் பிதரங் பா⁴தரங் அசோரங்யேவ
சோரோதி கத்வா சி²ந்தி³ங்ஸு பி⁴ந்தி³ங்ஸு"தி குஜ்ஜி²த்வா பச்சந்தங்
பவிஸித்வா சோரா வா சோரஸஹாயா வா ஹுத்வா ஜனபத³ங் ஹனந்தி.
ஏவங் ராஜூனங் பரிஹானி ஹொதி. அபஞ்ஞத்தங் ந பஞ்ஞாபெந்தானங் பன
"பவேணிஆக³தங்யேவ ராஜானோ கரொந்தீ"தி மனுஸ்ஸா ஹட்ட²துட்டா²
கஸிவாணிஜ்ஜாதி³கே கம்மந்தே ஸம்பாதெ³ந்தி. பஞ்ஞத்தங்
அஸமுச்சி²ந்த³ந்தானங் பவேணிஆக³தானி ஸுங்காதீ³னி க³ண்ஹந்தானங்
கோஸோ வட்³ட⁴தி, ததோ ஹத்தி²அஸ்ஸப³லகாயஓரோதா⁴த³யோ
யதா²னிபத்³த⁴ங் வட்டங் லப⁴மானா தா²மப³லஸம்பன்னா யுத்³த⁴க்க²மா
சேவ பாரிசரியக்க²மா ச ஹொந்தி. போராணே வஜ்ஜித⁴ம்மே ஸமாதா³ய
வத்தந்தானங் மனுஸ்ஸா ந உஜ்ஜா²யந்தி. "ராஜானோ போராணபவேணியா
கரொந்தி, அட்டகுலிகஸேனாபதிஉபராஜஹி பரிக்கி²தங் ஸயம்பி பரிக்கி²பித்வா
பவேணிபொத்த²கங் வாசாபெத்வா அனுச்ச²விகமேவ த³ண்ட³ங் பவத்தயந்தி,
ஏதேஸங் தோ³ஸோ நத்தி², அம்ஹாகங்யேவ தோ³ஸோ"தி அப்பமத்தா
கம்மந்தே கரொந்தி. ஏவங் ராஜூனங் வுத்³தி⁴ ஹொதி.

ஸக்கரிஸ்ஸந்தீதி யங்கிஞ்சி தேஸங் ஸக்காரங் கரொந்தா ஸுந்த³ரமேவ
கரிஸ்ஸந்தி. க³ருங் கரிஸ்ஸந்தீதி க³ருபா⁴வங் பச்சபட்ட²பெத்வா
கரிஸ்ஸந்தி. மாஸெஸ்ஸந்தீதி மனேன பியாயிஸ்ஸந்தி. பூஜெஸ்ஸந்தீதி
பச்சயபூஜாய பூஜெஸ்ஸந்தி. ஸோதப்³பங் மஞ்ஞிஸ்ஸந்தீதி தி³வஸஸ்ஸ
த்³வே தயோ வாரே உபட்டா²னங் க³ந்த்வா தேஸங் கத²ங் ஸோதப்³பங்

ஸத்தா⁴தப்ப³ங் மஞ்ஞிஸ்ஸந்தி. தத்த² யே ஏவங் மஹல்லகானங் ராஜானங் ஸக்காராதீ³னி ந கரொந்தி, ஓவாத³த்தா²ய வா நேஸங் உபட்டா²னங் ந க³ச்ச²ந்தி, தே தேஹி விஸ்ஸட்டா² அனோவதி³யமானா கீளாபஸுதா ரஜ்ஜதோ பரிஹாயந்தி. யே பன ததா² படிபஜ்ஜந்தி, தேஸங் மஹல்லகராஜானோ “இத³ங் காதப்ப³ங் இத³ங் ந காதப்ப³”ந்தி போராணபவேணிங் ஆசிக்க²ந்தி. ஸங்கா³மங் பத்வாபி “ஏவங் பவிஸிதப்ப³ங், ஏவங் நிக்க²மிதப்ப³”ந்தி உபாயங் த³ஸ்ஸெந்தி. தே தேஹி ஓவதி³யமானா யதா²ஓவாத³ங் படிபஜ்ஜமானா ஸக்கொந்தி ரஜ்ஜபவேணிங் ஸந்தா⁴ரேதுங். தேன வுத்தங் - “வுத்தி⁴யேவ லிச்ச²வீ வஜ்ஜீனங் பாடிகங்கா²”தி.

குலித்தி²யோதி குலக⁴ரணியோ. குலகுமாரியோதி அனிவித்தா⁴ தாஸங் தீ⁴தரோ. ஓகஸ்ஸாதி வா பஸய்ஹாதி வா பஸய்ஹாகாரஸ்ஸேவேதங் நாமங். ஓகாஸாதிபி பட²ந்தி. தத்த² ஓகஸ்ஸாதி அவகஸித்வா ஆகட்³டி⁴த்வா. பஸய்ஹாதி அபி⁴ப⁴வித்வா அஜ்ஜொ²த்த²ரித்வாதி அயங் வசனத்தோ². ஏவஞ்ஹி கரொந்தானங் விஜிதே மனுஸ்ஸா “அம்ஹாகங் கே³ஹே புத்தபா⁴தரோபி, கே²ளஸிங்கா⁴னிகாதீ³னி முகே²ன அபனெத்வா ஸங்வட்³டி⁴தா தீ⁴தரோபி இமே ப³லக்காரேன க³ஹெத்வா அத்தனோ க⁴ரே வாஸெந்தீ”தி குபிதா பச்சந்தங் பவிஸித்வா சோரா வா சோரஸஹாயா வா ஹுத்வா ஜனபத³ங் ஹனந்தி. ஏவங் அகரொந்தானங் பன விஜிதே மனுஸ்ஸா அப்பொஸ்ஸுக்கா ஸகானி கம்மானி கரொந்தா ராஜகோஸங் வட்³டெ⁴ந்தி. ஏவமெத்த² வுத்தி⁴ஹானியோ வேதி³தப்ப³ா.

வஜ்ஜீனங் வஜ்ஜிசேதியானீதி வஜ்ஜிராஜானங் வஜ்ஜிரட்டே² சித்தீகதட்டே²ன சேதியானீதி லத்த³த⁴னாமானி யக்க²ட்டா²னானி. அப்ப³ப⁴ந்தரானீதி அந்தோனக³ரே டி²தானி. பா³ஹிரானீதி ப³ஹினக³ரே டி²தானி. தி³ன்னபுப்ப³ங் கதபுப்ப³ந்தி புப்பே³ தி³ன்னஞ்ச கதஞ்ச. நோ பரிஹாபெஸ்ஸந்தீதி அஹாபெத்வா யதா²பவத்தமேவ கரிஸ்ஸந்தி. த⁴ம்மிகங் ப³லிங் பரிஹாபெந்தானஞ்ஹி தே³வதா ஆரக்க²ங் ஸுஸங்விஹிதங் ந கரொந்தி, அனுப்பன்னங் து³க்க²ங் உப்பாதே³துங் அஸக்கொந்தியோபி உப்பன்னங் காஸஸீஸரோகா³தி³ங் வட்³டெ⁴ந்தி, ஸங்கா³மே பத்தே ஸஹாயா ந ஹொந்தி. அபரிஹாபெந்தானங் பன ஆரக்க²ங் ஸுஸங்விஹிதங் கரொந்தி, அனுப்பன்னங் ஸுக²ங் உப்பாதே³துங் அஸக்கொந்தியோபி உப்பன்னங் காஸஸீஸரோகா³தி³ங் ஹரந்தி, ஸங்கா³மஸீஸே ஸஹாயா ஹொந்தீதி. ஏவமெத்த² வுத்தி⁴ஹானியோ வேதி³தப்ப³ா.

த⁴ம்மிகா ரக்கா²வரணகுத்தீதி எத்த² ரக்கா² ஏவ யதா² அனிச்சி²தங் நாகச்ச²தி, ஏவங் ஆவரணதோ ஆவரணங். யதா² இச்சி²தங் ந நஸ்ஸதி, ஏவங் கோ³பாயனதோ குத்தி. தத்த² ப³லகாயேன பரிவாரெத்வா ரக்க²னங் பப்ப³ஜிதானங் த⁴ம்மிகா ரக்கா²வரணகுத்தி நாம ந ஹொதி. யதா² பன

விஹாரஸ்ஸ உபவனே ருக்கே² ந சி²ந்த³ந்தி, வாஜிகா வாஜங் ந கரொந்தி, பொக்க²ரணீஸு மச்சே² ந க³ண்ஹந்தி, ஏவங் கரணங் த⁴ம்மிகா ரக்கா²வரணகு³த்தி நாம. கிந்தீதி கேன நு கோ² காரணேன.

தத்த² யே அனாக³தானங் அரஹந்தானங் ஆக³மனங் ந இச்ச²ந்தி, தே அஸ்ஸத்த³தா⁴ ஹொந்தி அப்பஸன்னா. பப்³பஜிதே ஸம்பத்தே பச்சக்³மனங் ந கரொந்தி, க³ந்த்வா ந பஸ்ஸந்தி, படிஸந்தா²ரங் ந கரொந்தி, பஞ்ஹங் ந புச்ச²ந்தி, த⁴ம்மங் ந ஸுணந்தி, தா³னங் ந தெ³ந்தி, அனுமோத³னங் ந ஸுணந்தி, நிவாஸனட்டா²னங் ந ஸங்வித³ஹந்தி. அத² நேஸங் அவண்ணோ உக்க³ச்ச²தி “அஸுகோ நாம ராஜா அஸ்ஸத்த³தோ⁴ அப்பஸன்னோ, பப்³பஜிதே ஸம்பத்தே பச்சக்³மனங் ந கரோதி...பே... நிவாஸனட்டா²னங் ந ஸங்வித³ஹதீ”தி. தங் ஸுத்வா பப்³பஜிதா தஸ்ஸ நக³ரத்³வாரேன க³ச்ச²ந்தாபி நக³ரங் ந பவிஸந்தி. ஏவங் அனாக³தானங் அரஹந்தானங் அனாக³மனமேவ ஹொதி. ஆக³தானங் பன பா²ஸுவிஹாரே அஸதி யேபி அஜானித்வா ஆக³தா, தே “வஸிஸ்ஸாமாதி தாவ சிந்தெத்வா ஆக³தம்ஹா, இமேஸங் பன ராஜானங் இமினா நீஹாரேன கே வஸிஸ்ஸந்தீ”தி நிக்க²மித்வா க³ச்ச²ந்தி. ஏவங் அனாக³தேஸு அனாக³ச்ச²ந்தேஸு ஆக³தேஸு து³க்க²ங் விஹரந்தேஸு ஸோ தோ³ஸோ பப்³பஜிதானங் அனாவாஸோ ஹொதி. ததோ தே³வதாரக்கா² ந ஹொதி, தே³வதாரக்கா²ய அஸதி அமனுஸ்ஸா ஓகாஸங் லப⁴ந்தி, அமனுஸ்ஸா உஸ்ஸன்னா அனுப்பன்னங் ப்யாதி⁴ங் உப்பாதெ³ந்தி. ஸீலவந்தானங் த³ஸ்ஸனபஞ்ஹபுச்ச²னாதி³வத்து²கஸ்ஸ புஞ்ஞஸ்ஸ அனாக³மோ ஹொதி. விபரியாயேன யதா²வுத்தகண்ஹபக்க²விபரீதஸ்ஸ ஸுக்கபக்க²ஸ்ஸ ஸம்ப⁴வோ ஹொதீதி ஏவமெத்த² வுத்தி⁴ஹானியோ வேதி³தப்³பா³.

2. வஸ்ஸகாரஸுத்தவண்ணனா

22. து³தியே அபி⁴யாதுகாமோதி அபி⁴ப⁴வனத்தா²ய யாதுகாமோ. வஜ்ஜீதி வஜ்ஜிராஜானோ. ஏவங்மஹித்³தி⁴கேதி ஏவங் மஹதியா ராஜித்³தி⁴யா ஸமன்னாக³தே. ஏதேன நேஸங் ஸமக்³பா⁴வங் கதே²தி. ஏவங்மஹானுபா⁴வேதி ஏவங் மஹந்தேன ராஜானுபா⁴வேன ஸமன்னாக³தே . ஏதேன நேஸங் ஹத்தி²ஸிப்பாதீ³ஸு கதஸிக்க²தங் கதே²தி, யங் ஸந்தா⁴ய வுத்தங் - “ஸிக்கி²தா வதிமே லிச்ச²விசுமாரகா, ஸுஸிக்கி²தா வதிமே லிச்ச²விசுமாரகா, யத்ர ஹி நாம ஸுகு²மேன தாளச்சி²க்க³ளேன அஸனங் அதிபாதயிஸ்ஸந்தி பொங்கா²னுபொங்க²ங் அவிராதி⁴த”ந்தி (ஸங். நி. 5.1115). உச்செ²ச்சா²மீதி உச்சி²ந்தி³ஸ்ஸாமி. வினாஸெஸ்ஸாமீதி அத³ஸ்ஸனங் நயிஸ்ஸாமி. அனயப்³யஸனந்தி அவட்³டி⁴ஞ்சேவ, ஞாதிப்³யஸனஞ்ச. ஆபாதெ³ஸ்ஸாமீதி பாபயிஸ்ஸாமி.

இதி கிர ஸோ டா²னநிஸஜ்ஜாதீ³ஸு இமங் யுத்³த⁴கத²மேவ கதே²தி,
 “க³மனஸஜ்ஜா ஹோதா²”தி ச ப³லகாயங் ஆணாபேதி. கஸ்மா? க³ங்கா³ய கிர
 ஏகங் பட்டனகா³மங் நிஸ்ஸாய அத்³த⁴யோஜனங் அஜாதஸத்துனோ விஜிதங்,
 அத்³த⁴யோஜனங் லிச்ச²வீனங். தத்ர பப்³ப³தபாத³தோ மஹக்³க⁴ப⁴ண்ட³ங்
 ஓதரதி. தங் ஸுத்வா “அஜ்ஜ யாமி, ஸ்வே யாமீ”தி அஜாதஸத்துனோ
 ஸங்வித³ஹந்தஸ்ஸேவ லிச்ச²வினோ ஸமக்³கா³ ஸம்மோத³மானா புரேதரங்
 ஆக³ந்த்வா ஸப்³ப³ங் க³ண்ஹந்தி. அஜாதஸத்து பச்சா² ஆக³ந்த்வா தங் பவத்திங்
 ஞத்வா குஜ்ஜி²த்வா க³ச்ச²தி. தே புனஸங்வச்ச²ரேபி ததே²வ கரொந்தி. அத²
 ஸோ ப³லவாகா⁴தஜாதோ, ததா³ ஏவமகாஸி.

ததோ சிந்தேஸி - “க³ணேன ஸத்³தி⁴ங் யுத்³த⁴ங் நாம பா⁴ரியங், ஏகோபி
 மோக⁴ப்பஹாரோ நாம நத்தி². ஏகேன கோ² பன பண்டி³தேன ஸத்³தி⁴ங்
 மந்தெத்வா கரொந்தோ நிரபராதோ⁴ ஹோதி, பண்டி³தோ ச ஸத்தா²ரா
 ஸதி³ஸோ நத்தி², ஸத்தா² ச அவிதூ³ரே து⁴ரவிஹாரே வஸதி, ஹந்தா³ஹங்
 பேஸெத்வா புச்சா²மி. ஸசே மே க³தேன கோசி அத்தோ² ப⁴விஸ்ஸதி,
 ஸத்தா² துண்ஹீ ப⁴விஸ்ஸதி. அனத்தே² பன ஸதி ‘கிங் ரஞ்ஞோ தத்த²
 க³தேனா’தி வக்க²தீ”தி. ஸோ வஸ்ஸகாரங் ப்³ராஹ்மணங் பேஸேஸி.
 ப்³ராஹ்மணோ க³ந்த்வா ப⁴க³வதோ தமத்த²ங் ஆரோசேஸி. தேன வுத்தங் -
 அத² கோ² ராஜா...பே... ஆபாதெ³ஸ்ஸாமி வஜ்ஜீதி.

ப⁴க³வந்தங் பீ³ஜயமானோதி தே²ரோ வத்தஸீஸே ட²த்வா ப⁴க³வந்தங்
 பீ³ஜதி, ப⁴க³வதோ பன ஸீதங் வா உண்ஹங் வா நத்தி². ப⁴க³வா
 ப்³ராஹ்மணஸ்ஸ வசனங் ஸுத்வா தேன ஸத்³தி⁴ங் அமந்தெத்வா தே²ரேன
 ஸத்³தி⁴ங் மந்தேதுகாமோ கிந்தி தே, ஆனந்த³, ஸுதந்திஆதி³மாஹ. தங்
 வுத்தத்த²மேவ.

ஏகமிதா³ஹந்தி இத³ங் ப⁴க³வா புப்³பே³ வஜ்ஜீனங் இமஸ்ஸ
 வஜ்ஜிஸத்தகஸ்ஸ தே³ஸிதபா⁴வப்பகாஸனத்த²ங் ஆஹ. அகரணீயாதி
 அகத்தப்³பா³, அக்³க³ஹேதப்³பா³தி அத்தோ². யதி³த³ந்தி நிபாதமத்தங்.
 யுத்³த⁴ஸ்ஸாதி கரணத்தே² ஸாமிவசனங், அபி⁴முக²ங் யுத்³தே⁴ன
 க³ஹேதுங் ந ஸக்காதி அத்தோ². அஞ்ஞத்ர உபலாபனாயாதி ட²பெத்வா
 உபலாபனங். உபலாபனா நாம “அலங் விவாதே³ன, இதா³னி ஸமக்³கா³
 ஹோமா”தி ஹத்தி²அஸ்ஸரத²ஹிரஞ்ஞஸுவண்ணாதீ³னி பேஸெத்வா
 ஸங்க³ஹகரணங், ஏவஞ்ஹி ஸங்க³ஹங் கத்வா கேவலங் விஸ்ஸாலேஸேன
 ஸக்கா க³ண்ஹிதுந்தி அத்தோ². அஞ்ஞத்ர மிது²பே⁴தா³தி ட²பெத்வா
 மிது²பே⁴த³ங். இமினா “அஞ்ஞமஞ்ஞபே⁴த³ங் கத்வாபி ஸக்கா ஏதே
 க³ஹேது”ந்தி த³ஸ்ஸேதி. இத³ங் ப்³ராஹ்மணோ ப⁴க³வதோ கதா²ய நயங்
 லபி⁴த்வா ஆஹ. கிங் பன ப⁴க³வா ப்³ராஹ்மணஸ்ஸ இமாய கதா²ய
 நயலாப⁴ங் ஜானாதீதி? ஆம ஜானாதி. ஜானந்தோ கஸ்மா கதே²ஸி?

அனுகம்பாய. ஏவங் கிரஸ்ஸ அஹோஸி - “மயா அகதி²தேபி கதிபாஹேன க³ந்த்வா ஸப்³பே³ க³ண்ஹிஸ்ஸதி, கதி²தே பன ஸமக்³கே³ பி⁴ந்த³ந்தோ தீஹி ஸங்வச்ச²ரேஹி க³ண்ஹிஸ்ஸதி. எத்தகம்பி ஜீவிதமேவ வரங். எத்தகஞ்ஹி ஜீவந்தா அத்தனோ பதிட்டா²பூ⁴தங் புஞ்ஞங் கரிஸ்ஸந்தீ”தி.

அபி⁴னந்தி³த்வாதி சித்தேன நந்தி³த்வா. அனுமோதி³த்வாதி “யாவ ஸுபா⁴ஸிதமித³ங் போ⁴தா கோ³தமேனா”தி வாசாய அனுமோதி³த்வா. பக்காமீதி ரஞ்ஞோ ஸந்திகங் க³தோ. ராஜாபி தமேவ பேஸெத்வா ஸப்³பே³ பி⁴ந்தி³த்வா க³ந்த்வா அனயப்³யஸனங் பாபேஸி.

3. பட²மஸத்தகஸுத்தவண்ணனா

23. ததியே அபி⁴ண்ஹங் ஸன்னிபாதாதி இத³ங் வஜ்ஜிஸத்தகே வுத்தஸதி³ஸமேவ. இதா⁴பி ச அபி⁴ண்ஹங் அஸன்னிபதந்தா தி³ஸாஸு ஆக³தஸாஸனங் ந ஸுணந்தி, ததோ “அஸுகவிஹாரஸீமா ஆகுலா, உபோஸத²ப்பவாரணா டி²தா, அஸுகஸ்மிங் டா²னே பி⁴க்க² வேஜ்ஜகம்மதூ³தகம்மாதி³னி கரொந்தி, விஞ்ஞத்திப³ஹுலா ப²லபுப்ப²தா³னாதி³ஹி ஜீவிகங் கப்பெந்தீ”திஆதி³னி ந ஜானந்தி. பாபபி⁴க்க²பி “பமத்தோ ஸங்கோ⁴”தி ஞத்வா ராஸிபூ⁴தா ஸாஸனங் ஓஸக்காபெந்தி. அபி⁴ண்ஹங் ஸன்னிபதந்தா பன தங் பவத்திங் ஸுணந்தி, ததோ பி⁴க்கு²ஸங்க⁴ங் பேஸெத்வா ஸீமங் உஜங் காரெந்தி, உபோஸத²ப்பவாரணாயோ பவத்தாபெந்தி, மிச்சா²ஜீவானங் உஸ்ஸன்னட்டா²னே அரியவங்ஸிகே பேஸெத்வா அரியவங்ஸங் கதா²பெந்தி, பாபபி⁴க்க²னங் வினயத⁴ரேஹி நிக்³க³ஹங் காராபெந்தி. பாபபி⁴க்க²பி “அப்பமத்தோ ஸங்கோ⁴, ந ஸக்கா அம்ஹேஹி வக்³க³ப³ந்த⁴னேன விசரிது”ந்தி பி⁴ஜ்ஜித்வா பலாயந்தி. ஏவமெத்த² வுத்தி⁴ஹானியோ வேதி³தப்³பா³.

ஸமக்³கா³திஆதி³ஸு சேதியபடிஜக்³க³னத்த²ங் வா போ³தி⁴க⁴ரஉபோஸதா²கா³ர்ச்சா²த³னத்த²ங் வா கதிகவத்தங் வா ட²பேதுகாமதாய “ஸங்கோ⁴ ஸன்னிபததூ”தி பே⁴ரியா வா க⁴ண்டியா வா ஆகோடிதமத்தாய “மய்ஹங் சீவரகம்மங் அத்தி², மய்ஹங் பத்தோ பசிதப்³போ³, மய்ஹங் நவகம்மங் அத்தீ²”தி விக்³கே²பங் கரொந்தா ந ஸமக்³கா³ ஸன்னிபதந்தி நாம. ஸப்³ப³ங் பன தங் கம்மங் ட²பெத்வா “அஹங் புரிமதரங், அஹங் புரிமதர”ந்தி ஏகப்பஹாரேனேவ ஸன்னிபதந்தா ஸமக்³கா³ ஸன்னிபதந்தி நாம. ஸன்னிபதிதா பன சிந்தெத்வா மந்தெத்வா கத்தப்³ப³ங் கத்வா ஏகதோவ அவுட்ட²ஹந்தா ந ஸமக்³கா³ வுட்ட²ஹந்தி நாம. ஏவங் வுட்டி²தேஸு ஹி யே பட²மங் க³ச்ச²ந்தி, தேஸங் ஏவங் ஹோதி “அம்ஹேஹி பா³ஹிரகதா²வ ஸுதா, இதா³னி வினிச்ச²யகதா² ப⁴விஸ்ஸதீ”தி. ஏகப்பஹாரேனேவ வுட்ட²ஹந்தா ஸமக்³கா³ வுட்ட²ஹந்தி நாம. அபிச “அஸுகட்டா²னே விஹாரஸீமா ஆகுலா, உபோஸத²ப்பவாரணா டி²தா, அஸுகட்டா²னே வேஜ்ஜகம்மாதி³காரகா

பாபபி⁴க்க² உஸ்ஸன்னா³தி ஸுத்வா “கோ க³ந்த்வா தேஸங் நிக்³க³ஹங் கரிஸ்ஸதீ³தி வுத்தே “அஹங் பட²மங், அஹங் பட²ம³ந்தி வத்வா க³ச்ச²ந்தாபி ஸமக்³கா³ வுட்ட²ஹந்தி நாம.

ஆக³ந்துகங் பன தி³ஸ்வா “இமங் பரிவேணங் யாஹி, ஏதங் பரிவேணங் யாஹி, அயங் கோ³தி அவத்வா ஸப்³பே³ வத்தங் கரொந்தாபி, ஜிண்ணபத்தசீவரகங் தி³ஸ்வா தஸ்ஸ பி⁴க்கா²சாரவத்தேன பத்தசீவரங் பரியேஸந்தாபி, கி³லானஸ்ஸ கி³லானபே⁴ஸஜ்ஜங் பரியேஸமானாபி, கி³லானமேவ அனாத²ங் “அஸுகபரிவேணங் யாஹி³தி அவத்வா அத்தனோ அத்தனோ பரிவேணே படிஜக்³க³ந்தாபி, ஏகோ ஓலீயமானகோ க³ந்தோ² ஹோதி, பஞ்ஞவந்தங் பி⁴க்கு²ங் ஸங்க³ணஹித்வா தேன தங் க³ந்த²ங் உக்கி²பாபெந்தாபி ஸமக்³கா³ ஸங்க⁴கரணீயானி கரொந்தி நாம.

அப்பஞ்ஞத்தந்திஆதீ³ஸு நவங் அத⁴ம்மிகங் கதிகவத்தங் வா ஸிக்கா²பத³ங் வா க³ணஹந்தா அப்பஞ்ஞத்தங் பஞ்ஞாபெந்தி நாம புராணஸந்த²தவத்து²ஸ்மிங் ஸாவத்தி²யங் பி⁴க்க² விய. உத்³த⁴ம்மங் உப்³பி³னயங் ஸாஸனங் தீ³பெந்தா பஞ்ஞத்தங் ஸமுச்சி²ந்த³ந்தி நாம, வஸ்ஸஸதபரினிப்³பு³தே ப⁴க³வதி வேஸாலிகா வஜ்ஜிபுத்தகா விய. கு²த்தா³னுகு²த்த³கா பன ஆபத்தியோ ஸஞ்சிச்ச வீதிக்கமந்தா யதா²பஞ்ஞத்தேஸு ஸிக்கா²பதே³ஸு ஸமாதா³ய ந வத்தந்தி நாம அஸ்ஸஜிபுனப்³பு³ஸுகா விய. ததா² அகரொந்தா பன அப்பஞ்ஞத்தங் ந பஞ்ஞாபெந்தி, பஞ்ஞத்தங் ந ஸமுச்சி²ந்த³ந்தி , யதா²பஞ்ஞத்தேஸு ஸிக்கா²பதே³ஸு ஸமாதா³ய வத்தந்தி நாம ஆயஸ்மா உபஸேனோ விய, ஆயஸ்மா யஸோ காகண்ட³கபுத்தோ விய, ஆயஸ்மா மஹாகஸ்ஸபோ விய ச. வுத்தி⁴யேவாதி ஸீலாதி³கு³ணேஹி வுத்தி⁴யேவ, நோ பரிஹானி.

தே²ராதி தி²ரபா⁴வப்பத்தா தே²ரகாரகேஹி கு³ணேஹி ஸமன்னாக³தா. ப³ஹு ரத்தியோ ஜானந்தீதி ரத்தஞ்ஞா. சிரங் பப்³புஜிதானங் ஏதேஸந்தி சிரபப்³புஜிதா. ஸங்க⁴ஸ்ஸ பிதிட்டா²னே டி²தாதி ஸங்க⁴பிதரோ. பிதிட்டா²னே டி²தத்தா ஸங்க⁴ங் பரிணேந்தி, புப்³புங்க³மா ஹுத்வா தீஸு ஸிக்கா²ஸு பவத்தெந்தீதி ஸங்க⁴பரிணாயகா.

யே தேஸங் ஸக்காராதீ³னி ந கரொந்தி, ஓவாத³த்தா²ய த்³வே தயோ வாரே உபட்டா²னங் ந க³ச்ச²ந்தி, தேபி தேஸங் ஓவாத³ங் ந தெ³ந்தி, பவேணிகத²ங் ந கதெ²ந்தி, ஸாரபூ⁴தங் த⁴ம்மபரியாயங் ந ஸிக்கா²பெந்தி. தே தேஹி விஸ்ஸட்டா² ஸீலாதீ³ஹி த⁴ம்மக்க²ந்தே⁴ஹி ஸத்தஹி ச அரியத⁴னேஹீதி ஏவமாதீ³ஹி கு³ணேஹி பரிஹாயந்தி. யே பன தேஸங் ஸக்காராதீ³னி கரொந்தி, உபட்டா²னங் க³ச்ச²ந்தி, தேஸங் தே “ஏவங் தே அபி⁴க்கமிதப்³பு³ந்திஆதி³கங் ஓவாத³ங் தெ³ந்தி, பவேணிகத²ங் கதெ²ந்தி,

ஸாரபூ⁴தங் த⁴ம்மபரியாயங் ஸிக்கா²பெந்தி, தேரஸஹி து⁴தங்கே³ஹி த³ஸஹி கதா²வத்தூ²ஹி அனுஸாஸந்தி. தே தேஸங் ஓவாதே³ ட²த்வா ஸீலாதீ³ஹி கு³ணேஹி வட்³ட⁴மானா ஸாமஞ்சுத்த²ங் அனுபாபுணந்தி. ஏவமெத்த² ஹானிவுத்தி⁴யோ த³ட்ட²ப்³பா³.

புனப்³ப⁴வோ ஸீலமஸ்ஸாதி போனொப்³ப⁴விகா, புனப்³ப⁴வதா³யிகாதி அத்தோ², தஸ்ஸா போனொப்³ப⁴விகாய. ந வஸங் க³ச்சி²ஸ்ஸந்தீதி எத்த² யே சதுன்னங் பச்சயானங் காரணா உபட்டா²கானங் பதா³னுபதி³கா ஹுத்வா கா³மதோ கா³மங் விசரந்தி , தே தஸ்ஸா வஸங் க³ச்ச²ந்தி நாம. இதரே ந க³ச்ச²ந்தி. தத்த² ஹானிவுத்தி⁴யோ பாகடாயேவ.

ஆரஞ்சுகேஸுதி பஞ்சத⁴னுஸதிகபச்சி²மேஸு. ஸாபெக்கா²தி ஸாலயா. கா³மந்தஸேனாஸனேஸு ஹி ஜா²னங் அப்பெத்வாபி ததோ வுட்டி²தமத்தோவ இத்தி²புரிஸதா³ரகதா³ரிகாதி³ஸத்த³ங் ஸுணாதி, யேனஸ்ஸ அதி⁴க³தவிஸேஸோபி ஹாயதியேவ. அரஞ்சுகேஸேனாஸனே நித்த³தா³யித்வாபி பபுத்த⁴மத்தோ ஸீஹப்³யக்³க⁴மோராதி³னங் ஸத்த³ங் ஸுணாதி, யேன அரஞ்சு பீதிங் படிபி⁴த்வா தமேவ ஸம்மஸந்தோ அக்³க³ப²லே பதிட்டா²தி. இதி ப⁴க³வா கா³மந்தஸேனாஸனே ஜா²னங் அப்பெத்வா நிஸின்னபி⁴க்கு²தோ அரஞ்சு நித்த³தா³யமானமேவ பஸங்ஸதி. தஸ்மா தமேவ அத்த²வஸங் படிச்ச “ஆரஞ்சுகேஸு ஸேனாஸனேஸு ஸாபெக்கா² ப⁴விஸ்ஸந்தீ”தி ஆஹ.

பச்சத்தஞ்சுவ ஸதிங் உபட்டா²பெஸ்ஸந்தீதி அத்தனாவ அத்தனோ அப்³ப⁴ந்தரே ஸதிங் உபட்ட²பெஸ்ஸந்தி. பேஸலாதி பியஸீலா. இதா⁴பி ஸப்³ரஹ்மசாரீனங் ஆக³மனங் அனிச்ச²ந்தா நேவாஸிகா அஸ்ஸத்தா⁴ ஹொந்தி அப்பஸன்னா, விஹாரங் ஸம்பத்தபி⁴க்க²னங் பச்சக்³க³மன- பத்தசீவரபடிக்க³ஹண-ஆஸனபஞ்ஞாபனதாலவண்டக்³ஹணாதீ³னி ந கரொந்தி. அத² நேஸங் அவண்ணோ உக்³க³ச்ச²தி “அஸுகவிஹாரவாஸினோ பி⁴க்க² அஸ்ஸத்தா⁴ அப்பஸன்னா விஹாரங் பவிட்டா²னங் வத்தப்படிவத்தம்பி ந கரொந்தீ”தி. தங் ஸுத்வா பப்³ப³ஜிதா விஹாரத்³வாரேன க³ச்ச²ந்தாபி விஹாரங் ந பவிஸந்தி. ஏவங் அனாக³தானங் அனாக³மனமேவ ஹொதி. ஆக³தானங் பன பா²ஸுவிஹாரே அஸதி யேபி அஜானித்வா ஆக³தா, தே “வஸிஸ்ஸாமாதி தாவசிந்தெத்வா ஆக³தம்ஹா, இமேஸங் பன நேவாஸிகானங் இமினா நீஹாரேன கோ வஸிஸ்ஸதீ”தி நிக்க²மித்வா க³ச்ச²ந்தி. ஏவங் ஸோ விஹாரோ அஞ்சுகேஸங் பி⁴க்க²னங் அனாவாஸோவ ஹொதி. ததோ நேவாஸிகா ஸீலவந்தானங் த³ஸ்ஸனங் அலப⁴ந்தா கங்கா²வினோத³கங் வா ஆசாரஸிக்கா²பகங் வா மது⁴ரத⁴ம்மஸவனங் வா ந லப⁴ந்தி. தேஸங் நேவ அக்³க³ஹிதத⁴ம்மக்³ஹணங் ந க³ஹிதஸஜ்ஜா²யகரணங் ஹொதி. இதி நேஸங் ஹானியேவ ஹொதி, ந வுத்தி⁴.

யே பன ஸப்ரஹ்மசாரீனங் ஆகமனங் இச்சந்தி, தே ஸத்தா⁴ ஹொந்தி பஸன்னா, ஆகதானங் ஸப்ரஹ்மசாரீனங் பச்சக்³மனாதீ³னி கத்வா ஸேனாஸனங் பஞ்ஞபெத்வா தெ³ந்தி , தே க³ஹெத்வா பி⁴க்கா²சாரங் பவிஸந்தி, கங்க²ங் வினோதே³ந்தி, மது⁴ரத⁴ம்மஸ்ஸவனங் லப⁴ந்தி. அத² நேஸங் கித்திஸத்³தோ³ உக்³கச்ச²தி “அஸுகவிஹாரே பி⁴க்க² ஏவங் ஸத்தா⁴ பஸன்னா வத்தஸம்பன்னா ஸங்கா³ஹகா”தி. தங் ஸுத்வா பி⁴க்க² தூ³ரதோபி ஆகச்சந்தி. தேஸங் நேவாஸிகா வத்தங் கரொந்தி, ஸமீபங் க³ந்த்வா வுட்³ட⁴தரங் ஆக³ந்துகங் வந்தி³த்வா நிஸீத³ந்தி, நவகதரஸ்ஸ ஸந்திகே ஆஸனங் க³ஹெத்வா நிஸீதி³த்வா “இமஸ்மிங் விஹாரே வஸிஸ்ஸத², க³மிஸ்ஸதா²”தி புச்சந்தி. “க³மிஸ்ஸாமா”தி வுத்தே “ஸப்பாயங் ஸேனாஸனங், ஸுலபா⁴ பி⁴க்கா²”திஆதீ³னி வத்வா க³ந்துங் ந தெ³ந்தி. வினயத⁴ரோ சே ஹொதி, தஸ்ஸ ஸந்திகே வினயங் ஸஜ்ஜா²யந்தி. ஸுத்தந்தாதி³த⁴ரோ சே, தஸ்ஸ ஸந்திகே தங் தங் த⁴ம்மங் ஸஜ்ஜா²யந்தி. தே ஆக³ந்துகதே²ரானங் ஓவாதே³ ட²த்வா ஸஹ படிஸம்பி⁴தா³ஹி அரஹத்தங் பாபுணந்தி. ஆக³ந்துகா “ஏகங் த்³வே தி³வஸானி வஸிஸ்ஸாமாதி ஆக³தம்ஹா, இமேஸங் பன ஸுக³ஸங்வாஸதாய த்³ஸ த்³வாத்³ஸ வஸ்ஸானி வஸிம்ஹா”தி வத்தாரோ ஹொந்தி. ஏவமெத்த² ஹானிவுத்³தி⁴யோ வேதி³தப்³பா³.

4. து³தியஸத்தகஸுத்தவண்ணனா

24. சதுத்தே² ந கம்மாராமாதி யே தி³வஸங் சீவரகம்ம- காயப³ந்த⁴னபரிஸ்ஸாவன-த⁴ம்மகரண-ஸம்மஜ்ஜனி-பாத³கட²லிகாதீ³னேவ கரொந்தி, தே ஸந்தா⁴யேஸ படிக்கே²போ. யோ பன தேஸங் கரணவேலாய ஏவங் ஏதானி கரோதி, உத்³தே³ஸவேலாய உத்³தே³ஸங் க³ண்ஹாதி, ஸஜ்ஜா²யவேலாய ஸஜ்ஜா²யதி, சேதியங்க³ணவத்தவேலாய சேதியங்க³ணவத்தங் கரோதி, மனஸிகாரவேலாய மனஸிகாரங் கரோதி, ந ஸோ கம்மாராமோ நாம.

யோ இத்தி²வண்ணபுரிஸவண்ணாதி³வஸேன ஆலாபஸல்லாபங் கரொந்தோயேவ ரத்திந்தி³வங் வீதினாமேதி, ஏவருபே ப⁴ஸ்ஸே பரியந்தகாரீ ந ஹொதி, அயங் ப⁴ஸ்ஸாராமோ நாம. யோ பன ரத்திந்தி³வங் த⁴ம்மங் கதே²தி, பஞ்ஹங் விஸ்ஸஜ்ஜேதி, அயங் அப்பப⁴ஸ்ஸோவ ப⁴ஸ்ஸே பரியந்தகாரீயேவ. கஸ்மா? “ஸன்னிபதிதானங் வோ, பி⁴க்க²வே, த்³வயங் கரணியங் த⁴ம்மீ வா கதா² அரியோ வா துண்ஹீபா⁴வோ”தி (ம. நி. 1.273) வுத்தத்தா.

யோ டி²தோபி க³ச்சந்தோபி நிஸின்னோபி தி²னமித்³தா⁴பி⁴பூ⁴தோ நித்³தாயதியேவ, அயங் நித்³தா³ராமோ நாம. யஸ்ஸ பன

கரஜகாயகே³லஞ்ஞேன சித்தங் ப்⁴வங்க³ங் ஓதரதி, நாயங் நித்³தா³ராமோ.
தேனேவாஹ - “அபி்⁴ஜானாமஹங், அக்³கி³வெஸ்ஸன , கி³ம்ஹானங் பச்சி²மே
மாஸே பச்சா²ப்⁴த்தங் பிண்ட³பாதப்படிக்கந்தோ சதுக்³கு³ணங் ஸங்கா்⁴டிங்
பஞ்ஞபெத்வா த³க்கி²ணேன பஸ்ஸேன ஸதோ ஸம்பஜானோ நித்³த³ங்
ஓக்கமிதா”தி (ம. நி. 1.387).

யோ “ஏகஸ்ஸ து³தியோ, த³வின்னங் ததியோ, திண்ணங் சதுத்தோ²”தி
ஏவங் ஸங்ஸட்டோ²வ விஹரதி, ஏககோ அஸ்ஸாத³ங் ந லப்⁴தி, அயங்
ஸங்க³ணிகாராமோ. யோ பன சதூஸு இரியாபதே²ஸு ஏககோவ
அஸ்ஸாத³ங் லப்⁴தி, நாயங் ஸங்க³ணிகாராமோ.

அஸந்தஸம்பா்⁴வனிச்சா²ய ஸமன்னாக³தா து³ஸ்ஸீலா பாபிச்சா² நாம.
யேஸங் பாபகா மித்தா சதூஸு இரியாபதே²ஸு ஸஹ அயனதோ
பாபஸஹாயா, யே ச தன்னின்னதப்போணதப்பப்³பா்⁴ரதாய பாபேஸு
ஸம்பவங்கா, தே பாபமித்தா பாபஸஹாயா பாபஸம்பவங்கா நாம.

ஓரமத்தகேனாதி அவரமத்தகேன அப்பமத்தகேன. அந்தராதி அரஹத்தங்
அப்பத்வாவ எத்த²ந்தரே. வோஸானந்தி பரினிட்டி²தபா்⁴வங்
“அலமெத்தாவதா”தி ஓஸக்கனங். இத³ங் வுத்தங் ஹோதி - யாவ
ஸீலபாரிஸுத்³தி்⁴ஜ்ஜா²னவிபஸ்ஸனா ஸோதாபன்னபா்⁴வாதீ³னங்
அஞ்ஞதரமத்தகேன வோஸானங் நாபஜ்ஜிஸ்ஸந்தி, தாவ வுத்³தி்⁴யேவ
பி்⁴க்கூ²னங் பாடிகங்கா², நோ பரிஹானீதி.

7. ஸஞ்ஞாஸுத்தவண்ணனா

27. ஸத்தமே அனிச்சஸஞ்ஞாத³யோ அனிச்சானுபஸ்ஸனாதீ³ஹி
ஸஹக³தஸஞ்ஞா.

8. பட²மபரிஹானிஸுத்தவண்ணனா

28. அட்ட²மே உப்பன்னானங் ஸங்க்⁴கிச்சானங் நித்த²ரணேன பா்⁴ரங்
வஹந்தீதி பா்⁴ரவாஹினோ. தே தேன பஞ்ஞாயிஸ்ஸந்தீதி தே தே²ரா தேன
அத்தனோ தே²ரபா்⁴வானுருபேன கிச்சேன பஞ்ஞாயிஸ்ஸந்தி. தேஸு
யோக³ங் ஆபஜ்ஜதீதி பயோக³ங் ஆபஜ்ஜதி, ஸயங் தானி கிச்சானி காதுங்
ஆரப்⁴தீதி.

9. து³தியபரிஹானிஸுத்தவண்ணனா

29. நவமே பி்⁴க்கு²த³ஸ்ஸனங் ஹாபேதீதி பி்⁴க்கு²ஸங்க்⁴ஸ்ஸ
த³ஸ்ஸனத்தா²ய க³மனங் ஹாபேதி. அதி்⁴ஸீலேதி
பஞ்சஸீலத³ஸஸீலஸங்கா²தே உத்தமஸீலே. இதோ ப³ஹித்³தா்⁴தி இமம்ஹா

ஸாஸனா ப³ஹித்³தா⁴. த³க்கி²ணைய்யங் க³வேஸதீதி
தெ³ய்யத⁴ம்மபடிக்கா³ஹகே பரியேஸதி. தத்த² ச புப்³புகாரங் கரோதீதி
தேஸங் பா³ஹிரானங் தித்தி²யானங் த³த்வா பச்சா² பி⁴க்க²னங் தே³தி.
ஸேஸங் ஸப்³புத்த² உத்தானமேவாதி.

வஜ்ஜிஸத்தகவக்³கோ³ ததியோ.

4. தே³வதாவக்³கோ³

5. பட²மமித்தஸுத்தவண்ணனா

36. சதுத்த²ஸ்ஸ பஞ்சமே து³த்³த்³ந்தி து³ப்பரிச்சஜங் மஹாரஹங் ப⁴ண்ட³கங். து³க்கரங் கரோதீதி காதுங் அஸுகரங் கம்மங் கரோதி. து³க்க²மங் க²மதீதி ஸஹாயஸ்ஸ அத்தா²ய து³ரதி⁴வாஸங் அதி⁴வாஸேதி. கு³ய்ஹமஸ்ஸ ஆவிகரோதீதி அத்தனோ கு³ய்ஹங் தஸ்ஸ ஆவிகரோதி. கு³ய்ஹமஸ்ஸ பரிகு³ஹதீதி தஸ்ஸ கு³ய்ஹங் அஞ்ஞேஸங் நாசிக்க²தி. கீ²ணேன நாதிமஞ்ஞதீதி தஸ்ஸ போ⁴கே³ கீ²ணே தேன க²யேன தங் நாதிமஞ்ஞதி, தஸ்மிங் ஓமானங் அத்தனி ச அதிமானங் ந கரோதி.

6. து³தியமித்தஸுத்தவண்ணனா

37. ச²ட்டே² வத்தாதி வசனகுஸலோ. வசனக்க²மோதி வசனங் க²மதி, தி³ன்னங் ஓவாத³ங் கரோதி. க³ம்பீ⁴ரந்தி கு³ய்ஹங் ரஹஸ்ஸங் ஜா²னநிஸ்ஸிதங் விபஸ்ஸனாமக்³க³ப²லனிப்பா³னநிஸ்ஸிதங்.

7. பட²மபடிஸம்பி⁴தா³ஸுத்தவண்ணனா

38. ஸத்தமே இத³ங் மே சேதஸோ லீனத்தந்தி உப்பன்னே சேதஸோ லீனத்தே “இத³ங் மே சேதஸோ லீனத்த”ந்தி யதா²ஸபா⁴வதோ ஜானாதி. அஜ்ஜ²த்தங் ஸங்கி²த்தங் நாம தி²னமித்³தா⁴னுக்³தங். ப³ஹித்³தா⁴ விக்கி²த்தங் நாம பஞ்சஸு காமகு³ணேஸு விக்கி²த்தங். வேத³னாதிஆதீ³னி பபஞ்சமூலவஸேன க³ஹிதானி. வேத³னா ஹி தண்ஹாய மூலங் ஸுக²வஸேன தண்ஹுப்பத்திதோ, ஸஞ்ஞா தி³ட்டி²யா மூலங் அவிபூ⁴தாரம்மணே தி³ட்டி²உப்பத்திதோ, விதக்கோ மானஸ்ஸ மூலங் விதக்கவஸேன அஸ்மீதி மானுப்பத்திதோ. ஸப்பாயாஸப்பாயேஸுதி உபகாரானுபகாரேஸு. நிமித்தந்தி காரணங். ஸேஸங் ஸப்³ப³த்த² உத்தானத்த²மேவாதி.

தே³வதாவக்³கோ³ சதுத்தோ².

5. மஹாயஞ்ஞவக்³கோ³

1-2. ஸத்தவிஞ்ஞாண்டி²திஸுத்தாதி³வண்ணனா

44-45. பஞ்சமஸ்ஸ பட²மே விஞ்ஞாண்டி²தியோதி

படிஸந்தி⁴விஞ்ஞாணஸ்ஸ டா²னானி. ஸெய்யதா²பீதி நித³ஸ்ஸனத்தே² நிபாதோ, யதா² மனுஸ்ஸாதி அத்தோ². அபரிமாணேஸு ஹி சக்கவாளேஸு அபரிமாணானங் மனுஸ்ஸானங் வண்ணஸண்டா²னாதி³வஸேன த்³வேபி ஏகஸதி³ஸா நத்தி². யேபி ஹி கத்த²சி யமகபா⁴தரோ வண்ணேன வா ஸண்டா²னேன வா ஸதி³ஸா ஹொந்தி, தேஸம்பி ஆலோகிதவிலோகிதகதி²தஹஸிதக³மனட்டா²னாதீ³ஹி விஸேஸோ ஹொதியேவ. தஸ்மா நானத்தகாயாதி வுத்தா. படிஸந்தி⁴ஸஞ்ஞா பன நேஸங் திஹேதுகாபி த்³விஹேதுகாபி அஹேதுகாபி ஹொதி. தஸ்மா நானத்தஸஞ்ஞினோதி வுத்தா. ஏகச்சே ச தே³வாதி ச² காமாவசரதே³வா. தேஸு ஹி கேஸஞ்சி காயோ நீலோ ஹொதி, கேஸஞ்சி பீதகாதி³வண்ணோ. ஸஞ்ஞா பன தேஸங் த்³விஹேதுகாபி திஹேதுகாபி ஹொதி, அஹேதுகா நத்தி². ஏகச்சே ச வினிபாதிகாதி சதுஅபாயவினிமுத்தா உத்தரமாதா யக்கி²னீ, பியங்கரமாதா, பு²ஸ்ஸமித்தா, த⁴ம்மகு³த்தாதி ஏவமாதி³கா அஞ்ஞே ச வேமானிகா பேதா. ஏதேஸஞ்ஹி

பீதஓதா³தகாளமங்கு³ர்ச்ச²விஸாமவண்ணாதி³வஸேன சேவ கிஸ து²லரஸ்ஸதீ³க⁴வஸேன ச காயோ நானா ஹொதி, மனுஸ்ஸானங் விய த்³விஹேதுகதிஹேதுகஅஹேதுகவஸேன ஸஞ்ஞாபி. தே பன தே³வா விய ந மஹேஸக்கா², கபணமனுஸ்ஸா விய அப்பேஸக்கா² து³ல்லப⁴கா⁴ஸச்சா²த³னா து³க்க²பீளிதா விஹரந்தி. ஏகச்சே காளபக்கே² து³க்கி²தா ஜுண்ஹபக்கே² ஸுகி²தா ஹொந்தி. தஸ்மா ஸுக²ஸமுஸ்ஸயதோ வினிபதித்தா வினிபாதிகாதி வுத்தா. யே பனெத்த² திஹேதுகா, தேஸங் த⁴ம்மாபி⁴ஸமயோபி ஹொதி பியங்கரமாதாதீ³னங் விய.

ப்³ரஹ்மகாயிகாதி

ப்³ரஹ்மபாரிஸஜ்ஜப்³ரஹ்மபுரோஹிதமஹாப்³ரஹ்மானோ. பட²மாபி⁴னிப்³புத்தாதி தே ஸப்³பேபி பட²மஜ்ஜா²னேன அபி⁴னிப்³புத்தா. ப்³ரஹ்மபாரிஸஜ்ஜா பன பரித்தேன அபி⁴னிப்³புத்தா, தேஸங் கப்பஸ்ஸ ததியோ பா⁴கோ³ ஆயுப்பமாணங். ப்³ரஹ்மபுரோஹிதா மஜ்ஜி²மேன, தேஸங் உபட்³ட⁴கப்போ ஆயுப்பமாணங், காயோ ச தேஸங் விப்பா²ரிகதரோ ஹொதி. மஹாப்³ரஹ்மானோ பணீதேன, தேஸங் கப்போ ஆயுப்பமாணங், காயோ ச பன தேஸங் அதிவிப்பா²ரிகோவ ஹொதி. இதி தே காயஸ்ஸ நானத்தா பட²மஜ்ஜா²னவஸேன ஸஞ்ஞாய ஏகத்தா நானத்தகாயா ஏகத்தஸஞ்ஞினோதி வேதி³தப்³பா³.

யதா² ச தே, ஏவங் சதூஸு அபாயேஸு ஸத்தா. நிரயேஸு ஹி கேஸஞ்சி கா³வுதங், கேஸஞ்சி அட்³ட்⁴யோஜனங், கேஸஞ்சி யோஜனங் அத்தபா⁴வோ ஹோதி, தே³வத³த்தஸ்ஸ பன யோஜனஸதிகோ ஜாதோ. திரச்சா²னேஸுபி கேசி கு²த்³த³கா, கேசி மஹந்தா. பெத்திவிஸயேஸுபி கேசி ஸட்டி²ஹத்தா², கேசி அஸீதிஹத்தா² ஹொந்தி, கேசி ஸுவண்ணா, கேசி து³ப்³பண்ணா. ததா² காலகஞ்சிகா அஸுரா. அபிசெத்த² தீ³க⁴பிட்டி²கபேதா நாம ஸட்டி²யோஜனிகாபி ஹொந்தி. ஸஞ்ஞா பன ஸப்³பே³ஸம்பி அகுஸலவிபாகாஹேதுகாவ ஹொதி. இதி ஆபாயிகாபி நானத்தகாயா ஏகத்தஸஞ்ஞினோத்வேவ ஸங்க்²யங் க³ச்ச²ந்தி.

ஆப⁴ஸ்ஸராதி த³ண்ட³உக்காய அச்சி விய ஏதேஸங் ஸரீரதோ ஆபா⁴ சி²ஜ்ஜித்வா சி²ஜ்ஜித்வா பதந்தீ விய ஸரதி விஸ்ஸரதீதி ஆப⁴ஸ்ஸரா. தேஸு பஞ்சகனயே து³தியததியஜ்ஜா²னத்³வயங் பரித்தங் பா⁴வெத்வா உபபன்னா பரித்தாபா⁴ நாம ஹொந்தி, தேஸங் த்³வே கப்பா ஆயுப்பமாணங். மஜ்ஜி²மங் பா⁴வெத்வா உபபன்னா அப்பமாணாபா⁴ நாம ஹொந்தி, தேஸங் சத்தாரோ கப்பா ஆயுப்பமாணங். பணீதங் பா⁴வெத்வா உபபன்னா ஆப⁴ஸ்ஸரா நாம ஹொந்தி, தேஸங் அட்ட² கப்பா ஆயுப்பமாணங். இத⁴ பன உக்கட்ட²பரிச்சே²த³வஸேன ஸப்³பே³வ தே க³ஹிதா. ஸப்³பே³ஸஞ்ஞஹி தேஸங் காயோ ஏகவிப்பா²ரோவ ஹொதி, ஸஞ்ஞா பன அவிதக்கவிசாரமத்தா வா அவிதக்கஅவிசாரா வாதி நானா.

ஸுப⁴கிண்ஹாதி ஸுபே⁴ன வோகிண்ணா விகிண்ணா, ஸுபே⁴ன ஸரீரப்பபா⁴வண்ணேன ஏகக்³க⁴னாதி அத்தோ². ஏதேஸஞ்ஞஹி ந ஆப⁴ஸ்ஸரானங் விய சி²ஜ்ஜித்வா சி²ஜ்ஜித்வா பபா⁴ க³ச்ச²தி. பஞ்சகனயே பன பரித்தமஜ்ஜி²மபணீதஸ்ஸ சதுத்த²ஜ்ஜா²னஸ்ஸ வஸேன ஸோளஸபா³த்திங்ஸசதுஸ்ஸட்டி²கப்பாயுகா பரித்தஅப்பமாணஸுப⁴கிண்ஹா நாம ஹுத்வா நிப்³ப³த்தந்தி. இதி ஸப்³பே³பி தே ஏகத்தகாயா சேவ சதுத்த²ஜ்ஜா²னஸஞ்ஞாய ஏகத்தஸஞ்ஞினோ சாதி வேதி³தப்³பா³. வேஹப்ப²லாபி சதுத்த²விஞ்ஞாணட்டி²திமேவ ப⁴ஜந்தி. அஸஞ்ஞஸத்தா விஞ்ஞாணாபா⁴வா எத்த² ஸங்க³ஹங் ந க³ச்ச²ந்தி, ஸத்தாவாஸேஸு க³ச்ச²ந்தி.

ஸுத்தா⁴வாஸா விவட்டபக்கே² டி²தா ந ஸப்³ப³காலிகா, கப்பஸதஸஹஸ்ஸம்பி அஸங்கெ²ய்யம்பி புத்³த⁴ஸுஞ்ஞே லோகே ந உப்பஜ்ஜந்தி. ஸோளஸகப்பஸஹஸ்ஸஅப்³ப⁴ந்தரே புத்³தே⁴ஸு உப்பன்னேஸுயேவ உப்பஜ்ஜந்தி. த⁴ம்மசக்கப்பவத்திஸ்ஸ ப⁴க³வதோ க²ந்தா⁴வாரட்டா²னஸதி³ஸா ஹொந்தி. தஸ்மா நேவ விஞ்ஞாணட்டி²திங் ந ஸத்தாவாஸங் ப⁴ஜந்தி. மஹாஸீவத்தே²ரோ பன “ந கோ² பன ஸோ, ஸாரிபுத்த, ஆவாஸோ ஸுலப⁴ருபோ, யோ மயா அனாவுத்த²புப்³போ³ இமினா

தீ³கே⁴ன அத்³து⁴னா அஞ்ஞத்ர ஸுத்³தா⁴வாஸேஹி தே³வேஹி²தி (ம. நி. 1.160) இமினா ஸுத்தேன ஸுத்³தா⁴வாஸாபி சதுத்த²விஞ்ஞாணட்டி²திங் சதுத்த²ஸத்தாவாஸஞ்ச ப⁴ஜந்தீதி வத³தி, தங் அப்பதிபா³ஹியத்தா ஸுத்தஸ்ஸ அனுஞ்ஞாதங்.

நேவஸஞ்ஞானாஸஞ்ஞாயதனங் யதே²வ ஸஞ்ஞாய, ஏவங் விஞ்ஞாணஸ்ஸாபி ஸுகு²மத்தா நேவ விஞ்ஞாணங் நாவிஞ்ஞாணங். தஸ்மா விஞ்ஞாணட்டி²தீஸு ந வுத்தங். து³தியே ஸமாதி⁴பரிக்கா²ராதி மக்³க³ஸமாதி⁴ஸ்ஸ ஸம்பா⁴ரா.

3. பட²மஅக்³கி³ஸுத்தவண்ணனா

46. ததியே ஸப்³பே³பி ராகா³த³யோ அனுட³ஹனட்டே²ன அக்³கீ³. ஆஹு²னெய்யக்³கீ³திஆதீ³ஸு பனெத்த² ஆஹு²னங் வுச்சதி ஸக்காரோ, ஆஹு²னங் அரஹந்தீதி ஆஹு²னெய்யா. மாதாபிதரோ ஹி புத்தானங் ப³ஹுபகாரத்தா ஆஹு²னங் அரஹந்தி, தேஸு விப்படிபஜ்ஜமானா புத்தா நிரயாதீ³ஸு நிப்³புத்தந்தி. தஸ்மா கிஞ்சாபி மாதாபிதரோ ந அனுட³ஹந்தி, அனுட³ஹனஸ்ஸ பன பச்சயா ஹொந்தி. இதி அனுட³ஹனட்டே²னேவ ஆஹு²னெய்யக்³கீ³தி வுச்சந்தி. க³ஹபதீ³தி பன கே³ஹஸாமிகோ வுச்சதி, ஸோ மாதுகா³மஸ்ஸ ஸயனவத்தா²லங்காராதி³அனுப்பதா³னேன ப³ஹுபகாரோ. தங் அதிசரந்தோ மாதுகா³மோ நிரயாதீ³ஸு நிப்³புத்ததி. தஸ்மா ஸோபி புரிமனயேனேவ அனுட³ஹனட்டே²ன க³ஹபதக்³கீ³தி வுத்தோ. து³க்கி²னெய்யக்³கீ³தி எத்த² பன து³க்கி²ணாதி சத்தாரோ பச்சயா, பி⁴க்கு²ஸங்கோ⁴ து³க்கி²னெய்யோ. ஸோ ஹி கி³ஹீனங் தீஸு ஸரணேஸு பஞ்சஸு ஸீலேஸு த³ஸஸு ஸீலேஸு மாதாபிதுபட்டா²னே த⁴ம்மிகஸமணப்³ராஹ்மணுபட்டா²னேதி ஏவமாதீ³ஸு கல்யாணத⁴ம்மேஸு நியோஜனேன ப³ஹுபகாரோ. தஸ்மிங் மிச்சா²படிபன்னா கி³ஹீ பி⁴க்கு²ஸங்க⁴ங் அக்கோஸித்வா பரிபா⁴ஸித்வா நிரயாதீ³ஸு நிப்³புத்தந்தி. தஸ்மா ஸோபி புரிமனயேனேவ அனுட³ஹனட்டே²ன து³க்கி²னெய்யக்³கீ³தி வுத்தோ. கட்ட²தோ நிப்³புத்தோ பாகதிகோவ அக்³கி³ கட்ட²க்³கி³ நாம.

4. து³தியஅக்³கி³ஸுத்தவண்ணனா

47. சதுத்தே² உக்³க³தஸரீரஸ்ஸாதி ஸோ கிர ப்³ராஹ்மணமஹாஸாலோ அத்தபா⁴வேனபி போ⁴கே³ஹிபி உக்³க³தோ ஸாரப்பத்தோ அஹொஸி, தஸ்மா உக்³க³தஸரீரொத்வேவ பஞ்ஞாயித்த². உபக்³க³டோதி பச்சபட்டி²தோ. து²ஹாபனீதானீதி யூபஸங்கா²தங் து²ணங் உபனீதானி. யஞ்ஞத்தா²யாதி வதி⁴த்வா யஜனத்தா²ய. உபஸங்கமீதி ஸோ கிர ஸப்³புங் தங் யஞ்ஞஸம்பா⁴ரங் ஸஜ்ஜெத்வா சிந்தேஸி - “ஸமணோ கிர கோ³தமோ மஹாபஞ்ஞோ, கிங் நு கோ² மே யஞ்ஞஸ்ஸ வண்ணங் கதெ²ஸ்ஸதி

உதா³ஹு அவண்ணங், புச்சி²த்வா ஜானிஸ்ஸாமீ²தி இமினா காரணேன யேன ப⁴க³வா தேனுபஸங்கமி. அக்³கி³ஸ்ஸ ஆதா³னந்தி யஞ்ஞயஜனத்தா²ய நவஸ்ஸ மங்க³லக்³கி³னோ ஆதி³யனங். ஸப்³பே³ன ஸப்³பு³ந்தி ஸப்³பே³ன ஸுதேன ஸப்³பு³ங் ஸுதங் ஸமேதி ஸங்ஸந்த³தி, ஏகஸதி³ஸங் ஹோதீதி து³ஸ்ஸேதி. ஸத்தா²னீதி விஹிங்ஸனட்டே²ன ஸத்தா²னி வியாதி ஸத்தா²னி. ஸயங் பட²மங் ஸமாரம்ப⁴தீதி அத்தனாவ பட²மதரங் ஆரப⁴தி. ஹந்துந்தி ஹனிதுங்.

பஹாதப்³பா³தி பரிஹரிதப்³பா³. அதோஹயந்தி அதோ ஹி மாதாபிதிதோ அயங். ஆஹுதோதி ஆக³தோ. ஸம்பு⁴தோதி உப்பன்னோ. அயங் வுச்சதி, ப்³ராஹ்மண, க³ஹபதக்³கீ³தி அயங் புத்ததா³ராதி³க³னோ யஸ்மா, க³ஹபதி, விய கே³ஹஸாமிகோ விய ஹுத்வா அக்³கதி விசரதி, தஸ்மா க³ஹபதக்³கீ³தி வுச்சதி. அத்தானந்தி சித்தங். த³மெந்தீதி இந்த³ரியத³மனேன த³மெந்தி. ஸமெந்தீதி ராகா³தி³ஸமனேன ஸமெந்தி. தேஸஞ்ஞேவ பரினிப்³பா³பனேன பரினிப்³பா³பெந்தி. நிக்கி²பிதப்³போ³தி யதா² ந வினஸ்ஸதி, ஏவங் ட²பேதப்³போ³. உபவாயதந்தி உபவாயது. ஏவஞ்ச பன வத்வா ப்³ராஹ்மணோ ஸப்³பே³ஸம்பி தேஸங் பாணானங் ஜீவிதங் த³த்வா யஞ்ஞஸாலங் வித்³த⁴ங்ஸெத்வா ஸத்து² ஸாஸனே ஒபானபு⁴தோ அஹோஸீதி.

5-6. ஸஞ்ஞாஸுத்தத்³வயவண்ணனா

48-49. பஞ்சமே அமதோக³தா⁴தி நிப்³பா³னபதிட்டா². அமதபரியோஸானாதி நிப்³பா³னாவஸானா. ச²ட்டே² மேது²னத⁴ம்மஸமாபத்தியாதி மேது²னத⁴ம்மேன ஸமங்கி³பா⁴வதோ. ந்ஹாருத³த்³து³லந்தி ந்ஹாருக²ண்ட³ங் ந்ஹாருவிலேக²னங் வா. அனுஸந்த³தீதி பவத்ததி. நத்தி² மே புப்³பே³னாபரங் விஸேஸோதி நத்தி² மய்ஹங் புப்³பே³ன அபா⁴விதகாலேன ஸத்³தி⁴ங் அபரங் பா⁴விதகாலே விஸேஸோ. லோகசித்ரேஸுதி திதா⁴துகலோகஸன்னிவாஸஸங்கா²தேஸு லோகசித்ரேஸு. ஆலஸ்யேதி ஆலஸியபா⁴வே. விஸ்ஸட்டி²யேதி விஸ்ஸட்ட²பா⁴வே. அனநுயோகே³தி யோக³ஸ்ஸ அனநுயுஞ்ஜனே. அஹங்காரமமங்காரமானாபக³தந்தி அஹங்காரதி³ட்டி²தோ ச மமங்காரதண்ஹாதோ ச நவவித⁴மானதோ ச அபக³தங். விதா⁴ஸமதிக்கந்தந்தி திஸ்ஸோ விதா⁴ அதிக்கந்தங். ஸந்தந்தி தப்பச்சனீககிலேஸேஹி ஸந்தங். ஸுவிமுத்தந்தி பஞ்சஹி விமுத்தீஹி ஸுட்டு² விமுத்தங்.

7. மேது²னஸுத்தவண்ணனா

50. ஸத்தமே உபஸங்கமீதி பு⁴த்தபாதராஸோ தா³ஸகம்மகரபரிவுதோ உபஸங்கமி. ப⁴வம்பினோதி ப⁴வம்பி நு. ப்³ரஹ்மசாரீ படிஜானாதீதி “அஹங் ப்³ரஹ்மசாரீ”தி ஏவங் ப்³ரஹ்மசரியவாஸங் படிஜானாதீதி புச்ச²தி.

ஏவங் கிரஸ்ஸ அஹோஸி - “ப்ராஹ்மணஸமயே வேத³ங் உக்³க்³ண்ஹந்தா அட்ட²சத்தாலீஸ வஸ்ஸானி ப்ரஹ்மசரியங் சரந்தி. ஸமணோ பன கோ³தமோ அகா³ரங் அஜ்ஜ²வஸந்தோ தீஸு பாஸாதே³ஸு திவித⁴னாடகரதியா அபி⁴ரமி, இதா³னி கிங் நு கோ² வக்க²தீ²தி இமமத்த²ங் ஸந்தா⁴யேவங் புச்ச²தி. ததோ ப⁴க்³வா மந்தேன கண்ஹஸப்பங் க்³ண்ஹந்தோ விய அமித்தங் கீ³வாய பாதே³ன அக்கமந்தோ விய அத்தனோ ஸங்கிலேஸகாலே ச²ப்³ப்³ஸ்ஸானி பதா⁴னசரியாய ரஜ்ஜஸுக²ங் வா பாஸாதே³ஸு நாடகஸம்பத்திங் வா ஆரப்³ப்⁴ விதக்கமத்தஸ்ஸாபி அனுப்பன்னபா⁴வங் ஸந்தா⁴ய ஸீஹனாத³ங் நத³ந்தோ யஞ்ஹி தங் ப்ராஹ்மணாதிஆதி³மாஹ. தத்த² த்³வயங்த்³வயஸமாபத்திந்தி த்³வீஹி த்³வீஹி ஸமாபஜ்ஜிதப்³ப்³பா⁴வங். து³க்க²ஸ்மாதி ஸகலவட்டது³க்க²தோ. ஸஞ்ஜக்³க்⁴தீதி ஹஸிதகத²ங் கதே²தி. ஸங்கீளதீதி கேளிங் கரோதி. ஸங்கேளாயதீதி மஹாஹஸிதங் ஹஸதி. சக்கு²னா சக்கு²ந்தி அத்தனோ சக்கு²னா தஸ்ஸா சக்கு²ங் படிவிஜ்ஜி²த்வா உபனிஜ்ஜ²யதி. திரோகுட்டங் வா திரோபாகாரங் வாதி பரகுட்டே வா பரபாகாரே வா. தே³வோதி ஏகோ தே³வராஜா. தே³வஞ்ஞதரோதி அஞ்ஞதரோ தே³வபுத்தோ. அனுத்தரங் ஸம்மாஸம்போ³தி⁴ந்தி அரஹத்தஞ்சேவ ஸப்³ப்³ஞ்ஞதஞ்ஞாணஞ்ச.

8. ஸங்யோக³ஸுத்தவண்ணனா

51. அட்ட²மே ஸங்யோக³விஸங்யோக³ந்தி

ஸங்யோக³விஸங்யோக³ஸாத⁴கங். த⁴ம்மபரியாயந்தி த⁴ம்மகாரணங். அஜ்ஜ²த்தங் இத்தி²ந்த³ரியந்தி நியகஜ்ஜ²த்தே இத்தி²பா⁴வங். இத்தி²குத்தந்தி இத்தி²கிரியங். இத்தா²கப்பந்தி நிவாஸனபாருபனாதி³இத்தி²ஆகப்பங். இத்தி²வித⁴ந்தி இத்தி²யா மானவித⁴ங். இத்தி²சந்த³ந்தி இத்தி²யா அஜ்ஜ²ஸயச்சந்த³ங். இத்தி²ஸ்ஸரந்தி இத்தி²ஸத³த³ங். இத்தா²லங்காரந்தி இத்தி²யா பஸாத⁴னப⁴ண்ட³ங். புரிஸிந்த³ரியாதீ³ஸுபி ஏஸேவ நயோ. ப்³ஹித்தா⁴ ஸங்யோக³ந்தி புரிஸேன ஸத³தி⁴ங் ஸமாக³மங். அதிவத்ததீதி அனபி⁴ரதாதி ஏவங் வுத்தாய ப்³லவவிபஸ்ஸனாய அரியமக்³க்³ங் பத்வா அதிவத்ததி. இமஸ்மிங் ஸுத்தே வட்டவிவட்டங் கதி²தங்.

9. தா³னமஹப்ப²லஸுத்தவண்ணனா

52. நவமே ஸாபேகோ²தி ஸதண்ஹோ. படிப³த்³த⁴சித்தோதி விபாகே

ப³த்³த⁴சித்தோ. ஸன்னிதி⁴பேகோ²தி நிதா⁴னபேகோ² ஹுத்வா. பேச்சாதி பரலோகங் க்³ந்த்வா. தங் கம்மங் கே²பெத்வாதி தங் கம்மவிபாகங் கே²பெத்வா. இத்³தி⁴ந்தி விபாகித்³தி⁴ங். யஸந்தி பரிவாரஸம்பத³ங். ஆதி⁴பச்சந்தி ஜெட்ட²பா⁴வகாரணங். ஆக³ந்தா இத்த²த்தந்தி இத்த²பா⁴வங் இமே பஞ்சக்க³ந்தே⁴ புன ஆக³ந்தா, ந தத்ருபபத்திகோ ந உபருபபத்திகோ,

ஹெட்டா²கா³மீயேவ ஹோதீதி அத்தோ². ஸாஹு தா³னந்தி தா³னங் நாமேதங்
 ஸாது⁴ ப⁴த³த³கங் ஸுந்த³ரங். தானி மஹாயஞ்ஞானீதி தானி
 ஸப்பினவனீத³தி⁴மது⁴பா²ணிதாதீ³ஹி நிட்டா²னங் க³தானி மஹாதா³னானி.
 சித்தாலங்காரசித்தபரிக்கா³ரந்தி ஸமத²விபஸ்ஸனாசித்தஸ்ஸ
 அலங்காரபூ⁴தஞ்சேவ பரிவாரபூ⁴தஞ்ச. ப்ரஹ்மகாயிகானங் தே³வானங்
 ஸஹப்³யதந்தி ந ஸக்கா தத்த² தா³னேன உபபஜ்ஜிதுங். யஸ்மா பன தங்
 ஸமத²விபஸ்ஸனாசித்தஸ்ஸ அலங்காரபூ⁴தங், தஸ்மா தேன
 தா³னாலங்கதேன சித்தேன ஜா²னஞ்சேவ அரியமக்³க³ஞ்ச நிப்³புத்தெத்வா
 ஜா²னேன தத்த² உபபஜ்ஜதி. அனாகா³மீ ஹோதீதி ஜா²னானாகா³மீ நாம
 ஹோதி. அனாக³ந்தா இத்த²த்தந்தி புன இத்த²பா⁴வங் ந ஆக³ந்தா,
 உபருபபத்திகோ வா தத்ருபபத்திகோ வா ஹுத்வா தத்தே²வ பரினிப்³பா³யதி.
 இதி இமேஸு தா³னேஸு பட²மங் தண்ஹுத்தரியதா³னங், து³தியங்
 சித்தீகாரதா³னங், ததியங் ஹிரொத்தப்பதா³னங், சதுத்த²ங் நிரவஸேஸதா³னங் ,
 பஞ்சமங் த³க்கி²ணெய்யதா³னங், ச²ட்ட²ங் ஸோமனஸ்ஸபவிசாரதா³னங்,
 ஸத்தமங் அலங்காரபரிவாரதா³னங் நாமாதி.

10. நந்த³மாதாஸுத்தவண்ணனா

53. த³ஸமங் அத்து²ப்பத்திவஸேன தே³ஸிதங். ஸத்தா² கிர வுத்த²வஸ்ஸோ
 பவாரெத்வா த்³வே அக்³க³ஸாவகே ஓஹாய “த³க்கி²ணாகி³ரிங் சாரிகங்
 க³மிஸ்ஸாமீ”தி நிக்க²மி, ராஜா பஸேனதி³ கோஸலோ, அனாத²பிண்டி³கோ
 க³ஹபதி, விஸாகா² மஹாஉபாஸிகா, அஞ்ஞே ச ப³ஹுஜனா த³ஸப³லங்
 நிவத்தேதுங் நாஸக்கி²ங்ஸு. அனாத²பிண்டி³கோ க³ஹபதி “ஸத்தா²ரங்
 நிவத்தேதுங் நாஸக்கி²”ந்தி ரஹோ சிந்தயமானோ நிஸீதி³. அத² நங் புண்ணா
 நாம தா³ஸீ தி³ஸ்வா “கிங் நு கோ² தே, ஸாமி, ந புப்³பே³ விய இந்த்³ரியானி
 விப்பஸன்னானீ”தி புச்சி². ஆம, புண்ணே, ஸத்தா² சாரிகங் பக்கந்தோ, தமஹங்
 நிவத்தேதுங் நாஸக்கி²ங். ந கோ² பன ஸக்கா ஜானிதுங் புன ஸீக்⁴ங்
 ஆக³ச்செ²ய்ய வா ந வா, தேனாஹங் சிந்தயமானோ நிஸின்னோதி. ஸசாஹங்
 த³ஸப³லங் நிவத்தெய்யங், கிங் மே கரெய்யாஸீதி? பு⁴ஜிஸ்ஸங் தங்
 கரிஸ்ஸாமீதி. ஸா க³ந்த்வா ஸத்தா²ரங் வந்தி³த்வா “நிவத்த², ப⁴ந்தே”தி
 ஆஹ. மம நிவத்தனபச்சயா த்வங் கிங் கரிஸ்ஸஸீதி? தும்ஹே, ப⁴ந்தே, மம
 பராதீ⁴னபா⁴வங் ஜானாத², அஞ்ஞங் கிஞ்சி காதுங் ந ஸக்கோமி, ஸரணேஸு
 பன பதிட்டா²ய பஞ்ச ஸீலானி ரக்கி²ஸ்ஸாமீதி. ஸாது⁴ ஸாது⁴ புண்ணேதி,
 ஸத்தா² த⁴ம்மகா³ரவேன ஏகபத³ஸ்மிஞ்ஞேவ நிவத்தி. வுத்தஞ்ஹேதங் -
 “த⁴ம்மக³ரு, பி⁴க்க²வே, ததா²க³தோ த⁴ம்மகா³ரவோ”தி (அ. நி. 5.99).

ஸத்தா² நிவத்தித்வா ஜேதவனமஹாவிஹாரங் பாவிஸி. மஹாஜனோ
 புண்ணாய ஸாது⁴காரஸஹஸ்ஸானி அதா³ஸி. ஸத்தா² தஸ்மிங் ஸமாக³மே
 த⁴ம்மங் தே³ஸேஸி, சதுராஸீதிபாணஸஹஸ்ஸானி அமதபானங் பிவிங்ஸு.

புண்ணாபி ஸெட்டி²னா அனுஞ்ஞாதா பி⁴க்கு²னிஉபஸ்ஸயங் க³ந்த்வா பப்³புஜி. ஸம்மாஸம்பு³த்தோ⁴ ஸாரிபுத்தமொக்³க்³ல்லானே ஆமந்தெத்வா “அஹங் யங் தி³ஸங் சாரிகாய நிக்க²ந்தோ, தத்த² ந க³ச்சா²மி. தும்ஹே தும்ஹாகங் பரிஸாய ஸத்³தி⁴ங் தங் தி³ஸங் சாரிகங் க³ச்ச²தா²”தி வத்வா உய்யோஜேஸி. இமிஸ்ஸங் அத்து²ப்பத்தியங் ஏகங் ஸமயங் ஆயஸ்மா ஸாரிபுத்தோதிஆதி³ வத்தங்.

தத்த² வேளுகண்ட³கீதி வேளுகண்டகனக்³ரவாஸினீ. தஸ்ஸ கிர நக்³ரஸ்ஸ பாகாரகு³த்தத்தா²ய பாகாரபரியந்தேன வேளு ரோபிதா, தேனஸ்ஸ வேளுகண்டகந்தேவ நாமங் ஜாதங். பாராயனந்தி நிப்³பா³னஸங்கா²தபாரங் அயனதோ பாராயனந்தி லத்³த⁴வோஹாரங் த⁴ம்மங். ஸரேன பா⁴ஸதீதி ஸத்தபு⁴மிகஸ்ஸ பாஸாத³ஸ்ஸ உபரிமதலே ஸுஸங்விஹிதார்க்க²ட்டா²னே நிஸின்னா ஸமாபத்திப³லேன ரத்திபா⁴க்³ங் வீதினாமெத்வா ஸமாபத்திதோ வுட்டா²ய “இமங் ரத்தாவஸேஸங் கதராய ரதியா வீதினாமெஸ்ஸாமீ”தி சிந்தெத்வா “த⁴ம்மரதியா”தி கதஸன்னிட்டா²னா தீணி ப²லானி பத்தா அரியஸாவிகா அட்³ட⁴தெய்யகா³தா²ஸதபரிமாணங் பாராயனஸுத்தங் மது⁴ரேன ஸரப⁴ஞ்ஞேன பா⁴ஸதி. அஸ்ஸோஸி கோ²தி ஆகாஸட்ட²கவிமானானி பரிஹரித்வா தஸ்ஸ பாஸாத³ஸ்ஸ உபரிபா⁴க்³ங் க³தேன மக்³கே³ன நரவாஹனயானங் ஆருய்ஹ க³ச்ச²மானோ அஸ்ஸோஸி. கதா²பரியோஸானங் ஆக³மயமானோ அட்டா²ஸீதி “கிங் ஸத்³தோ³ ஏஸ ப⁴ணே”தி புச்சித்வா “நந்த³மாதாய உபாஸிகாய ஸரப⁴ஞ்ஞஸத்³தோ³”தி வத்தே ஓதரித்வா “இத³மவோசா”தி இத³ங் தே³ஸனாபரியோஸானங் ஓலோகெந்தோ அவிது³ரட்டா²னே ஆகாஸே அட்டா²ஸி.

ஸாது⁴ ப⁴கி³னி, ஸாது⁴ ப⁴கி³னீதி “ஸுக்³க்³ஹிதா தே ப⁴கி³னி த⁴ம்மதே³ஸனா ஸுகதி²தா, பாஸாணகசேதியே நிஸீதி²த்வா ஸோளஸன்னங் பாராயனிகப்³ராஹ்மணானங் ஸம்மாஸம்பு³த்தே⁴ன கதி²ததி³வஸே ச அஜ்ஜ ச ந கிஞ்சி அந்தரங் பஸ்ஸாமி, மஜ்ஜே² பி⁴ன்னஸுவண்ணங் விய தே ஸத்து² கதி²தேன ஸத்³தி⁴ங் ஸதி³ஸமேவ கதி²த²ந்தி வத்வா ஸாது⁴காரங் த³ந்தோ ஏவமாஹ. கோ பனேஸோ ப⁴த்³ரமுகா²தி இமஸ்மிங் ஸுஸங்விஹிதார்க்க²ட்டா²னே ஏவங் மஹந்தேன ஸத்³தே³ன கோ நாமேஸ, ப⁴த்³ரமுக², லத்³த⁴முக², கிங் நாகோ³ ஸுபண்ணோ தே³வோ மாரோ ப்³ரஹ்மாதி ஸுவண்ணபட்டவண்ணங் வாதபானங் விவரித்வா விக³தஸாரஜ்ஜா தீணி ப²லானி பத்தா அரியஸாவிகா வெஸ்ஸவணேன ஸத்³தி⁴ங் கத²யமானா ஏவமாஹ. அஹங் தே ப⁴கி³னி பா⁴தாதி ஸயங் ஸோதாபன்னத்தா அனாகா³மிஅரியஸாவிகங் ஜெட்டி²கங் மஞ்ஞமானோ “ப⁴கி³னீ”தி வத்வா புன தங் பட²மவயே டி²தத்தா அத்தனோ கனிட்ட²ங், அத்தானங் பன நவுதிவஸ்ஸஸதஸஹஸ்ஸாயுகத்தா மஹல்லகதரங் மஞ்ஞமானோ “பா⁴தா”தி ஆஹ. ஸாது⁴ ப⁴த்³ரமுகா²தி, ப⁴த்³ரமுக², ஸாது⁴ ஸுந்த³ரங்,

ஸ்வாக்மனங் தே ஆக்மனங், ஆக்ந்துங் யுத்தட்டா²னமேவஸி ஆக்தோதி
அத்தோ². இத³ங் தே ஹோது ஆதிதெ²ய்யந்தி இத³மேவ த⁴ம்மப⁴ணனங் தவ
அதிதி²பண்ணாகாரோ ஹோது, ந ஹி தே அஞ்ஞங் இதோ உத்தரிதரங்
தா³தப்³பங் பஸ்ஸாமீதி அதி⁴ப்பாயோ . ஏவஞ்சேவ மே ப⁴விஸ்ஸதி
ஆதிதெ²ய்யந்தி ஏவங் அத்தனோ பத்திதா³னங் யாசித்வா “அயங் தே
த⁴ம்மகதி²கஸக்காரோ”தி அட்³ட்⁴தேளஸானி கொட்ட²ஸதானி ரத்தஸாலீனங்
பூரெத்வா “யாவாயங் உபாஸிகா சரதி, தாவ மா க²யங் க³மிங்ஸு”தி
அதி⁴ட்ட²ஹித்வா பக்காமி. யாவ உபாஸிகா அட்டா²ஸி, தாவ கொட்டா²னங்
ஹெட்டி²மதலங் நாம த³ட்டு²ங் நாஸக்கி²ங்ஸு. ததோ பட்டா²ய “நந்த³மாதாய
கொட்டா²கா³ரங் வியா”தி வோஹாரோ உத³பாதி³.

அகதபாதராஸோதி அபு⁴த்தபாதராஸோ. புஞ்ஞந்தி புப்³ப்சேதனா ச
முஞ்சனசேதனா ச. புஞ்ஞமஹீதி அபரசேதனா. ஸுகா²ய ஹோதூதி
ஸுக²த்தா²ய ஹிதத்தா²ய ஹோது. ஏவங் அத்தனோ தா³னே
வெஸ்ஸவணஸ்ஸ பத்திங் அதா³ஸி.

பகரணேதி காரணே. ஓக்கஸ்ஸ பஸ்யஹாதி ஆகட்³டி⁴த்வா
அபி⁴ப⁴வித்வா. யக்க²யோனிந்தி பு⁴ம்மதே³வதாபா⁴வங். தேனேவ புரிமேன
அத்தபா⁴வேன உத்³த³ஸ்ஸேதீதி புரிமஸரீரஸதி³ஸமேவ ஸரீரங் மாபெத்வா
அலங்கதபடியத்தோ ஸிரிக³ப்³ப⁴ஸயனதலே அத்தானங் த³ஸ்ஸேதி.
உபாஸிகா படிதே³ஸிதாதி உபாஸிகா அஹந்தி ஏவங் உபாஸிகாபா⁴வங்
தே³ஸேஸிங். யாவதே³தி யாவதே³வ. ஸேஸங் ஸப்³ப³த்த² உத்தானமேவாதி.

மஹாயஞ்ஞவக்³கோ³ பஞ்சமோ.

பண்ணாஸகங் நிட்டி²தங்.

6. அப்யாகதவக்³கோ³

1. அப்யாகதஸுத்தவண்ணனா

54. ச²ட்ட²வக்³க³ஸ்ஸ பட²மே அப்யாகதவத்தூ²ஸுதி ஏகங்ஸாதி³வஸேன அகதி²தவத்தூ²ஸு. ததா²க³தோதி ஸத்தோ. தி³ட்டி²க³தமேதந்தி மிச்சா²தி³ட்டி²மத்தகமேதங், ந தாய தி³ட்டி²யா க³ஹிதஸத்தோ நாம அத்தி². படிபத³ந்தி அரியமக்³கங். ந ச²ம்ப⁴தீதி தி³ட்டி²வஸேன ந கம்பதி. ஸேஸபதே³ஸுபி ஏஸேவ நயோ. தண்ஹாக³தந்தி தி³ட்டி²தண்ஹா. ஸஞ்ஞாக³தாதீ³ஸுபி ஏஸேவ நயோ. தி³ட்டி²ஸஞ்ஞா ஏவ ஹெத்த² ஸஞ்ஞாக³தங், தி³ட்டி²னிஸ்ஸிதமாளோயேவ தி³ட்டி²மஞ்ஞிதமேவ வா மஞ்ஞிதங், தி³ட்டி²பபஞ்சோவ பபஞ்சிதங், தி³ட்டு²பாதா³னமேவ உபாதா³னங், தி³ட்டி²யா விருபங் படிஸரணபா⁴வோயேவ விப்படிஸாரோ நாமாதி வேதி³தப்³போ³. எத்த² ச தி³ட்டி²க³க³ஹணேன த்வாஸட்டி² தி³ட்டி²யோ, தி³ட்டி²னிரோத⁴கா³மினிபடிபதா³க³ஹணேன ஸோதாபத்திமக்³கோ³ க³ஹிதோதி.

2. புரிஸக³திஸுத்தவண்ணனா

55. து³தியே புரிஸக³தியோதி புரிஸஸ்ஸ ஞாணக³தியோ. அனுபாதா³பரினிப்³பா³னந்தி அபச்சயனிப்³பா³னங். நோ சஸ்ஸாதி அதீதே அத்தபா⁴வனிப்³புத்தகங் கம்மங் நோ சே அப⁴விஸ்ஸ. நோ ச மே ஸியாதி ஏதரஹி மே அயங் அத்தபா⁴வோ ந ஸியா. ந ப⁴விஸ்ஸதீதி ஏதரஹி மே அனாக³தத்தபா⁴வனிப்³புத்தகங் கம்மங் ந ப⁴விஸ்ஸதி. ந ச மே ப⁴விஸ்ஸதீதி அனாக³தே மே அத்தபா⁴வோ ந ப⁴விஸ்ஸதி. யத³த்தி² யங் பூ⁴தந்தி யங் அத்தி² யங் பூ⁴தங் பச்சப்பன்னக்க²ந்த⁴பஞ்சகங். தங் பஜஹாமீதி உபெக்க²ங் படிபப⁴தீதி தங் தத்த² ச²ந்த³ராக³ப்பஹாணேன பஜஹாமீதி விபஸ்ஸனுபெக்க²ங் படிபப⁴தி. ப⁴வே ந ரஜ்ஜதீதி அதீதே க²ந்த⁴பஞ்சகே தண்ஹாதி³ட்டி²ஹி ந ரஜ்ஜதி. ஸம்ப⁴வே ந ரஜ்ஜதீதி அனாக³தேபி ததே²வ ந ரஜ்ஜதி. அத்துத்தரி பத³ங் ஸந்தந்தி உத்தரி ஸந்தங் நிப்³பா³னபத³ங் நாம அத்தி². ஸம்மப்பஞ்ஞாய பஸ்ஸதீதி தங் ஸஹவிபஸ்ஸனாய மக்³க³பஞ்ஞாய ஸம்மா பஸ்ஸதி. ந ஸப்³பேன ஸப்³புந்தி ஏகச்சானங் கிலேஸானங் அப்பஹீனத்தா ஸச்சபடிச்சா²த³கஸ்ஸ தமஸ்ஸ ஸப்³புஸோ அவித்³த⁴ங்ஸிதத்தா ந ஸப்³பா³காரேன ஸப்³புங். ஹஞ்ஞமானேதி ஸண்டா³ஸேன க³ஹெத்வா முட்டி²காய கொட்டியமானே. அந்தராபரினிப்³பா³யீதி உபபத்திஸமனந்தரதோ பட்டா²ய ஆயுனோ வேமஜ்ஜங் அனதிக்கமித்வா எத்த²ந்தரே கிலேஸபரினிப்³பா³னேன பரினிப்³புதோ ஹோதி. அனுபஹச்ச தலந்தி ஆகாஸதலங் அனுபஹச்ச அனதிக்கமித்வா , பூ⁴மிங் அப்பத்வா ஆகாஸேயேவ நிப்³பா³யெய்யாதி இமாஹி தீஹி உபமாஹி தயோ அந்தராபரினிப்³பா³யீ த³ஸ்ஸிதா.

உபஹச்சபரினிப்பாயீதி ஆயுவேமஜ்ஜங் அதிக்கமித்வா பச்சிமகோடிங் அப்பத்வா பரினிப்புதோ ஹோதி. உபஹச்ச தலந்தி ஜலமானா கந்த்வா ஆகாஸதலங் அதிக்கமித்வா பத்வீதலங் வா உபஹனித்வா பத்வியங் பதிதமத்தாவ நிப்பாயெய்ய. அஸங்காரேன அப்பயோகேன கிலேஸே கேபெத்வா பரினிப்பாயீதி அஸங்காரபரினிப்பாயீ. ஸஸங்காரேன ஸப்பயோகேன கிலேஸே கேபெத்வா பரினிப்பாயீதி ஸஸங்காரபரினிப்பாயீ. கச்சந்தி நிரார்க்கங் அரஞ்ஞங். தாயந்தி ஸாரக்கங் அபயத்தாய தின்னங் அரஞ்ஞங். ஸேஸமெத்த உத்தானத்தமேவ. இமஸ்மிங் ஸுத்தே அரியபுக்கலாவ கதித்தாதி.

3. திஸ்ஸப்ரஹ்மாஸுத்தவண்ணனா

56. ததியே பிக்குனியோதி மஹாபஜாபதியா பரிவாரா பஞ்சஸதா பிக்குனியோ. விமுத்தாதி பஞ்சஹி விமுத்தீஹி விமுத்தா. அனுபாதிஸேஸாதி உபாதானஸேஸங் அட்டபெத்வா பஞ்சஹி விமுத்தீஹி அனவஸேஸாஹிபி விமுத்தா. ஸஉபாதிஸேஸே வா ஸஉபாதிஸேஸோதி ஸஉபாதானஸேஸே புக்கலே “ஸஉபாதானஸேஸோ அய”ந்தி. இதரஸ்மிம்பி ஏஸேவ நயோ. திஸ்ஸோதி தேரஸ்ஸ ஸத்திவிஹாரிகப்ரஹ்மா. அனுலோமிகானீதி படிபத்தியா அனுலோமானி விவித்தானி அந்திமபரியந்திமானி. இந்த்ரியானீதி ஸத்தாத்தீனி விபஸ்ஸனிந்த்ரியானி. ஸமன்னானயமானோதி ஸமன்னாஹாரே டபயமானோ. ந ஹி பன தேதி இதங் கஸ்மா ஆரபி? ஸத்தமஸ்ஸ புக்கலஸ்ஸ தஸ்ஸனத்தங். ஸத்தமோ ஹி ஸத்தானுஸாரிபுக்கலோ ந தஸ்ஸிதோ. அத பகவா பல்வவிபஸ்ஸகவஸேன தங் தஸ்ஸெந்தோ ஏவமாஹ. தத்த ஸப்ப்னிமித்தானந்தி ஸப்பேஸங் நிச்சனிமித்தாதீனங். அனிமித்தந்தி பல்வவிபஸ்ஸனாஸமாதிங்.

4. ஸீஹஸேனாபதிஸுத்தவண்ணனா

57. சதுத்தே மச்சரீதி பஞ்சமச்சேரயுத்தோ. கதரியோதி தத்தமச்சரியோ, பரேஸங் திய்யமானம்பி வாரேதி. அனுப்பதானரதோதி புனப்புனங் தானங் தத்தமானாவ ரமதி. அனுகம்பந்தாதி “கோ அஜ்ஜ அம்ஹேஹி அனுக்கஹேதப்போ, கஸ்ஸ தெய்யதம்மங் வா படிக்கண்ணெஹய்யாம, தம்மங் வா தேஸெய்யாமா”தி ஏவங் சித்தேன அனுகம்பமானா.

5. அரக்கெய்யஸுத்தவண்ணனா

58. பஞ்சமே நிமித்தந்தி தம்மனிமித்தம்பி புக்கலனிமித்தம்பி. அயஞ்ஹி அத்தனா தேஸிததம்மே ஏகபதம்பி துரக்காதங் அனிய்யானிகங்

அபஸ்ஸந்தோ த⁴ம்மனிமித்தங் ந ஸமனுபஸ்ஸதி, “து³ரக்கா²தோ தயா த⁴ம்மோ ந ஸ்வாக்கா²தோ”தி உட்ட²ஹித்வா படிப்ப²ரந்தங் ஏகங் புக்³க³லம்பி அபஸ்ஸந்தோ புக்³க³லனிமித்தங் ந ஸமனுபஸ்ஸதி நாம. ஸேஸத்³வயேபி ஏஸேவ நயோ. ச²ட்ட²ஸத்தமாளி உத்தானானேவ.

8. பசலாயமானஸுத்தவண்ணனா

61. அட்ட²மே பசலாயமானோதி தங் கா³மங் உபனிஸ்ஸாய ஏகஸ்மிங் வனஸண்டே³ ஸமணத⁴ம்மங் கரொந்தோ ஸத்தாஹங் சங்கமனவிரியேன நிம்மதி²தத்தா கிலந்தக³த்தோ சங்கமனகோடியங் பசலாயமானோ நிஸின்னோ ஹோதி. பசலாயஸி நோதி நித்³தா³யஸி நு. அனுமஜ்ஜித்வாதி பரிமஜ்ஜித்வா. ஆலோகஸஞ்ஞந்தி மித்³த⁴வினோத³னஆலோகஸஞ்ஞங். தி³வாஸஞ்ஞந்தி தி³வாதிஸஞ்ஞங். யதா² தி³வா ததா² ரத்திந்தி யதா² தி³வா ஆலோகஸஞ்ஞா அதி⁴ட்டி²தா, ததா² நங் ரத்திம்பி அதி⁴ட்ட²ஹெய்யாஸி. யதா² ரத்திங் ததா² தி³வாதி யதா² ச தே ரத்திங் ஆலோகஸஞ்ஞா அதி⁴ட்டி²தா, ததா² நங் தி³வாபி அதி⁴ட்ட²ஹெய்யாஸி. ஸப்பபா⁴ஸந்தி தி³ப³ப³சக்கு²ஞாணத்தா²ய ஸஹோபா⁴ஸங். பச்சா²புரேஸஞ்ஞீதி புரதோ ச பச்ச²தோ ச அபி⁴ஹரணஸஞ்ஞாய ஸஞ்ஞாவா. அந்தோக³தேஹி இந்த³ரியேஹீதி ப³ஹி அவிக்கி²த்தேஹி அந்தோ அனுபவிட்டே²ஹேவ பஞ்சஹி இந்த³ரியேஹி. மித்³த⁴ஸுக²ந்தி நித்³தா³ஸுக²ங். எத்தகேன டா²னேன ப⁴க³வா தே²ரஸ்ஸ மித்³த⁴வினோத³னகம்மட்டா²னங் கதே²ஸி. ஸொண்ட³ந்தி மானஸொண்ட³ங். கிச்சகரணீயானீதி எத்த² அவஸ்ஸங் கத்தப்³பா³னி கிச்சானி, இதரானி கரணீயானி. மங்குபா⁴வோதி நித்தேஜதா தோ³மனஸ்ஸதா. எத்தகேன டா²னேன ஸத்தா²ரா தே²ரஸ்ஸ பி⁴க்கா²சாரவத்தங் கதி²தங்.

இதா³னி ப⁴ஸ்ஸே பரியந்தகாரிதாய ஸமாத³பேதுங் தஸ்மாதிஹாதிஆதி³மாஹ. தத்த² விக்³கா³ஹிககத²ந்தி “ந த்வங் இமங் த⁴ம்மவினயங் ஆஜானாஸீ”திஆதி³னயப்பவத்தா விக்³கா³ஹிககதா². நாஹங் மொக்³க³ல்லானாதிஆதி³ பாபமித்தஸங்ஸக்³க³விவஜ்ஜனத்த²ங் வுத்தங். கித்தாவதா நு கோ²தி கித்தகேன நு கோ². தண்ஹாஸங்க²யவிமுத்தோ ஹோதீதி தண்ஹாஸங்க²யே நிப்³பா³னே தங் ஆரம்மணங் கத்வா விமுத்தசித்ததாய தண்ஹாஸங்க²யவிமுத்தோ நாம ஸங்கி²த்தேன கித்தாவதா ஹோதி. யாய படிபத்தியா தண்ஹாஸங்க²யவிமுத்தோ ஹோதி, தமேவ கீணாஸவஸ்ஸ பி⁴க்கு²னோ புப்³பா⁴க³படிபத³ங் ஸங்கி²த்தேன தே³ஸேதா²தி புச்ச²தி. அச்சந்தனிட்டோ²தி க²யவயஸங்கா²தங் அந்தங் அதீதாதி அச்சந்தா, அச்சந்தா நிட்டா² அஸ்ஸாதி அச்சந்தனிட்டோ², ஏகந்தனிட்டோ² ஸததனிட்டோ²தி அத்தோ². அச்சந்தயோக³க்கே²மீதி அச்சந்தங் யோக³க்கே²மீ, நிச்சயோக³க்கே²மீதி அத்தோ². அச்சந்தப்³ரஹ்மசாரீதி அச்சந்தங் ப்³ரஹ்மசாரீ, நிச்சப்³ரஹ்மசாரீதி அத்தோ². அச்சந்தங் பரியோஸானமஸ்ஸாதி

புரிமனயேனேவ அச்சந்தபரியோஸானோ. ஸெட்டோ² தே³வமனுஸ்ஸானந்தி தே³வானஞ்ச மனுஸ்ஸானஞ்ச ஸெட்டோ² உத்தமோ. ஏவருபோ பி்⁴க்கு² கித்தாவதா ஹோதி, ஸங்கே²பேனேவ தஸ்ஸ படிபத்திங் கதே²தா²தி யாசதி.

ஸப்³பே³ த்⁴ம்மா நாலங் அபி்⁴னிவேஸாயாதி எத்த² ஸப்³பே³ த்⁴ம்மா நாம பஞ்சக்க²ந்தா்⁴ த்³வாத³ஸாயதனானி அட்டா²ரஸ தா்⁴துயோ, தே ஸப்³பே³பி தண்ஹாதி³ட்டி²வஸேன அபி்⁴னிவேஸாய நாலங் ந பரியத்தா ந ஸமத்தா ந யுத்தா. கஸ்மா? க³ஹிதாகாரேன அதிட்ட²னதோ. தே ஹி நிச்சா ஸுகா² அத்தாதி க³ஹிதாபி அனிச்சா து³க்கா² அனத்தாவ ஸம்பஜ்ஜந்தி. தஸ்மா நாலங் அபி்⁴னிவேஸாய. அபி்⁴ஜானாதீதி அனிச்சங் து³க்க²ங் அனத்தாதி ஞாதபரிஞ்ஞாய அபி்⁴ஜானாதி. பரிஜானாதீதி ததே²வ தீரணபரிஞ்ஞாய பரிஜானாதி. யங்கிஞ்சி வேத³னந்தி அந்தமஸோ பஞ்சவிஞ்ஞாணஸம்பயுத்தங் யங்கிஞ்சி அப்பமத்தகம்பி வேத³னங் அனுப்⁴வதி. இமினா ப்⁴க³வா தே²ரஸ்ஸ வேத³னாவஸேன ச வினிவட்டெத்வா அருபபரிக்க³ஹங் த³ஸ்ஸேஸி.

அனிச்சானுபஸ்ஸீதி அனிச்சதோ அனுபஸ்ஸந்தோ. விராகா³னுபஸ்ஸீதி எத்த² த்³வே விராகா³ க²யவிராகோ³ ச அச்சந்தவிராகோ³ ச. தத்த² ஸங்கா²ரானங் க²யங் க²யதோ பஸ்ஸனா விபஸ்ஸனாபி, அச்சந்தவிராக³ங் நிப்³பா³னங் விராக³தோ த³ஸ்ஸனமக்க³ஞாணம்பி விராகா³னுபஸ்ஸனா. தது³ப்⁴யஸமங்கிபுக்க³லோ விராகா³னுபஸ்ஸீ நாம. தங் ஸந்தா்⁴ய வுத்தங் - “விராகா³னுபஸ்ஸீ”தி, விராக³தோ அனுபஸ்ஸந்தோதி அத்தோ². நிரோதா்⁴னுபஸ்ஸிம்ஹிபி ஏஸேவ நயோ. நிரோதோ்⁴பி ஹி க²யனிரோதோ்⁴ அச்சந்தனிரோதோ்⁴தி து³விதோ்⁴யேவ. படினிஸ்ஸக்³கா³னுபஸ்ஸீதி எத்த² படினிஸ்ஸக்³கோ³ வுச்சதி வொஸ்ஸக்³கோ³. ஸோ ச பரிச்சாக³வொஸ்ஸக்³கோ³ பக்க²ந்த³னவொஸ்ஸக்³கோ³தி து³விதோ்⁴ ஹோதி. தத்த² பரிச்சாக³வொஸ்ஸக்³கோ³தி விபஸ்ஸனா. ஸா ஹி தத³ங்க³வஸேன கிலேஸே ச க²ந்தே்⁴ ச வொஸ்ஸஜதி. பக்க²ந்த³னவொஸ்ஸக்³கோ³தி மக்க³கோ³. ஸோ ஹி நிப்³பா³னங் ஆரம்மணதோ பக்க²ந்த³தி. த்³வீஹிபி வா காரணேஹி ஸோ வொஸ்ஸக்³கோ³யேவ, ஸமுச்சே²த³வஸேன க²ந்தா்⁴னங் கிலேஸானஞ்ச வொஸ்ஸஜனதோ நிப்³பா³னே ச பக்க²ந்த³னதோ. தஸ்மா கிலேஸே ச க²ந்தே்⁴ ச பரிச்சஜதீதி பரிச்சாக³வொஸ்ஸக்³கோ³. நிரோதா்⁴ய நிப்³பா³னதா்⁴துயா சித்தங் பக்க²ந்த³தீதி பக்க²ந்த³னவொஸ்ஸக்³கோ³தி உப்⁴யம்பேதங் மக்க³கே³ ஸமேதி. தது³ப்⁴யஸமங்கீ³ புக்க³லோ இமாய படினிஸ்ஸக்³கா³னுபஸ்ஸனாய ஸமன்னாக³தத்தா படினிஸ்ஸக்³கா³னுபஸ்ஸீ நாம ஹோதி. தங் ஸந்தா்⁴யேதங் வுத்தங். ந கிஞ்சி லோகே உபாதி³யதீதி கிஞ்சி ஏகம்பி ஸங்கா²ரக³தங் தண்ஹாவஸேன ந உபாதி³யதி ந க³ண்ஹாதி ந பராமஸதி. அனுபாதி³யங் ந பரிதஸ்ஸதீதி அக்க³க³ண்ஹந்தோ தண்ஹாபரிதஸ்ஸனாய ந பரிதஸ்ஸதி. பச்சத்தங்யேவ பரினிப்³பா³யதீதி

ஸயமேவ கிலேஸபரினிப்³பா³னேன பரினிப்³பா³யதி. கீ²ணா ஜாதீதிஆதி³னா பனஸ்ஸ பச்சவெக்க²ணா த³ஸ்ஸிதா. இதி ப⁴க³வா ஸங்கி²த்தேன கீ²ணாஸவஸ்ஸ பு³ப³பா⁴க³ப்படிபத³ங் புச்சி²தோ ஸங்கி²த்தேனேவ கதே²ஸி. இத³ங் பன ஸுத்தங் தே²ரஸ்ஸ ஓவாதோ³பி அஹோஸி விபஸ்ஸனாபி. ஸோ இமஸ்மிங்யேவ ஸுத்தே விபஸ்ஸனங் வட்³டெ⁴த்வா அரஹத்தங் பத்தோதி.

9. மெத்தஸுத்தவண்ணனா

62. நவமே மா, பி⁴க்க²வே, புஞ்ஞானங் பா⁴யித்தா²தி புஞ்ஞானி கரொந்தா தேஸங் மா பா⁴யித்த². மெத்தசித்தங் பா⁴வேஸிந்தி திகசதுக்கஜ்ஜா²னிகாய மெத்தாய ஸம்பயுத்தங் பணீதங் கத்வா சித்தங் பா⁴வேஸிந்தி த³ஸ்ஸேதி. ஸங்வட்டமானே ஸுதா³ஹந்தி ஸங்வட்டமானே ஸுத³ங் அஹங். ஸங்வட்டமானேதி ஜா²யமானே விபஜ்ஜமானே. த⁴ம்மிகோதி த³ஸ்குஸலத⁴ம்மஸமன்னாக³தோ. த⁴ம்மராஜாதி தஸ்ஸேவ வேவசனங். த⁴ம்மேன வா லத்³த⁴ரஜ்ஜத்தா த⁴ம்மராஜா. சாதூரந்தோதி புரத்தி²மஸமுத்³தா³தீ³னங் சதுன்னங் ஸமுத்³தா³னங் வஸேன சாதூரந்தாய பத²வியா இஸ்ஸரோ. விஜிதாவீதி விஜிதஸங்கா³மோ. ஜனபதோ³ தஸ்மிங் தா²வரியங் தி²ரபா⁴வங் பத்தோதி ஜனபத³த்தா²வரியப்பத்தோ. பரோஸஹஸ்ஸந்தி அதிரேகஸஹஸ்ஸங். ஸுராதி அபீ⁴ருனோ. வீரங்க³ருபாதி வீரானங் அங்க³ங் வீரங்க³ங், வீரியஸ்ஸேதங் நாமங். வீரங்க³ருபமேதேஸந்தி வீரங்க³ருபா. வீரியஜாதிகா வீரியஸபா⁴வா வீரியமயா விய அகிலாஸுனோ தி³வஸம்பி யுஜ்ஜந்தா ந கிலமந்தீதி வுத்தங் ஹோதி. ஸாக³ரபரியந்தந்தி சக்கவாளப³பதங் ஸீமங் கத்வா டி²தஸமுத்³த³பரியந்தங். அத³ண்டே³னாதி த⁴னத³ண்டே³னபி சே²ஜ்ஜபே⁴ஜ்ஜானுஸாஸனேன ஸத்த²த³ண்டே³னபி வினாயேவ. அஸத்தே²னாதி ஏகதோதா⁴ராதி³னா பரவிஹே²னஸத்தே²னபி வினாயேவ. த⁴ம்மேன அபி⁴விஜியாதி ஏஹி கோ², மஹாராஜாதி ஏவங் படிராஜஹி ஸம்படிச்சி²தா³க³மனோ “பாணோ ந ஹந்தப்³போ³”திஆதி³னா த⁴ம்மேனேவ வுத்தப்பகாரங் பத²விங் அபி⁴விஜினித்வா.

ஸுகே²ஸினோதி ஸுக²பரியேஸகே ஸத்தே ஆமந்தேதி. ஸுஞ்ஞப்³ரஹ்முபகோ³தி ஸுஞ்ஞப்³ரஹ்மவிமானாபகோ³. பத²விங் இமந்தி இமங் ஸாக³ரபரியந்தங் மஹாபத²விங். அஸாஹஸேனாதி ந ஸாஹஸிககம்மேன. ஸமேன மனுஸாஸிதந்தி ஸமேன கம்மேன அனுஸாஸிங். தேஹி ஏதங் ஸுதே³ஸிதந்தி தேஹி ஸங்கா³ஹகேஹி மஹாகாருணிகேஹி பு³த்³தே⁴ஹி ஏதங் எத்தகங் டா²னங் ஸுதே³ஸிதங் ஸுகதி²தங். பத²ப்³யோதி புத²விஸாமிகோ.

10. ப⁴ரியாஸுத்தவண்ணனா

63. த³ஸமே கேவட்டா மஞ்ஞே மச்ச²விலோபேதி கேவட்டானங்
 மச்ச²பச்சி²ங் ஓதாரெத்வா டி²தட்டா²னே ஜாலே வா உத³கதோ உக்கி²த்தமத்தே
 மச்ச²க³கா³ஹகானங் மஹாஸத்³தோ³ ஹோதி, தங் ஸந்தா⁴யேதங் வுத்தங்.
 ஸாஜாதாதி விஸாகா²ய கனிட்டா². ஸா நேவ ஸஸ்ஸாங் ஆதி³யதீதி
 ஸஸ்ஸாயா கத்தப்³வத்தங் நாம அத்தி², தங் ந கரோதி, ஸஸ்ஸுதிபி நங் ந
 க³ணேதி. ந ஸஸுரங் ஆதி³யதீதி வசனங் ந க³ண்ஹாதி. ஏவங் அனாத³ரதாயபி
 அக்³ஹ்ணேனபி ந ஆதி³யதி நாம. ஸேஸேஸுபி ஏஸேவ நயோ. ஏவங்
 அனாத³பிண்டி³கோ ஸுணிஸாய ஆசாரங் க³ஹெத்வா ஸத்து² புரதோ நிஸீதி³.
 ஸாபி ஸாஜாதா “கிங் நு கோ² அயங் ஸெட்டி² த³ஸப³லஸ்ஸ ஸந்திகே
 மய்ஹங் கு³ணங் கதெ²ஸ்ஸதி உதா³ஹு அகு³ண³ந்தி க³ந்த்வா அவிதூ³ரே
 ஸத்³த³ங் ஸுணந்தீ அட்டா²ஸி. அத² நங் ஸத்தா² ஏஹி ஸாஜாதேதி
 ஆமந்தேஸி.

அஹிதானுகம்பினீதி ந ஹிதானுகம்பினீ. அஞ்ஞேஸுதி பரபுரிஸேஸு.
 அதிமஞ்ஞேதி ஓமானாதி மானவஸேன அதிமஞ்ஞதி. த⁴னேன கீதஸ்ஸாதி
 த⁴னேன கீதா அஸ்ஸ. வதா⁴ய உஸ்ஸுகா வதி⁴துங்
 உஸ்ஸுக்கமாபன்னா. யங் இத்தி²யா விந்த³தி ஸாமிகோ த⁴னந்தி இத்தி²யா
 ஸாமிகோ யங் த⁴னங் லப⁴தி. அப்பம்பி தஸ்ஸ அபஹாதுமிச்ச²தீதி
 தோ²கதோபி அஸ்ஸ ஹரிதுங் இச்ச²தி, உத்³த⁴னே ஆரோபிதஉக்க²லியங்
 பக்கி²பிதப்³தண்டு³லதோபி தோ²கங் ஹரிதுமேவ வாயமதி. அலஸாதி
 நிஸின்னட்டா²னே நிஸின்னாவ டி²தட்டா²னே டி²தாவ ஹோதி. ப²ருஸாதி க²ரா.
 து³ருத்தவாதி³னீதி து³ப்³பா⁴ஸிதபா⁴ஸினீ, கக்க²ளங் வாளகத²மேவ கதே²தி.
 உட்டா²யகானங் அபி⁴பு⁴ய்ய வத்ததீதி எத்த² உட்டா²யகானந்தி
 ப³ஹுவசனவஸேன விரியுட்டா²னஸம்பன்னோ ஸாமிகோ வுத்தோ, தஸ்ஸ
 தங் உட்டா²னஸம்பத்திங் அபி⁴பு⁴வித்வா ஹெட்டா² கத்வா வத்ததி.
 பமோத³தீதி ஆமோதி³தபமோதி³தா ஹோதி . கோலெய்யகாதி குலஸம்பன்னா.
 பதிப்³பதாதி பதிதே³வதா. வத⁴த³ண்ட³தஜ்ஜிதாதி த³ண்ட³கங் க³ஹெத்வா
 வதே⁴ன தஜ்ஜிதா, “கா⁴தெஸ்ஸாமி ந”ந்தி வுத்தா. தா³ஸீஸமந்தி
 ஸாமிகஸ்ஸ வத்தபூரிகா தா³ஸீதி மங் ப⁴க³வா தா⁴ரேதுதி வத்வா
 ஸரணேஸு பதிட்டா²ஸி.

11. கோத⁴னஸுத்தவண்ணனா

64. ஏகாத³ஸமே ஸபத்தகந்தாதி ஸபத்தானங் வேரீனங் கந்தா பியா தேஹி
 இச்சி²தபத்தி²தா. ஸபத்தகரணாதி ஸபத்தானங் வேரீனங் அத்த²கரணா.
 கோத⁴பரேதோதி கோதா⁴னுக³தோ. பசுரத்த²தாயாதி ப³ஹுஅத்த²தாய
 ப³ஹுஹிததாய. அனத்த²ம்பீதி அவுத்³தி⁴ம்பி. அத்தோ² மே க³ஹிதோதி
 வுட்³டி⁴ மே க³ஹிதா.

அதோ² அத்த²ங் க³ஹெத்வானாதி அதோ² வுத்³தி⁴ங் க³ஹெத்வா.
அனத்த²ங் அதி⁴பஜ்ஜதீதி அனத்தோ² மே க³ஹிதோதி ஸல்லக்கே²தி. வத⁴ங்
கத்வானாதி பாணாதிபாதகம்மங் கத்வா. கோத⁴ஸம்மத³ஸம்மத்தோதி
கோத⁴மதே³ன மத்தோ, ஆதி³ன்னக³ஹிதபராமட்டோ²தி அத்தோ².
ஆயஸக்யந்தி அயஸபா⁴வங், அயஸோ நியஸோ ஹோதீதி அத்தோ².
அந்தரதோ ஜாதந்தி அப்³ப⁴ந்தரே உப்பன்னங். அத்த²ங் ந ஜானாதீதி
வுத்³தி⁴அத்த²ங் ந ஜானாதி. த⁴ம்மங் ந பஸ்ஸதீதி
ஸமத²விபஸ்ஸனாத⁴ம்மங் ந பஸ்ஸதி. அந்த⁴தமந்தி அந்த⁴பா⁴வகரங்
தமங் ப³ஹலதமங். ஸஹதேதி அபி⁴ப⁴வதி.

து³ம்மங்குயந்தி து³ம்மங்குபா⁴வங் நித்தேஜதங் து³ப³ப³ண்ணமுக²தங்.
யதோ பதாயதீதி யதா³ நிப்³ப³த்ததி. ந வாசோ ஹோதி கா³ரவோதி
வசனஸ்ஸபி க³ருபா⁴வோ ந ஹோதி. ந தீ³பங் ஹோதி கிஞ்சனந்தி காசி
பதிட்டா² நாம ந ஹோதி. தபனீயானீதி தாபஜனகானி. த⁴ம்மேஹீதி
ஸமத²விபஸ்ஸனாத⁴ம்மேஹி. ஆரகாதி தூ³ரே. ப்³ராஹ்மணந்தி
கீணாஸவப்³ராஹ்மணங். யாய மாது ப⁴தோதி யாய மாதரா ப⁴தோ
போஸிதோ. பாணத³தி³ங் ஸந்திந்தி ஜீவிததா³யிகங் ஸமானங். ஹந்தி
குத்³தோ⁴ புது²த்தானந்தி குத்³தோ⁴ புக்³க³லோ புது² நானாகாரணேஹி
அத்தானங் ஹந்தி. நானாருபேஸு முச்சி²தோதி நானாரம்மணேஸு
அதி⁴முச்சி²தோ ஹுத்வா. ரஜ்ஜயா ப³ஜ்ஜ² மீயந்தீதி ரஜ்ஜயா ப³ந்தி⁴த்வா
மரந்தி. பப்³ப³தாமபி கந்த³ரேதி பப்³ப³தகந்த³ரேபி பதித்வா மரந்தி.

பூ⁴னஹச்சானீதி ஹதவுத்³தீ⁴னி. இதாயந்தி இதி அயங். தங் த³மேன
ஸமுச்சி²ந்தே³தி தங் கோத⁴ங் த³மேன சி²ந்தெ³ய்ய. கதரேன த³மேனாதி?
பஞ்ஞாவீரியேன தி³ட்டி²யாதி விபஸ்ஸனாபஞ்ஞாய சேவ
விபஸ்ஸனாஸம்பயுத்தேன காயிகசேதஸிகவீரியேன ச மக்³க³ஸம்மாதி³ட்டி²யா
ச. ததே²வ த⁴ம்மே ஸிக்கே²தா²தி யதா² அகுஸலங் ஸமுச்சி²ந்தெ³ய்ய,
ஸமத²விபஸ்ஸனாத⁴ம்மேபி ததே²வ ஸிக்கெ²ய்ய. மா நோ து³ம்மங்குயங்
அஹுதி மா அம்ஹாகங் து³ம்மங்குபா⁴வோ அஹோஸீதி இமமத்த²ங்
பத்த²யமானா. அனாயாஸாதி அனுபாயாஸா. அனுஸ்ஸகாதி கத்த²சி
உஸ்ஸுக்கங் அனாபன்னா. ஸேஸங் ஸப்³ப³த்த² உத்தானமேவாதி.

அப்³யாகதவக்³கோ³ ச²ட்டோ².

7. மஹாவக்³கோ³

1. ஹிரிஒத்தப்பஸுத்தவண்ணனா

65. ஸத்தமஸ்ஸ பட²மே ஹதூபனிஸோதி ஹதஉபனிஸோ
சி²ன்னபச்சயோ. யதா²பூ⁴தஞாணத³ஸ்ஸனந்தி தருணவிபஸ்ஸனா.
நிப்³பி³தா³விராகோ³தி ப³லவவிபஸ்ஸனா சேவ மக்³கோ³ ச.
விமுத்திஞாணத³ஸ்ஸனந்தி அரஹத்தவிமுத்தி ச பச்சவெக்க²ணா ச.

2. ஸத்தஸூரியஸுத்தவண்ணனா

66. து³தியே யஸ்மா அயங் ஸத்தஸூரியதே³ஸனா
தேஜோஸங்வட்டத³ஸ்ஸனவஸேன பவத்தா, தஸ்மா தயோ ஸங்வட்டா,
திஸ்ஸோ ஸங்வட்டஸீமா, தீணி ஸங்வட்டமூலானீ, தீணி கோலாஹலானீதி
அயங் தாவ ஆதி³தோவ இமஸ்ஸ ஸுத்தஸ்ஸ புரேசாரிககதா² வேதி³தப்³பா³.
ஸா விஸுத்தி⁴மக்³கே³ (விஸுத்தி⁴. 2.403)
புப்³பே³னிவாஸானுஸ்ஸதினித்³தே³ஸே வித்தா²ரிதாவ. ஏதத³வோசாதி
அனிச்சகம்மட்டா²னிகானங் பஞ்சன்னங் பி⁴க்கு²ஸதானங் அஜ்ஜா²ஸயேன
உபாதி³ன்னகானங் அனுபாதி³ன்னகானங் ஸங்கா²ரானங் விபத்தித³ஸ்ஸனத்த²ங்
ஏதங் “அனிச்சா, பி⁴க்க²வே, ஸங்கா²ரா”திஆதி³ஸத்தஸூரியோபமஸுத்தந்தங்
அவோச. தத்த² அனிச்சாதி ஹுத்வா அபா⁴வட்டே²ன அனிச்சா. ஸங்கா²ராதி
உபாதி³ன்னகஅனுபாதி³ன்னகா ஸங்கா²ரத⁴ம்மா. அத்³து⁴வாதி ஏவங்
அசிரட்டே²ன ந து⁴வா. அனஸ்ஸாஸிகாதி அஸஸ்ஸதபா⁴வேன
அஸ்ஸாஸரஹிதா. அலமேவாதி யுத்தமேவ.

அஜ்ஜோ²கா³ள்ஹோதி உத³கே அனுபவிட்டோ². அச்சக்³க³தோதி
உத³கபிட்டி²தோ உக்³க³தோ. தே³வோ ந வஸ்ஸதீதி பட²மங் தாவ
உபகப்பனமேகோ⁴ நாம கோடிஸதஸஹஸ்ஸசக்கவாளே ஏகமேகோ⁴
ஹுத்வா வஸ்ஸதி, ததா³ நிக்க²ந்தபீஜங் ந புன கே³ஹங் பவிஸதி. ததோ
பட்டா²ய த⁴மகரணே நிருத்த⁴ங் விய உத³கங் ஹோதி, புன ஏகபி³ந்து³ம்பி
தே³வோ ந வஸ்ஸதீதி உபமானத⁴ம்மகதா²வ பமாணங். வினஸ்ஸந்தே பன
லோகே பட²மங் அவீசிதோ பட்டா²ய துச்சோ² ஹோதி, ததோ உட்ட²ஹித்வா
ஸத்தா மனுஸ்ஸலோகே ச திரச்சா²னேஸு ச நிப்³புத்தந்தி. திரச்சா²னேஸு
நிப்³புத்தாபி புத்தபா⁴திகேஸு மெத்தங் படிபி⁴த்வா காலகதா
தே³வமனுஸ்ஸேஸு நிப்³புத்தந்தி. தே³வதா ஆகாஸேன சரந்தியோ
ஆரோசெந்தி - “ந இத³ங் டா²னங் ஸஸ்ஸதங் ந நிபு³த்த⁴ங், மெத்தங்
பா⁴வேத², கருணங், முதி³தங், உபெக்க²ங் பா⁴வேதா²”தி. தே மெத்தாத³யோ
பா⁴வேத்வா ததோ சுதா ப்ரஹ்மலோகே நிப்³புத்தந்தி.

பீஜகா³மாதி எத்த² பீஜகா³மோ நாம பஞ்ச பீஜஜாதானி. பூ⁴தகா³மோ நாம யங்கிஞ்சி நிக்க²ந்தமுலபண்ணங் ஹரிதகங். ஓஸதி⁴திணவனப்பதயோதி எத்த² ஓஸதீ⁴தி ஓஸத⁴ருக்கா². திணாதி ப³ஹிஸாரா தாலனானிகேராத³யோ. வனப்பதயோதி வனஜெட்ட²கருக்கா². குன்னதியோதி ட²பெத்வா பஞ்ச மஹானதியோ அவஸேஸா நின்னகா³. குஸொப்பா⁴தி ட²பெத்வா ஸத்த மஹாஸரே அவஸேஸா ரஹதா³த³யோ. து³தியோ ஸுரியோதிஆதீ³ஸு து³தியஸுரியகாலே ஏகோ உதே³தி, ஏகோ அத்த²ங்க³மேதி. ததியகாலே ஏகோ உதே³தி, ஏகோ அத்த²ங்க³மேதி, ஏகோ மஜ்ஜே² ஹோதி. சதுத்த²காலே சதுகுலிகே கா³மே சத்தாரோ பிண்ட³சாரிகா த்வாரபடிபாடியா டி²தா விய ஹொந்தி. பஞ்சமாதிகாலேபி ஏஸேவ நயோ. பலுஜ்ஜந்தீதி சி²ஜ்ஜித்வா சி²ஜ்ஜித்வா பதந்தி. நேவ சா²ரிகா பஞ்ஞாயதி ந மஸீதி சக்கவாளமஹாபத²வீ ஸினேருபப்ப³தராஜா ஹிமவா சக்கவாளபப்ப³தோ ச² காமஸக³கா³ பட²மஜ்ஜா²னிகப்ப³ரஹ்மலோகாதி எத்தகே டா²னே த³ட்டே⁴ அச்ச²ராய க³ஹேதப்ப³மத்தாபி சா²ரிகா வா அங்கா³ரோ வா ந பஞ்ஞாயதி. கோ மந்தா கோ ஸத்தா⁴தாதி கோ தஸ்ஸ ஸத்தா⁴பனத்தா²ய ஸமத்தோ², கோ வா தஸ்ஸ ஸத்தா⁴தா. அஞ்ஞத்ர தி³ட்ட²பதே³ஹீதி தி³ட்ட²பதே³ ஸோதாபன்னே அரியஸாவகே ட²பெத்வா கோ அஞ்ஞோ ஸத்த³ஹிஸ்ஸதீதி அத்தோ².

வீதராகோ³தி விக்க²ம்ப⁴னவஸேன வீதராகோ³. ஸாஸனங் ஆஜானிங்ஸுதி அனுஸிட்டி²ங் ஜானிங்ஸு, ப்³ரஹ்மலோகஸஹப்ப³யதாய மக்க³ங் படிபஜ்ஜிங்ஸு. ஸமஸமக³தியோதி து³தியத்தபா⁴வே ஸப்பா³காரேன ஸமக³திகோ ஏகக³திகோ. உத்தரி மெத்தங் பா⁴வெய்யந்தி பட²மஜ்ஜா²னதோ உத்தரி யாவ திகசதுக்கஜ்ஜா²னா பணீதங் கத்வா மெத்தங் பா⁴வெய்யங். சக்கு²மாதி பஞ்சஹி சக்க²ஹி சக்கு²மா. பரினிப்ப³தோதி போ³தி⁴பல்லங்கேயேவ கிலேஸபரினிப்ப³பானேன பரினிப்ப³தோ. ஏவங் அனிச்சலக்க²ணங் தீ³பெத்வா ஸத்த²ரி தே³ஸனங் வினிவட்டெந்தே பஞ்சஸதாபி தே அனிச்சகம்மட்டா²னிகா பி⁴க்க² தே³ஸனானுஸாரேன ஞாணங் பேஸெத்வா நிஸின்னாஸனேஸுயேவ அரஹத்தங் பாபுணிங்ஸுதி.

3. நக³ரோபமஸுத்தவண்ணனா

67. ததியே யதோதி யதா³. பச்சந்திமந்தி ரட்ட²பரியந்தே ரட்டா²வஸானே நிவிட்ட²ங். மஜ்ஜி²மதே³ஸனக³ரஸ்ஸ பன ரக்கா²கிச்சங் நத்தி², தேன தங் ந க³ஹிதங். நக³ரபரிக்கா²ரேஹி ஸுபரிக்க²தந்தி நக³ராலங்காரேஹி அலங்கதங். அகரணீயந்தி அகத்தப்ப³ங் அஜினியங். க³ம்பீ⁴ரனேமாதி க³ம்பீ⁴ரஆவாடா. ஸுனிகா²தாதி ஸுட்டு² ஸன்னிஸீதா³பிதா. தங் பனேதங் ஏஸிகாத²ம்ப⁴ங் இட்ட²காஹி வா கரொந்தி ஸிலாஹி வா க²தி³ராதி³ஹி வா ஸாரருக்கே²ஹி. தங் நக³ரகுத்தத்தா²ய கரொந்தா ப³ஹினக³ரே கரொந்தி, அலங்காரத்தா²ய கரொந்தா அந்தோனக³ரே. தங் இட்ட²காமயங் கரொந்தா மஹந்தங் ஆவாடங்

கத்வா சயங் சினித்வா உபரி அட்ட²ங்ஸங் கத்வா ஸுதா⁴ய லிம்பந்தி. யதா³ ஹத்தி²னா த³ந்தேஹி அபி⁴ஹதோ ந சலதி, ததா³ ஸுலித்தோ நாம ஹோதி. ஸிலாத²ம்பா⁴த³யோபி அட்ட²ங்ஸா ஏவ ஹொந்தி. தே ஸசே அட்ட² ரதனா ஹொந்தி, சதுரதனமத்தங் ஆவாடே பவிஸதி, சதுரதனமத்தங் உபரி ஹோதி. ஸோளஸரதனவீஸ்திரதனேஸுபி ஏஸேவ நயோ. ஸப்³பே³ஸஞ்ஹி உபட்³ட⁴ங் ஹெட்டா² ஹோதி, உபட்³ட⁴ங் உபரி. தே கோ³முத்தவங்கா ஹொந்தி, தேன தேஸங் அந்தரே பத³ரமயங் கத்வா கம்மங் காதுங் ஸக்கா ஹோதி, தே பன கதசித்தகம்மா பக்³க³ஹிதத்³த⁴ஜாவ ஹொந்தி.

பரிகா²தி பரிக்கி²பித்வா டி²தமாதிகா. அனுபரியாயபதோ²தி அந்தோ பாகாரஸ்ஸ பாகாரேன ஸத்³தி⁴ங் க³தோ மஹாபதோ², யத்த² டி²தா ப³ஹிபாகாரே டி²தேஹி ஸத்³தி⁴ங் யுஜ்ஜ²ந்தி. ஸலாகந்தி ஸரதோமராதி³னிஸ்ஸக்³கி³யாவுத⁴ங். ஜேவனிகந்தி ஏகதோதா⁴ராதி³ஸேஸாவுத⁴ங்.

ஹத்தா²ரோஹாதி ஸப்³பே³பி
ஹத்தி²ஆசரியஹத்தி²வேஜ்ஜஹத்தி²ப³ந்தா⁴த³யோ. அஸ்ஸாரோஹாதி ஸப்³பே³பி அஸ்ஸாசரியஅஸ்ஸவேஜ்ஜஅஸ்ஸப³ந்தா⁴த³யோ. ரதி²காதி ஸப்³பே³பி ரதா²சரியரத²யோத⁴ரத²ரக்கா²த³யோ. த⁴னுக்³க³ஹாதி இஸ்ஸாஸா. சேலகாதி யே யுத்³தே⁴ ஜயத்³த⁴ஜங் க³ஹெத்வா புரதோ க³ச்ச²ந்தி. சலகாதி “இத⁴ ரஞ்ஞோ டா²னங் ஹொது, இத⁴ அஸுகமஹாமத்தஸ்ஸா”தி ஏவங் ஸேனாப்³யுஹகாரகா. பிண்ட³தா³யிகாதி ஸாஹஸிகமஹாயோதா⁴. தே கிர பரஸேனங் பவிஸித்வா பிண்ட³பிண்ட³மிவ செ²த்வா செ²த்வா த³யந்தி, உப்பதித்வா நிக்³க³ச்ச²ந்தீதி அத்தோ². யே வா ஸங்கா³மமஜ்ஜே² யோதா⁴னங் ப⁴த்தபானீயங் க³ஹெத்வா பவிஸந்தி, தேஸம்பேதங் நாமங். உக்³கா³ ராஜபுத்தாதி உக்³க³துக்³க³தா ஸங்கா³மாவசரா ராஜபுத்தா. பக்³க³ந்தி³னோதி யே “கஸ்ஸ ஸீஸங் வா ஆவுத⁴ங் வா ஆஹராமா”தி வத்வா “அஸுகஸ்ஸா”தி வுத்தா ஸங்கா³மங் பக்³க³ந்தி³த்வா ததே³வ ஆஹரந்தி, இமே பக்³க³ந்தி³நீதி பக்³க³ந்தி³னோ. மஹானாகா³ விய மஹானாகா³, ஹத்தி²ஆதீ³ஸுபி அபி⁴முக²ங் ஆக³ச்ச²ந்தேஸு அனிவத்தியயோதா⁴னங் ஏதங் அதி⁴வசனங். ஸூராதி ஏகஸூரா, யே ஸஜாலிகாபி ஸவம்மிகாபி ஸமுத்³த³ங் தரிதுங் ஸக்கொந்தி. சம்மயோதி⁴னோதி யே சம்மகஞ்சுகங் வா பவிஸித்வா ஸரபரித்தாணசம்மங் வா க³ஹெத்வா யுஜ்ஜ²ந்தி. தா³ஸகபுத்தாதி ப³லவஸினேஹா க⁴ரதா³ஸயோதா⁴. தோ³வாரிகோதி த்³வாரபாலகோ. வாஸனலேபனஸம்பன்னோதி வாஸனேன ஸப்³ப³விவரபடிச்சா²த³னேன ஸுதா⁴லேபேன ஸம்பன்னோ. ப³ஹி வா கா²ணுபாகாரஸங்கா²தேன வாஸனேன க⁴னமட்டே²ன ச ஸுதா⁴லேபேன ஸம்பன்னோ புண்ணக⁴டபந்திங் த³ஸ்ஸெத்வா கதசித்தகம்மபக்³க³ஹிதத்³த⁴ஜோ.

திணகட்டோ²த³கந்தி ஹத்தி²அஸ்ஸாதீ³னங் கா⁴ஸத்தா²ய கே³ஹானஞ்ச
சா²த³னத்தா²ய ஆஹரித்வா ப³ஹூஸு டா²னேஸு ட²பித்திணஞ்ச,
கே³ஹகரணபசனாதீ³னங் அத்தா²ய ஆஹரித்வா ட²பிதகட்ட²ஞ்ச, யந்தேஹி
பவேஸெத்வா பொக்க²ரணீஸு ட²பிதஉத³கஞ்ச. ஸன்னிசிதங் ஹோதீ³
படிகச்சேவ அனேகேஸு டா²னேஸு ஸுட்டு² நிசிதங் ஹோதி.

அப்⁴ப⁴ந்தரானங் ரதியாதி அந்தோனக³ரவாஸீனங் ரதிஅத்தா²ய.

அபரிதஸ்ஸாயாதி தாஸங் அனாபஜ்ஜனத்தா²ய. ஸாலியவகந்தி நானப்பகாரா
ஸாலியோ சேவ யவா ச. திலமுக³க³மாஸாபரண்ணந்தி திலமுக³க³மாஸா ச
ஸேஸாபரண்ணஞ்ச.

இதா³னி யஸ்மா ததா²க³தஸ்ஸ நக³ரே கம்மங் நாம நத்தி², நக³ரஸதி³ஸங்
பன அரியஸாவகங், நக³ரபரிக்கா²ரஸதி³ஸே ச ஸத்த த⁴ம்மே,
சதுஆஹாரஸதி³ஸானி ச சத்தாரி ஜா²னானி த³ஸ்ஸெத்வா ஏகாத³ஸுஸு
டா²னேஸு அரஹத்தங் பக்கி²பித்வா தே³ஸனங் வினிவட்டெஸ்ஸாமீதி அயங்
உபமா ஆப⁴தா. தஸ்மா தங் தே³ஸனங் பகாஸேதுங் இத³ங் ஏவமேவ
கோ²திஆதி³ ஆரத்த⁴ங். தத்த² ஸத்த⁴ம்மேஹீதி ஸுத⁴ம்மேஹி.
ஸத்தோ⁴தி ஓகப்பனஸத்தா⁴ய சேவ பச்சக்க²ஸத்தா⁴ய ச
ஸமன்னாக³தோ. தத்த² தா³னஸ்ஸீலாதீ³னங் ப²லங் ஸத்த³ஹித்வா
தா³னாதி³புஞ்ஞகரணே ஸத்தா⁴ ஓகப்பனஸத்தா⁴ நாம. மக்³கே³ன
ஆக³தஸத்தா⁴ பச்சக்க²ஸத்தா⁴ நாம. பஸாத³ஸத்தா⁴திபி ஏஸா ஏவ.
தஸ்ஸா லக்க²ணாதீ³ஹி விபா⁴கோ³ வேதி³தப்போ³.

“ஸம்பக்க²ந்த³னலக்க²ணா ச, மஹாராஜ, ஸத்தா⁴ ஸம்பஸாத³னலக்க²ணா
சா”தி (மி. ப. 2.1.10) ஹி வசனதோ இத³ங் ஸத்தா⁴ய லக்க²ணங் நாம. “தீஹி,
பி⁴க்க²வே, டா²னேஹி ஸத்தோ⁴ பஸன்னோ வேதி³தப்போ³. கதமேஹி
தீஹி? ஸீலவந்தானங் த³ஸ்ஸனகாமோ ஹோதீ³திஆதி³னா (அ. நி. 3.42) நயேன
வுத்தங் பன ஸத்தா⁴ய நிமித்தங் நாம. “கோ சாஹாரோ ஸத்தா⁴ய,
ஸத்த⁴ம்மஸ்ஸவனந்திஸ்ஸ வசனீய”ந்தி (அ. நி. 10.61) அயங் பனஸ்ஸா
ஆஹாரோ நாம. “ஸத்தா⁴பப்ப³ஜிதஸ்ஸ, பி⁴க்க²வே, பி⁴க்கு²னோ அயங்
அனுத⁴ம்மோ ஹோதி, யங் ரூபே நிப்பி³தா³ப³ஹுலோ விஹரிஸ்ஸதீ”தி
அயமஸ்ஸ அனுத⁴ம்மோ நாம. “ஸத்தா⁴ ப³ந்த⁴தி பாதெ²ய்யங், ஸிரீ
போ⁴கா³னமாஸயோ” (ஸங். நி. 1.79). “ஸத்தா⁴ து³தியா புரிஸஸ்ஸ ஹோதி”
(ஸங். நி. 1.36). “ஸத்தா⁴ய தரதி ஓக⁴ங்” (ஸங். நி. 1.246). “ஸத்தா⁴ பீஜங்
தபோ வுட்டி²” (ஸு. நி. 77; ஸங். நி. 1.197). “ஸத்தா⁴ஹத்தோ² மஹானாகோ³.
உபேகா²ஸேதத³ந்தவா”திஆதீ³ஸு பன ஸுத்தேஸு ஏதிஸ்ஸா
ப³த்த⁴ப⁴த்தபுடாதி³ஸரிக்க²தாய அனேகஸரஸதா ப⁴க³வதா பகாஸிதா.
இமஸ்மிங் பன நக³ரோபமஸுத்தந்தே ஏஸா அசலஸுப்பதிட்டி²ததாய
ஏஸிகாத²ம்ப⁴ஸதி³ஸா கத்வா த³ஸ்ஸிதா.

ஸத்³தே⁴ஸிகோதி ஸத்³த⁴ங் ஏஸிகாத²ம்ப⁴ங் கத்வா அரியஸாவகோ அகுஸலங் பஜஹதீதி இமினா நயேன ஸப்³பு³தே³ஸு யோஜனா காதப்³பா³. அபிசெத்த² ஹிரொத்தப்³பேஹி தீஸு த்³வாரேஸு ஸங்வரோ ஸம்பஜ்ஜதி, ஸோ சதுபாரிஸுத்³தி⁴ஸீலங் ஹோதி . இதி இமஸ்மிங் ஸுத்தே ஏகாத்³ஸஸு டா²னேஸு அரஹத்தங் பக்கி²பித்வா தே³ஸனாய கூடங் க³ஹிதந்தி வேதி³தப்³பங்.

4. த⁴ம்மஞ்ஞாஸுத்தவண்ணனா

68. சதுத்தே² காலங் ஜானாதீதி யுத்தப்பத்தகாலங் ஜானாதி. அயங் காலோ உத்³தே³ஸஸ்ஸாதி அயங் புத்³த⁴வசனங் உக்³க³ண்ஹனகாலோ. பரிபுச்சா²யாதி அத்தா²னத்த²ங் காரணாகாரணங் பரிபுச்சா²ய. யோக³ஸ்ஸாதி யோகே³ கம்மங் பக்கி²பனஸ்ஸ. படிஸல்லானஸ்ஸாதி நிலீயனஸ்ஸ ஏகீபா⁴வஸ்ஸ. த⁴ம்மானுத⁴ம்மப்படிபன்னோதி நவன்னங் லோகுத்தரத⁴ம்மானங் அனுருபத⁴ம்மங் புப்³பா⁴க³படிபத³ங் படிபன்னோ. ஏவங் கோ², பி⁴க்க²வே, பி⁴க்கு² புக்³க³லபரோபரஞ்ஞா ஹோதீதி ஏவங் பி⁴க்கு² புக்³க³லானங் பரோபரங் திக்க²முது³பா⁴வங் ஜானநஸமத்தோ² நாம ஹோதி.

5. பாரிச்சத்தகஸுத்தவண்ணனா

69. பஞ்சமே பன்னபலாஸோதி பதிதபலாஸோ. ஜாலகஜாதோதி ஸஞ்ஜாதபத்தபுப்²ஜாலோ. தஸ்ஸ ஹி பத்தஜாலஞ்ச புப்²ஜாலஞ்ச ஸஹேவ நிக்க²மதி. கா²ரகஜாதோதி பாடியேக்கங் ஸஞ்ஜாதேன ஸுவிப⁴த்தேன பத்தஜாலகேன ச புப்²ஜாலகேன ச ஸமன்னாக³தோ. குடுமலகஜாதோதி ஸஞ்ஜாதமகுளோ. கோரகஜாதோதி அவிகஸிதேஹி மஹாகுச்சீஹி ஸம்பி⁴ன்னமுகே²ஹி புப்²ஹி ஸமன்னாக³தோ. ஸப்³பாலிபுல்லோதி ஸப்³பாகாரேன ஸுபுப்பி²தோ. தி³ப்³பே³ சத்தாரோ மாஸேதி தி³ப்³பே³ன ஆயுனா சத்தாரோ மாஸே. மனுஸ்ஸக³ணனாய பன தானி த்³வாத்³ஸ வஸ்ஸஸஹஸ்ஸானி ஹொந்தி. பரிசாரெந்தீதி இதோ சிதோ ச இந்த்³ரியானி சாரெந்தி, கீளந்தி ரமந்தீதி அத்தோ².

ஆபா⁴ய பு²டங் ஹோதீதி தத்தகங் டா²னங் ஒபா⁴ஸேன பு²டங் ஹோதி. தேஸஞ்ஹி புப்பா²னங் பா³லஸூரியஸ்ஸ விய ஆபா⁴ ஹோதி, பத்தானி பண்ணச்ச²த்தப்பமாணானி, அந்தோ மஹாதும்ப³மத்தா ரேணு ஹோதி. புப்பி²தே பன பாரிச்சத்தகே ஆரோஹனகிச்சங் வா அங்குஸகங் க³ஹெத்வா நமனகிச்சங் வா புப்பா²ஹரணத்த²ங் சங்கோ³டககிச்சங் வா நத்தி², கந்தனகவாதோ உட்ட²ஹித்வா புப்பா²னி வண்டதோ கந்ததி, ஸம்படிச்ச²னகவாதோ ஸம்படிச்ச²தி, பவேஸனகவாதோ ஸுத⁴ம்மங் தே³வஸப⁴ங் பவேஸேதி, ஸம்மஜ்ஜனகவாதோ புராணபுப்பா²னி நீஹரதி, ஸந்த்²ரணகவாதோ

பத்தகண்ணிககேஸரானி ரஞ்ஜெந்தோ ஸந்த²ரதி. மஜ்ஜ²ட்டா²னே
த⁴ம்மாஸனங் ஹோதி யோஜனப்பமாணோ ரதனபல்லங்கோ உபரி
தியோஜனேன ஸேதச்ச²த்தேன தா⁴ரியமானேன, தத³னந்தரங் ஸக்கஸ்ஸ
தே³வரஞ்ஞோ ஆஸனங் அத்த²ரியதி, ததோ தெத்திங்ஸாய தே³வபுத்தானங்,
ததோ அஞ்ஞேஸங் மஹேஸக்கா²னங் தே³வானங், அஞ்ஞதரதே³வதானங்
புப்ப²கண்ணிகாவ ஆஸனங் ஹோதி. தே³வா தே³வஸப⁴ங் பவிஸித்வா
நிஸீத³ந்தி. ததோ புப்பே²ஹி ரேணுவட்டி உக்³க³ந்த்வா உபரிகண்ணிகங் ஆஹச்ச
நிபதமானா தே³வதானங் திகா³வுதப்பமாணங் அத்தபா⁴வங்
லாகா²ரஸபரிகம்மஸஜ்ஜிதங் விய ஸுவண்ணசுண்ணபிஞ்ஜரங் விய கரோதி.
ஏகச்சே தே³வா ஏகேகங் புப்ப²ங் க³ஹேத்வா அஞ்ஞமஞ்ஞங் பஹரந்தாபி
கீளந்தியேவ. பஹரணகாலேபி மஹாதும்ப³ப்பமாணா ரேணு நிக்க²மித்வா
ஸரீரங் பபா⁴ஸம்பன்னேஹி க³ந்த⁴சுண்ணேஹி ஸஞ்ஜதமனோஸிலாராக³ங்
விய கரோதி. ஏவங் ஸா கீளா சதுஹி மாஸேஹி பரியோஸானங் க³ச்ச²தி.
அயமானுபா⁴வோதி அயங் அனுப²ரிதுங் ஆனுபா⁴வோ.

இதா³னி யஸ்மா ந ஸத்தா² பாரிச்ச²த்தகேன அத்தி²கோ, தேன பன
ஸத்³தி⁴ங் உபமெத்வா ஸத்த அரியஸாவகே த³ஸ்ஸேதுகாமோ, தஸ்மா தே
த³ஸ்ஸேதுங் ஏவமேவ கோ²திஆதி³மாஹ. தத்த² பப்³ப³ஜ்ஜாய சேதேதீதி
பப்³ப³ஜிஸ்ஸாமீதி சிந்தேதி. தே³வானங்வாதி தே³வானங் விய. யாவ
ப்³ரஹ்மலோகா ஸத்தோ³ அப்³பு⁴க்³க³ச்ச²தீதி பத²விதலதோ யாவ
ப்³ரஹ்மலோகா ஸாது⁴காரஸத்தே³ன ஸப்³ப³ங் ஏகஸத்த³மேவ ஹோதி.
அயமானுபா⁴வோதி அயங் கீ²ணாஸவஸ்ஸ பி⁴க்கு²னோ
அனுப²ரணானுபா⁴வோ. இமஸ்மிங் ஸுத்தே சதுபாரிஸுத்³தி⁴ஸீலங்
பப்³ப³ஜ்ஜானிஸ்ஸிதங் ஹோதி, கஸிணபரிகம்மங்
பட²மஜ்ஜா²னஸன்னிஸ்ஸிதங், விபஸ்ஸனாய ஸத்³தி⁴ங் தயோ மக்³கா³ தீணி
ச ப²லானி அரஹத்தமக்³க³ஸன்னிஸ்ஸிதானி ஹோந்தி. தே³ஸனாய
ஹெட்ட²தோ வா உபரிதோ வா உப⁴யதோ வா பரிச்சே²தோ³ ஹோதி, இத⁴
பன உப⁴யதோ பரிச்சே²தோ³. தேனேதங் வுத்தங். ஸங்கே²பதோ பனெத்த²
வட்டவிவட்டங் கதி²தந்தி வேதி³தப்³ப³ங்.

6. ஸக்கச்சஸுத்தவண்ணனா

70. ச²ட்டே² பரிஸுத்³தா⁴ ச ப⁴விஸ்ஸந்தீதி பி⁴ய்யோஸோமத்தாய
பரிஸுத்³தா⁴ ப⁴விஸ்ஸந்தி நிம்மலா. ஸகம்மாரக³தோதி எத்த² ஸ-காரோ
நிபாதமத்தங், கம்மாரக³தோ கம்மாருத்த⁴னக³தோதி அத்தோ².

7. பா⁴வனாஸுத்தவண்ணனா

71. ஸத்தமே அனநுயுத்தஸ்ஸாதி ந யுத்தப்பயுத்தஸ்ஸ ஹுத்வா
விஹரதோ. ஸெய்யதா²பி, பி⁴க்க²வே, குக்குடியா அண்டா³னீதி இமா

கண்ணுபக்க²ஸுக்கபக்க²வஸேன த்³வே உபமா வுத்தா. தாஸு
கண்ணுபக்க²பமா அத்த²ஸ்ஸ அஸாதி⁴கா, இதரா ஸாதி⁴காதி
ஸுக்கபக்க²பமாய ஏவ அத்தோ² வேதி³தப்³போ³. ஸெய்யதா²தி ஓபம்மத்தே²
நிபாதோ. அபீதி ஸம்பா⁴வனத்தே². உப⁴யேனாபி ஸெய்யதா²பி நாம,
பி⁴க்க²வேதி த³ஸ்ஸேதி. குக்குடியா அண்டா³னி அட்ட² வா த³ஸ வா
த்³வாத³ஸ வாதி எத்த² பன கிஞ்சாபி குக்குடியா வுத்தப்பகாரதோ
ஊனாதி⁴கானிபி அண்டா³னி ஹொந்தி, வசனஸிலிட்ட²தாய பனேதங் வுத்தங்.
ஏவஞ்ஹி லோகே ஸிலிட்ட²ங் வசனங் ஹொதி. தானஸ்ஸுதி தானி அஸ்ஸு,
ப⁴வெய்யுந்தி அத்தோ². குக்குடியா ஸம்மா அதி⁴ஸயிதானீதி தாய
ஜனெத்தியா குக்குடியா பக்கே² பஸாரெத்வா தேஸங் உபரி ஸயந்தியா ஸம்மா
அதி⁴ஸயிதானி. ஸம்மா பரிஸேதி³தானீதி காலேன காலங் உதுங்
க³ண்ணாபெந்தியா ஸுட்டு² ஸமந்ததோ ஸேதி³தானி, உஸ்மீகதானீதி வுத்தங்
ஹொதி. ஸம்மா பரிபா⁴விதானீதி காலேன காலங் ஸுட்டு² ஸமந்ததோ
பா⁴விதானி, குக்குடக³ந்த⁴ங் கா³ஹாபிதானீதி அத்தோ².

கிஞ்சாபி தஸ்ஸா குக்குடியாதி தஸ்ஸா குக்குடியா இமங்
திவித⁴கிரியாகரணேன அப்பமாத³ங் கத்வா கிஞ்சாபி ந ஏவங் இச்சா²
உப்பஜ்ஜெய்ய. அத² கோ² ப⁴ப்³பா³வ தேதி அத² கோ² தே குக்குடபோதகா
வுத்தனயேன ஸொத்தி²னா அபி⁴னிப்³பி⁴ஜ்ஜிதுங் ப⁴ப்³பா³வ. தே ஹி யஸ்மா
தாய குக்குடியா ஏவங் தீஹாகாரேஹி தானி அண்டா³னி பரிபாலியமானானி ந
பூதீனி ஹொந்தி. யோபி நேஸங் அல்லஸினேஹொ, ஸோ பரியாதா³னங்
க³ச்ச²தி, கபாலங் தனுகங் ஹொதி, பாத³னக²ஸிகா² ச முக²துண்ட³கஞ்ச க²ரங்
ஹொதி, ஸயம்பி பரிணாமங் க³ச்ச²தி. கபாலஸ்ஸ தனுத்தா ப³ஹித்³தா⁴
ஆலோகோ அந்தோ பஞ்ஞாயதி, தஸ்மா “சிரங் வத மயங்
ஸங்குடிதஹத்த²பாதா³ ஸம்பா³தே⁴ ஸயிம்ஹ, அயஞ்ச ப³ஹி ஆலோகோ
தி³ஸ்ஸதி, எத்த² தா³னி நோ ஸுக²விஹாரோ ப⁴விஸ்ஸதீ”தி நிக்க²மிதுகாமா
ஹுத்வா கபாலங் பாதே³ன பஹரந்தி, கீவங் பஸாரெந்தி, ததோ தங் கபாலங்
த்³வேதா⁴ பி⁴ஜ்ஜதி. அத² தே பக்கே² விது⁴னந்தா தங்க²ணானுருபங்
விரவந்தா நிக்க²மந்தியேவ. நிக்க²மந்தா ச கா³மக்கெ²த்தங் உபஸோப⁴யமானா
விசரந்தி.

ஏவமேவ கோ²தி இத³ங் ஓபம்மஸம்படிபாத³னங். தங் ஏவங் அத்தே²ன
ஸங்ஸந்தெ³த்வா வேதி³தப்³ப³ங் - தஸ்ஸா குக்குடியா அண்டே³ஸு
அதி⁴ஸயனாதி³திவித⁴கிரியாகரணங் விய ஹி இமஸ்ஸ பி⁴க்கு²னோ
பா⁴வனங் அனுயுத்தகாலோ , குக்குடியா திவித⁴கிரியாஸம்பாத³னேன
அண்டா³னங் அபூதிபா⁴வோ விய பா⁴வனங் அனுயுத்தஸ்ஸ பி⁴க்கு²னோ
திவிதா⁴னுபஸ்ஸனாஸம்பாத³னேன விபஸ்ஸனாஞாணஸ்ஸ அபரிஹானி.
தஸ்ஸா திவித⁴கிரியாகரணேன அண்டா³னங் அல்லஸினேஹபரியாதா³னங்
விய தஸ்ஸ பி⁴க்கு²னோ திவிதா⁴னுபஸ்ஸனாஸம்பாத³னேன

ப⁴வத்தயானுக³தனிகந்திஸினேஹபரியாதா³னங், அண்ட³கபாலானங்
தனுபா⁴வோ விய பி⁴க்கு²னோ அவிஜ்ஜண்ட³கோஸஸ்ஸ தனுபா⁴வோ,
குக்குடபோதகானங் நக²துண்ட³கானங் த²த³த⁴பா⁴வோ விய பி⁴க்கு²னோ
விபஸ்ஸனாஞாணஸ்ஸ திக்²க²ரவிப்பஸன்னஸூரபா⁴வோ,
குக்குடபோதகானங் பரிணாமகாலோ விய பி⁴க்கு²னோ
விபஸ்ஸனாஞாணஸ்ஸ பரிணாமகாலோ வட்³டி⁴காலோ
க³ப³ப⁴க³ஹணகாலோ, குக்குடபோதகானங் பாத³னக²ஸிகா²ய வா
முக²துண்ட³கேன வா அண்ட³கோஸங் பதா³லெத்வா பக்கே² பப்போ²டெத்வா
ஸொத்தி²னா அபி⁴னிப்³பி⁴தா³காலோ விய தஸ்ஸ பி⁴க்கு²னோ
விபஸ்ஸனாஞாணக³ப³ப⁴ங் க³ணஹாபெத்வா விசரந்தஸ்ஸ தஜ்ஜாதிகங்
உதுஸப்பாயங் வா போ⁴ஜனஸப்பாயங் வா புக்³க³லஸப்பாயங் வா
த⁴ம்மஸ்ஸவனஸப்பாயங் வா லபி⁴த்வா ஏகாஸனே நிஸின்னஸ்ஸேவ
விபஸ்ஸனங் வட்³டெ⁴ந்தஸ்ஸ அனுபுப்³பா³தி⁴க³தேன அரஹத்தமக்³கே³ன
அவிஜ்ஜண்ட³கோஸங் பதா³லெத்வா அபி⁴ஞாபக்கே² பப்போ²டெத்வா
ஸொத்தி²னா அரஹத்தப்பத்தகாலோ வேதி³தப்³போ³.

யதா² பன குக்குடபோதகானங் பரிணதபா⁴வங் சூத்வா மாதாபி
அண்ட³கோஸங் பி⁴ந்த³தி, ஏவங் ததா²ருபஸ்ஸ பி⁴க்கு²னோ ஞாணபரிபாகங்
சூத்வா ஸத்தா²பி -

“உச்சி²ந்த³ ஸினேஹமத்தனோ, குமுத³ங் ஸாரதி³கங்வ பாணினா;
ஸந்திமக்³க³மேவ ப்³ருஹய, நிப்³பா³னங் ஸுக³தேன தே³ஸித³ந்தி. (த⁴.
ப. 285) -

ஆதி³னா நயேன ஓபா⁴ஸங் ப²ரித்வா கா³தா²ய அவிஜ்ஜண்ட³கோஸங் பஹரதி.
ஸோ கா³தா²பரியோஸானே அவிஜ்ஜண்ட³கோஸங் பி⁴ந்தி³த்வா அரஹத்தங்
பாபுணாதி. ததோ பட்டா²ய யதா² தே குக்குடபோதகா கா³மக்கெ²த்தங்
உபஸோப⁴யமானா தத்த² விசரந்தி, ஏவங் அயம்பி மஹா³கீணாஸவோ
நிப்³பா³னாரம்மணங் ப²லஸமாபத்திங் அப்பெத்வா ஸங்கா⁴ராமங்
உபஸோப⁴யமானோ விசரதி.

ப²லக³ண்ட³ஸ்ஸாதி வட்³ட⁴கிஸ்ஸ. ஸோ ஹி ஓலம்ப³கஸங்கா²தங்
ப²லங் சாரெத்வா தா³ருனங் க³ண்ட³ங் ஹரதி³ ப²லக³ண்டோ³தி வுச்சதி.
வாஸிஜடேதி வாஸித³ண்ட³கஸ்ஸ க³ஹணட்டா²னே. எத்தகங் மே அஜ்ஜ
ஆஸவானங் கீணந்தி பப்³ப³ஜிதஸ்ஸ ஹி பப்³ப³ஜ்ஜாஸங்கே²பேன
உத்³தே³ஸேன பரிபுச்சா²ய யோனிஸோமனஸிகாரேன வத்தபடிபத்தியா ச
நிச்சகாலங் ஆஸவா கீயந்தி. ஏவங் கீயமானானங் பன நேஸங் “எத்தகங்
அஜ்ஜ கீணங் எத்தகங் ஹிய்யோ”தி ஏவமஸ்ஸ ஞாணங் ந ஹோதி³தி அத்தோ².
இமாய உபமாய விபஸ்ஸனானிஸங்ஸோ தீ³பிதோ.

ஹேமந்திகேனாதி ஹேமந்தஸமயேன. படிப்பஸ்ஸம்ப⁴ந்தீதி
தி²ரபா⁴வேன பரிஹாயந்தி. ஏவமேவ கோ²தி எத்த² மஹாஸமுத்³தோ³ விய
ஸாஸனங் த³ட்ட²ப³பங், நாவா விய யோகா³வசரோ, நாவாய மஹாஸமுத்³தே³
பரியாயனங் விய இமஸ்ஸ பி⁴க்கு²னோ ஊனபஞ்சவஸ்ஸகாலே
ஆசரியபஜ்ஜா²யானங் ஸந்திகே விசரணங், நாவாய மஹாஸமுத்³த³உத³கேன
க²ஜ்ஜமானானங் ப³ந்த⁴னானங் தனுபா⁴வோ விய பி⁴க்கு²னோ
ப³ப³ஜ்ஜாஸங்கே²பேன உத்³தே³ஸபரிபுச்சா²தீ³ஹியேவ ஸங்யோஜனானங்
தனுபா⁴வோ, நாவாய த²லே உக்கி²த்தகாலோ விய பி⁴க்கு²னோ
நிஸ்ஸயமுத்தகஸ்ஸ கம்மட்டா²னங் க³ஹெத்வா அரஞ்ஞே வஸனகாலோ,
தி³வா வாதாதபேன ஸங்ஸுஸ்ஸனங் விய விபஸ்ஸனாஞானேன
தண்ஹாஸினேஹஸ்ஸ ஸங்ஸுஸ்ஸனங், ரத்திங் ஹிமோத³கேன தேமனங்
விய கம்மட்டா²னங் நிஸ்ஸாய உப்பன்னேன பீதிபாமோஜ்ஜேன சித்ததேமனங்,
ரத்திந்தி³வங் வாதாதபேஹி சேவ ஹிமோத³கேன ச பரிஸுக்க²பரிதிந்தானங்
ப³ந்த⁴னானங் து³ப³ப³லபா⁴வோ விய விபஸ்ஸனாஞாணபீதிபாமோஜ்ஜேஹி
ஸங்யோஜனானங் பி⁴ய்யோஸோமத்தாய து³ப³ப³லபா⁴வோ,
பாவுஸ்ஸகமேகோ⁴ விய அரஹத்தமக்க³ஞாணங், மேக⁴வுட்டி²உத³கேன
நாவாய அந்தோபூதிபா⁴வோ விய ஆரத்³த⁴விபஸ்ஸகஸ்ஸ
ரூபஸத்தகாதி³வஸேன விபஸ்ஸனங் வட்³டெ⁴ந்தஸ்ஸ ஒக்கா²யமானே
பக்கா²யமானே கம்மட்டா²னே ஏகதி³வஸங் உதுஸப்பாயாதீ³னி லத்³தா⁴
ஏகபல்லங்கேன நிஸின்னஸ்ஸ அரஹத்தப²லாதி⁴க³மோ. பூதிப³ந்த⁴னாய
நாவாய கிஞ்சி காலங் டா²னங் விய கீணஸங்யோஜனஸ்ஸ அரஹதோ
மஹாஜனங் அனுக்க³ணஹந்தஸ்ஸ யாவதாயுகங் டா²னங், பூதிப³ந்த⁴னாய
நாவாய அனுபு³பேன பி⁴ஜ்ஜித்வா அபண்ணத்திகபா⁴வூபக³மோ விய
கீணாஸவஸ்ஸ உபாதி³ன்னக்க²ந்த⁴பே⁴தே³ன அனுபாதி³ஸேஸாய
நி³பா³னதா⁴துயா பரினி³பு³தஸ்ஸ அபண்ணத்திகபா⁴வூபக³மோதி இமாய
உபமாய ஸங்யோஜனானங் து³ப³ப³லதா தீ³பிதா.

8. அக்³கி³க்க²ந்தோ⁴பமஸுத்தவண்ணனா

72. அட்ட²மங் அத்து²ப்பத்தியங் கதி²தங். அத்து²ப்பத்தி பனஸ்ஸ ஹெட்டா²
துளச்ச²ராஸங்கா⁴தஸுத்தவண்ணனாய (அ. நி. அட்ட². 1.1.51 ஆத³யோ)
வித்தா²ரிதா ஏவ. பஸ்ஸத² நோதி பஸ்ஸத² நு. ஆலிங்கி³த்வாதி
உபக³ஹித்வா. உபனிஸீதெ³ய்யாதி ஸமீபே நிஸ்ஸாய நிஸீதெ³ய்ய.
உபனிபஜ்ஜெய்யாதி உபக³ந்த்வா நிபஜ்ஜெய்ய. ஆரோசயாமீதி ஆசிக்கா²மி.
படிவேத³யாமீதி படிவேதெ³த்வா ஜானாபெத்வா கதே²மி. வாலரஜ்ஜயாதி
அஸ்ஸவாலகோ³வாலேஹி வட்டிதரஜ்ஜயா. பச்சோரஸ்மிந்தி உரமஜ்ஜே².
பே²ணுத்³தே³ஹகந்தி பே²ணங் உத்³தே³ஹித்வா, உஸ்ஸாதெ³த்வாதி அத்தோ².
அத்தத்த²ந்தி அத்தனோ தி³ட்ட²த⁴ம்மிகஸம்பராயிகலோகியலோகுத்தரங்
அத்த²ங். பரத்தோ²ப⁴யத்தே²ஸுபி ஏஸேவ நயோ. ஸேஸமெத்த² யங்

வத்தப்³ப³ங் ஸியா, தங் ஸப்³ப³ங் சூளச்ச²ராஸங்கா⁴தஸுத்தஸ்ஸ (அ. நி. 1.51 ஆத³யோ) அத்து²ப்பத்தியங் கதி²தமேவ. இத³ஞ்ச பன ஸுத்தங் கதே²த்வா ஸத்தா² சூளச்ச²ராஸங்கா⁴தஸுத்தங் கதே²ஸி. நவமங் உத்தானத்த²மேவ.

10. அரகஸுத்தவண்ணனா

74. த³ஸமே பரித்தந்தி அப்பங் தோ²கங். தஞ்ஹி ஸரஸபரித்ததாயபி க²ணபரித்ததாயபி டி²திபரித்ததாயபி பரித்தமேவ. லஹுங் உப்பஜ்ஜித்வா நிருஜ்ஜ²னதோ லஹுகங். மந்தாயங் பொ³த்த³த⁴ப்³ப³ந்தி மந்தாய பொ³த்த³த⁴ப்³ப³ங், பஞ்ஞாய ஜானிதப்³ப³ந்தி அத்தோ². பப்³ப³தெய்யாதி பப்³ப³தஸம்ப⁴வா. ஹாரஹாரினீதி ருக்க²ளளவேளுஆதீ³னி ஹரிதப்³ப³னி ஹரிதுங் ஸமத்தா². ஸேஸங் ஸப்³ப³த்த² உத்தானத்த²மேவாதி.

மஹாவக்³கோ³ ஸத்தமோ.

8. வினயவக்³கோ³

1. பட²மவினயத⁴ரஸுத்தவண்ணனா

75. அட்ட²மஸ்ஸ பட²மே ஆபத்திங் ஜானாதீதி ஆபத்திங்யேவ ஆபத்தீதி ஜானாதி. ஸேஸபதே³ஸுபி ஏஸேவ நயோ.

2. து³தியவினயத⁴ரஸுத்தவண்ணனா

76. து³தியே ஸ்வாக³தானீதி ஸுஆக³தானி ஸுப்பகு³ணானி. ஸுவிப⁴த்தானீதி கொட்டா²ஸதோ ஸுட்டு² விப⁴த்தானி . ஸுப்பவத்தீனீதி ஆவஜ்ஜிதாவஜ்ஜிதட்டா²னே ஸுட்டு² பவத்தானி த³ள்ஹப்பகு³ணானி. ஸுவினிச்சி²தானீதி ஸுட்டு² வினிச்சி²தானி. ஸுத்தஸோதி விப⁴ங்க³தோ. அனுப்யஞ்ஜனஸோதி க²ந்த⁴கபரிவாரதோ.

3. ததியவினயத⁴ரஸுத்தவண்ணனா

77. ததியே வினயே கோ² பன டி²தோ ஹோதீதி வினயலக்க²னே பதிட்டி²தோ ஹோதி. அஸங்ஹீரோதி ந ஸக்கா ஹோதி க³ஹிதக்³ஹணங் விஸ்ஸஜ்ஜாபேதுங்.

9. ஸத்து²ஸாஸனஸுத்தவண்ணனா

83. நவமே ஏகோதி அது³தியோ. லூபகட்டோ²தி காயேன க³ணதோ, சித்தேன கிலேஸேஹி லூபகட்டோ² விவேகட்டோ² து³ரீபூ⁴தோ. அப்பமத்தோதி ஸதிஅவிப்பவாஸே டி²தோ. பஹிதத்தோதி பேஸிதத்தோ. நிப்³பி³தா³யாதி வட்டே உக்கண்ட²னத்தா²ய. விராகா³யாதி ராகா³தீனங் விரஜ்ஜனத்தா²ய. நிரோதா⁴யாதி அப்பவத்திகரணத்தா²ய. லூபஸமாயாதி கிலேஸலூபஸமாய அப்பவத்தியா. அபி⁴ஞ்ஞாயாதி திலக்க²ணங் ஆரோபெத்வா அபி⁴ஜானந்தா²ய. ஸம்போ³தா⁴யாதி மக்³ஸங்கா²தஸ்ஸ ஸம்போ³த⁴ஸ்ஸ அத்தா²ய. நிப்³பா³னாயாதி நிப்³பா³னஸ்ஸ ஸச்சி²கரணத்தா²ய.

10. அதி⁴கரணஸமத²ஸுத்தவண்ணனா

84. த³ஸமே அதி⁴கரணானி ஸமெந்தி லூபஸமெந்தீதி அதி⁴கரணஸமதா². உப்பன்னுப்பன்னானந்தி உப்பன்னானங் உப்பன்னானங். அதி⁴கரணானந்தி விவாதா³தி⁴கரணங் அனுவாதா³தி⁴கரணங் ஆபத்தாதி⁴கரணங் கிச்சாதி⁴கரணந்தி இமேஸங் சதுன்னங். ஸமதா²ய லூபஸமாயாதி ஸமத²த்த²ஞ்சேவ லூபஸமனத்த²ஞ்ச. ஸம்முகா²வினயோ தா³தப்³போ³...பே...

திணவத்தா²ரகோதி இமே ஸத்த ஸமதா² தா³தப்³பா³. தேஸங் வினிச்ச²யோ
வினயஸங்வண்ணனதோ (சூளவ. அட்ட². 186-187 ஆத³யோ) க³ஹேதப்³போ³.
அபிச தீ³க⁴னிகாயே ஸங்கீ³திஸுத்தவண்ணனாயம்பி (தீ³. நி. அட்ட². 3.331
அதி⁴கரணஸமத²ஸத்தகவண்ணனா) வித்தா²ரிதோயேவ, ததா²
மஜ்ஜி²மனிகாயே ஸாமகா³மஸுத்தவண்ணனாயாதி (ம. நி. அட்ட². 3.46).

வினயவக்³கோ³ அட்ட²மோ.

இதோ பரானி ஸத்த ஸுத்தானி உத்தானத்தா²னேவ. ந ஹேத்த² கிஞ்சி
ஹெட்டா² அவுத்தனயங் நாம அத்தீ²தி.

மனோரத²பூரணியா அங்கு³த்தரனிகாய-அட்ட²கதா²ய

ஸத்தகனிபாதஸ்ஸ ஸங்வண்ணனா நிட்டி²தா.